



Bibliotheca
majori Coll. Rom.
Societ. Jesu

7-4-a-48

61

F


36

61

F

36

7. 11. 8. 14



THE SAVRVS TERRAE SANCTAE

QVEM SERAPHICA MINORVM RELIGIO
de Obseruantia inter Infideles, per trecentos
& amplius annos religiosè custodit,
fideliterque administrat.

EMINENTISSIMIS,
AC REVERENDISSIMIS
DD. CARDINALIBVS


S. Congregationis de Propaganda Fide dicatus.

A V T H O R E

R. ADM. P. F. DIDACO DE CEA AGVDENSI
*Hispano, eiusdem Ordinis Lectore Iubilato, Almae Ange-
lorum Prouinciae, & Ordinis Patre, ac in Romana
Curia Commissario Generali.*



Legas



M. C. C.



ROMAE, Typis S. Congreg. de Fide Propaganda;
MDCXXXIX.

SVPERIORVM LICENTIA.

27



EMINENTISSIMIS,
ET REVERENDISSIMIS
DD. CARDINALIBVS
S. CONGREG. DE PROPAG. FIDE.

Frater Didacus de Cea aeternam felicitatem.



AVSTISSIMO nunquam interiturae
celebritatis praefigio, PRINCIPES EMI-
NENTISSIMI, Thesaurum Terræ sanctæ
in publicum profero, non nouum ingenij
mei partum, quamquam profectò infir-
mum, & informem, quemque inter fre-
quentissimas mei muneris occupationes nec satis fingere
licuit, nec expolire. Quapropter veriùs abieciſſe videor,
quàm peperisse. Idcirco non EE. VV. manibus tractan-
dum: sed pedibus subſternendum obſequioſus deuoueo.
Nec verò Mercatoris Euangelici conſilium libuit amplecti,
qui theſaurum inuentum depredari metuens abſcondit læ-
tabundus: Quia ſub tantorum Principum patrocini-
o, nec Prædones timeo, nec blaterones. Non Prædones, quia nihil
magis in votis mihi eſt, quàm vt theſaurus noſter diripiatur.
Purpuratus ille Pater, & Eccleſiæ Doct̃or clariffimus Eusto-
chium admonebat, vt animę theſaurum portaret occultum,
quia ſui publicatione periclitabatur. Ita planè eſt: At theſau-
rus iſte, quem non gemmis opulentum, non auro diuitem,
non peregrina ſupelleſtile onuſtum: Sed ſacris humanæ Re-
demptionis myſterijs reſertiſſimum produco, ſola occulta-
tione periclitatur: nuſquam ſecurior, quàm dum oculis cer-



nitur, manibus euoluitur, & meditatione curiosius pertractatur. Et qui Prædonum assultus non reformido; nec etiam obloquentium vellicationes pertimesco. Quis enim licet procacissimus ausit impetere? Quod vestrum, PRINCIPES EMINENTISSIMI, Patrocinium protegit, fouet gratia, beneuolentia prosequitur, & æstimandum potius, quàm cavillationibus feriendum suo reddit imperio, protectioneq. tutatur. Laudauit olim Rupertus Machabeorum consilium, qui, ~~ut~~ Dei fauorẽ, & gratiã, quàm ambitiosius precabatur, demereri possent, Nazaræos in Dei conspectu constituerunt: Et qui tales sibi Patronos delegerant, non poterant obsecrationum suarum affectibus defraudari. Iam Thesauro meo totius Orbis gratiam, plausus, fauoremque mihi polliceor: Qui Patronos cooptraui, Nazaræis longè præstantiores. Quid de Nazaræis Patheticus Vates? *Candidiores, ait, Nazaræi eius niue, nitidiores lacte, rubicundiores ebore antiquo, Saphiro pulchrior.* Pro superi: quàm viuis, ut aiunt, coloribus expressit Sacrum Purpuratorum Patrum, & EMINENTISSIMORVM PRINCIPVM Senatum de Propaganda Fide. Niuiscandor, lactis nitor, eboris rubor, Saphiri pulchritudo, puritatis candorem, doctrinæ studium, Fidei propagandę zelum, cælestium amorem repræsentant, quibus Purpuratus iste Sacerq. Senatus efflorescit. Plurimi ergo thesauri mei supellectilem æstimandam augur minimè vanus præfagio: non solum quia ipsius diuitię Orientis opibus sunt pretiosiores: sed quia sub tali patrocinio, quod fortunæ mihi secundantis impulsu ambitiosius conquisiui, thesauri pretium, Operis exigui tenuitas, Authoris nomen quoduis monumentum, & regalem Pyramidum sublimitatem, æstimatione, magnitudine, celebritate superabit.

FACULTAS ORDINIS.

Fater Didacus de Cœa Ordinis Minorum, Lector iubilatus, Almæ Angelorum Prouinciæ, & Ordinis Pater, necnon Collegij S. Isidori in Vrbe Superior, ac in Romana Curia pro vniuersa Vlttramontana familia Commissarius Generalis. Cum *Thesaurum Terræ Sanctæ* a nobis elucubratum viris scientia, eruditioneque præcellentibus censendum commiserimus, & approbandum: Facultatem impertimur vt typis mandetur, obtenta prius a Reuerendissimo Sacri Palatij Magistro licentia, vt imprimatur. Datum Romæ in Conuentu Aracælitano, die 10. Aprilis Ann o 1639.

Fr. Didacus de Cœa Commiss. Gen. Curix.

De mandato sua Reuerendæ admodum Paternitatis.

Fr. Franc. de Aguilar Curix Secretarius.

Censura Operis.

*Per R. A. P. Fr. Sanctorum de Melfi Ordinis Minorum strictiorisque
Obseruantia, Sac. Theologiæ Lectorem & Concionatorem Genera-
lem Romanæ Prouinciæ Custodem, Reformationis Patrem, ac
in S. Pœnitentiaria Lateranensi S. D. N. PP. Præsidem.*

Thesaurum, in Orbis medietullo, humanæ redemptionis oeconomia consummatum, temporis diuturnitate squallidum, difficultatum dumetis obsessum, draconum infidelibus ricibus impeditum: Seraphicæ autem Religionis impigra sedulitate, & custoditum, & peruium: Quem diuinorum, humanorumque Annalium, euolutione Reu. Ad. P. Fr. Didacus de Cœa Ordinis nostri Lector iubilatus, Almæ Angelorum Prouinciæ, & Ordinis Pater, ac in Romana Curia Commissarius Generalis labore, æquè ac pietate defodit, & omnibus conspiciendum exponit (dubio procul quod deprædari desideret, qui *Thesaurum Terræ Sanctæ* publicè portat in via) Ego, cui à S. R. Ad. Paternitate pro censura Religionis commissus fuit, non solum approbo, & cudi posse censeo, sed vt quam citius fiat exopto. Christi enim Domini Mysterijs, & Seraphici Parentis

Parentis gloriæ verè seruus, verè filius collaborat. Ita censeo, ex Collegio Pœnitentiariorum die 15. Aprilis 1639.

Fr. Sanctorus de Melfi, qui supra,

Imprimatur si videbitur Reuerendiss. P. Mag. Sac. Palatij Apost.
Io. Bapt. Alterius Episc. Camer.

Censura Operis.

Reu. Adm. P. Fr. Ioannis Gonzales de Leon Mag. & Reg. in Collegio S. Thomæ Aquinatis apud S. Mariam super Mineruam.

EX ordine Reuerendissimi Patris Sacri Palatij Apostolici Magistri Fr. Nicolai Riccardij maxima cum voluptate perlegi opusculum, cuius titulus est, *Thesaurus Terræ Sanctæ, &c.* in duos libros distinctum, elaboratum ab A. R. P. Fr. Didaco de Cea, Agudensi Hispano, Ordinis Minor. Lectore Iubilato, Almæ Angelorum Prouinciæ, & Ord. Patre; ac in Rom. Curia Commiss. Gensli Author idem ipse est in paruis, qui & in magnis; *Thesaurum Terræ Sanctæ* eruditionis Thesauro illustrat; pijsissima nostræ redemptionis loca graphicè depingit, ad Seraphici Patris amorem vehementer accendit, dum in illo imaginem Christi crucifixi ad viuum exaratam ostendit. Ius custodiendi Thesaurum, sanctamque incolendi terram apud Seraphicam familiam iam diu extitisse euidenter demonstrat, efficaciter conuincit: Fidem Christi auget; Mores Religiosos componit. Lucem videat, vt omnibus lucem, & ardens desiderium Thesaurum pretiosissimum inueniendi afferat. Decima septima Aprilis. Anno 1639. Romæ in Collegio S. Thomæ Aquinatis apud S. Mariam super Mineruam.

Fr. Ioannes Gonzales de Leon Mag. & Reg.

Imprimatur.

Fr. Nicolaus Riccardius Sac. Palatij Apost. Mag. Ord. Præd.

LE-

LECTORI OPTIMO.

NEGOTIATOR ille Evangelicus, Optime Lector, pretiosam margaritam, & thesaurum in agro absconditum reperiens, omnia bona sua præ gaudio vendidit, vt Margaritæ Dominus, & thesauri fieret possessor. Sua negotiari sedula inquisitio Thesaurum contulit: At tibi non quærenti, & fors minimè cogitanti inter tot muneris nostri negotia Thesaurum Terræ sanctæ celestibus diuitijs opulentissimum offero, quem sedulo quæsitum, feliciter inuentum, & à Minoribus de Obseruantia iamdiu possessum Stilo nostro, quo non otiosus feror, illustraui: Non Scythicas hic gemmas, aut indicos inuenies amethystos, vel rubentis maris grana candentia, quæ electissimo & operosissimo descrobes auro, sed Redemptionis nostræ, Christi illic nascentis, uiuentis, ac morientis mysteria meditatione recolenda. Urbis Hierosolymitanæ vastationem Patheticus Vates lamentatus, dicebat: Dispersi sunt lapides Sanctuarij in capite omnium platearum. Pro quo legunt Hebræi, effusa sunt margaritæ sanctæ, hoc est, guttæ sanguinis, quæ è Iosæ Regis, illic vulnerrati, & occisi corpore defluentes urbis illius vias resperferunt. Longè pretiosiores Thesaurus noster, amice Lector, tibi margaritas ostentat, guttas sanguinis non Iosæ, sed Iesu, qui ibi sudore fluens sanguineo, & multimodè à tortoribus casus terram illam reddidit purpurantem. Has quia manu non licèt, mente collige, corde amplectere, optimum est aurum, vt has margaritas in te possis includere. Etenim, vt disertè monuit D. Ambrosius, margaritæ non nisi auro inseruntur: Et quando corpore nequis tangere, tange mente. Ille alius Imperator exutis vestibus inter auri numismata in thesauro suo coaceruata delicio-

sus.

sius volutabatur. Hominis auaritia, & Gentilis Studium, Christiane Lector felicius emulare, teque terrenis affectibus exutum, non inter numinos, sed inter Redemptionis monumenta identidem meditando reuersa. Hoc mihi gratissimum erit thesauri pretium, hec merces, & uberrima laboris compensatio: Cui animum adieci, ut aliquorum conatus eluderm, qui ad obtinendam sanctorum locorum possessionem aspirarunt. Cumq. Eminentissimis & Reuerendissimis Dominis Cardinalibus Sacrae Congregationis de Propaganda Fide, producta plusquam trecentum annorum experientia comprobauerim sacerrimum Terra sancta thesaurum nusquam melius habiturum, quam dum Fratrum Minorum de Obseruantia administrationi custodiq. traderetur: Causam penes Eminentissimos Iudices euici & antiquam possessionem quasi paterno Iure quasitam nouis decretis firmam stabilemq. reddiderunt. Hic laboris mei scopus, hec studij causa, hic thesauri componendi finis: in quo plurima inuenies parum culta, quaeque ultimam iudicii limam expectabant, festinandum tamen fuit, & partus ante maturitatem effundendus. Lege, faue, ignosce, Vale.

INDEX

CAPITVLORVM, ET PARAGRAPHORVM,
quæ in toto Opere continentur.

EX LIBRO PRIMO.

CAPVT I.

B Reuis totius Palæstinæ descriptio contextitur, & an-
filij Israel totam promissionis terram possederint
obiter ventilatur. pag. 2.

CAPVT II.

Sancta Dei Ciuitas Hierusalem describitur, & qualis a pri-
ma sui fundatione ad Christi tempora, postmodumq.
sub impiorum dominio extiterit, declaratur. pag. 10.

CAPVT III.

Mons Sion sanctitate memorandus, & regia Dauidis citha-
ra cantatissimus spatium præbuit, in quo primus Se-
raphicæ Religionis Conuentus inter infideles extru-
ctus recensetur. pag. 15.

CAPVT IV.

Mærenti Ecclesiæ, & propter locorum Terræ Sanctæ ia-
cturam illachrymanti, Seraphica Minorum Religio

de Observantia lachrymas absterfit, dum talium loco-
rum reparatrix fieri promeruit . pag. 27.

CAPVT VI.

Hierosolymitanis rebus vltima pene ruina sepultis Sanctus
Franciscus possessor nouus, & Terræ Sanctæ apud Sa-
racenos mysticus reparator susciatur, labentisque Ec-
clesiæ Seraphicus Atlas, Deo providente substituitur.

pag. 36.

CAPVT VII.

Sancti Francisci natiuitatem, Ordinis ipsius institutionem,
& apud Saracenos prædicationem Sacri Vates multis
retro sæculis prænunderunt . pag. 51.

§. I. Ioannes Apoc. 4. sub Angeli figura Franciscum in Or-
bem venturum præsignauit . pag. 52.

§. II. Aliud de S. Francisco Vaticinium nouitate, & admi-
ratione commendatum proponitur . pag. 54.

§. III. Reliqua prophetiæ pars contextitur, & de eodem B.
P. Francisco luculenter explicatur . pag. 65.

§. IV. Tribus item vaticinijs Franciscus in mundum ven-
turus Saracenisque prædicaturus præsignatur . pag. 72.

CAPVT VIII.

Sanctus Franciscus nascens, viuens, moriensque maiorem
præ cæteris Sanctis Christo similitudinem expressit
Vnde maius sibi ius comparatur, vel loca sancta inhabi-
taret,

taret, quæ hominum Redemptor natiuitate, vita, morte consecrauit. pag. 77.

§. I. Sancti Francisci natiuitas Christi natiuitatem retulit. pag. 78.

§. II. Sanctus Franciscus viuens expressa Christi viuentis similitudo comparuit. pag. 86.

§. III. Franciscus duodecim perfectionibus internâ Christi similitudinem retulit, quibus tota ipsius vita quasi stellis distinguitur, & coronatur. pag. 93.

§. IV. In Sancti Francisci Magisterio, schola, discipulatu, quædam in his omnibus Christi Præceptoris imago cernebatur. pag. 122.

§. V. S. Franciscus ad Christi emulationem admirandum in mari se præbuit: ipsiusque transfiguratio Saluatoris transfigurationem in plurimis representauit. pag. 126.

§. VI. S. Franciscus aquam immutans in vinum, & plurimos modico pane saturans Christo similem se præstiterit. pag. 136.

§. VII. Dum Franciscus miracula ederet, quædam in ijs patrands Christi effigies relucebat. pag. 141.

§. VIII. Humani cordis abscondita perspiciendi facultas Beato Francisco ad Christi imitationem concessa memoratur. pag. 147.

§. IX. Christo Domino Orbis Creatori omnia famulabantur elementa: & Francisco ipsius imaginem referenti eundem exhibebant famulatum. pag. 152.

§. X. Communis hominum applausus, & honor Franciscum sequebatur, vt olim Christum, cuius in Francisco similitudinem reuerentur. pag. 156.

§. XII. Sacra B. Francisco stigmata imprimuntur, ut sicut internam Christi similitudinem iam habebat, sic eandem in corpore signatus exterius representaret. pag. 160.

§. XIII. Christus Dominus, & non alius B. Francisco pretiosa stigmatum signa proprijs manibus excussit. Sic enim iam Zachariæ Vaticinio fuerat prænuntiatur. pag. 165.

§. XIV. Christi imago per stigmatum impressionem in B. Francisco efflorescens, perpetua est, ac indelibilis: Unde resurrecturo, & inter cælices constituto splendidior remanebit. pag. 173.

§. XV. Similitudo per stigmatum impressionem Francisco data, tam in vita, quam in morte prodigijs claruit. pag. 176.

§. XVI. Christus resurgens apertas in corpore plagas, & penetrantes retinuit; sicque in B. Francisco resurrecturo statuit, ut stigmata eodem modo perseverarent, & tam in cælo, quam in finibus ad plagarum retentionem intentis, Christo similis videatur. pag. 181.

§. XVII. Alij fines recensentur quorum aspectu Christus plagas suas retinuit, & in Francisco stigmata velut in imagine sua conseruabit. pag. 186.

§. XVIII. Christi cum discipulis ultimo cænantis imaginem imitatus est Franciscus, & in alijs morituri præludijs ei similis fieri studuit. pag. 193.

§. XIX. S. Franciscus moriens Christo morienti similis apparuit. pag. 196.

§. XX. Christi similitudo quæ in B. Francisco nascente, viueute, morienteque enituit, maius ipsi ius contulit, ut præ

præ alijs Sanctorum locorum thesauris spiritualis possessor existeret.

CAPVT VIII.

Plures proponuntur fines, propter quos Sedes Apostolica, & Reges Catholici Minoritas Obseruantes Sanctorum locorum apud Hierosolymam Custodes solos, administratoresque delegerunt. pag. 206.

§. I. Primi finis ab Ecclesia intenti conuenientia, necessitasque aperitur. pag. 207.

§. II. Finis secundus expenditur, cui strictissima Minorum paupertas plurimum suffragatur. pag. 212.

§. III. Tertius Ecclesiæ finis declaratur. pag. 215.

§. IV. Expenditur finis quartus ab Ecclesia propositus. pag. 221.

§. V. Quintus Ecclesiæ finis exponitur. pag. 225.

§. VI. Finis sextus proponitur, videlicet, Ecclesiæ, Sedisque Apostolicæ proprietas, & dominium nunquam amouendum. pag. 229.

CAPVT IX.

Fallax Græcorum astutia dolo, & pretio quædam ex sanctis locis à Minoribus terno iam æuo possessa per aliquod tempus obtinuit. pag. 232.

EX LIBRO SECVNDO.

CAPVT I.

Guardiani Montis Sion officium, dignitas, priuilegia, & quanta sit ditionis amplitudo inculcatur. pag. 242.

§. I. Guardianus Hierosolymæ charitatem erga omnes præsertim peregrinos illuc vndique concurrentes exerceat. pag. 243.

§. II. Solymæ Guardianus cunctis in Terra sancta degentibus forma factus præluceat vitæ exemplo. pag. 249.

§. III. Ad prudentiæ lumen actus omnes in custodiendo Terræ sanctæ thesauro tractandaque animarum salute Guardianus componat. pag. 254.

§. IV. Ad laborum tolerantiam, & ipsum quoque martyrium sustinendum Montis Sion Guardianus fortitudine se communiat, & patientia obduret. pag. 260.

§. V. Priuilegia referuntur, quibus Montis Sion Guardianus Summorum Pontificum concessione perfruitur. pag. 265.

§. VI. Solymæ Guardianus Pontificalibus paramentis indutis sacros Maiores hebdomadæ ritus, ac cerimonias inspectante omnium fere gentium multitudine peragit. pag. 273.

CAPVT II.

De Commissarijs Terræ sanctæ, qui ad colligendas eleemosynas, & illuc deferendas eliguntur. pag. 286.

§. I. Acceptissima Deo est eleemosynarum largitio, quæ à fide.

fidelibus pro sacrorum locorum administratione tribuuntur. pag. 289.

CAPUT III.

Regia quædam via sternitur, ut per eam incedentes Terræ sanctæ Commissarij pecuniarias pro sanctis locis elemosynas quærere: illucque transportare queant, & Regulæ transgressores non inueniantur. pag. 294.

§. I. Possunt Minores de Obseruantia ad sanctorum locorum conseruationem pecuniarum elemosynas, seu nummos colligere, quin regulæ puritatem aliquatenus lædant. pag. 295.

§. II. Minoribus fas est conquisitas pro terra sancta elemosynas illuc personaliter transferre, vel transferentes comitari, quousque Guardiano Hierosolymitano consignentur. pag. 304.

CAPUT IV.

Minores Hierosolymæ degentes annua legata sibi perpetuo reddenda pro sanctorum locorum administratione capere possunt, citra strictissimæ suæ paupertatis offensam. pag. 307.

§. I. exponitur modus quo minores legata perpetua obtinendi capaces habeantur. pag. 308.

§. II. Regulæ puritati non obstat quod Minores de Obseruantia, sub prædictis modis legata sibi gratuito relicta, siue temporaria sint, siue perpetua nanciscantur. pag. 311.


§. III. Quid

§. III. Quid Fratres Minores agere debeant antequam legata perpetua sibi gratuito relicta acceptent. pag. 317.

§. VI. Fratrum Minorum Regulæ contrarium non est, ut annui redditus legata, sub Missarum, & officiorum onere relicta comparare possint. pag. 323.

§. V. Loca Terræ sanctæ, & aliæ Ecclesiæ, in quibus Fratres Minores tanquam Ministri existunt, legata accipere, & hæredes institui possunt.

§. VI. Productis exemplaribus, & Summorum Pontificum constitutionibus traditæ de legatis perpetuis resolutiones stabiluntur. pag. 345.






LIBER PRIMVS.

SERAPHICVS P. S. FRANCISCVS,

& Religio per ipsum fundata, ius obtinent ex ordinatione diuina, vt thesaurum sanctorum locorum Hierosolymæ custodiant, & administrent; ac inter Saracenos Mahometi sectatores inhabitent, ipsos ad Christianam fidem pertracturi.



OELESTIS Sponsus vineæ suæ custodem deputauit Spōsam, vtpotē quæ amoris facibus agitata nusquam dormiret; sed pernox, & vigil excubaret. Amor enim oculatam reddidit, & animosam, vigilantem, & fortem; vt vigilās furunculorum assultus prospiceret, & fortis propulsaret. Christi vinea est Hierosolyma, *quæ facta est dilecto in cornu filio olei*. Ibi torcular crucis, ibi Redemptionis thesaurus, ibi salutis humanæ monumenta seruantur: ibi non iam paruulæ stabulant vulpeculæ, quas Sponsa capi adhortabatur: sed lupi rapaces, ferocissimi Leones, & Pardi, hoc est, Saraceni Mahometi sectatores accubant. Quapropter Dei ordinatione Seraphicus adhibendus erat custos, Franciscum dico, seraphico amore inflammatum, qui impauidus; & vigil, non poma aurea ab insomni olim dracone malè custodita, sed sacra loca, Redemptionis thesaurum, fideliter custodiret, prudenterque administraret. Franciscus

Cā. 1. n. 5.

*Isa. cap. 5.
num. 1.*

*Cant. 2.
num. 15.*

A hic

Can. 1.
num. 5.

Rom. 10.

num. 15.

Isa. 6. v. 8.

Genes. 48.

num. 22.

hic ille est, qui non immeritò dicere potest. *Posuerunt me custodem in vineis, & vineis Engadi*. Verè enim custos positus est, qui custodiam nō arripuit, sed Dei ordinatione suscepit. Non semetipsum introduxit, vt fieret custos, sed repetitis à coelo monitis ad custodiendam vineam euocatur. Nouerat enim D. Pauli sententiā dicētis. *Quomodo predicabūt, nisi mittantur?* Et Isaias quamuis predicādi cupidus, diuinā expectabat iussione, ideoq. dicebat: *Ecce ego mitte me*. Palæstinam penetrauit Franciscus, Damiatē se tenuit, loca sancta inuisit, (haud dubiū, quòd ordināte Deo id fecerit) Saracenis Mahumeti sectatoribus predicauit, eorum Principem Sultanum ad Christianam fidem pertraxit: vnde ius ipsi quesitū, vt thesauri in Terra sancta absconditi custos fieret, quod in filios transfudit, cū cancellatis manibus ter benedixit moriturus: Et inter benedicendum, ac moriendum dicere poterat: *Do vobis partem unam, quam tuli de manu Saraceni in gladio, & arcu meo* (hoc est in prædicatione, & deprecatione mea) his enim armis terram illam Franciscus expugnauit: orando, & prædicando cepit: iisdem Seraphici milites expugnarunt, & iam diū occupatam sustentant. Vnde ius quesuisse videtur, vt in parte illa inhabitent: & quod Seraphicus eorum pater inceperat, ipsi prosequantur, atque ad felicem exitum perducant. Vt autem hoc apertius demonstretur, & seruatō rerum ordine procedamus, quo tractatus iste virilior lectoribus, & delectabilior euadat, prius totius Terræ sanctæ, & vrbis Hierusalem descriptionem appingemus.

C A P V T I.

Breuis totius Palæstinae descriptio contextitur, & an filij Israel totam promissionis terram possederint obiter ventilatur.

Cosmographi magnam Syriam, quæ à fluuio Tigri ad Aegyptum vsque protenditur, in quinque partes diuiserunt; quarum vna dicitur Palæstina, & promissionis Terra est,

est, in quam Deus filios Israel se introducturum promiserat, & duce magno Iosue in illius partem introduxit, ac in duodecim portiones, pro filiorum Israel numero, possidendam, partitus est. Tribui Iudæ, & Benjamin, ea terræ pars contigit, quæ Regnum Iudæ nuncupatur. Reliquæ decem tribus Samarię Regnum adeptæ sunt, cuius caput, & sedes olim Samaria, nunc dicta Sebaſte, exiſtebat. Porro Palæſtina toto ſuo ambitu Terram ſanctam, ſiue Iudæ, & Samarię Regnum cum toto Philiſthinorum dominio comprehēdit, ac in tres partes diſtribuitur. Prima, cuius Metropolis eſt ciuitas ſancta Ieruſalem, omnes eiufdem montes, & colles amplectitur, atque ad mare mortuum uſque ad deſertum Cadesbarne ſe extendit. Secunda, quæ pro Metropoli maritimam habet Cæſaream, totam Philiſthinorum regionem continet, à petraque incifa, ſeu, ut dicunt, peregrinorum caſtro incipiens, uſque ad Baafan Philiſthim urbem contra meridiem protenditur. Tertia, Bethſa iuxta Iordanem Gelboe monti impoſitam pro Metropoli vendicat: Hæc Sicopolis antiquitus dicebatur. Hic iacet Galilæa, ſeu magnus ager Eſdreſon, qui etiam campus Mageddo, Ioſiæ Regis interitu, & Hieremiæ lacrymis memorandus nuncupatur. Hiſ terminis Terræ ſanctæ magnitudo circunſcribitur, quam iuxta quatuor cœli plagas, in totidem partes ipſiſ correfpondentes Geographi diſtribuiunt: quamquam tota eiuf occidua pars mare Mediterraneum reſpiciat.

Iosue c. 15.
uſq. ad 20.

4. Reg. 13.
nu 29.

Illa autem, quam filij Iſrael ex Aegypto egreſſi occuparunt, ſiue ſecundum longitudinem ab Auſtro ad Aquilonem porreſta, ſiue ſecundum latitudinem ab ortu ad occaſum extenta conſideretur, centum viginti leucas longitudine complet, & viginti ſex duntaxat latitudine exæquat. Tantundem namque ſpatij à Dan uſque Berſabee interiacer, teſte Brocardo: quamquam alij, in quibus Hieronymus in epiſtola 129. ad Dardanum, Abulentiſ in cap. 13. Num. queſt. 36. anguſtioribus terminis concludant. Porro Iſraelitarum ditio ultra hoſ non extendebatur, iuxta illud lib. 1. Reg. c. 3. num 20. *Et cognouit vniuerſus Iſrael à Dan uſque Berſabee,*

Brocardus
S. Hieron.
ep 129. ad
Dardan.
Abulen. in
c. 13. num.
queſt. 36.

quod *fidelis Samuel Propheta esset Domini*. Item Iudic. 20. n. 1. dicitur. *Egressi sunt omnes filij Israel, & pariter congregati, quasi vir unus à Dan vsque Bersabee*. Et secundo Reg. c. 3. nu. 10. *Eleuetur thronus David super Israel, & super Iudam, à Dan vsque Bersabee*. Deinde 3. Reg. 4. nu. 25. *Habitabatq. Iuda, & Israel absque timore ullo unusquisque sub vite sua, & sub ficu sua, à Dan vsque Bersabee, cunctis diebus Salomonis*. Quæ omnia tantundem valent, ac si diceretur, à principio vsque ad finem illius terre, quæ duabus vrbibus tanquam terminis claudebatur. Et septuaginta interpretum versio apud Sixtianam satis exprimit, vbi additur. *Creditus est Samuel Propheta Domini in omni Israel, ab extremis terre, vsque ad extrema*.

D. Hieron.
epist. 129.

Hinc iam suboritur difficultas: An, scilicet, filij Israel totam promissionis terram possessione obtinuerint? Et planè cum D. Hieronymo epistola 129. ad Dardanum dicendum est, Israelitis totam promissionis Terram non adeptos, quia, eius fines latissimi describuntur in lib. Numer. cap. 34. à n. 3. vbi Deus terram spatiosam Hebræis sedaturum promisit. Quam verò nūc descripsimus angustissima est. Sed cur Deus suam promissionem non adimpleuit? Respondet D. Hieronymus epistola citata, promissam fuisse à Deo Israelitis terram amplissimam sub conditione si illi diuinis præceptis obtemperassent: sed quia spreto Dei cultu Idolis seruierūt, promissione fraudati sunt. *Et ego (inquit) fatebor hæc tibi repromissa, non tradita: si obseruasses mandata Dei, & in præceptis illius ambulasses, si non pro omnipotente Deo coluisses Beelphegor, & Baal, Beelzebub, & Chamos, quos quia pratulisti Deo, omnia, quæ tibi promissa fuerant, perdidisti. Et mihi in Euangelio promittuntur Regna cælorum, quæ instrumentum vetus omnino non nominat; sed si non fecero quæ præcepta sunt, nequaquam erit culpa in promittente, sed in me, qui promissum accipere non merui*. Verè quidem.

Etenim peccata Dei beneficijs impedimenta opponere, ipsiusq. promissionibus obstare consueuerunt. Et ideo ponderatione dignum censuit Theodoretus, quod cum alioquin

Daniel

Daniel tempus Babylonicæ captiuitatis adimpletum esse cognouisset, & quando populum iuxta Hieremiæ prophetiam ibi detinendum esse, statimq. eripiendum certò sciret: Nihilominus orationibus, & ieiunijs ad Deum se contulit instanter deprecatus; vt. populum à captiuitate redimeret. Quoniam (Theodoreti verba sunt) etiam si Deus millies aliquid nobis promiserit, si nos promissis eius indignos exhibeamus, effectum beneficentiæ eius procul dubio impediemus: Timens ergo Propheta, nè peccata Iudeorum diuinis promissis obstarent, preces ad Dominum multiplicauit.

In cap. 9.
Daniel.

Hinc etiam Dauid, cui satis exploratum erat, quòd ob homicidij, & adulterij crimen, Deus factam promissionem, quòd de ipsius Dauidis progenie Messias esset nasciturus adimplere non teneretur, acerbissimo tactus dolore, hunc in modum Deo loquebatur, Psal. 50. *Miserere mei Deus secundum magnam misericordiam tuam.* In quem locum est illud à D. Ambrosio cap. 3. in epist. ad Rom. solerter adnotatum. *Dauid; quia peccauerat in causa Vriæ, sciens quia promissio peccatoribus dari non possit, exorat; vt iustificatio verborum Dei vincat iudicium; quo iudicantur ij, qui peccant, & pœnitentem reformet sanctificans, vt det ei, quòd iustis se daturum promissit.*

Psal. 50.

Psal. 50.

Et ideo Iudæi ob legis transgressionem, sicut lib Iudic. c. 2. eis obijcitur, non spatiosam terram acceperunt, sed nimis angustam, hostibusque validissimis occupatam, quorum assiduo pauore concussi, & bello pressi in Dei præceptorum custodia permanerent, ipsiusque auxilium implorarent. *Hæ sunt* (inquit rex. Iudic. 3.) *gentes quas Dominus dereliquit, vt erudiret in eis Israelem:* quinimò à modica terræ portione, quam Deus, nè irritum faceret pactum suum, immerentibus impertiuit, expulsi toto orbe peregrinantur. *Eduxi vos de Aegypto, & introduxi in Terram, pro qua iuravi patribus vestris: & pollicitus sum, vt non facerem irritum pactum meum vobiscum in sempiternum.*

Iud. 3. v. 1.

Iud. 2. n. 1.

Opponi tamen poterit: Nonnè satius esset Iudæos à possessione Terræ prorsus excludere, quàm modicam ipsius portio-

portio-

Tertull.

Rupert.

portionem concedere, à qua postmodum infelicius expellēdi fuerant? Nam vt disertè dixit Tertullianus lib. de Pœnitentia. *Miserius est amisisse, quàm non omninò accepisse.* Ita planè sentiendum videbatur. At Iudæi (ait Rupertus lib. 1. in Letitic. capit. 37.) paruuli erant, & carnales, ad querimonias propensi, rerumque terrenarum cupidissimi. Quid igitur Dominus? Ne pactum suum irritum appareat, terram tradidit; vt tamen peccatum ipsorum puniat, querelam auferat puerilem, cupiditatemque exaturet, non totam; imo, quam donat ab vbertate, & foecunditate commendat; *Quia (inquit) quibus loquitur pueri sunt, paruuli sunt, amatores paruorum, cupidi rerum exilium, auidi bonorum terrestrium, vtpotè necdum cognitores bonorum cœlestium.*

Psal. 26.

Psal. 59.

Quod si Terra promissionis mysticè & spiritualiter accipienda sit, vt D. Hieronymus citata epistola ad Dardanum aliquàlter contendit, eo ductus argumento, quod nunquam ea lacte, & melle manauerit, sicuti promissum fuerat. Vnde etiam Dauid illius Terræ possessor bona Domini in terra viuentium aspicere inhiabat. *Credo (ait) videre bona Domini in Terra viuentium, & Psalm. 59. In Idumeam extendam calceamentum meum, mihi alienigena seruiant. Quomodo igitur (arguit disertè S. Hieronymus) se credebat accipere, quod iam victoria possidebat? Ergo Terra Iudææ, qua illius ditionis erat, non est Terra viuētium. Nisi fortè bona illa, quæ Dauid suspirabat, Dominicæ passionis sacramenta intelligenda sint, quæ Terram illam, promissionis Terram nobis reddiderunt. Quæ nunc, ait, nobis Christi passione, & resurrectione Terra repromissionis effecta est.*

Matth. 27.

Matth. 21.

Ioan. 19.

Vnde meritò, & non iniuria illi, qui dicebant: *Nolumus hunc regnare super nos.* Item. *Hic est hæres, venite occidamus eum.* Rursus. *Non habemus Regem nisi Casarem: Et sanguis eius super nos, & super filios nostros:* à terra excluduntur, in qua pretiosissimus nostræ redemptionis thesaurus, Christi sanguine, & passione acquisitus seruabatur: vt postea Fratribus Minoribus de Obseruantia Christi vitæ

æmula-

emulatoribus, ipsiusque paupertatis heredibus traderetur. Nam si, vt D. Paulus censuit, Terræ promissionis veri habebantur heredes, qui tanquam hospites, & peregrini nullam hic habebant mansionem: Planè Minoribus hoc competit, quorum proprium est elogium altissima paupertas, qua Regni coelestis heredes instituuntur, & non habentes locum, nec domum, nec propriam rem, Terram promissionis, seu vt verius dicam, thesaurum ibi conditum, in quo Redemptoris peracta sunt mysteria, possessione obtinent: ipsisque illic degentibus terra illa longè feliciùs non melle manat & lacte, nec oleum riuus fluit, sed deuotionem, suauitatem spiritus, & incredibilem animi tenacitatem spirat: Quasi benedictionem illam potiantur, quam olim Moyses filijs Aser impertiuuit, dicens. *Benedictus in filijs Aser, sit placens fratribus suis, tingat in oleo pedem suum.* Deuteronomij 32. Minores enim meliùs, quàm Aseritæ, non solum fratribus suis, hoc est Christianis, sed Turcis, & Barbaris ob vitæ integritatem placent, & pedes suos, hoc est affectus, in oleo illo effuso, de quo dicebat Sponsa. *Oleum effusum nomen tuum* religiosissimè intingunt. Quin etiam, vt de eodem Aser prædixit Iacob: *Præbebit delicias Regibus* Genes. 49. Minoritæ Regibus, ac Principibus Christianis veras præbent delicias: quia loca illa conseruant, in quibus Christi passionis monumenta perennant, quæ Dominus Iesus suas delicias reputabat, iuxta illud Dauidicum. *Et nox illuminatio mea in delicijs meis.*

Deuter. 32

Cant. 1. 5.

Genes. 49.

Psal. 138.
vers. 11.

Illud autem hoc loco admirationem excitat, quòd cum ob Israelitarum peccata Deus toram promissionis Terram ipsis non concesserit: illam tamen portionem, ad quam eos introduxit, aëris benignitate, & clementia salubrem, ac rerum omnium abundantia commendabilem esse voluit. Hoc enim significant verba illa: *Terram fluentem lacte, & melle*; quibus millies in scriptura terræ vbertas commendatur. Præcipuum tamen fertilitatis argumentum desumitur ex cap. 8. Deuter. vbi ita habetur. *Dominus Deus tuus introducet te in terram bonam, terram riuorum, & aquarumq.*
& fon-

Deuter. 8.

& fontium, in cuius campis, & montibus erumpunt fluuio-
rum abyssi, & terram frumenti, hordei, ac vinearum, in qua
ficus, & malogranata, & oliueta nascuntur, terram olei, ac
mellis, ubi absque ulla penuria comedes panem tuum, & re-
rum omnium abundantia perfrueris, cuius lapides ferrum sunt,
& de montibus eius eris metalla fodiuntur. Nihil planè ad
perfectam vbertatis commendationem desideratur: cœli
temperies, benignus syderum afflatus, soli foelicitas, iugi
aquarum perennitate irrigui, & aquæ saluberrimæ flumini-
bus frequenter dissecti. vbi terra modò vallibus depressa,
modò collibus supina, rursus pratis spatiosa, & montibus
erecta immensam frugum, ac fructuum multitudinem sa-
pore, pulchritudine, colore, figura, salubritate commenda-
bilem profert: vbi ad cœli inuidiam prata floribus, multi
colore varietate distinctis stellantur: vbi innumerabilis pec-
corum & armentorum multitudo pascitur: vbi optimum
balsamum, oleum, & vinum enascitur, calidæ, & salubres
aquæ ebulliunt, ferri, æris, argenti, auriq. ingens copia è
fodinis extrahitur. Tandem præter lacus, quos magnos
habet, & plurimos, vbi magna viget piscium abundantia:
qua mari alluitur plurimos efficit portus nauium stationibus
commercio, & piscatione accomodatos. Quam rerum om-
nium affluētiam paucissimis verbis exposuit Dominus apud

Ezech. 20.

Ezech. cap. 20. Ego Dominus Deus vester: in die illa leuavi
manum meam pro eis, vt educerem eos de terra Aegypti, in
terram, quam prouideram eis fluentem lacte, & melle, quæ
est egregia inter omnes terras. Septuaginta legunt: quæ est
fauus inter omnes terras, quasi tantum terras alias excede-
rer, quantum fauus melle redundans ipsas anteibat.

Brocard.

Hæc Terræ promissionis vbertas qualis erat cum Deus
Israelitis eam se daturum promisit, & qualem ipsi illuc in-
gredientes experti sunt. Nec solum ea tempestate viguit
fertilitas: sed Iudæis inde exulantibus permansit, vt testes
oculati referunt, in quibus Brocardus, qui omnem illam re-
gionem perlustrauit, & cap. 1. 2. part. de Fertilitate Terræ
sanctæ, Scribit omnigenam ibi vidisse fructuum abundan-
tiam;

tiam; speciatim verò laudat vinearum vbertatem, quæ præter racemorum magnitudinem illius æmulam, quem olim exploratores in pertica pendentem in castra detulerunt, vt Numer. 13. scribitur, ter in anno uvas producant. Eadem Num. 13. enim vitis ter putata germinascit, ac racemos protrudit tempore suo maturos, ex quibus vinum fit delicatum, suauissimique saporis. Laudabiliores præ cæteris habentur vineæ Bethlehem, vbi natus est ille Cypri botrus, qui in torculari crucis expressus vinum effudit præstantissimum, quo fideles animæ salubriter inebriantur. Hic etiam mel de petra surgitur, & oleum de saxo durissimo. Sentiunt qui illic inhabitant, & pedes suos, hoc est affectus, in oleo tingunt, & melle, quo vesceretur Sponsus suauissimè reficiuntur: dum sacrata passionis mysteria nostræ redemptionis monumenta recolunt, pièque meditantur; Minoritis, quibus funes ceciderunt in præclaris, hoc datum est. Hi Apostolicæ vitæ æmulatores, & Christi paupertatis hæredes, pretiosam inhabitant Solymam virtutum omnium officinam. Vbi Christi sanguis melius clamans, quàm Abel, non de occisoribus vindictam, sed veniam postulat. Vbi inter Saracenorum putorem, & spurcitiam, fragrantissimos Christianæ pudicitæ, & charitatis odores spirant, & loca illa iam olim sancta; quia, Christi pedibus sanctificata, aliqualem etiam spirant sanctitatem, quam à S. Francisci nudis pedibus illac deambulantis hauerunt.

Iubebatur olim Moyse soluere calceamenta, vt Exod. 3. Exod. 3. dicitur. *Solve calceamenta de pedibus tuis: locus enim, in quo stas, terra sancta est.* Et haud dubium, vt habetur in Catena Lipomani, quod vt nudis pedibus terram sanctificaret. Quidni de Seraphico parente meo Francisco opinabor, quòd terram illam Christi præsentia olim sanctificatam suo aspectu, & incolatu, quomodolibet sanctam etiam reddiderit? utpotè qui Saluatoris nostri imago, ipsius virtutem, & sanctitatem spirabat. Et quidquid in terram ad Francisci introitum refundebatur, totum id à Christi imagine, & similitudine erat mutuatum.

Quanquam verò humani generis Assertor pro vniuersis Adami filijs sanguinem suum effuderit, & reliqua nostræ redemptionis sacramenta peregerit: Ea tamen loca, vbi nostram operatus est salutē, peculiariter Minoritis S. Francisci alumnis destinauit; vt quos Ecclesia dilectissimi Sponsi sui Domini Iesu paupertatis hæredes, & vitæ ipsius emulatores habebat, eisdem cerneret locorum possessores, in quibus nascenti gauisa est Sponso, prædicatē audiuit, miracula patrantem obstupuit, & non sine magno doloris sensu morientem inspexit. Et verò Seraphicus Pater, quem, vt mox dicemus, diuina prouidentia sanctorum locorum, imò Christianæ Religionis ea tempestate labantis reparatorem designauit, postquam ea loca adiit, ibique legem Euangelicam Saracenis, ac alijs infidelibus prædicauit, filios suos cancellatis manibus benedicens, vitæ suæ sanctitate, & locorum sanctorum possessione locupletauit, quam prophetico forsā spiritu afflatus, ab ipsis viderat obtinendam.

C A P V T I I.

Sancta Dei Ciuitas Hierusalem describitur, & qualis à prima sui fundatione ad Christi tempora, postmodumq. sub impiorum dominio extiterit declaratur.

NON pauci in describenda Solymæ amplitudine calamos detriuerunt: plurimi topographicam ipsius imaginem excudentes stylum defatigarunt. Nobis stylo parcendum erit, quia non topographiæ, sed historiæ indulgemus: quinimo historicam descriptionem mox subiciendam, non nostro calamo elaboratam, sed à probatissimis quibusque exceptam exhibemus, nonnullis ob breuitatem, cui studemus, detractis, quæ tamen rei veritatem non imminuunt. Igitur Arandam, Brocardum, & Adrichomium, cuius descriptio breuior nobis visa est & probator, secuti.

Hieru-

Hierusalem Ciuitas Dei electa, sancta, & gloriosa, fundata in montibus sanctis, loci eminentia, cœli, solique felicitate cunctas mundi vrbes superans; in totius orbis, & Iudææ medio veluti centrum, & umbilicus terræ sita est, & tanquam regia inter omnes accolæ, velut caput in corpore eminet, splendidisque ædificijs sicut Sol præ cæteris lucet. Tantaque gloria illustratur, vt singulari quodam priuilegio vnicus olim fuerit electus à Deo locus, & non solum fidelis, cuiusque anima, verum etiam electæ militantis Christi in terris Ecclesiæ: Denique & beatæ illius in Cœlo triumphantis extiterit figura. Vrbs perfecti decoris, gaudium, & exultatio vniuersæ Terræ. Hæc circa annum à mundo creato bis millesimum, & vigesimum tertium, tempore Abraham, à Melchisedech Rege condita, hebraicè Salem, græcè verò Solyma vocata est; atque ab eo quinquaginta annis possessa videtur. Quam deinde Iebusæi, seu à Iebusæo filio Canaham prognati occupauerunt, à quibus Iebus, & Iebusæum aliquando dicta est: quo tempore eius Regem Iosue occidit: Tenuerunt autem eam Iebusæi annos octingentos, & viginti quatuor. Tantumque vrbs fidebant firmitati, vt Dauide Rege ipsam oppugnaturus per contemptum cæcos, claudos, ac mutilos in mænibus collocarint, dictitantes hos ad arcendum hostem sufficere.

At Dauid cum diuina ope adiutus ciuitate potitus esset, expulsis Iebusæis, eam per circuitum reædificans arce muniens & inhabitans, totius Iudææ Prouinciæ Metropolim, ac Regni caput fecit; Atque deinceps Hierusalem, quasi Iebusalem, B, elemēto Euphoniæ gratia in, R, mutato, græcè autem in flexo vocabulo Hierosolyma appellata est. Sunt tamen qui scribunt à templo, quod Salomon in ea magnificentissimum construxit Hierosolymam, quasi Hieron Salomonis nuncupatam. Nam Græci *Ieros* templum vocant. Succedēte tempore Salomon, alijque Reges Iuda magnam ei accessiōem adiunxerunt, illamque validissimis portis, turribus, muris, & fossis, item templo, palatijs, preclarissimisque ædificijs ita munierunt, atque exornauerunt; vt totius

Matth. 4.
om. 5.
Psalm. 73.
Exech. 5.
num. 38.
D. Hieron.
Ioseph. de
bello Iud.
lib. 5. c. 2.
Deuter. 16.
nu. 17.
Psalm. 47.
Treron. 2.
Genes. 14.
Ioseph. Ant.
tig. lib. 7.
c. 3. & de
bell. Iud.
lib. 7. c. 18.
Genes. 10.
Iosue 10.
15. 18.
Reg. 2. 15.
1. Paral. 2.
D. Hieron.
de loc. Heb.
Euseb. de
preparat.
Enag. lib. 9.
3. Reg. 3.
Ioseph. lib.
8. Antiq.
2. c. 5.

tius orbis inter vrbes miraculum esset: ideoque silentio magis, quàm infimo sermone honoranda sit.

Hoc ornatu, ac splendore annis quadringentis, & septuaginta septem, velut terrenus paradysus floruit, habens circuitum quinquaginta stadiorum, & per gyrum vrbs fossam in lapide excisam, sexaginta pedum profunditate, latitudine verò ducentorum, & quinquaginta, in qua commorabantur hominum circa centum & quinquaginta millia. Verùm cum Principum, populi que impietas, non modò templum Idolorum abominationibus profanasset, sed etiam sanguine innoxio crudeliter effuso, ad os vsque impleuisset, Diuina ultione, vnà cum templo Principibus, & populo per Nabuchodonosor Babyloniæ Regem (Dei autem flagellum) ita funditus euersa, ac septuaginta annis desolata fuit, vt Sion quasi ager araretur, & Hierusalem quasi acerus lapidum esset, & mons templi quasi excelsa sylvarum. Vtque interea (teste Hieronymo) nec avis volauerit, nec bestia pertransierit per eam.

Post hæc templo dumtaxat ægrè extructo, portis, turribus, & mænibus carens, à Iudæis de Babylonica captiuitate reuersis annos sexaginta tres inhabitata est. Cæterum à Nehemia intra dies quinquaginta duos, ambitus triginta trium stadiorum portis, turribus, valido que muro cincta, & postea à Machabæis, Herode, & alijs, per quam magnificè publicis, ac priuatis ædificijs ornata, pristino nomine, ac statu, annis quingentis & viginti quatuor gloriosa, & populo-fa claruit. Vicos, propter domorum frequentiam, ac densitatem habens multos, & angustos, quo tempore ibi, seu in theatro, Iesus Christus salutem nostram operatus est; atque inde velut à centro Apostoli Euangelicam prædicationem, in vniuersum terrarum orbem diuulgauerunt.

Sed Titus Cæsar Romanus, in occisionis Christi vindicta, anno post Christum passum trigesimo octauo, eam muro triginta nouem stadiorum triduo circumdedit, ac Iudæos ex omni tribu festum Pâschæ ibi celebrantes, Vrbe velut in carcere conclusit: Vnde vrbs illa toti mundo admirabilis,

facta

facta est spelunca latronum, & sepulchrum mortuorum. Nam intestinis cædibus, fame, peste, & gladio undecies centena Iudæorum millia in ea perierunt, ipsamque urbem totam ita funditus Titus eruit, ut qui ad eam accessissent; habitata aliquando esse vix crederent. Tres autem tures Herodianas, nempe Hipicum, Mariamme, & Phaselum, quæ tam magnitudine, quam pulchritudine præter alias eminebant, ciuitatisque eam muri partem, quæ eas ab occidenti cingebat, inconcussam reliquit: Tum ut esset castrum Romanis militibus, illic custodiæ causa relinquendis: tum ut posteris indicarent, qualem urbem, quamue munitissimam Romanorum virtus obtinuisset.

Niceph. lib.
hist. Eccles.
lib. 3. c. 24.

Brocar. in
descript.
Terra san-
ctæ.

Sed post annos sexaginta quinque, Iudæis rursus rebellantibus, Aelius Adrianus Imperator multa eorum millia deleuit, ac tures illas cum relicto muro penitus destruxit, iussitque ciuitatem aspergi sale: quo facto iuxta Saluatoris oraculum, non est relictus urbis lapis super lapidem, ciuitatemque pomerijs eius plurimum contractis denuo extruens vniuersum montem Sion vnâ cum palatio Salomonis, Regia, & domo saltus Libani. Item portam anguli, & Castrum Assyriorum, totumque eum borealem angulum ad portam sterquilinij, & portam Ephraim vsque urbis ambitu exclusit. Montem autem Caluariæ, & sepulchrum Domini, quæ prius extra mœnia fuerant, urbis muro septentrionali inclusit; & in fronte eius portæ, qua Bethlehem ibatur, suam in marmore sculpsit, Iudæis eidem subiectis hoc modo significans, eos Romanæ subiacere potestati: quibus & edicto interdixit, nè amplius urbem illam introirent: aut ex loco quopiam excelsiore eminens aspicerent, eamque deinceps à suo prænomine, Aeliâ Capitoliam nuncupari voluit.

Niceph. 3
hist. Eccles.
cap. 24.

Brocar. in
descript.
Terra san-
ctæ.

Villelm.
Tyr. in hist.
bell. sac.
l. 4. c. 17.

Post hæc verò à Christianis inhabitata, & Patriarchali sede insignita, successu temporis recepto nomine Hierusalem, annis quingentis in Christiana Religione floruit. Porro anno à Christo nato, sexcentesimo trigésimo sexto, à Saracenis in Aegypto regnantibus capta, & annis quadringentis sexaginta tribus possessa fuit.

Onuphr. in
chronic.

Deinde

Willelm.
Tyr. Hist.
belli sacri
lib. 8.

Jac. ob. de
Vitr. lib. 20

Scaliger in
epistol. ad
Io. Lothar-
ing. Card.

Deinde anno Christi millesimo nonagesimo nono à Christianis duce Godefrido de Bullion, qui & primus urbis murum transcendit, Idibus Iulij magna fortitudine, ac summa vi expugnata est, feria sexta, hora nona, eadem scilicet die, & hora, qua Christus mortuus est: Tantaque per ciuitatis plateas, vicos, & angiportus, ac ipso in templo, tum ciuium, tum eorum qui ex vicinis oppidis, & suburbanis in eam confluxerant, facta est strages, tantaque sanguinis effusio; vt nemini nisi per interemptorum funera transitus pateret, ac talos tenus in occisorum sanguine graderentur. Vtque ipsi victores à planta pedis vsque ad verticem cruore maderent. Qui vibe potiti, armis, ac sordibus depositis, loca venerabilia Christi præsentia, Passione, Resurrectione, & Ascensione sanctificata, à fidelibus, qui in Hierusalem habitabant sibi ostensa, nudis vestigijs mira deuotione diebus septem circumierunt, & deosculati sunt.

Bas. Hierol.
contin. bel.
fac. lib. 6.
cap. 7.
Masius in
Chronic.
O. uphr. in
Chron.

Octaua autem die vnanimiter Ducem Godefridum elegerunt, ac Regem Hierusalem creauerunt. At vir Deo plenus humilitatis causa, corona aurea Regum more in sancta ciuitate noluit insigniri, ea contentus, & illi reuerentiam exhibens, quam humani generis Imperator in eodem loco vsque ad Crucis patibulum pro nostra salute spineam deportauit. Hierusalem itaque à Christianis recuperata ab eisdem per octoginta octo annos retenta fuit. Postea, nimirum, anno millesimo centesimo octogesimo septimo, secunda Octobris die, feria sexta dissidentibus (proh dolor) inter se Christianorū Principibus, à Salahadino Aegypti Soldano per deditionem recepta; & sub eo pacto, vt liceret Christianis tantum efferre, quantum quisque suis humeris posset: qui eam tenuit annis trecentis, & triginta. Anno autem Domini millesimo quingentesimo & decimoseptimo à Selimo Turcarum Imperatore inuasa, eodem murorum ambitu etiam nunc possidetur; qui eam Cazumobarech, siue Codsbarich, hoc est, urbem sacram nominant.

Nichitas 4
num. 11.

Hæc Solymæ quondam facies historice delineata; quam si (vt alij cupiebant dicentes: *Aspiciat in Sion oculus noster*) quisquam

quisquam intueretur, in medio Hierusalem planè diceret: Hierusalem ubi es? A prima eius foundatione vsque ad presentem Christi annum millesimum sexcentissimum trigessimum nonum fluxerunt anni ter mille quingenti, & septuaginta sex. Perijt mundi oculus, Regnorum corona, ciuitatum gemma, Prouinciarum decus, Palæstinæ gloria: vniuersæ terræ gaudium, & exultatio cum vrbe extincta est.

In ipsa tamen penitus defauillata, suisque insepulta cineribus, Christi ibi viuentis, ac morientis monumenta perennant, ad extremum vsque finem permanfura. Hanc trecentis ab hinc & amplius annis, regnante Turcarum Imperatore, Fratres Minores de obseruantia Christi paupertatis hæredes, vitæque Euangelicæ imitatores obtinuerunt, dilutoque Christianæ gentis opprobrio, interrupta annorum serie conseruant, & obsequiosa admodum custodia venerantur. In quo veros Seraphici parentis sui æmulatores se præbent, & spirituales terræ sanctæ possessores apparent: quippe qui terram illam, cuius videndæ studio Moyse flagrabat, quam plurimi Patriarchæ à longè aspiciebant, & salutabant; nec tamen ea frui datum est: Minoritæ quasi à parente suo hereditatis vice obtentam possident, multisque ibi extructis conuentibus magno cum fidei, & Religionis augmento demorantur; de quibus cap. sequenti mentio facienda erit.

CAPVT III.

*Mons Sion sanctitate memorandus, & regia Davidis
cithara cantatissimus, spatium præbuit, in quo pri-
mus Seraphica Religionis Conuentus, inter
infideles extructus recensetur.*

TRactu semicirculari ab austro porrectus mons Sion, diuinæ dilectionis prærogatiua illustris, iuxta illud Davidicum. *Montem Sion, quem dilexit, ubi Hierusalem præminet, quam fortitudine protegit, & pulchritudine*

*Psal. 77.
num. 68.*

sic

Psal. 49.
num. 2.
2. Reg. 5.
1. Paralip.
11. 3. Reg. 8.
2. Paral. 5.

fic exornat, vt laudatissimæ ciuitatis decor, Psalmographi testimonio, ex Sion mutuatus videatur: *Ex Sion species decoris eius*. Hunc ex hoste receptum, Dauid sui nominis urbem appellauit; ibi arcem munitissimam extruxit: ibi pro sua & Regum Iuda habitatione palatiū ædificauit, regia magnificentia dignissimum: iuxta quod regius erat carcer, vbi precipiente Sedecia Rege, detentus fuit Heremias, eoquod urbem ab hostibus deripiendam prænuñciauerat.

Propè montis vmbilicum: erat cænaculum magnitudinè, & ornatu spectandum, in quo Christus peracta legali cæna, ablutisque Apostolorum pedibus sacrosanctum Eucharistiæ Sacramentum instituit. Hic in ipso Resurrectionis die, Apostolis spectandum se præbuit, palpandum permisit, & coram illis comedens Spiritum sanctum, & potestatem remittendi peccata, & retinendi insufflando concessit. Hic etiam octauo postquam surrexerat die, Thomæ Apostolo, de Resurrectione incredulo, alijs discipulis inspectantibus, apparuit, manuum, ac pedum, & lateris plagas ostendit, atque vt palparet, digitosq. immitteret exhortatus fuit.

In hoc etiam loco Matthias Apostolicam dignitatem, Apostolorum suffragijs, posthabito Iosephi iusti cognomine insigni, consecutus est. Hic Spiritus sanctus igneis linguis descendens, Apostolorum capita, imposito quasi diademate coronauit, & linguarum omnium donum impertiuit: Et quidquid ad Ecclesiæ regimen conducebat largissimè communicauit. Hic in prima concione ad populum habita Petrus Apostolorum Princeps, tria Iudeorum millia ad Christi fidem pertraxit, quod forsitan Dauid cupiebat cum cecinit: *Quis dabit ex Sion salutare Israel?* Psalm. 52. n. 7. Quin etiam Isaïas c. 2. hanc Petri concionem (ni fallor) præuidens, auditores conuocabat, hunc in modum exhortatus. *Venite, ascendamus ad montem Domini, & ad domum Dei Iacob, & docebit nos vias suas, & ambulabimus in semitis eius: quia de Sion exibit lex, & verbum Domini de Hierusalem.* Ex quo montem Sion sanctiorem dixerim, quam Sina; in hoc enim lex data fuit, postmodum abroganda. De Sion

Psal. 52. n.
7. & 13.
num. 7.
Isaïas.

verò

verò lex gratiæ prodijt ad mundi finem permanſura. Nam Apoſtoli B. Stephano, & ſex alijs ad Diaconatum aſſumptis, hoc in loco primum habuerunt Concilium, & condito Catholiciæ fidei ſymbolo, inde per totum Orbem prædicaturi exierunt. Venerandus planè ſanctitate locus, *in quo bene-* Pſalm. 72.
verſ. 17.
placitum eſt Deo habitare in eo. Nec qualicumque modo, ſed tanquam in domo propria, ad diuturnam ſtationem electa, hic inhabitabat. Vnde eſt illa Iſaiæ conſeſtatio. *Dixit Dominus, cuius ignis eſt Sion, & caminus eius in Hieruſalem.* Iſai 31.
verſ. 9.
 Qua loquendi formula ſtabilis Dei in Sion habitatio exprimitur. Et ſanè in Prophetarum oraculis, & Davidis Pſalmodia millies Sion Dei habitatio ſpeciatiim electa nuncupatur. Quapropter in ipſam perbelle quadrabat illud emiſſichium.

Non erat in toto ſanctior orbe locus.

Agnouit hanc loci ſanctitatem Helena Magni Conſtanti-
 ni mater, & templum in eo magnificentiſſimum extruxit,
 & ampliſſimis porticibus adornauit, intra quarum ambitum
 concluſit cœnaculum. In hoc tēplo D. Hieronymi ætate colūna illa viſebatur, ad quā milites in domo Pilati Chriſtum
 reuinxerunt, & vltra quinque mille ſlagris cæciderunt. Columnæ huius pars vna in Monte Caluariæ monſtratur, alia
 Conſtatinopolim, deinde Romam perducta, in S. Prædix
 templo cuſtoditur.

In hoc etiam loco domus erat, in qua Deipara poſt filij
 mortem cum dilectiſſimo Ioanne ſibi loco filij relicto habitauit: indeque, vt vetus habet traditio, è vita diſceſſit: & poſtea in Eccleſiam eidem B. Virgini dicatā immutata fuit, quam in Hieroſolymitano excidio à Romanis deſtructam, Chriſtiani poſtea magnificentius erexerunt. Nunc ſolus, vbi quondam fuit, locus apparet, lapidibus circundatus, ne animalium aſſultu polluatur.

Hic etiam Helena domum Cayphæ communem Pontificum habitationem, vbi habitum eſt de Morte Chriſti conſilium, celebrata Iudæ venditio, & tres Petri negationes acciderunt, in S. Petri honorem, in Eccleſiam conuertit, quæ

C

poſtea

postea de S. Saluatoris titulo dicebatur. Alterius Pontificis Annæ domus, in qua Malchi cognatus Christum alapa impudenter percussit, templum factum est Sanctis Angelis dicatum: congruum enim erat, vt extructis impietatis loco Ecclesijs, non solùm iniquitas, sed iniquitatis memòria deleteretur.

Propè hæc loca sepulchrum Davidis extat plurimorum Regum Iuda monumentis circumseptum. Hoc Saraceni tam impensè colunt, & circumædificatam ibi Ecclesiam, ita vigilanter custodiunt, vt neminem Christianorum illuc intrare patiantur.

Iuxta cænaculū, & vrbis muros extant S. Stephani Prothomartytis, Nicodemi, Gamalielis præceptoris S. Pauli Apostoli, & Abibonis filij Gamalielis sepulchra. Omnes hi trecentis circiter annis propè Hierosolymam sepulti iacuerunt: Donec Honorio imperante eorum corpora fragrantissimum odorem spirantia, immisso cælitus oraculo, reperta sunt, sicut in Historiarum monumentis enarratur.

*Adricom.
Christian.*

Postremò visitur hoc in loco tabernaculū Sion, vbi Rex Dauid Arcam Dei collocauit, & ibi per quadraginta annos permansit, quousque ædificato per Salomonem templo illuc translata scribitur. Locus iste Davidis pœnitentia celeberrimus extitit. Nam post adulteriū huc se recepit peccati maculam lachrymis abluturus. Hic Psalmos pœnitentiales composuit: propter quod ab Indianis Orientalibus religiosè colitur: & ideo claustrum illi circumdederunt, in quo ritu suo Christum venerantur.

Omnia hæc loca complectitur Mons Sion; qua longiori, qua breuiori inter se spatio seiuncta. Nonnulla de nouo extructa, alia in meliorem formam, deleta infamia, pietatisque & Religionis imposito nomine, foeliciùs reformata. Quousque promerentibus id Christianorum peccatis, bellorum incurso, temporis edacitate, Turcarum impietate, partim corruerunt, partim ruitura videbantur. Vt autem labentibus sanctitatis antiquæ, & Religionis nouæ monumentis auxiliatricem manum admoueret Omnipotens, ar-

cem

cem Sion nouis militibus occupare decreuit. Hos autem, siue S. Francisci meritis, & ipsius cum Christo similitudine, siue ob peculiare fines reparationi futuræ magis accommodatos, de quibus Cap. 8. huius Libri distinctius tractabimus, siue quia Seraphicus Pater loca illa perambulans, dum ibi se tenuit, & Sultanum ad Christi ouile pertraxit, possessionem adiisse videtur, & quasi ius in prouinciā ita arduam quæsiisse, ex Seraphica Religione potissimū eligendos procurauit.

Vnde, sicut in Annalibus refertur, Fr. Gerardus Othon, Minoritarum Generalis Minister, quosdam vitæ probitate, & præstanti prudentia Religiosos in Armeniam remisit, quibus Fratrem Rogerium Guarinum Aquitarum Princiæ alumnum præfecit. Hic humilitate, modestia, paupertate, habituque pœnitentis suffragante, ab Aegypti Sultano obtinuit, vt nostrates apud Hierosolymam nonnulla, in quibus morarentur, loca occuparent. Tantum in Barbari illius, & Turcarum gratiam se insinuauit. Statim Anno 1333. in monte Sion, sub sancti Saluatoris inuocatione primus erectus fuit nostri Ordinis Conuentus. In quo Fratres religiosæ vitæ austeritate, & Apostolica paupertate magnam, sui apud omnes admirationem excitauit. Mahumetani viros amore prosequabantur: Christiani verò incredibili voluptate delibuti, quòd Fratrum Minorum labore, industria, virtute, coelo auspice, sanctorum locorum apud Hierosolymam possessionem Christi Ecclesia recuperauerit, illud Isaie ex cap. 61. dicere potuissent: *Vos autem Sacerdotes Domini vocabimini: Ministri Dei nostri dicetur vobis: Fortitudinem gentium comedetis, & in gloria eorum superbietis. Pro confusione vestra duplici, & rubore laudabunt partem suam: propter hoc in terra sua duplicia possidebunt, letitia sempiterna erit eis.* Quæ verba Rupertus lib. 2. de Trinitate, & operibus eius cap. 25. de viris Apostolicæ vitæ imitatoribus intelligit. Vnde sic exclamans eos alloquitur: *O plantatio Domini Apostolici viri, alieni filij, inquam, peregrinorum.* Et statim in enarrandis eorum excellentijs pul-

Annal. Mi-
nor tom. 3.
an. 1333.
nu. 19. &
an. 1336.
num. 20.

Isa.

Rupertus.


cherrimè digreditur: ex quibus aliqua saltuatim decerpam, quæ Seraphici parentis alumnis illic degentibus mirificè conueniunt. *Hi enim verè Sacerdotes Domini, verbo Dei vacant, & sancto otio seriantur.* prædicationi, & orationi instant: *Spiritualia ministrant, ut ipsis temporalia ministrantur.* Verè enim filij alieni sunt, & in hoc mundo peregrini, in quo nihil possident. Fortitudinem gentium comedunt, & in gloria eorum superbiunt, quia Mahumetanorum elationem, ac superbiam comminuendo, & religiosa pariter humilitate Sultani feritatem demulcendo, *superbia sancta, & nobili gloriantur*, quòd loca Terræ sanctæ possideant: de quorum possessione à Christianis ablata, veluti maximo gloriæ elogio, barbari extollebantur. Hi sunt qui confusione, sua duplici, & rubore faciunt, ut laudent alij partem suam: Hoc est, *Pauperes censu, pauperes spiritu, duplici confusione sua, duplici rubore paupertatis, & mortis affecti*, Hierosolymitana loca obtinuerunt: Quæ populus Christianus partem suam nunc habet, & laudat. Atque adeò cum *in paupertate viuentes, & in angustia*, per martyrium scilicet, *morientes*, duplicem confusionem, & ruborem humiliter sustinuerunt, thesauri Terræ sanctæ custodes effici, immo, & possessores esse meruerunt: Ecclesia, & Christiani Principes, ac Dynastæ partem hanc laudant, & thesauri huius acquisitionem negotiatione auri, & argenti meliorem iudicantes, pro eiusdem cultu, & conseruatione multa aureorum millia expendere non dubitant.

His ergo paupertatis Apostolicæ cultoribus, primus in monte Sion Conuentus erigitur; Hic in Dauidis arce, è qua totam urbem olim expugnaturus Iebusæorum claudos, & cæcos abstulit, Frattes Minores de Obseruantia primam faustissimo auspicio habitationem præfixerunt: ut hinc totâ urbem armis cælestibus expugnarent. Conuentum enim illum Turri Dauidicæ in Canticis laudatissimæ similem reputo: è qua mille pendent clypei omnis armatura fortium. Et sanè Minoritæ, qui hic excubabant, paupertatis eximie prærogatiua ex fortissimis Ecclesiæ militibus, spiritus fortitudine,

titudine, & gratiæ dulcedine Sultanum (Genebrardo teste in Cronographia anno 1336.) ita emollierunt, ad sui quem amorem pertraxerunt; ut post modicum temporis interval- lum Christi sepulchrum ab ipsis custodiendum commenda- uerit. Nostrates verò custodiæ munus ita prudenter, reli- giosè, fideliterque obierunt; ut Turcarum animos sibi cõ- ciliauerint, atque ob vitæ castimoniam, & puritatem ad sui admirationem impulerint. Quod D. Petrus Epist. 1. c. 4. in viris Apostolicis maximi fecit, dicens: *In quo admiran- tur, non currentibus vobis in eandem luxuria confussonem, bla- sphemantes.*

Ea tempestate Robertus, & Sancia vxor, Siciliae Reges, cum iam antea à Sultano Aegypti, non sine magnis sumpti- bus, ac sub certis tributorum, pactionibus obtinuissent, ut Fratribus Minoribus liceret intra sancti sepulchri templum immorari, ac in monte Sion vbi Monasterium pro Fratrum hâbitatione construxerant, liberiùs se tenere: Præterea, à Clemente VI. postularunt, ut possessionem, & custodiam duorum locorum, quam Sultanus Minoribus concesserat, & ipsi Regum autoritate, & sumptibus in meliorem, & fir- miorum ordinem redegerant, Pontificio diplomate confir- maret. Annuit iustis Regum supplicationibus Clemens; & quasi negotium è cælo gestum cecidisse sibi videretur, gra- tulabundus, quòd ablatum esset Ecclesiæ opprobrium, dum loca illa Redemptoris nostri operatione san- ctificata de Barbarorum possessione Mino- res de Obseruantia vendicarent, Bul- lam expediuit, in qua magno ver- borum pondere vsus pos- sessionem confirma- uit, tenore se- quenti.

Annal. to.
3. an. 1342



CLE-

CLEMENS EPISCOPVS
seruus seruorum Dei.

Dilectis filijs Generali, & Terræ laboris Ordinis
 Fratrum Minorum Ministris salutem, &
 Apostolicam benedictionem.

Ex Archi-
 uo Hiero-
 solymitano

Gratias agimus gratiarū omnium largitori, eique di-
 gnas laudes exoluimus, quod ipse charissimorum
 in Christo filiorum nostrorum Roberti Regis, & San-
 cia Regina Sicilia Illustrum erga Redemptoris Domini nostri
 Iesu Christi obsequia, zelum deuotionis, & fidei seruen-
 ter ac-
 cendit. Quod ipsi quoad Dei laudem, & gloriam ac Sacratissi-
 mi Sepulchri Dominici, & aliorum locorum ultramarinorum
 reuerentiam, & honorem redundant, non cessant indefessis stu-
 dijs operari. Nuper siquidem eorundem Regis, & Reginae gra-
 tu insinuatione nostro Apostolatus patefecit, quod ipse non sine ma-
 gnis sumptibus, & laboribus grauib; à Soldano Babylonie,
 qui sepulchrum Domini, & alia sacra loca ultramarina pro-
 prio ipsius Redemptoris sanguine dedicata, non sine cunctorum
 Christianorum graui opprobrio detinet occupata, obtinuerunt,
 quod Fratres vestri Ordinis intra Ecclesiam dicti Sepulchri pos-
 sint continue commorari, & ibidem Missarum solemnias, &
 alia diuina officia solemniter celebrare: iam ceteri Fratres
 dicti Ordinis sunt ibidem, & quod nihilominus idem Solda-
 nus Cenaculum Domini, & capellam, in qua Apostolis Spiritus
 sanctus apparuit, & aliam Capellam, in qua Christus Beato
 Thoma presente post Resurrectionem suam Apostolis se osten-
 dit, Regi, & Reginae concessit eidem: Quodque ipsa Regina
 locum adificauit in monte Sion, infra quem Cenaculum, & di-
 cta Capelle sita fore noscuntur: pro dictis fratribus iam est diu,
 ubi duodecim Fratres dicti Ordinis sumptibus proprijs conti-
 nue tenere intendit ad diuinum obsequiū in sepulchro, & alijs
 predictis locis sacratissimis impendendum, ac tres personas sa-
 culares etiam, quæ ipsis Fratribus seruiant, & necessaria ad-
 ministrant.

ministrant. Quare prefata Regina nobis humiliter supplicauit, ut ad hoc, quod eiusdem Regis, & sua in hac parte deuotio impleatur, eisdem locis sacratissimis de deuotis Fratribus, & seruitoribus idoneis, usque ad dictum numerum prouideri mandaremus. Nos itaque dictorum Regis, & Reginae pium, & laudabile propositum, ac intentionem deuotam dignis in Domino laudibus commendantes, ac volentes eorum votis, & desiderijs annuere fauorabiliter, in hac parte vobis, & cuilibet vestrum vocandi nunc, & in posterum ad vestram presentiam auctoritate Apostolica ad requisitionem dictorum Regis, & Reginae, vel alicuius eorum, aut successorum suorum de consilio seniorum dicti Ordinis, Fratres idoneos, & deuotos de toto Ordine, usque ad prefatum numerum, de quibus, considerata qualitate negotij videritis expedire; & eos ad seruendum in diuinis, tam in Ecclesia dicti Sepulchri Dominici, quam in sacro Cenaculo, & Capellis predictis, habita prius informatione, de conditione Fratrum ipsorum, quos vocaueritis, à Ministris Prouincialibus dicti Ordinis; Vnde Fratres ipsi, pro tempore assumantur deputandi, eosque ad partes alias etiam destinandi, ac etiam alios ipsis, cum aliqui ex eis defuerint totiens, quotiens expedierit, subrogandi, ac eis dandi licentiam ibidem commorandi. Contradictores quoque per censuram Ecclesiasticam appellatione postposita compefcendi. Non obstantibus quibuscunque prohibitionibus Apostolicis, seu statutis eiusdem Ordinis contrarijs, iuramento, confirmatione Apostolica, vel quacunque firmitate alia roboratis; seu si aliquibus communiter, vel diuissim à Sede Apostolica sit indultum, quòd interdici, suspendi vel excommunicari non possint per litteras Apostolicas, non facientes plenam, & expressam, ac de verbo ad verbum de indulto huiusmodi mentionem, plenam, & liberam, tenore presentium concedimus potestatem. Volentes ut ipsi Fratres taliter deputandi sint, postquam fuerint ultra mare sub obedientia, & regimine Guardiani, & Fratrum dicti Ordinis montis Sion, prout ad suum spectat officium, & Ministri Prouinciæ Terræ sanctæ. Datum Auinione 11. Kalend. Decembris, Anno primo. Pontificatus, &c.

Huius

Huius autem possessionis per ipsos obtinendæ plurima observationeque dignissima antecesserunt præfagia. Nam quo tempore Turcarum inuasionem Christiani à Terra sancta expulsi perhibentur, in lucem editus est S. Franciscus, eiusdem Terræ futurus reparator, ut inferius comprobabimus. Et sanè Minoritarum virtute, ac industria Christianus orbis loca sancta foelicissimè recepit. Quod, ni fallor, præ ostendit Sultani conuersio (de qua etiam infra) quem B. Franciscus fide, ac moribus Christianis imbuerat. Vnde tam egregio promeruit facto, ut voluentibus annis Minores tanti Parentis filij sanctorum locorum possessores existerent: Et oppugnatam non semel possessionem conseruarent: Pro cuius stabilitate plures sententiæ à Iudicibus Apostolica auctoritate deputatis pronuntiata referuntur. Quorum, & præcipuè Summorum Pontificum præsidio, aditam per tot annos possessionem conseruant.

Hac verò tempestate nonnulli aliarum Religionum alumni, meliorum charismatum boni: forsan æmulatores effecti, ad thesauri huius sanctissimi custodiam aspirarunt: Meque adhuc Romæ talia scribente, magno conatu sibi tradendam contenderunt. Quod cum Sanctissimo D. N. Urbano VIII. & sacrae eius Congregationi de Propaganda Fide innotuisset: Quo promouendæ per totum Orbem rei Christianæ studio pollet: Et potissimum sacra Redemptionis nostræ monumenta inter Saracenos integra, & impoluta seruare, quinimo maiori cultu, venerationeque haberi studiosissimè procurat: Minores ad hunc effectum aptiores semper iudicauit: quippe qui diuturna tot annorum experientia comprobauerunt, sacrorum locorum custodiam nusquam melius constitutam, quàm cum Minorum fidelitati, curæ, sollicitudinique traderetur. Nedum quod fines alij (ut postea dicemus) præstantissimi se offerunt, quorum aspectu Eminentissimi Cardinales sacra Congregationis præsides, antiquam sanctorum locorum possessionem, à Fratribus Minoribus obtentam conseruari; atque ab ipsis retineri necessarium fore censuerunt. Tum quia ut vigilantissimi custodes

studēs ad auerſenda Eccleſiæ detrimenta plures oculos, quā olim Argus, intredientes, præuidēt ſacerimi theſauri poſſeſſionem in aliorum poteſtate periclitari. Et ideo ne Minoribus irrogetur iniuria, & Eccleſiæ nocumentum euitetur, impoſito Religioſis alijs id aſpirantibus, & Prælatiſ eōrum Generalibus ſilentio, inanes omnium conatus intercederunt.

Quia verò nihil tutum, vbi ſæuus ſemper hoſtis, & inuidioſus, exagitat. Turcarum Imperator inuidorum ſuggeſtione impulſus, qui in Minorum Conuentu, vel S. Saluatoris Eccleſia, Davidis ſepulchrum, & in eo theſaurum eſſe opulentiffimum diſcitabant, proindeque locum ita memorandum Mahumetaniſ potius ad cultum, quā Chriſtianiſ fore deſtinandum, frātres inde expulit: poſtquam ab Anno 1333. ibi ſe tenuerant, uſque ad Annum 1550. vt habet Gonzaga, ſiue 1561. vt ſcribit Chriſtianus Adrichomius, ſiue quod proprius vero eſt, vt in Bulla Pij IV. enarratur. 1559. qui triginta circiter tres ſupraducentos numerantur. Egreſſi Fratres. in vetuſtum domicilium Urbis mænibus circumſcriptum (S. Saluatoris Monasterium dicunt) de primi loci iactura mærentes ſe receperunt: Et hic haſtenus commorantur.

Tertium Conuentum in ciuitate Bethlehem obtinuit ab eodem Sultano memoratus Frater Guarinus, quem ab ipſo inceptum Regina Sancia reſarciuit, Fratrumque habitationi accomodauit, vt in monumentis apud Hieroſolymam ſeruatis reperitur: ex quibus conſtat Fratres per hæc tempora in Conuentu Bethlehemitico commoratos: vnde etiam Marcus Vlyſiponenſis lib. 8. c. 25. & Marianus lib. 4. c. 1. mutuari videntur, quòd de prædicto Conuentu Bethlehemitico tradiderunt.

Quartus Conuentus in Nazareth ciuitate Galiliæ fuit ædificatus; ad cuius ſubſtructionem plurimum iuuit Frater Thomæ Nouarienſis Hieroſolymorum Guardiani ſagacitas, qui anno 1629. ab Amir elſachardin Tyri, & Sydonis Principe obtinuit, vt in eodem loco, in quo Beata Virgo Dei

Gonzag.
Adrichom.
Annal. Minor.
to. 3.
an. 1342.

Marc. Vlyſip.
Marianus.

Verbum Angelo nunciante concepit, Ecclesiam construeret, iuxta quam Fratrum domicilium erexit.

Postea verò Anno 1621. idem Frater Nouariensis assentiente Gubernatore, & Senatu supremo Hierosolymitano, die 29. Aprilis, in loco, in quo olim domus erat Zachariæ, Ecclesiam, & Fratrum habitaculum construxit, propè quod fons scaturit, è quo B. Virgo apud Elisabetham manens aquam haurire consueuerat.

Baruthi etiam, in vrbe Syriæ Damasci nobilissima, concedente Martino V. litteris expeditis 16. Kalend. Martij Pontificatus 4. Minores aliud condiderunt Monasterium, vel antiquum ibi olim ædificatum, nouis substructionibus refererunt.

In valle Iosaphat pulcherrimæ substructionis Ecclesia, & B. Virginis sepulchro veneranda conspicitur. Hanc etiam Minores possident: & Ioanna Regina Neapolis, Roberti, & Sancie Regum Neptis obtinuit à Sultano Babylonie, vt Fratribus liceret iuxta illam Conuentum extruere. Quam concessionem subsequuta est Innocentij. V. I. facultas data 11. Kalend. Iunij Anno 10. sui Pontificatus, & Urbani V. sexto Idus Nouembris Pontific. Anno primo.

Aliæ etiam Ecclesiæ tam propè hunc locum, quàm in alijs ædificatæ, sub Fratrum cura, & administratione continentur, vt cernere est in Annalibus Minorum. Anno Christi 1342. Præcipue tamen sunt sancti Sepulchri montis Sion, Bethlehem, & Iosaphat: quæ, & Conuentus ibi ædificati legitima, & pacifica possessione à Fratribus Minoribus de Observantia retinentur.

Nec ex alijs Catholicæ, & Latine Ecclesiæ Religiosis cuiuscunque Ordinis, vel professionis sint, proferentur, qui in Terra sancta Ecclesiam, vel Conuentum aliquem obrineant: Soli Minorum Religioni datum est, vt sacra de Saracenorum manibus loca resumens, Christianæ Reipublicæ opprobrium dilueret. Et ideo Carolus de Tapia Regens Neapolitanus, de Religiosis reb. cap. 54. num. 1. de B. Francisco, & eius Religione dixit: *Eius meritis gaudeat Ecclesia, exultet Christia-*

*Annal. Mi-
nor. to. 3.
an. 1342.*

na Religio, quæ tanti Patris auxilio, eiusque filiorum virtute indignationem effugit Domini, & pristinum Religionis candorem recuperauerit.

CAP V T I V.

Mærenti Ecclesiæ, & propter locorum Terræ sanctæ iacturam illachrymanti, Seraphica Minorum Religio de Obseruantia lachrymas absternit: dum talium locorum reparatrix fieri promeruit.

S Alomonis sponsam adhortabantur sodales, vt ex hortu nucum decedens, & sponsi palatium repetens, tantisper sisteret, ad subsequentesq. reuertens sese præberet spectandam; quia videndam ipsius pulchritudinis desiderio tenebatur. Reuertere, inquit, reuertere Sulamitis: reuertere, reuertere, ut intueamur te. Fidelium voces istæ sunt ad Ecclesiam, & (credo) Hierosolymitanam. Etenim Sulamitis, interpretè Legionense, eadem est, ac Hierosolymitana: & planè dum repetitis quater vocibus properatè reuocant, nihil aliud agunt, quàm adhortari, vt ab ijs se videri permittat, Templorum ædificijs nobilem, sanctuarijs venerandam, Redemptionis nostræ monumentis commendabilem, quatuor Seraphicæ Religionis Conuentibus adornatam; videlicet, Nazarethno, vbi Dei Filius carnem induit: Bethlehemitico, vbi natus est, S. Saluatoris, qui pro Canaculo vbi Christus Eucharistiæ Sacramentum instituit, permutatus est Anno 1559. Sancti Sepulchri, in quo mortuus, sepultusque est, ac resurrexit. Hic reuocantium ardor est, hoc studium, vt non tam Sponsæ pulchritudinem videant, quàm illius præstantissimi sanctuarij aspectu delectentur, vt septuaginta lectionibus, & Græcum Scholion manifestat. Vbi sic: & intuebimur in te, ut spectaculum. Quod magnam habet energiam, & tantundem mihi est, ac si dicerent: O Solyma urbem pulcherrima,

Capit. 6. u.
vltim.

Legion. in
c. 6. Capit.

An. 1559.

rima, dum te iteratis vocibus compellamus, & faciem ad nos conuertere instanter petimus: non te ipsam, sed spiritua-
lem thesaurum, qui in te est, & præstantissimum sanctitatis
spectaculum cernere, & venerari præoptamus. Sponsa ve-
rò mærens, & gemebunda thesauro, & sanctuario suo spo-
liata, & in hostium captiuitatem redacta sodalium videndi
cupiditatem hac responsione compescuit. *Quid videbitis in
Sunamitide, nisi choros castrorum?* Porro Sunamitis, vt Sim-
macus ex textu Hebraico transtulit; Tantundem est, ac
spoliata, & captiuata. Illud verò quod addit: *Nisi choros
castrorum*, diuerso admodum significato vertit idem Simma-
cus: *Spoliata in vulnerationibus castrorum*. Quasi diceret:
Quid vos in me inspecturos esse arbitramini, o fideles? Spo-
liata sum, & captiuata: Manum suam misit hostis ad omnia
desiderabilia mea: Thesaurum meum diripuit, Sanctuarium
dissipauit: Sponsi mei dilectissimi monumenta euertit Sara-
cenus, & Mahumeti cultoribus, non sine Christianæ gentis
opprobrio tradidit polluenda: Sanctū canibus dedit, & ante
porcos pretiosissimas thesauri mei margaritas proiecit.
Quapropter nihil est, quod in me spectandum cupiatis, nisi
Spoliata in vulnerationibus castrorum. Hoc est, Saraceni
prælij vastationem, vulneratorum eiulatus, morientium sus-
piria, victorum spolia, & extremam rerum omnium deso-
lationem. Pro qua plorans plorabo in nocte, & lachrymæ
meæ in maxillis meis: donec Sponsus aliquem mittat, qui
ereptum mihi thesaurum restituat, & Christianæ gentis op-
probrium auferat.

Luxit equidem Ecclesia thesauri Terræ sanctæ iacturam,
& lachrymis vbertim effusis, infamiam eluere conata est,
quam populus Christianus contraxerat, dum sacra Terræ
sanctæ loca penès Saracenos esse, nescio quo pudore, susti-
nuit. Audienda est Urbani II. Pontificis Maximi Oratio
in Claramontano Concilio habita, anno millesimo nonage-
mo quinto. Vbi maximo doloris sensu Ecclesiæ mæstitudi-
nem, & Christianæ Reipublicæ infamiam deplorauit. Pau-
ca huc transfero. *Salutis*, inquit, *nostra incunabula, Do-*

mini

mini patriam, Religionis matrem, populus absque Deo, ancilla filius Agyptiæ possidebat violenter, & captiuatis libera filijs extremas imponebat conditiones. Saracenorum gens impia, loca sancta, in quibus steterunt pedes Domini, iam à multis retro temporibus violenta premebat tyrannide, subactis fidelibus, & in seruitutem damnatis. Ingressi sunt canes in sancta, profanatum est Sanctuarium, Ciuitas Dei, Templum Domini, de quo zelans Dominus vendentes eiecit: nè Dominus Patris eius feret spelunca latronum, facta est sedes daemoniorum. Templum Domini, ut ait Mathathias, quasi vir ignobilis, vasa gloria eius abducta sunt captiua, ciuitas Regis Regum, quæ aliis regulas intemerata tradidit fidei, gentium superstitionibus cogebatur inuita deferuire. Haftenus ille.

Matth. 21.

1. Machab.

2. num. 8.

Et quidem iam antea D. Paulinus dæmonis rabiem expendens, qua omni studio satagit, vt sancta Hierosolymæ loca impiorum abominationibus polluantur. Et vbi natus, mortuusque est Redemptor noster Iesus, turpis Idolorum cultus exerceatur, Adriani Imperatoris iniquitatem quàm maximè doluit, qui impellente Diabolo, Iouis simulacrum in loco posuit, in quo Christus passionem sustinuit, & in Bethlehem, vbi natus est, Adonidis imaginem collocauit; vt Ecclesiæ fundamentum dirueret, & fidei radicem ibi germinantem euelleret. Paulini verba sunt Epist. 11. *Adrianus Imperator in loco Passionis Christi, simulacrum Iouis consecrauit: & Bethlehem Adonidis sano profanata est; vt quasi radix, & fundamentum Ecclesiæ tolleretur, si in illis locis idola colerentur, in quibus Christus natus est, vt pateretur; passus, vt resurgeret.*

Plurimum verò ad fidei nostræ stabilitatem, propagationemque attinebat, vt Christianorum gens Terræ sanctæ loca possideret, vt Redemptoris monumenta conspiciens, & magnalia, quæ in ijs locis pro hominum salute ediderat, ante oculos sibi obiecta perpendens, in fide stabilis permaneret; atque ad diuinæ legis obsequentiam, & noui legislatoris æmulationem promoueretur. Hinc est vt Deus, qui suos virtutibus crescere, augeri que desiderat, in pectore

summi

Summi Sacerdotis duodecim filiorum Israel nomina, & præclara cuiusque facinora totidem pretiosis lapidibus scribi præcepit, sicut Sapient. 18. memoratur. *Et parentum magna in quatuor ordinibus lapidum sculpta erant; ut Sacerdotes, qui eiusmodi vestibis inquebantur, toto animorum conatu ad maiorum suorum imitationem aspiraret, quorum honorem ac dignitatem humeris deferebant: proindeque stabilem, & inconcussam seruare tenerentur. Cum olim Aeneas vestem indueret, in qua operosa acus amænitate depicta Maiorum suorum facinora visebantur. Quasi tunc omnium honorem humeris suis imponeret, rem ipsam Vatum maximus descripsit.*

Virgil. Aeneid. 8.

Attollens humero, famamque, & fata nepotum:

Moyse Barceph.

Tanti verò facit Omnipotens, ut virtutis monumenta nobis semper ante oculos obuersentur, ut propterea loca illa, in quibus humanæ salutis mysteria peregit; apud Hierosolimam conseruauerit; & terram, in qua fides primas radices egerat, & Religio primum posuerat fundamentum, subuerti, & penitus dirui non permiserit; ut homo in creationis suæ, & Redemptionis loco positus ad gratiarum actionem, & ad virtutis sequelam moueretur. Vnum & idem Creationis, & Redemptionis locum dixi: quia, ut scripsit Moyse Barceph. in lib. de Paradiso cap. 28. In loco, ubi postea fundata est Hierusalem, primum hominem creauit Deus, ut hac ratione genus humanum obstrictum rediret ad locum illum impensius diligendum, ex quo homini excludendo terram elegit Creator, & tractando fecit: & in quo Redemptor lapsi hominis culpam redemit: ibi spiritum emittens, ubi in faciem hominis spiraculum vitæ spirans: factus est in animam viuentem. Cuius beneficii memoria tantum valere debuisset, ut hac sola D. Chrysostomus homini ad gratiarum actionem tardo, cunctantique calcaria admoueret. *Quid itaque differs, inquit, & torpes, cum iam tantâ receperis, & tot expectes? Que namque accepisti, sunt ista: corpus tibi formauit, animam ipse contulit, honorauit te ratione, solum ex animalibus terrenis omnium tibi visibilibus usum contulit.*

D. Chrysost. hom. 33. de eleemosina tom. 5.

Sui præstitit scientiam, pro te tradidit filium; baptisma tot plenum bonis donauit: sacram tibi dedit mensam; regnum promissit, & arcana bona, cum igitur tot acceperis, totidem accepturus, in sancto, videlicet, vrbis loco, vbi, vt dicebamus, corpus, spiritum, vitam, intellectum, rerum omnium vsum, & dominatum accepit: Vbi etiam Redemptionis beneficium fuit consequutus, cuius tot in Hierosolymis, memorie viuunt, & monumenta perennant: è quibus Christi præsentia, tactu, operatione que sanctificatis innumera fluxerunt, & quotidie profluunt beneficia.

Quid ni de Domino, & Redemptore talia dixerimus, & passionis eius instrumentis tantum in esse virtutis prædicauerimus? Quando serui, & Apostoli carere talem spirabant virtutem, vt corpora infirmitatibus soluerent: non aliunde, nisi quia illius manus contigerant, cui datæ sunt clauæ, vt celi aditus referaret. Perbellè hoc cecinit Arator.

Arator A.
Hor. 1.

Quid enim non vincula præsent,

Quæ tetigit, qui cuncta potest absolueret?

Longè tamen potentiora sunt nostræ Redemptionis monumenta, mirabilioresque effectus produçunt. Experta est Paula Romana, de qua scripsit S. Hieronymus Epist. 17. ad Eustochium. Bethlehem, inquit, ingressa Paula Romana, in specu Saluatoris cernebat oculis fidei infantem pannis inuolutum, vagientem in præsepi Dominum, Magos adorantes, stellam fulgentem desuper, matrem Virginem, nutricium sedulum, pastores nocte venientes, vt viderent Verbum, quod factum erat. Hoc Paulæ studium filia Eustochio scripsit Bethlemiticus Doctor, & Epist. 27. ad Marcellâ, matris, & filia meditationes, spiritualiaque exercitia graphicè depinxit, quibus vtraque in sacro illo virtutum omnium seminario iucundissimè tenebatur. Ingredièbantur sepulchrum Domini, toties iacere in syndone cernebant Salvatore, & paululum ibidem commorantes, rursum videbant Angelum sedere ad pedes eius, & ad caput sudarium conuolutum. Ebi stebant cum matre, & lignum lambebant: in Oliueti monte cum ascendente Domino, voto & animo subleuabantur. Quidni in tali spiritualis

tualis vnctionis myrothecio nobiles foemine se teneret, hinc ingenti gaudio perfusa, inde marore affecta, dum Christi nascentis mysteria, & morientis tormenta meditentur. Et quantum praesepis, & peractorum ibi mysteriorum contemplatio animu delinibat, Tantum Sepulchri, & Caluariae intuitus maestitudine afficiebat: Vnde, quod mirum est, affectibus contrariis animus delectabatur.

Recolendum est illud Iacob studium, quo allatam Iosephi vestem sanguine respersam ad os, & ad pectus incessanter appremebat, milleque insigens oscula, & in filij viuentis memoria respirabat, & in mortui cogitatu, contrariis oppugnatus affectibus concidebat: vestis filium obiciebat viuētem, sanguis, quo respergebatur, mortuum indicabat, & viuentis amor, & mortui dolor, parentis cor diuersis affectuum passionibus quatiebant: de vita hilaris, de interitu maestus, tristitiam hilaritate, & tristitia hilaritatem condiebat. Eleganter horum affectuum diuersitatem expressit D. Gregorius Nazianzenus Orat. 14. *Cruentamque*, inquit; *pueri vestem, quasi filij carnes osculabatur; eadem, scilicet, re, & dolorem suum incendens, & consolatione mitigans.* Hoc idem esset, hodieque est eorum studium, qui in Terra sancta commorantur. Nam ibi Infantis praesepe, & peracta in eo mysteria recolunt, & recolendo delectantur: ibi Sepulchri, & Caluariae locum, in quo mortuus est, intuentur, & dolent. Pueri laetantis memoria deliniti, & hominis Dei morientis conspectu cruciati, dulce affectuum certamen experiuntur.

Cum igitur Ecclesia Saracenorum incurfu tot bonis esset spoliata: Nec relicta sibi ad solatiu Sponsi nascētis, viuētis, & moriētis monumenta colere, & venerari fas esset. Cū Hierosolyma, *Bibens de manu Domini calicem irae eius*; semel atque iterum diuersis temporibus Barbarorū direptionem, & penē vltimam sustinuerit vastitatem: cum Thesaurum suum diripi: sanctuarium profanari; atque ad alienos suam verti haereditatem aspiceret: Cum in se propheticum illud oraculum, *Non est, qui sustentet eam ex omnibus filiis, quos genuit, & non est, qui apprehendat manum eius*

eius ex omnibus filiis, quos enutriuit. ingenti amaritudine oppressa calamitatem suam, & Christianorum opprobrium acerbissimè deplorabat: nec iam dicere audebat: urbs perfecti decoris ego sum: sed Sponsi sodalibus obnixè postulantibus, ut se conuerteret, quo pulchritudinis, & decoris sui aspectu fruerentur, captiuam se esse respondit, spoliata, & Barbarorum ferro vulnerata. Quid videbitis in Summitide, nisi spoliata in vulnerationibus castrorum. Cant. 7. 1.

Sed iam lachrymis parce, gemitusque & suspitia comprime, ò Hierusalem: *Consurge, consurge, induere fortitudinem tua Sion, induere vestimentis gloriæ tuæ Hierusalem, ciuitas sancti, quia esto, filij tui proiecti sunt, & dormierunt in capite omnium viarum: Nec fuit olim, qui consolaretur te, ex omnibus charis tuis. Nunc dolori tuo, contritionique compatiens Sponsus tuus, Francisci dilectissimi sui Benjamin, in quo suam agnoscit similitudinem, filios ad Sultanum remittit. Iam ab ipso obtinet Frater Guarinus, ut loca sancta inhabitet: Iam Robertus, & Sancia Siciliae Reges litteras mittunt: iam totum negotium peragitur: iam possessio capitur: iam ablato Christianæ gentis opprobrio Pontificis auctoritate confirmatur. Partem diplomatis repeto; In quo Clemens VI. inter confirmandam possessionem hæc inferuit. Zelo puræ fidei, & deuotionis accensi (Reges puta Siciliae) non sine magnis sumptibus, & laboribus grauib; à Sultano Babylonia, qui sepulchrum Dominicum, & alia sacra loca, ultra marina proprio ipsius Redemptoris sanguine dedicata, non absque cunctorum Christianorum graui opprobrio detinet occupata, obtinuerunt, quòd Fratres Ordinis Minorum infra Ecclesiam dicti Sepulchri possint continuè commorari. Hæc Christi Vicarius, qui benè Reipublicæ Christianæ opprobrio vertit, quòd ea loca à Barbaris occupari sustineret. Hoc tamen opprobrium incepta possessione abstulisse videntur Minoritæ. Illi mærenti Christi Sponsæ solatium attulerunt: illi Ecclesiæ oculos præ lachrymis gemmantes desiccarunt, & conceptum de thesauri sui iactura dolorem abstulerunt.* Isai. 52.

Cæt erùm constatura fuit magno res magna labore: Nam

E incre-

incredibile dictu est, quot difficultates pro possessione acquirenda superauerint Minores: quot ærumnas pro conseruanda sustinuerint. In fame, in siti, in frigore, & nuditate sollicitas pro thesauri inestimabilis excubias indeficiēter exercent. A Saracenīs opprobria, irrisiones, flagella, carceres sustinent: ad quos non semel promissis barbis, quas nutriunt in illis regionibus, apprehensos, per urbīs vias raptando Barbari crudeliter perducunt, vbi loci squalore, sitiq; tabescentes, vitam morti similem transigunt. Iam verò crudeles exactiones Turcarum arbitrio impositæ intolerabilem pariunt ærumnam, nisi enim à fratribus statim soluantur, flagris, & fustibus onerant. Mirantur hæc omnia, qui testes fuerint oculati, & miraculo vertunt, quod fratres jis in locis degentes tot tamq; immania possint tormenta sustinere. Ioannes Zuardus Sancti Sepulchri eques lib. 1. cap. 14. sui itinerarij ad Terram Sanctam. Georgius Viz captiuitate ibi detentus cap. 2. suæ Religionis, & Bernardus de Brindebac Decanus Maguntinus in prima parte sui itinerarij; omnes locupletissimi testes, fratrum labores, opprobria, persecutionesq; enumerant. Et non sine speciali Dei auxilio fieri contestantur, vt inter tot fidei hostium calamitates, infracti animo perseuerent: Quinimo cum familia, vt singulis sit triennijs, inde permutanda est, ad Nostrates reuerti ægerrimè sustinent, ne discedentes patientiæ occasionibus careant; de cuius voluptate illic stantes saginantur. Qui verò suffiendi sunt, mirum est, quā alacritate relictis Conuentibus, & alijs vitæ commoditatibus proficiscuntur, certi, quod Hierosolymis non nisi carceres, verbera, tribulationes sint inuenturi. Et tamen nunquam defunt, qui sponte sua his vitæ periculis se obijciant, & plus laboris experiuntur Prælati in reprimendo eorum studio, qui assidua instantia mitti procurant, quā in disquirendo quos mittant. Quod in tam numerosa Fratrum quantitate, qui quolibet triennio permutantur, & numerum attingunt centesimum, & vigesimum, mirabile est, & ab alijs Religiosorum familijs non ita numerosis qualis

Zuard.

Georg. Viz

Bernard.

Brind.

qualis est nostra Minorum de Obseruantia, præstari non poterit.

Hanc ærumnarum, & persecutionum enarrationem, quas Minoritæ apud Hierosolimam sustinent, Regio Henrici VIII. Angliæ Regis annulo cosignatam, absoluo. Is enim antequam ab Ecclesia deficeret: In Epistola ad Guardianum, & Fratres Conuentus S. Sepulchri die 23. Nouembris Anno 1516. Inter alia hæc habet. *Vos qui aliquanto plus cæteris isthic non solum in peregrinis suscipiendis, rescindiisq; & confouendis, multisq; alijs charitatis officijs assidue laboratis, istaq; sancta loca salutifero Redemptoris nostri cruore conspersa, sanctissimumq; istud inprimis Dominicum Sepulcrum manifestum future nostræ Resurrectionis argumentum, perpetuis hymnis, canticis, assiduæq; laudis sacrificijs concelebratis, & exornatis, quique iniurias, & contumelias, vexationesq; quotidianas, necnon verbera, plagas, cruciatusq; toleratis.* Hæc ille tam verè scripta, quàm patienter à Minoribus Hierosolymæ degentibus tolerata. De quibus locutus videtur Apostolus ad Hebreos 11. dùm ait: *Alij verò ludibria, & verbera experti, insuper, & vincula, & carceres: lapidati sunt, secti sunt, tentati sunt, in occisione gladij mortui sunt.* Perbellè mortem pro Christo toleratam, veluti laborum omnium coronam vltimo loco posuit: Est enim martyrium pulcherrima vitæ clausula. Quæ etiam non pauci ex Minoribus in Terra Sancta degentibus, labores suos, vigiliis, Ecclesiarum custodias, sollicitudinem, egentes, angustiari, afflicti, quibus dignus non erat mundus, in solitudinibus errantes, in montibus, & speluncis, & in cauernis terræ, non mortis metu, sed alijs proficiendi studio latitantes; & tandem ad lucemeducti felicissimè terminarunt. Singulorum martyria recensuit Author conformitatum, & eadem in Minorum Annalibus enarrantur. Pronum autem erat, vt Minorum Religio hos Martyrij fructus produceret; ac in ipso statim sui exortus principio Saracenorum falce putata maiores emitteret propagines, quibus totum Orbem adimpleret, & honorifica suarum virtutum elogia mereretur audire,

Ad Hebr.
11.

Ad Hebr.
11.

Pisan. lib.
1. confor.
8. p. 2. de
Prouincia
Ter. San.
Annal.
Minor. an.
1342. n.
61.

Card. Vitr.
in historia
Occid. s. 32

qualia Iacobus de Vitriaco S. R. E. Cardinalis in Occidentali historia cap. 32. composuit. *Hæc est Religio* (inquit) *verè pauperum Crucifixi & Ordo Prædicatorum, quos Fratres Minores appellamus. Verè Minores, & omnibus huius temporis Regularibus in habitu, & nuditate, & mundi contemptibiliores. Adeo autem primitiua Ecclesiæ Religionem, paupertatem, & humilitatem in se reformare diligenter procurant, puras Euangelici fontis aquas, cum siti, & ardore Spiritus haurientes, quod non solum Euangelica præcepta, sed & consilia, vitam Apostolicam expressius imitantes bonis omnibus, quæ possident, renunciantes, se ipsos abnegantes, crucem sibi tollendo, nudi nudum sequentes, &c.* Hinc autem cernere est quantum Diuino adscribendum sit delectui, quod Fratres Minores sanctorum locorum cultui, & pretiosissimi thesauri custodiæ, cum grauior esset calamitas, deputarentur: Quippe qui rerum omnium contemptores, & vitæ profusissimi cum sint, stationem, in qua positi sunt, ad mortem usque decertantes in fracti sustentabunt. Sed mirum non est, ut tales postmodum se præstiterint; quia totum ab hausta ex parente Seraphico virtute prouenit: cuius felicissimum exortum, Deus ante præueniat, ut terram illam spiritualiter restauraret (ut cap. sequenti videbimus) & filiorum cultui committendam mereretur.

CAP V T V.

Hierosolymitanis rebus vltima penè ruina sepultis, Sanctus Franciscus possessor nouus, & Terra sancta apud Saracenos mysticus reparator suscitatur, labentisque Ecclesiæ Seraphicus Atlas, Deo providente substituitur.

CUM Dei Ecclesiæ grauioribus necessitatibus premertur; cum omnes penè virtutes à Christiana Republica exularent, extincta in Sacerdotibus modestia, humilitate, continentia: Cum in omne Christianum genus illa Saluiani

Massi-

Maffiliensis Episcopi iactari posset exprobatio (nimirum) *Quid est omnis penè catus Christianorum, nisi quadam sentina vitiorum?* Quoniam Tartarus omnem vitiorum spurcitiam euomuerat, & paucissimi inueniebantur, quos tabes non infecerat. Tunc Deus, vt assolet, S. Franciscum Ecclesiæ suæ dedit, pro ruina remedium, pro desolatione solatium; ita, quòd ipso in lucem edito, respirans dicere posset. *Iste consolabitur nos ab afflictione nostra.* Incidit Francisci natiuitas, vt postea dicemus, tempore, quo Christiani Terram sanctam amiserant, & à Saracenis possessam dolebant, quibus Seraphicus Pater Christum prædicauit, & Aegypti Sultanum ad fidem conuertit.

Salsian, in principio Apolog.

Genes. 5. n. 29.

Eadem etiã tempestate hereses, vt Cæsarius scribit, Vvaldensiũ maximè ab Vvaldo Lugdunensi, & Albigentium sedente Innocentio III. inundabant. Item Humilium pestis grassabatur, qui sub hoc nomine, humilitatem mentiente, Sacerdotibus, animarumque pastoribus, Paulo Aemilio attestante, propria munera vsurpabant. Vltra hos plurimi è Tartaro surrexerunt, quorum mentionem fecit Vvadingus in Annal. Minorum. Hi omnes Christi Ecclesiam vvaquā manu oppugnabant, erroribus infestabant, & persecutionibus opprimebant. At verò Deus Sponsæ dilectissimæ sortem miseratus iniquam, duos Patriarchas S. Franciscum, & S. Dominicum auxilio misit, correspondente sibi in hac parte eadem Numinis prouidentia; vt sicut fundandæ Ecclesiæ Petrum, & Paulum Apostolorum Principes delegit; sic etiã reformandæ duos Patriarchas Dominicum, videlicet, & Franciscum destinauit. Vidit, & notauit hanc Dei prouidentiam Bitontinus tom. 2. concion. Dominic. 2. post Pasch. vbi hæc: *Initio annuntiationis Euangelicæ, cum verbum Domini Iudeis, & Ethnicis prædicaretur, duo electi fuerunt Apostoli, Petrus, & Paulus. Cum mundus in tanta prolapsus esset vitia, & Dominus pietate motus illum voluit reformare, non elegit vnum tantum, sed duos, vnum Cherubicum, alterum Seraphicum, Dominicum, & Franciscum, duo corpora, sed vnā animam.*

Cæsar. li. 5 illustr. mi rac. ca. 21. & 22. Paul. Aemil. lib. 6. de rebus gestis Francorū sub Phil. II

Annal. Minor. to. 1. Appar. ff. 1.

Bosius l. 7.
de sign. Ec-
clesiast.

Nec verò ab his dissentiunt, quæ Thomas Bosius lib. 7. de Signis Ecclesiæ cap. 1. calamo candore illito descripsit.

Duo, inquit, *hi Dominicus, & Franciscus Ordinum Religio-
forum inter suos primi authores, & institutores meritò vocari
possunt duæ oliuæ, & duo candelabra in conspectu Domini stan-
tia: de quibus in Apocalypsi. Ab his enim verè dicta est Eccle-
sia, Dei domus ruinam quadam modo minans, institutis suis, &*

Bergomen.
in supplim-
lib. ad An.
1217.

*celestis vitæ innocentia sustentari. Addo alia ex supplemen-
to Bergomeni lib. 13. ad Ann. 1217. vbi recensitis eius æui
calamitatibus, quæ gentem Christianam opprimebant, hæc
adiungit: Christianorum itaque Dominus Iesus Christus tur-
pitudine, & calamitate commotus, hunc potissimum Ordinem
Prædicatorum, & Minorum excitauit; vt collabentem Chri-
stianam Religionem erigeret. Grauiori, & magis generoso
calamo S. Antonin. 3. part. tit. 27. c. 1. in eiusdem argumen-
ti tractatione immoratur, cui cohærent alij multi, omnes in
in Annalibus Minorum apud Vvadingum consulendi.*

S. Anton.

Verum enimvero plurima ad Ecclesiæ vtilitatem spectan-
tia in S. Francisci electione Deum respexisse ambigendum
non est. Vnde illud (credo) ante ipsius oculos potissimum
observabatur, & tanquam finem peculiariter intentum re-
spiciebat, vt in ea infortunatissima tempestate, ad S. Fran-
cisci in Terram sanctam ingressum, & prædicationem, Ter-
ra gauderet prædicatore Euangelica paupertate laureato, &
Saraceni abiurata Mahumeti infidelitate, Christi fidem am-
plecterentur. Testem huius rei oculatum adduco Cardina-
lem Iacobum de Vitriaco. Is enim ad cap. 32. Occidentalis
historiæ Sanctum Franciscum Aegypti Sultano prædicantē
Damiatæ se vidisse testatur. *Vidimus (inquit) primum hu-
ius Ordinis fundatorem & Magistrum, cui tanquam Priori suo
omnes alij obediunt, virum simplicem, & illiteratum, dilectū
Deo, & hominibus, Fratrem Franciscum ad tantum ebrietatis
excessum, & feruorem spiritus raptum fuisse; quod cum ad
exercitum Christianorum ante Damiatā in Terra Aegypti de-
uenisset, ad Sultani Aegyptij castra intrepidus, & fidei clypeo
communitus accessit. Quem cum in via Saraceni tenuissent;*

Iacob. de
Vitr. c. 32.

Ego

Ego sum Christianus, inquit, ducite me ad Dominum vestrum. Quem cum ante ipsum pertraxissent; videns eum bestia crudelis, in aspectu viri Dei in mansuetudinem conuersa, per dies aliquot ipsum sibi, & suis Christi fidem predicantem attentissime audiuit. Tandem verò metuens, ne aliqui de exercitu suo verborum eius efficacia ad Dominum conuersi, ad Christianum exercitum pertransirent. cum omni reuerentia & securitate, ad nostrorum castra reduci præcepit, dicens ei in fine: ora pro me, ut Deus legem illam, & fidem, quæ magis sibi placet, mihi dignetur reuelare.

Addit præterea D. Bonauentura in vita S. Francisci c. 9. quod tunc temporis S. Pater altissimum Trinitatis mysterium (quod negat Mahumetus) Sultano prædicauerit, atq. mirando spiritus feruore impulsus in accensam pyram ingredi sponderit; indeque, in fidei, quam prædicabat probationem, illæsus euadere, si Mahumetismi Doctores eandem, pro tuenda Mahumeti secta, ignis experientiam subire voluissent. Quinimo addidit, illis ignem ingredi recusantibus, se libenter intraturum, si promitterent Christianam fidem recepturos, cum illæsum ab igne prodeuntem aspicerent. Veritus tamen est Sultanus, ut exercitus ad ignis miraculum, conuerteretur, victoriamque amitteret. Ideo S. Franciscum ab intento retardauit, adiciens quæ citatus Cardinalis de Vitriaco refert. Præterea S. Patris spiritum, fidem animositatemque admiratus illum ut hominem penè diuinum reputauit. Quāquam à sæculi huius statutis, legibusque detentus fidem, quam prorsus veram animo conceperat, tunc palam recipere, ac profiteri non est ausus.

Hæc autem S. Francisci prædicatio nullatenus infrugifera, inanisque euasit. Eo enim audito immanis, & feritate metuendus Aegypti Sultanus exuta barbarie comem se, & benignum præbuit S. Antonino Stadenſi Abbati, & Matthæo Paris id affirmantibus credendum. Quinimo, ut iam citatus Cardinalis Vitriaco testatur, magna deinceps beneuolentia Christianos proſequebatur, ac tibi in familiares adiungebat. Verba ipsius in historia Hierosolimit. ad. Ann. 1219. hæc sūt.

Tanta

D. Bonan.
cap. 9.

S. Antonin.
3. part. tit.
19. c. 8. 3.
& 4.
Paris ann.
1238.
Abbas staden.
anno.
1221.
Card. d. Vitt.
lib. 3. hist.
Hierosol. ad
ann. 1219.

Tanta benignitatis erat in Christianos ; vt post treguam cum Saracenis solui iuberet Christi cultores , quos vinculatos in uenit in munitionibus , quas expugnauit ; & in optione eorum posuit , utrum in patriam suam redire uellent , an acceptis ab eo solidis , sub ipso militare potius eligerent . Idem Christianos intantum familiares habuit , vt custodes sui corporis constitueret eosdem : licet pater ipsius à Lascaro Greco fuisset interfectus . Nec solum hinc stetit Soldani beneuolentia , sed ex Christianorum amore ad amplectendam Christianam fidem , gradum fecit , & reuera amplexus est , vt scripsit Hugolinus , Marcus , Cardinalis Vitriaco , S. Antonin. & plures alij . Nam , vt in Annalibus Minorum refertur , aliquibus ; post , annis , vir sanctus duobus ex suis sectatoribus in Syriæ partibus apparuit , præcepitque , vt ad Soldanum morbo languentem de fide Christiana , & aqua baptismatis suscipiendam , sollicitum quantocius accederent , & sacra doctrina sufficienter instructum sacro de more baptizarent .

*Hugol. Ca
34. Marc.
lib. I. c. 58.
S. Antonin.
tit. 19. c. 3.
ff. 3. Annal
Min anno
Xpi 1219.
n 62.*

Fuit autem hæc Soldani Malachadini , vt aliqui , seu , Voliritij , vt uult Marianus , miraculosa conuersio , quam S. Franciscus summopere expetebat . Vnde statuit , Deum summa precum instantia sollicitare , & obtestari , vt hanc animam saluam faceret , pro qua lucranda tot emensus est terras : Neque per plures dies ab oratione destitit , quousque exauditus est ; & præstensa omnia , quæ futura erant circa Principis conuersionem , & baptismum ab eo suscipiendum . Dùm autem vir sanctus ad Soldanum iterum rediret , eiq. omnia referret , & fidei nostræ normam expanderet , maiorem quàm antea erga ipsum concepit amorem ; rogauitq. vt diutius uellet apud se demorari : sed præmonitus ille ab alto , vt in Occidentem reuereat , non potuit acquiescere . Vale dicto itaque Principe , decessit : eoq. abscedente , sicut à Deo precibus obtinuerat , Soldanus sacrum baptismum suscepit , & S. Francisci meritis Christi Ecclesiæ aggregato , duo illi , quos miserat , cunctis ad animæ salutem obsequijs adfuerunt .

Non tamen hac vna Soldani conuersione claruit S. Francisci

cisci virtus, plures in ijs regionibus edidit memoratu dignas ob personarum dignitatem, quas Cardinalis Vitriacus in Epistola ad Religiosos, & familiares Lotharingos circa finē recenſet. Doluit humani generis inimicus, & inuidit ereptam sibi à Francisco prædam, & coelo redditam. Vnde foeminam Aegyptiacam forma insignem, & impudicam impulit, vt Franciscum ad Veneream carnis illecebram prouocaret, cui immutata facie, & mira in periculoso congressu securitate vir sanctus dixit, se concubiturū in eo loco, quem ille sibi vellet eligere. Placet mulierculæ pactum, sed ad omnem tollendam moram instabat. Parat se ad cubitum. Franciscus, exuta paupere lacerna, & baculo confrictis, sparsisque in pauimento carbonibus, qui erant in camino, desuper incubuit, magno illæsus prodigio: *En* (inquit tentatrici) *lectus splendidus, & floridus tanto opere dignus: hic ille, quem ego eligo, vt eos ignes euadam; si adhuc tibi molesti, nulla potiori aqua, quàm igne hoc extinguantur.* Expauit ad factum mulier, & corde compuncta, coram Francisco in genua se prouoluens errati sui veniam postulauit, & facile à Domino obtinuit, qui ardores cupidineos in cœlestes mutauit; ita vt Christiana fide à viro Dei imbuta, multos ad eandem, vel ut Euangelica Samaritana mirabiliter perduxerit.

*spec. vite
S. Francisc
cap. 74.
Hugol. cap
33.
Marc. lib. I
cap. 57.
Annal. Mi-
nor. anno
1219, num.
64.*

Hæc, & similia memorando pariter miraculosoq; euentu edebat Franciscus, dum anno illo in ijs regionibus se tene- ret. Vbi faustissimum eluxit præſagium, quod prædicatione sua, & filiorum postea succedentium, Saracenorum gentem Terræ Sanctæ accolam, & Mahumeti cultricem esset debellaturus. Hoc memorata Soldani conuersio, & inhonestæ Aegyptiæ mutatio portendebat: ille potentia, & superbia elatus erat, hæc libidinis facibus accensa, & fors libidinosior, quàm quæ olim Iosephū in luxuriam prouocauit: felicius tamen à Francisco victa, & in meliorem vitam recepta quàm vetus Patriarcha suam expertus est tentatricem.

In his autem Soldani, & foeminæ Aegyptiæ primis cōuersionibus paulo ante recensitis studiosius adnotandum est, quod superbia, & armorum potentia; turpitudine, & lu-

xuric tota Mahumetanæ superstitionis, & Alcorani molēs sustentatur. Ita quod districto gladio, seclusa ratione, miraculis, veritate ipsa rerum omnium dominatrice, sectam prædicant, & vi recipere cogunt. Ad quod armorum potentiam à Deo sibi creditam iactant, quemadmodum Christo miraculorum virtus fuerat concessa. Decepti verò sunt hi Orbis impostores, quibus perenni victoria frui datum non est, sicut Moyse, & Iosue, & alijs, quos interruptus victoriam cursus, iuuante Deo nobilitauit. Mahumetus enim, multoties bello victus ingemuit. Vnde quidam victum, & dolentem non immerito carpebat, dicens: *Mahumeto dentes contriti sunt, & facies collisa*. Quin etiam præceps actus in fossam, ibi deiectus, turpiterque victus iacuit. Et quod maiori dignum est irrisione, pridie quam victus concideret, suis, sibi que victoriam ex cœlesti oraculo prouenturam sponndit. Neque in hoc tantum sua impiū sefellit spes: aliàs cum latrocinium exerceret, non semel à Driantis cæsus est, dum eorum camelos Mecha redeuntes inuassisset. Quapropter in eadem Ciuitate, in qua modo colitur, damnationis tulit sententiam; propositoque donatiuo, sancitū fuit, vt is, qui Mahumetū perniciosissimū famosissimūq; latronem comprehenderet, à Republica foret premiandus. Quod si euasit, dæmonis artibus tribuendum est, qui filium suum ad hominum perniciem, Deo permittente, seruauit. Et verò Mahumetum diaboli filium ex nefario cum foemina concubitu extitisse, testatur Cardinalis Toletus in summa, verbo *peccatum contra naturam*. Vbi Lutherum etiam, & Merlinum Anglū ex eodem parente genitos affirmat. Quapropter qui gentem cæco impetu in Mahumeti errores prolabentem inspicis, non concessæ è cœlo potentie id veritas: naturæ corruptionem reputa, quæ sponte sua in deteriora contendens, improbi sectarij statuta corruptioni suæ lenocinantia completitur.

Tolet;

Mentitæ armorum potentie, libidinis fomitem addidit Mahumetus: vnde omnigenæ laxauit fræna libidini, nec ullum vitandum censuit carnis peccatum, quin etiam in bruta fere.

ferebatur infanientis libido. Quidni talem conderet legem? quem ita incenserant cupidinis faces, ut iactabundus dictitaret, pluribus foeminis libidinosè frui, quàm homines quadraginta simul possent. Quinimo cum omnibus quotquot cum ipso gratis congredi turpiter vellent, paratum se testabatur. Quindecim vxores, & duas habuit ancillas. Plurimos suæ obscænitatis discipulos nactus est magister impudicus. Nam ut Thomas Bosius lib. 12. de signis cap. 20.

Thom. Bos.
lib. 12. de
signis cap. 20

scribit: *Est inter Turcas quorundam, qui religiosissimi habentur, secta: vocantur hi Turlachi: Mos est istis palam per obscænitatem spurcissimam coire cum quibusvis etiam belluis, præcipue verò cum asinabus, quibus ipsi vebuntur. Et quo fidentius hæc ÷ perpetrarint, eò sanctiores existimantur.* Nec Bosius tantum, licet omni exceptione maior, tam effrenatæ libidinis testis laudatur. Eandem etiam plures Scriptores fide

Anton. Menauin.
Theodos. Spagund.
Cantacuz.
Io. Leo Afric.

digni prodiderunt, & posthabitis Antonio Menauino, Theodoro Spagundino, Cantacuzeno, & alijs, laudatissimum est Ioannis Leonis Africani testimonium. *Qui quidem (Bosij verba sunt) è Mahumetorum sanguine ortus, Mahumetoque diu addictus, cum fuisset à nostris captus, Romamque Leone X. sedente adductus, Christo se dedit, & Africæ descriptionem, moresque sue gentis proprio libro diligentissimè notatos nobis reliquit. Adijcit hic aliud longè obscænissimum, solitos huiusmodi homines ubi impetus eos libidinis arripuerit, violare mulieres obuias, quas posuerint in medijs vijs, nisi obstiterint illæ præ naturali, qui reliquus est humane menti, pudore. Quod verò est insanissima metis & ad præsens argumētum spectat; tanta superstitione defixi populi tenentur; ut credant hos homines diuinissimos, mulieres verò quæ compressæ fuerint ab istis, ex hoc facto, quasi consecratas, & sanctiores factas.*

Eueria itaque violentia, & libidine perfanata, quibus Mahumeti error fulcitur, secta labascit, Alcoranus destruitur, & sectatoribus viduatur. Et sanè victo, ni me fallit opinio, per S. Francisci conuersionem Sultano, inaugurata Mahumeticis armorum potestas euanescit; sicut etiam medicata per continentiam Aegyptiæ luxuria, turpitudinis fa-

ces extinguuntur, quæ igne suo hominum mentes excæcant. Cum igitur Sultanus potentia, & superbia elatus, Aegyptia præ libidine cæca Mahumeti sectatores extiterint: Et de utroque Franciscus victoriam comparauerit. Quid inde opinandum? Nisi quod paupertate sua, humilitate, & castitate Seraphicus Pater, iisdemque suorum filiorum virtutibus Saracenorum elationem, ac potentiam, & spurcissimam libidinem esset detriumphaturus. Nec vana est huiusmodi opinionationis fides, sed Ioachimiprophetia iam dudum confirmata. *Gaudebunt* (de Francisco, & eius Ordine loquitur) *in Canticis suis, idest in predicatione sua omnes Tribus terræ, & gens immunda Mahumetica, quæ remanebit, & hi, qui residui erunt, ad Dominum conuertentur.* Cæterum de hac prophetia latius postea differemus.

Ioach. l. de
concord.
vtr. usq. te-
stament.

Pisan. l. 2.
cons. 7.

Annal. Mi-
nor. to. 1.
ann. 1219.
n. 55.
Pic. Mirad

His igitur peractis, & hac futuræ messis expectatione, ascendit Franciscus Terram sanctam, sacræque Palæstinæ regionem, Syriam, & Galilæam peragravit. Ibi Sepulchrum Saluatoris nostri incredibili affectu inuisit, ut Author conformitatum scribit. Nec inuisisse semel tantæ deuotioni satisfuit, visitationem repetiuit: Nam ab Italia discedens, & Damiatam contendens, eo in itinere loca sancta inuisit. Rursum cum in Italiam se reciperet, sacratis locis iterum salutatis discessit. Ita plurimi in Annalibus relati confirmant, & cecinit illustri poemate Ioannes Picus Mirandulanus, ex quo est carmen illud.

Pelleo repetens solymos, Syriamque rebellem.

Annal. Mi-
nor. tom. 1.
an. 1219.
num. 55.

Accidit autem in hoc aggrediendo itinere res minimè prætereunda. Nam cum Seraphicus Pater Nauim subsidariam paulo post Damiatam enauigaturam conscendere statueret: detecto filijs consilio, omnes certatim socios se illi in Terram sanctam profecturo adiungere nitebantur. Pater-
nus amor neminem relinquere suadebat, omnes portare congruum non erat. Quid igitur pius omnium pater? Quasi fortis indicio amoris suo, & eorum, qui non assumerentur scandalo, dolorique satisfecit. Vnde omnes sic est allocutus: Filij dilectissimi, neminem vestrum à me vellem seiu-

ctum,

Etiam, omnes huius itineris comites optabam, sed importunam, & onerosam petitionem meam Nauita iudicasset, si omnes admitti postularem. Quare ne quisquam se dimissum conqueratur, & alterius inuideat electioni; non tam meam volo esse, quàm Dei. Et protinus aduocato puerulo, qui forte aderat in nauali: Per os infantium, inquit, & paruulorum, sæpe Dominus suam indicauit voluntatem: Nec dubito eandem modò per hunc puerulum significaturum: Interrogemus eum, & credamus Deo per eum locuturo. Interrogato itaque, an diuinæ esset voluntatis, vt omnes fratres, qui aderant, transfretarent: ex tempore constanter respondit: non esse. Vltèrius quærentibus: qui nam deberent ex omnibus assumi? (Voce, & digito vndecim, monstrauit, ad singulos, vt diuinitus ei suggerebatur, accedens. Quibus visis, & auditis admiratione repleti omnes, tam qui transfretaturi, quam qui remansuri, sua sorte contenti, genuflexi, & a sancto viro benedicti, sibi inuicem, vale dicentes, in osculo charitatis recesserunt.

Tandem multis emensis terris Seraphicus Pater Antiochiam pertingens, nigram Montanam iter faciendo occupauit: Quo in loco S. Benedicti ordinis Monasterium extructum viscebatur. Hic, vt Marcus, Annales Minorum, & alij referunt, Monachi hominem Dei ad se venientem sacro ritu processionaliter exceperunt, iam ab Abbate paulo ante defuncto, & prophetiæ gratia illuminato præmoniti, non longè à suâ morte superuenturum hominem Deo charum, & sanctum, magnæ familiæ Patriarcham, in veste lacera, & persona despiciabili, omni tamen reuerentia, & honore dignum. Cum his dies aliquot adeo sancte transegit; vt omnium in se transmutaret affectus, & ad sancti viri vitam omnes admirarentur. Addunt etiam Authores, Legenda antiqua, Marcus, Pisanus, & alij, Monachos omnes, mores, & habitum commutasse, renunciatisque amplissimis possessionibus, Antiochiæ Patriarchæ, Franciscanos euasisse. Res plane insolita, & prodigio quamsimillima, quæque singularem Seraphici Patris spiritum, & spiritualement ipsius cum

Sancto

*Marc. lib.
1. cap. 57.
Annal. to.
1. anno
1219. num.
66.*

*Leg. antiq.
904. Mar-
cus citat.
Pisan. cõf.
9. & 11.*

Sancto Benedicto cognationem patefacit. Cuius clarissimum est argumentum percelebris triumphus, quem vterque (fors in hac parte soli, & pares) de incontinentia, in spinis tanquam rosis molliter decubantes reportarunt.

Hic, arbitror, primus Conuentus à Sancto Francisco ijs in partibus acquisitus numeratur. Postmodum verò plures alios vnà cum suis breuissimè obtinuit: & facta aliorum accessione, quos Monachi Orientales tradiderunt, ita numerus excreuit; vt modico temporis spatio S. Pater amplissimam sui Ordinis haberet Prouinciam: Quæ vsque ad Syriæ, & Terræ sanctæ direptionem à Saracenis, non sine laude florebat. Hac illius Regionis, & Terræ sanctæ possessor euasit Seraphicus Pater. Nec sine speciali Dei prouidentia factum opinor, vt cùm infortunatissimis temporibus Christiani Terram sanctam, & eius Metropolim Hierosolymam, vbi extant humanæ Redemptionis monumenta, perdiderunt, Francisci natiuitas incideret, vt Ecclesiæ ruinas restauraret, deque Saracenorum tyrannide vendicaret, vt postea rerum exitus docuit, & sequenti §. ostendemus.

§. PRIMVM.

Editur in lucem S. Franciscus Christianis Terram Sanctam amittentibus, faustissimo presagio, quòd per ipsum spiritualiter esset reparanda.

Baron. to.
12. anno
1182. Abbas stad.
Marcus
Ferdinad.
de Castillo.
Ioan. Pined.
Annal. minor. to. 1.
Apparat. S. 3.
S. Antonin. 3. p. hist. tit. 24. cap. 7.

ANno à Redemptoris Natiuitate 1182. lucem hanc aspexit Franciscus; vt auctor est Baronius, Stadens, Abbas, Marcus Vlyssipon, Ferdinand. del Castillo in Chron. Prædicatorum lib. 1. cap. 4. Ioan. Pined. 3. p. Monarch. Eccles. lib. 22. cap. 23. §. 2. Annal. Minor. & plures alij. Vitam ad annos 45. produxit, & Anno salutis humanæ 1226. felicissimè concludit. Ita S. Antoninus 3. p. hist. tit. 24. cap. 27. & alij testantur. Per id temporis Saladinus

hadinus Aegypti Soldanus, dissidentibus (proh nefas) inter se Christianis Principibus, Hierosolymitanam Urbem anno 1187. inuasit, & die Octobris secunda, feria sexta, Christianis indè expulsi occupauit, vt affirmat Adrich-
Adrich;

Quinquennium verò ea tempestate Franciscus attigerat: vnde procliuè est opinari illum, cum iam Terra sancta foret amittenda, tali ætate destinatum esse, vt quinquennis puer sacrum quinque plagarum numerum præostenderet, quibus virili in ætate diuini amoris manu insignitus, postea sacratissimum illum, inæstimabilemque sanctorum locorum thesaurum, in quibus hominem induit Dei filius, nasci, mori- que voluit, surrexit, ac in Cælos ascendit, mœrenti Ecclesiæ, ac videnti, quòd manum suam misit hostis ad omnia, desiderabilia eius, non sine ipsius lætitia, Minoritarumque Ordinis honore restauraret; redderetque. Congruerat autem, vt sicut hominum Redemptor Christus quinque plagis vulneratus Redemptionis mysteria obijt, & effuso sanguine sancta loca conquistauit: Ita is, qui vice Christus futurus, locorum restitutioni destinabatur; totidem plagis foret insignitus, & quinquennis ipse cum thesaurus amitteretur, numero annorum, plagarum numerum præfagiret, quòd eiusmodi stigmatibus insignis Redemptorq. assimilis thesauri ipsius futurus erat reparator. Nec mihi parentis imponit affectus, sed fidem præstitit rerum euentus. Quoniam acquisito per Minoritas sacrorum locorum thesauro gauisa est Christi sponsa: perque trecentum annos, & ultra inter infideles Saracenos loca illa ipsis Ministrantibus possidet, vt latius currente opere, in huius tractatus decursu ostendemus.

Dum autem Franciscus ea tempestate facerrimi thesauri reparator futurus destinabatur; Saraceni Mahumeti sectatores illum possidebant, in quo Diuinæ gubernationis dispositio clarius illuxit. Nam Deus medici instar prudentissimi tunc parat anthidotum, cum venenum præuidet grassaturum; vt quos adhuc lues non tetigit, à contagione præseruet.

seruet: & ijs, qui iam infecti erant medeatur.

Ribadenei
in vita S.
Augusti.

Sic D. Augustinum suscitauit cum Pelagius hæresis incendio totum penè orbem Tartareo spiritu insufflante combusserat; vt qua scriptis, qua prædicationibus flammam extingueret, & contra calidissimi veteratoris sophismata, Catholicam fidem tueretur.

Ribad. in
vita S. I.
gnat. c. 16.

Pari etiam prouidentia S. Ignatium mirabili conuersione è sæculo traduxit, & Societatis Iesu fundatorem instituit, quo tempore Lutherus totum penè Aquilonem hæretica prauitate labefecit; & hæreticorum manum colligebat aduersus Christi Ecclesiam, & ipsius Vicarium pugnaturus; vt S. Ignatij, suorumque prædicationibus, & scriptis ignea nequissimi tela extingueret.

Quidni de S. Francisco, eandem cogitabimus Dei prouidentiam: Et Ecclesiæ suæ à Christo datum sentiemus? vt Passionis suæ monumenta de manu Saracenorum eriperet, & Mahumeti sectatores ad fidem pertraheret. Cum enim impius ille à dæmone edoctus nefariam sectam superbia, armorumque potentia introduxit, somitem ministrante carnis lenocinio, cui suis sectatoribus absque vlllo naturæ, vel pudoris fræno indulgere permisit: Franciscum dedit, qui carnem cum vitijs, & concupiscentijs crucifigendam prædicabat. Et cum compellentibus armis, prolestanteque libidine gentes multitudine penè infinitas Mahumetismo infecit: Eoque facilius quò venenum illud carnis dulcedine potandum ministrabatur. Nam dulcibus epota venena (vt dicunt Medici) citius perimunt. Vnde ait in Apologet.

Tertall.

Tertullianus: *Venena non dantur nisi melle circumlita.* Tunc aduersus superbiam, & potètiā Francisci humilitas, imbecillitasque paratur, & ad sanandam carnis corruptionem eiusdem Seraphici parentis castitas opponitur, vt melioribus armis sectam oppugnaret, quam ipsius author illam introduxerat. Et illud Prophetæ oraculum in S. Francisco impletum admiraremur. *Clypeus sortium eius ignitus, viri exercitus eius in coccineis.* Vel vt alij ex Hebræo, & Septuaginta legunt: *Arma potentie eius ex hominibus, vel ex homi-*

Mabum.
2. n. 3.

ne. Viri exercitus eius illudentes in igne. Quis neget arma Dei potentiae humilitatem esse, & imbecillitatem? Cum autem humilitas, & imbecillitas longissimè à Deo absint; necesse fuit, vt hæc ab hominibus, seu ex homine mutuaretur. Quis autem homo iste? nisi Franciscus, quem in Aegypto, & Palæstina degentem, Dei hominem, hominem Deo charum nuncupabant. Quis Francisco in igne pulchrius lusit? cum ne carnis flagraret incendio, carnem ipsam flammis deuorandam obiecit, & in prunis recubans, vtròque illæsus mirabiliter prodijt. Cum leonibus, quasi cum agnis luserit ille, alius: quia tandem carnis ludo se victum ingemuit. At Franciscus cum incensis carbonibus lusit, quasi cum rosis: nec vnquam se doluit victum, sed pulcherrimam de tentationibus victoriam reportauit.

Nec solus in igne lusit S. Pater: sed etiam eius filij in igne ludentes delectabantur. Eodem nanque anno misit celeberrimos quinque Marrochij martyres, Berardum, Petrum, Adiutum, Acursum, Ottonem, qui sub ipsum Ordinis principium effuso in martyrio sanguine, quinque plagarum parentis sui sanguinem eodem numero morientes associarent. Ad Miramolini verò Regnum mittuntur, vt ipse Orientis, illi Occidentis populi Mahumeticis salutare Christi prædicarent Euangelium: Sic enim teste D. Antonino, & alijs, reuelatione à Deo accepit, vt postea ipsis cum iam mitterentur exposuit, sicut ex antiqua Legenda transtulit Marianus. D. Anton.

Filioli mei; Deus mihi mandauit, quòd mittam vos ad terram Saracenorum ad prædicandum, & confitendum eius fidem, & legem Mahumeticam impugnandam; & ego etiam ibo per aliam partem. Illi sine mora genuflexi coram sancto viro, manu osculata cum multis lachrymis vltimam exposcunt benedictionem, quam non minori lachrymarum profluuiò impertijt Seraphicus Pater. *Benedictio Dei Patris veniat super vos, sicut venit super Apostolos, & vos corroboret, & dirigat, & in tribulationibus consoletur.* Nolite timere, quia Dominus vobiscum est tanquam bellator fortis. Abite in Dei nomine, qui vos mittit. Marian.

Non parum filijs profuit Patris benedictio: siquidem illius virtute 16. Kalend. Februarij ante mortem S. Francisci anno sexto martyrium perpeffi sunt. Qui illorum vt audiuit Martyrium, tanto gestiuit gaudio, tanta perfusus est læritia, vt faciliè exprimi non posset. Ad allatum nuntium circumstantibus dixit: iam verè posse asserere, veros quinque obtinuiffe se fratres Minores. Eodem die, quo è vita discesserunt in Lusitania (vbi modo eorum corpora seruantur) Principi D. Sanciae suae benefactrici apparuerunt, intercessionem in Cælo pollicentes. Horum Martyrij nuntium, & exemplum commouit S. Antonium de Padua, vt ad Ordinem fratrum Minorum se transferret, quo infidelibus Saracenis Christi Euangelium prædicaret. Magna ediderunt miracula Martyrum reliquiae: in quibus illud est memorandum: Quod nemo Veneris spurcitia infectus ad illas accedere poterat. Hoc castitatis amatoribus, & S. Francisci filijs debebatur, qui virtutem hanc Saracenis infensam coluit, & carbonum candentium miraculo comprobauit, sicut pro eiusdem castitatis cultu plurima in historijs, miracula referuntur à Martyrum reliquijs edita.

Hi igitur quinque legis nouæ signiferi, & Euangelij prædicatores Marrochium profecti, primo Hispali (Siuiam dicunt) Euangelium sectatoribus Mahumetani erroris prædicarunt: Deinde ad Miramolinum perducti, ob prædicationem Régis iussu in carcerem coniecti, indeque educti candenti pice, & feruenti oleo adustis verberum cicatricibus, & crebra testarum volutatione confectis, sacram hymnodiam in igne illudentes concinebant. Barbari tanquam insanientes illudebant Christi martyres; sed Ecclesia ludo illo delectabatur: quia in quinque militum numero, Ducis sui Francisci præsagium agnoscebat. Qui & quinquennio annorum, & quinque plagarum numero, sacrorum locorum restitutor parabatur. Et sanè omnes Francisci Conatus in Eòis, Occiduisque plagis eò tendebant, vt Saracenorum in se transmutaret affectus, quò ad obtinenda ab ipsis loca sancta promptiores redderet. Eò etiam, vita functo paren-

te,

te, omnia filiorum studia vertebantur, ad id potissimum. insudabant, insudantque, ut humanæ Redemptionis monumenta ab impiorum manibus eruantur. Præclaram huic rei fidem rerum euentus fecit: Quin etiam multæ Prophetarum prædictiones fidei præluxerunt, in quibus, ut sequenti capite monstrabimus, Franciscus & eius filij in sacris locis Saracenis concionaturi prodebantur.

CAPUT VI.

Sancti Francisci natiuitatem, Ordinis ipsius institutionem, & apud Saracenos prædicationem, sacri rates multis retro sæculis prænunciarunt.

Magna & insolita, quæque suo exortu magnam, Deo providente, felicitatem allatura sperantur: priusquam aspectu oculos feriant, prædictione recreant; ne si inopinato videantur occursum, magnitudine, nouitateque deterreant: Hinc est, ut in sacris voluminibus tam verbis, quàm figuris plurima conspicienda proponantur, antequam veniant. Ideò dixit egregiè S. Gregor. Nazianzenus. *Diuina sapientia magnarum rerum fundamenta multò ante iacit.* Magnum quid futurum erat, ut Cyrus Rex Dei Populum apud se captiuium, non solum remitteret, verum etiam muneribus auctum in patrium solum abire compelleret, & dirutam Hierosolymam restauraret. Idcirco priusquam oriretur proprio nomine apud Isaiam cap. 45. futurus prædicatur. *Hæc dicit Dominus Christo meo Cyro.* Atque adeo Israelitici populi liberatoris, & Solymorum restauratoris prærogatiua, ut credidit S. Hieronymus, ante nominatus fuit, quàm natus: & priusquam de facie cognoscendus appareret, tanti Prophetæ oraculo nasciturus proderetur. Nouum, & insolitum in Ecclesia futurum erat sanctitatis prodigium Magnus ille Franciscus, Terræ sanctæ mysticus reparator. Quid igitur mirum ut Prophetarum ore ipsius natiuitas prædicetur, & tot signis, ac figuris delineatus

Greg. Nazianzen. orat. 18.

Isaias.

D. Hieron.

existeret; vt quāsi digito monstrari: Et nomine proprio vi-
sus fuisset designari. Plurima proferuntur, ex quibus præ-
cipua hæc proponam, diuissimque explicabo.

S. PRIMVM.

*S. Ioannes Apoc. 7: sub Angeli figura Franciscum in
Orbem venturum præsignauit.*

Apoc. 7.

*S. Bon. in
prolog. le-
gēda ma-
gioris.*

Dilectissimus Christi discipulus, cuius oculus amore il-
luminatus cæteris acutius intuebatur, Franciscum
Magistri sui similitudinem in Angelo delinqueat præuidit,
futurumque agnouit. *Vidi (inquit) alterum Angelum ascen-
dentem ab ortu Solis, habentem signum Dei viui.* S. Bona-
uentura in hoc Angelo expressum agnouit S. Franciscum,
& prophetiam de illo literaliter intelligendam scripsit.
*Hanc Dei nuntium (ait) amabilem Christo, imitabilem nobis,
& admirabilem Mundo seruum Dei fuisse Franciscum indu-
bitabili fide colligimus, si culmen in eo eximia sanctitatis ad-
uertimus, qua inter homines viuens imitator fuit puritatis An-
gelica, qua & postus est perfectis Christi sectatoribus in exem-
plum. Ad quod quidem fideliter sentiendum, & piè, non so-
lum inducit officium, quod habuit vocandi ad fletum, & plan-
tum, caluitium, & cingulum sacci, signandique Tau super
frontes virorum gementium, & dolentium signo penitentialis
crucis, & habitus cruci conformis; verum etiam irrefragabili
veritatis testificatione confirmat signaculum similitudinis Dei
viuentis, Christi videlicet Crucifixi, quod in corpore sapius fuit
impressum, non per naturæ virtutem, vel ingenium artis, sed
potius per admirabilem spiritus Dei viui.* Hætenus ille.

*Pisanus
conf. 31.*

Nec miror S. Doctorem scripsisse, præfatum locum fide
indubitabili de S. Francisco interpretandum: quoniam Bar-
tholomeus de Pisa Theologus illuminatus conformitate
31. id Sancto Bonauenturæ reuelatione traditum affirman-
ter adstruit. *Et quod (inquit) dicta prophetia fuerit ad li-
teram*

teram de Beato Francisco: Diuinitus D. Domino fratri Bona-
uentura Cardinali tunc nostri Ordinis Generali fuit ostensum.
Cum enim in crastino, existens in loco S. Mariae de Portiuncula
deberet de B. Francisco predicare, tenens librum Apoc. ante se,
cepit instantissime orare Deum quatenus dignaretur sibi reue-
lare, de quo fuit illa dicta Prophetia Apoc. de Angelo habente
signum Dei viui cap. 7. Et vox de Cælo venit dicens: Frater
Bonauentura, figura illa literaliter dicta est de B. Francisco, &
hoc ipse Fratribus, & secularibus postmodum dixit. Hæc Pi-
sanus. Nec verò soli D. Bonauentura, sed alijs etiam hoc
idem reuelatione monstratum tradidit S. Bernardinus Se-
nensis tom. 2. ferm. 60. in principio, quin etiam Leo X. Ia-
cobus à voragine, & alij præfatum locum eodem sensu expo-
suerunt. Eorum verba nonnulli, præcipuè Sedulius in San-
cti Francisci elogijs recenset.

Addit præterea Author Conformit. lib. 1. Conform. 1. si-
gillum sextum, quod Ioannes cap. 6. apertum affirmat, ad
tempus, in quo in lucem editus est S. Franciscus, reijci-
endum. Et vidi (inquit) cū aperuisset sigillū sextum, & ecce terra-
motus magnus factus est, & Sol factus est niger tanquā saccus ci-
licinus: & I una tota facta est sicut sanguis; & stella de calo ceci-
derūt super terram. Deinde c. 7. adiūgit. Post hæc vidi quatuor
Angelos stantes super quatuor angulos terræ, tenentes quatuor
ventos terræ, ne flarent super terram, nec super mare, neque in
vllam arborem: & vidi alterum Angelum ascendentem ab or-
tu Solis, habentem signum Dei viui: & clamauit voce magna
quatuor Angelis, quibus datum est nocere terræ, & mari, dicens:
nolite noceri terræ, & mari, neque arboribus, quoad vsque
signemus seruos Dei nostri in frontibus eorum. Hoc Ioannis
vaticinium (ait Pisanus) Federici Imperatoris II. Siculo-
rum Regis tempore adimpletum est, vt singula percurrendo
innotescet. Impio enim regnante Federico; Terramotus
factus est magnus; quia ipse in Christi Ecclesiam, eiusque
Vicarium insurgens, infideles Saracenos conduxit, bellum
administrauit, Ecclesias subuertit, ipsius ministros Sacer-
dotes, Religiososque occidit. Et tunc factus est Sol niger:
quia

S Bernard
Senensis.
Leo X. in
Bull. vniou
Iacob. de
Vorag. ser.
ferm. d. de
S. Francisc
Sedulius in
elogijs S.
Francisci.
Pisanus l. I
conform.
fructu.

quia Christi Vicarius Ecclesiæ caput ob persecutionem se abscondit, *Luna facta est sanguis*: quia Ecclesia lugens, ac mœrens filiorum in ea persecutione interfectorum sanguine maduit. *Stella de cælo ceciderunt*: quia non pauci in cælo militantis Ecclesiæ prælatura radiantes, dum Federico adhæsisserunt, excommunicationis fulmine percussi ceciderunt: dæmones in quatuor Angelis ventum cohibētibus designantur, dum peccatis impediunt, nè Deus gratiæ auram largiatur, sed ijs irritatus vindictam inferat. Possunt etiam quatuor Sanctorum ordines intelligi, Apostolorum, videlicet, Martyrum, Confessorum, Anachoritarum, & Doctorum, quorum exempla, & doctrinam Mundus contempserat. Stabant super quatuor partes terræ, præsertim sæuiente Federici persecutione, cum penè omnes à rectitudinis via, declinauerant. Et tunc ventum tenere dicebantur; quia, vix inueniebantur, qui ipsorum doctrinam, vitæque perfectionem amplecterentur. Dum autem hæc fierent directus est alter Angelus; idest Angelicus vir Franciscus, cui vitæ puritas, & Dei missio Angeli nomen peperit. Hic ab ortu Solis venit: quia à Sole iustitiæ Christo transmissus, vel ab vrbe Assisio ad ortum reiecta: Signum Dei viui portabat, quia Christi stigmatibus erat insigniendus. *Et clamauit voce magna*: quia Franciscus Christi magni Regis præco destinatus, ad prædicandum ipsius fidem, præsertim Mahometi sectatoribus destinabatur.

§. SECVNDVM.

Aliud de S. Francisco Vaticinium nouitate, & admiratione commendatum proponitur.

AGgæus Propheta cap. 2. ad illa verba. *In die illa dicit Dominus exercituum, assumam te Zerobabel serue meus, dicit Dominus & ponam te quasi signaculum, quia te elegi, dicit Dominus exercituum.* Viuis, quod aiunt, coloribus Sanctum

Autem Franciscum depinxit. Non dissentiet, qui Authorum expositiones ad hunc locum solerter expenderit. Omnes enim quotquot legi in duas sententias omnino contrarias abierunt. Quidam, adstipulante Lyrano, & Glossa ordinaria prophetiam in literali sensu Christo adaptant, utpotè qui Dei imago est, & figura substantiæ eius. *Hunc (ait Lyranus) signavit Deus Pater, & hic est imago Dei inuisibilis, & forma substantiæ eius; ut quicumque crediderit in Deum, hoc quasi anulo consignetur:*

Lyranus
Gloss. ord.

Ribera tamen solertissimus literalis sensus inuestigator, & alij, euidenti, ut arbitror, ratione suffulti, præfatam expositionem non admittunt. Illa enim verba. *Ponam te quasi signaculum*, Christo Domino, quatenus æterni Patris imago est, ipsiusque substantiæ forma, cohærere non possunt: quia *signaculum* est diminutivum, & sigillum paruum adsignificat. At verò Christus, ut Deus, imago Patris est, eandem cum Patre perfectionem, & æqualitatem obtinens. Atque adeò iuxta hanc rationem seruus dici non potest. *Serue meus*. Cum ut sic verus Dei Filius, & Patri omnino æqualis iudicari debeat.

Ribera in
c. 2. Agl. 51

Alij in secunda sententia cum Rabbi Salomone prophetiam exponunt de Zorobabele, ad quem dictum à Deo autumant: *Ponam te quasi signaculum*, à contrario sensu illius; quod Iechoniæ dictum refertur apud Hieremiam cap. 22. *Viue ego dicit Dominus, quia si fuerit Ieconias filius Ioakim Regis Iuda annulus in manu dextera mea, inde euellam eum*. Et verò signaculum in Aggeò annulum significat, quo Reges olim, ac Principes firmandis litteris, obsignandisque diplomatis utebantur, ut apud Esther cap. 8. habetur. Sensus ergo erit, si Rabbi Salomonis, aliorumque expositioni assenserimus, quod sicut Ieconias fuit à Deo repulsus propter eius malitiam, sic Zorobabel nepos eius Deo erit acceptus, propter suam iustitiam. *Quia te elegi*, scilicet, ad opus reedificationis templi.

Rabb. Sal.

Hierem.

Esther c. 8.

Dissonans tamen est hæc interpretatio: vnde plurimis displicet, à Lyranoque impugnatur. Quoniam verba illa

Antece-

antecedenter posita, *Ego mouebo calum pariter & terram, & subuertam solium Regnorum, & conteram fortitudinem Regni gentium*, ab Hebræis, latinisque interpretibus, de mutatione Regnorum exponuntur. Hæc autem longo post tempore accidit, Zorobabele vita functo. Quapropter Lyranus ita concludit. *Et ideo quod immediate subditur: In die illa dicit Dominus exercituum assumam te Zorobabel, non videtur conuenienter exponi de ipso in persona propria.*

Mediam tenet viam tertia sententia, quæ non sine communi applausu obstantia nubila dissoluens, præsentem locum S. Francisco conformiter ad literam adaptat, regulam Sancti Ambrosij amplectens in cap. 2. epistolæ ad Rom. ubi ita monet. *Quæ in historia completa non videas, & in veritate videas esse completa, typicè dicta intelligas.* Cum igitur Aggæi vaticinium duas tantum habeat expositiones literales, alteram de Christo; de Zorobabele alteram: & propter dictas rationes in neutrum cadere possit: Consentaneum est, vt cuidam tertio adaptandum sit. Quis autem hic erit, nisi S. Franciscus? quem S. Bernardinus Senensis tom. 2. ferm. 60. proprium huius oraculi subiectum dicere non veretur. Et meritò, quoniam Franciscus Christi signaculum, & ipsius paupertatis extitit imago, quemque Dominus Iesus proprio quinque plagarum stemmate insigniuit. Vt autem hoc planius fiat, prophetia membratim est dissecanda, singulæque ipsius propositiones expendendæ; vt quam bene conueniant Seraphico Parenti dignoscatur.

In die illa, hoc est, interprete Lyrano, tempore legis gratiæ, iuxta illud ad Roman. 13. *Nox præcessit, dies autem appropinquauit.* Vel, *in die illa*, adde faustissimâ, in qua Deus S. Franciscum suæ dedit Ecclesiæ, morum reformatorem, Saracenis prædicatorem, locorum Terræ sanctæ restauratorem: quinimò totius Orbis Magistrum. S. Bonaventuræ calamum redolent pulcherrima, & verissima Seraphici Parentis epitheta: sic enim Legendæ prologum exorditur: *Apparuit gratia Dei Saluatoris nostri, diebus istis nouissimis, in seruo suo Francisco, omnibus verè humilibus, & sancta*

sancta paupertatis amicis, qui super affluentem in eo Dei misericordiam venerantes, ipsius erudiantur exemplo, impietatem, & secularia desideria funditus abnegare, Christo conformiter vivere, & ad beatam spem desiderio indefesso sitire.

Dicit Dominus exercituum. Ter hæc repetit Propheta: *In illa die dicit Dominus exercituum, Assumam te Zorobabel serue meus, dicit Dominus: & ponam te quasi signaculum, quia te elegi, dicit Dominus exercituum.* Quorsum tendit trina, eorumdem verborum repetitio? quam superfluum, & inanem dicere nefas est. Nonne semel dixisse satis fuit? *Dicit Dominus.* Vt quid ergo tertio repetitur? *Dicit Dominus, Dicit Dominus, Dicit Dominus,* Proculdubio ut ternarius repetitæ sententiæ numerus Franciscum demonstraret in prophetia præsignatum. quo etiam proprijs velut coloribus pingebatur. Is enim solus ternario numero clarior extitit, ut mox planum fiet. Quod si verba illa: *Dicit Dominus,* ter repetita, cum illis, *quia te elegi,* coniungantur: tantundem valebunt, ac si Franciscum proclamarent, & quasi digito in prophetia depictum ostenderent. Illum enim Deus ad tria potissimum elegit ministeria. Trium Ordinum fundatorem dedit. Tribus reparandis Ecclesijs monitione præuia destinavit. Trinitatis mysterium Saracenis, illud cum Mahumeto suo negantibus, prædicatorem præcipuè remisit. Franciscus hic ille est numero ternario viuens, & moriens clarissimus. Solus inter alios Ecclesiæ sanctos ternarij stemmate decorus: & dum numeri imparitate insignis euasit, nescio an parem habuit. In Aeggei tamen vaticinio viuus depictum coloribus contempler.

S. Franciscus trium ordinum fundator. Tres Ecclesias reparaturus admonetur. Trinitatis mysteriū Saracenis prædicauit.

Tres Ordines Seraphicus Pater instituit; Tres Regulas ternis statibus diuersis præscripsit. Hoc materialis trium Ecclesiarum reparatio portendebat, nimirum, S. Petri Apostoli, S. Damiani, & S. Mariæ de Angelis, quæ sine Dei numine non accidit, quod S. Bonauentura prudenter admonuit. *Diuina* (inquit) *prouidentiae nutu, qua Christi seruus dirigebatur in omnibus, tres materiales erexit Ecclesias, antiquam Ordinem inchoans Euangelium prædicaret; ut non solum*

Tres regulas instituit. *Annal. minor. anno 1221. n. 18. D. Bonav. c. p. 2. v. 1 & S. Franciscus.*

Ter Chri-
sto admo-
netur vt
domum
suam re-
paret.
Pisan. lib.
3. conf.
fruct. 31.
Frâcis-
cus ter librū
Euan-
geliorum a-
periri iu-
bet ante
Regulæ
institu-
tionem.
D. Bonau.
cap. 3. leg.
maior.
Matth. 19
num. 21.
Marc. 6.
num. 8.
Matth. 16.
num. 24.
Ter regu-
lam tuam
condidit:
Auctor cōf.
li. 1. fruct.
9. p. 2.
Christus
Frâcis-
co loquens
ter repe-
tunt regu-
la sine
glossa ser-
uetur, &
ter adli-
te ram.
Frâcis-
cus Verbum
audistis
ter repe-
tit.

à sensibilibus ad intelligibilia, à minoribus ad maiora ordina-
to progressu conscenderet: Verum etiam quid esset factururus in-
posterum sensibili foris opere mysterialiter præsignaret. Nam
instar reparata triplicis fabrica ipsius sancti viri ducatu, se-
cundum datam ab eo formam, Regulam, & doctrinam, Chri-
sti triformiter renouanda erat Ecclesia, trinaque triumphatura
militia saluandorum, sicut & nunc cernimus esse completum.
Haecenus ille. Ideoque Franciscus antequam hæc ederet,
Christum crucifixum corporeis audiuit auribus ter dicen-
tem: *Francisce, vade repara domum meam, quæ, vt cernis, to-
ta destruitur.*

Postea verò regulam Ordinis conditurus librum Euan-
geliorum ter fecit a Sacerdote aperiri; vel, vt credit S. Bo-
nauentura, ipsemet aperuit. Cultor Trinitatis Franciscus (in-
quit S. Doctor) ter Euangeliorum librum aperuit, trino expo-
scens à Deo testimonio sanctum propositum confirmari. In pri-
ma apertione apparuerunt illa verba: *Si vis perfectus esse,
vade, & vende omnia, quæ habes, & dā pauperibus.* In se-
cunda: *Nil tuleritis in via:* In tertia. *Qui vult venire
post me, abneget semetipsum, tollat Crucem suam, & sequatur
me.* Ter etiam Regulam suam condidit S. Pater. Primam
conscidit frater Helias, vt nimis strictam, & rigorosam: se-
cundam casus abstulit: Tertia permansit, atque eadem est,
quam Summus Pontifex confirmauit.

Accidit verò, vt frater Helias comitantibus Ministris
Sanctum Parentem conueniret; ipsoque seiscitante quid
vellent, Helias respondit: Ministros adesse, qui de Regulæ
austeritate conquerentes, & seruatu impossibilem iudican-
tes, aliam mitiorem fieri postulabant. Tunc S. Franciscus
oculos in Cælum eleuans, tenero affectu quasi conquestus
Christo loquebatur: cui cunctis audientibus, inter alia,
hæc Dominus respondit: *Francisce, volo, quòd Regula sic
seruetur ad literam, ad literam, ad literam: sine glossa, sine glos-
sa, sine glossa.* Delinitus ternarij huius modulamine Fran-
ciscus, alio respondit ternario, & ad circumstantes conuer-
sus, dixit: *Audistis, audistis, audistis: vultis quòd iterum ser-
uetur ad literam*

ciam vobis dici? Nihilque itaque Franciscus, ore, opere-
que sine ternario moliebatur.

Ter etiam Euangelium prædicaturus, ad infidelium par-
tes vir Deo deditus, & fidei zelo accensus se contulit.
Charitatis ardore (inquit D. Bonaventura) *spiritum ipsius ad*
martyrium perurgente, tertia abuc vice, pro fide Trinitatis
effusione sui sanguinis dilatanda, versus Infideles proficisci
tentavit. Seraphicam, & Apostolicam ipsius Regulam
confirmavit Honorius tertius. Et sub Innocentio tertio Mi-
noritarum institutum incepit: Ne in confirmatione, Ordini-
nisque exordio, numeri ternarij deesset auspiciu, sicut in-
condenda Regula interfuerat.

Cum autem Deus ad stigmatum impressionem seruum
suum præuenire statuerit, multa pro Christo perpeffurum
reuelatione admonuit. Ex quo Franciscus fratrem Leo-
nem conueniens, ei præcepit, vt Sanctissimæ Trinitatis no-
mine, ad explorandum Dei beneplacitum, ter sacrum li-
brum aperiret. Iussis obtemperat Leo, & ter referato libro,
eadem semper verba occurrerunt. In prima apertione:
Passio Domini nostri Iesu Christi. In secunda, *Passio Domini*
nostri Iesu Christi. In tertia, *Passio Domini nostri Iesu Christi.*
Inspirante Deo hanc Euangelij explorationem à Leone
fieri S. Pater imperauit, sicut S. Bonaventura in Legenda
maiori cap. 13. affirmat. *Immissum est*, inquit, *igitur menti*
eius per Diuinum oraculum, quòd in apertione libri Euangelici
reuelaretur ei à Christo, quid de eo in ipso, & de ipso maxime
foret acceptum. Et planè ex his certò coniecit S. Pater, se
hac ratione à Deo præmonitum, vt ad multa, grauiaque
sufferenda pararetur. Iterum S. Bonaventura eodem loco.
Sanè tam trinalibri apertione semper Domini passio occurre-
ret: intellexit vir Deo plenus, quod sicut Christum fuerat
imitatus in actibus vitæ, sic conformis ei esse deberet in affli-
ctionibus, & doloribus passionis, antequam ex hoc Mundo
transfret.

In Stigmatum quoque impressione numerus ternarius in-
uenitur. Nam Christus tribus vicibus, & ternis ictibus sa-

D. Bonav.
cap 9. leg.
maioris.

Ter ad
prædicā-
dū Euan-
gelium,
ad infide-
les per-
git.

Ter ad
martyriū
pergit S.

Franciscus

Sub In-
noc. 3. &

Honor. 3.

suum In-
stitutum

incepit.

Annal. mia-
nor. anno

1209. n. 8.

Franciscus

Leonem

adhorta-
tur, vt li-

brū Euan-

geliorum

ter ape-

raret.

D. Bonav.

c. 13. leg.

mai.

Ter pas-

sionem

Christi in

libri aper-

tione re-

percit.

Ter Fran-

ciscum

percutiēs

Christus

stigmata

impressit.

Ter eleemosynam à Francisco petijt Francisco tres monetas auri Christo dedit.

An. 1282.

Annal. An.

no 124.

n. 16.

Piscenfor.

31.

cra vulnera impressit. Sed primò eleemosynam ter petijt à Francisco, qui tres auri nummos in sinu per miraculum inuentos Redemptori suo obtulit. Tum Dominius proprijs manibus ter ictus repetens vulnera infixit: Sic enim Seraphicus Pater cœlestibus iam adscriptus, cuidā Religioso patefecit Anno 1282. vt Minorum Annales referunt, & Pisanus, cuius hæc sunt. *Post hæc (ait S. Franciscus) ipse Dominus Iesus Christus crucifixus, manus suas corpori meo applicauit; & primò manibus, secundò pedibus, tertio stigmata lateris cum vehementissimo dolore sensi, & cum magna qualibet voce mei clamoris impressit: & verba quadam secreta mihi dixit, quæ nulli adhuc homini reuelauit.* Omnibus itaque modis ternarius numerus mysterijs abundans, Francisco Dei manibus obsignando seruiebat.

Crux aurea ter visa est à Francisco ore procedere.

Quidam Sacerdos ciuitatis Assisij nomine Syluester, honestæ conuersationis vir (vt affirmat D. Bonauentura) vidit ter Crucem quandam auream ex ore Francisci procedentem, cuius summitas cœlos tangebatur; cuiusque brachia protensa in altum, vsque ad mundi fines videbantur extendi. Ad cuius etiam aspectum præfulgidum, Draco ille ter, & horridus penitus fugabatur.

Laterale Francisci vulnus tribus digitis palpatur.

Neque in hoc tantum ternarius numerus videtur absolutus: iterum inuenio repetitum. Cum enim Frater quidam tunicam à corpore Sancti Patris, cui seruiebat, extraheret, illam excussurus, lateris plagam inspexit, cui etiam teste S. Bonauentura cap. 13. Legendæ maioris, tres veloci contactu digitos applicans, tam visu, quam tactu vulneris quantitatē agnouit.

Admirandus planè, & frequentissimus ternarij concursus, qui in tota Seraphici Patris vita sic inuenitur repetitus; vt nihil fecisse, vel in eo factum apparuerit, quod ternario non fuerit consignatum. Hinc Author Conformitatum, conformit. 31. part. 2. S. Francisci vitam studiosè recolens, tres in ea actuum differentias obseruat: Quidam enim personales sunt, alij perfectionales; alij tandem passionales. In omnibus ferè se per ternarius apparet, & Christi similitudo elucet, vt

per

per singulas actiones breuiter discurrendo aperietur.

Ter Franciscus fuit acerbissimè flagellatus, semel à parente, iterum à Saracenis, tertio à dæmonijs in hospitio Cardinalis Leonis.

Ter Frâc. flagellatur.

Auth. conform. fruct. 5
Frâciscus signo Tau in fronte impresso vilis est.

Franciscum Tau signo mira colorum varietate distincto; fronti impresso Fr. Pacificus olim inspexit. Et quidem signum hoc anulus extitit signatorius, quo litteras suas Franciscus obsignabat. Quin etiam, addit Pisanus, in viro illo, quem Ezechiel c. 9. viderat præsignificatus. Is enim vt verus amicus Crucifixi directus est à Domino ad signandum frontes virorum gementium, & dolentium signo Tau, vt mortis interitum euaderent.

Ter Fratri Syluestro certa visione fuit detectū, S. Franciscum à Deo designatum extitisse, vt gloriosæ Crucis assumpto vexillo hostis maligni robur elideret, ac præclaris veritatis fulgoribus, tam doctrinæ, quàm vitæ, mentes fidelium ad passionis Domini sectanda vestigia induceret, pariterque illuminaret.

Ter reuelatur futurus Frâcis Crucis prædicat. *Pis. conform. 1. part. 2.*

• Tripliciter certior redditus est Frater Leo de Virginitate S. Francisci, nimirum confessione, visione, supernoque oraculo; sic scribit Pisanus Conformit. 8. part. 2. Ipse verò Sanctus Pater tres contemplationis altissimos gradus, seu tres perfectas admodum differentias raptus obtinuit, quem admodum probat idem Author lib. 2. Conform. 3. part. 2.

Tripliciter de Frâcis. virginis. Leo certior redditur.

Franciscus tribus panibus triginta Fratres saturauit, vt refert Author Conform. lib. 2. fruct. 12. 2. part. Vbique ternarius viro Dei familiaris apparet. Nam triginta per ternarium multiplicata complentur, & decies ter conficiunt: Vnde nihil aliud est iste numerus, quàm ternarius sæpè repetitus. Quapropter mortuos triginta reuocauit ad vitam, vt affirmat idem Author Conform. 39. part. 2. ternarium mortuorum, quos Christus suscitauerat, decies multiplicans.

Tribus panibus 30. homines saturat Frâciscus Mortuos 30. reuocauit ad vitam. *D. Bonan. c. 12. Leg. maior.*

Puellæ cuidam in castro Beuanij (vt refert S. Bonaventura cap. 12. Legend. maior.) oculorum priuata luminibus, cum in Trinitatis nomine sputo suo ter ipsius oculos liniuisset, lumen concupitum restituit.

Ter formæ oculos sputo liniens visum restituit.

Terna-

Tres pueri Florēt. ad Franciscum veniunt.

Tres ficus ei dedit, quē Fratrem suū Ord. futurum esse præuidit.

Annal. Min. an. 1211. num. 24.

Ternario, vt Trinitatis symbolo tanquam annulo, futuros suæ Religionis filios obsignabat. Tres pueri Florentini à parentibus ducti ad Franciscum veniunt. Eos ubi primum vidit, quinque ficus ex horto collegit, & primò dedit vnam ficum: secundò aliam; tertio dedit tres ficus, dicens: *Eris adhuc filius meus charissimus*. Et ita euenit; nam adolescentior factus, Minorum induit vestem sub Angeli nomine, quod Angelicis factis propriè sibi conuenisse probauit. Is itaque ternario numero tanquam proprio, Seraphici parentis sigillo fuit obsignatus, felicissimo prorsus auspicio, quòd talem adepturus esset parentem, cui ternarius è cælo inditus, mystica præostensione denotabat, quàm magna in Franciscum dona conferre statuerat.

D. Bonan. 6. 7. Legen. Maior.

Roma egrediebatur vir Sanctus in Galliam iter arrepturus: cum, sicut testatur S. Bonauentura, & referunt Annales Minorum Anno 1216. Vrbe paululum digresso, sceminæ tres pauperculæ, statura, ætate, ac facie per omnia similes

Tres sceminæ Fræ Francisco apparuerunt.

Annal. Ms. an. 1126. n. 19.

(tres Angelos puta hac specie visendos) Hæ Francisco obuiam factæ venientem insolita exceperunt salutatione, dicentes: *Bene veniat Domina paupertas*. Pulcherrimum sanè elogium, quod Francisci paupertatem, mirificè extollit: Ita enim hac Euangelica virtute claruit, vt non iam pauper sicut cæteri, sed ipsamet paupertas dici promeruerit.

Ter repetita voce quidā deterreretur in Festo S. Francisci laboraret.

Annal. Min. 6. 1. anno 1228. num. 64.

Tria vota emisit in honorem S. Francisci & statim liberatur.

Renuebat quidā S. Francisci Festum obseruare, labori instabat: cum ter repetita è cælo voce retrahitur: *Festum est, operari non licet*. Pergit ille ad opus monitione contempta; sed repente membrorum stupore punitur. Resipiscit, & poenitens Ecclesiam petit, & tria ibi vota emittit. Primum, quòd semper Festum S. Francisci coleret. Secundum quòd singulis annis in ipso Festiuitatis die ad Ecclesiā veniret, in qua tunc aderat. Tertium, quòd Sancti Francisci corpus ipsemet inuideret. Vix emiserat tria vota, cum sanitati redditur, & supplicij remissionem ternario votorum numero tanquam auspicio vertit. Erat enim numerus Francisci familiaris, stemma proprium, & obtinendæ ab eo gratiæ

gratiæ pignus certissimum.

In monte Aluernæ silicem baculo ter percutiens Seraphicus Pater, tres aquarum fontes ad tempus planè mirabiles fecit scaturire. Vt Portiunculæ indulgentiam sibi à Christo concessam contestaretur, Hyberno tempore, cum rosæ non enascuntur, tres rosas candidas, & tres purpureas Summo Pontifici detulit.

Ter fôtes percussa silice produxit.

Sancti Francisci humilitatem explorans Frater Maseus, ex ipso hunc in modum sciscitatus, ter hæc verba repetiuit: *Vnde tibi: Vnde tibi: Vnde tibi?* Quæ audiens Franciscus respondit. Quid hoc sibi vult? Iterum Maseus: Totus te orbis insequitur, & tamen nec pulchritudine, nec literis, nec qualibet præstanti dote excellis. Tum Franciscus oculis paulisper in cœlum defixis, ter dixit ei: *Vis scire ò Masee, unde hoc mihi, vis scire unde mihi, & bene scire unde mihi, vt totus mundus veniat post me? hoc mihi est ab illis sanctissimis Domini oculis; quia nullum alium intuiti sunt me viliores, magis simplicem, pluribusque peccatis obnoxium. Atque adeo ad summæ bonitatis ostensionem me ad hos effectus cooptarunt.* Obstupuit ad Francisci responsum Maseus, & veram esse Parentis sui humilitatem agnouit.

P. f. confor. 8. p. 2. de Fr. Maseo, et lib. 2. confor. 17. part. 2. Maseus ter Franciscus repetit vnde tibi.

Aliquando Franciscus post orationem sanctæ paupertatis amore se sensit inflammatum, ipsiusque thesauro ardentissimè inhiantem; & inde egressus Fratri Maseo dicebat, intenta voce ter repetens: *a, a, a. Frater Masee prebe mihi te ipsum.* Ingentem spiritus feruorem admirans Maseus, sese in S. Parentis brachia immisit: Tunc Beatus Franciscus cum hiato magno, & Spiritus sancti feruore, ac clamore valido reiterando *a, a, a.* leuauit Fratrem Maseum cum ipso flatu in aërem, & impulit illum ante se quantum esset vnus hastæ longæ mensura. Quod videns Frater Maseus obstupuit de tam mirando Sancti Patris feruore. Postea verò retulit socijs. quod in illo S. Francisci impulsu tantam dulcedinem, & consolationem Spiritus persensit; vt nunquam in vita sua tantâ percepisse delectationem recordaretur: sic totidem verbis refert Author Conform. lib. 1. Conformit. 8.

Franciscus ter repetit a, a, a.

Franciscus flâs, & ter repetens a, a, a Maseum in aërem iussit.

Multo-

Bonauent.
c. p. 4. m.
ioris le-
gende.

Multoties numero ternario S. Franciscum vi leo nobilitatum, siue cum hominibus conuersantem, siue Deo in oratione vacantem inspiciam: quocunque aspectu se mihi obijciat, ibi ternarius ferè nunquam desideratur. Accidit aliquando, vt vnà cum Fratribus in oratione Dei more solito pernoctaret: cum media noctis hora coram ijs, qui orando vigilabant, curru vestus igneo apparuit, admirabilique splendore irradians per ostium domus introiuit, & terrum circumflectens domicilium percurrit: Nec vanus fuit ternarius iste circumflexus, sed mysterio plenus; videlicet hac repetitione significabatur, Franciscum sanctissime Trinitatis prædicatorem deuotissimum, numero hoc ab eadem Triade insigniti, eoque veluti signo ab omnibus agnoscendum proponi.

Francisc.
curru i-
gneo ve-
ctus ter
domū cir-
cumiuit.

D. BONA.
cap. 14. le-
gen. m. 10.

Iamiam moriturus Seraphicus Pater manibus in forma Crucis super fratres extensis, tres benedictiones omnibus impertiuuit. Cum enim Crucis signum semper dilexerit, omnibus fratribus, tam præsentibus, quàm absentibus in Crucifixi virtute, ac nomine ter benedixit; vt moriens eodem ternarij clareret mysterio, quod ei viuenti fuerat Diuinæ beneficentiæ pignus, & futuræ immortalitatis præsagium. Et verò S. Franciscus è vita decedens, cœlitibusque adnumeratus triplicem fuit aureolam consecutus: Nimirum Virginis. Martyris, & Doctōris; vt egregiè probat Author conformitatum p. 2. conformit. 36.

Annal. mi-
nor. anno
1216. m.
37.

Recole igitur modo Aggæi Prophetiam, & illud: *Dicit Dominus exercituum*, ter repetitum contemplare. Mox adde, *quia te elegi*, & Franciscum in ea fateberis adumbratum. Idè enim voce ter repetita eligitur, quia viuens ternario numero virtutis suæ monumenta signauit; & moriens, ac Cælo fruens eodem numero clarescit, & coronatur. Et sanè tot exemplis hucusque prolatis ostenditur ternarij obseruationem minimè vacuam esse, nec casu contingentem, sed Diuino consilio procuratam; vt quasi interpres Franciscum ab Aggæo præsignatum manifestaret.

§. TERTIVM.

*Reliqua Prophetia pars contextitur, & de eodem
B. P. Francisco luculenter explicatur.*

Assumam te Zorobabel. Nomen hoc tandundem est Di-
uo Hieronymo in expositione Nominum Hæbreorū,
atque *Alienus à confusione*, hoc est, à sæculo. Quis autem
à sæculi vanitatibus, ipsiusque superbia, & confusione alie-
nior Francisco? Mundum ille conculcavit, Mundi oblecta-
menta contempsit, & eodem, quo D. Paulus spiritu dice-
re potuit: *Mibi Mundus crucifixus est, & ego Mundo*. Qui-
nimò semetipsum ita exinaniuit, atque omnibus præsentis
vitæ rebus nuntium remisit, ac si à Mundo foret extraneus.
Et ideo teste S. Bonaventura in 4. p. maioris Legendæ, Se-
raphicus Pater alterius sæculi homo ipsum intuentibus vi-
debatur; quippe qui mente, ac facie in cælum semper inten-
tus, omnes sursum trahere conaretur: Vnde perfecta adeo
sui abnegatione incredibilem omnium admirationem exci-
tauit. Franciscus victoriosus fuit Mundi contemptor, quod
ego non admiror: quia vt verus Zorobabel, ab ipsius con-
fusione alienum omnino se præbuit.

*Ad Galat.
6. n. 4.*

S. Bonan.

Deinde, solet scriptura Diuina nomen figurę imponere
figurato, vt aduertit Ribera, & plurimis scripturæ locis con-
firmat: Vnde cum Zorobabel Franciscum figurabat, perin-
de fuit: *Assumam te Zorobabel*, atque Franciscum, qui in
illo tanquam in figura multis retro sæculis antecesserat.

Ribera.

Assumam te. hoc est, sursum eleuabo, in sublimique, &
excelsa loco constituam. Sed quem mihi dabis à Deo altius
eleuatum, quàm Franciscum? Quem ob eximiam humili-
tatem ad sedem extulit, è qua propter superbiam deiectus
est Lucifer inter Seraphinos Princeps, vt sententiarum
Magister in 2. distin. 2. existimat. Nec pro nostro arbi-
tratu hæc fingimus, sed ita fratri Pacifico eximie sanctitatis
viro, & S. Francisci socio reuelatione detectum accepimus.

*Magister
sentent.*

Pisanus. Nec fallax, sed fide constans habenda est reuelatio, vt contendit Pisanus; & multipliciter probat in conformitatibus.

3. Petrus Chrysol. serm. 91. Quid ni humillimus superbissimi sedem obrineret? Et verò S. Franciscus, ita coluit humilitatem; vt potius ipsum diceres humilitatem, quàm humilem: Non aliter quàm D. Chrysológus Ioannis Baptistæ poenitentiam contemplatus, culto sanè circumloquio, non virum poenitentem, sed poenitentiam nuncupauit. *Ioannes*, ait, *totus poenitentia formatus incedit*. Ita enim hominis formam poenitentia contexit; vt qui Ioannem videbat, non hominem, sed poenitentiam crederet intueri. Sic diuinitatem suam hominis forma Christus abscondit, iuxta illud ad Philip. 2. *Formam serui accipiens*. Et Ioannes Christi vmbra motus sui corporis studiosè imitatus, sub poenitentia formam suam abscondit humanitatem. Ideoque non immeritò dixit Chrysológus. *Ioannes totus poenitentia formatus incedit*. Et Franciscus, *Totus fuit humilitate formatus*.

chrysológ. Sed vnde nam hæc Ioanni prærogatiua tribuitur? Fors quia in illo gratia naturam anteuertisse visa est. Ita planè reor cum Chrysológus serm. 91. eleganter discurrente. *Ioannes ante peruenit ad Cælum, quàm tangeret terram: ante accepit Diuinum spiritum, quàm haberet humanum: ante suscepit Diuina munera, quàm corporis membra; ante cepit viuere Deo, quàm sibi. Imò ante vixit ille Deo, quàm Deus viueret illi. Feruens nuntius, qui ante gessit nuntiare, quàm viuere. Impatiens Dux, qui antequam perueniret ad corpus, peruenit ad Regem: ante rapuit arma, quàm membra: ante aciem petijt, quàm lucem; & vt vinceret Mundum, vicie ante naturam*. Hactenus ille, & rationem quasi reddens prædictorum, adiungit: *Ioannes antequam Christum præcederet, se præcessit*. Non aliter de Francisci humilitate loqui fas erit. Etenim se ipsum humilitate præcessit; ita vt ante humilis fuisse visus fuerit, quàm homo; & prius humilitatis spiritum accepisse, quàm vitam. Franciscum humilitate se præcedentem excepit Cælum, & humilitatis beneficio in sublimiori Empyreï sede collocavit. *Assumam te Zorobabel.*

Nec

Nec in cælo tantum Francisci humilitas sublimatur, sed etiam in terris Leonis voce diuinitus extollitur. Libenter hic recolo humilitatis sanctæ Matutinum pulcherrimum à S. Francisco pro sua humilitate inuentum. Occeperat S. Pater in hoc officio plurima de se humiliā, & abiectissima proferre, Fratri Leoni socio suo præcipiens, vt alternis vicibus eadem reperens confirmaret. Contrarium tamen accidit: Etenim Deus in ore Leonis verba ponebat, quæ Francisci humilitatem sublimabant. Et quanquam S. Franciscus per obedientiam præciperet, vt quæ audierat iteraret, non tamen obtinuit: quoniam, vt Frater Leo affirmauit, Deus in ipsius ore pro ignominijs, elogia reponebat, quibus Franciscum se humiliātem altius eleuabat. Ad quod reflecti etiam possunt verba relata Aggæi. *Assumam te Zorobabel.*

Et ponam te quasi signaculum. Hoc etiam perbellè aptatur Francisco, cui sua stigmata Christus impressit, & regalia contulit stemmata, quibus Christo similis, vel mortis suæ, passionisque signaculum, seu signum euasit præstâtissimum. Non temere huc trahi potest illud Balaam Numer. 23. *Clangor victoriae Regis in illo.* Idest in Francisco, in quo signa victoriae à Christo obtentæ, hoc est, sacra stigmata viscebantur. Quicumque enim Franciscum manibus, latere, pedibusque plagatum aspiciebant, Christi victoriam, ac triumphum recordabantur: Orbis Redemptor, acceptis ab intestino Iudæorum odio plagis, clarissimum de morte, peccatoque triumphum egit. Easdem plagas præ amoris magnitudine Francisco inflixit; vt ijs melius, quàm vocibus Christi victoriam proclamaret. Circumuentus olim à Latronibus multoties intrepidè dixit: *Ego sum. præco magni Regis.* Verè quidem; nam, *Clangor victoriae Regis in illo.* Et plagarum vulneribus quasi voce omni tuba clariori Regis nostri Iesu victoriam prædicabat. Sanguis è Francisci vulneribus ybertim fluens, vocem omni tubarum clangore altiore, & dulciore emittebat, quæ Redemptoris victoriam personabat.

Clangor victoriae Regis. Iuxta hebræum, clangor idem est,

Pisan. con-
form 8. in
vita F. Leo-
nis.

Num. 23.

D. Bonan.
c. 2. Leges.
maior

quod signaculum, seu signum, vel insigne. Vnde Balaam, & Aeggæi verba optime coherent; & idem valet, *Ponam te quasi signaculum*, atque *Clangor victoriæ Regis in illo*, hoc est, in Francisco, in quo sacra stigmata Christi victoriæ monumenta ipsius triumphum apertis cicatricibus melius quam oris clamoribus personabant. Et verò, vt egregie dixit Rupertus inc. 18. Apoc. *Tota passio Christi clamor magnus extitit, cuius virtute cecidit Babylon*. Christo moriente, Passio ipsius clamorem edidit triumphalem. Francisco viuente, Christi passionis imago in corpore stigmatibus decoro renitens, triumphum Redemptoris proclamabat. *Clangor victoriæ Regis in illo*. Impressis enim stigmatibus, Christi morientis signaculum factus est Franciscus: *Ponam te quasi signaculum*. Vnde aprè dixit D. Bonauentura de illo, in Prologo Legend. maioris: *Signaculum similitudinis Dei uiuentis, Christi uidelicet crucifixi, quod in corpore ipsius fuit impressum*.

Arias Montanus legit: *Triumphus Regis in illo*. Et tantundem valet triumphi nomen, quod signaculum, seu triumphum signum, vel potius monumentum, ac trophæum. Est igitur Prophetæ sensus, quod Christus plagas suas, quibus Mundum peccatumq; detriumphauit, S. Francisco impressit, & insigne victoriæ suæ trophæum in eo suspēdit. *Triumphus Regis in illo*, quod magnum fuit, eximiæ dilectionis amorisq; indicium. Vnde aptissima est in rem nostram Oleastri lectio & *amicitia Regis secum est*. Suspenso autem huiusmodi trophæo Franciscus in Christi similitudinem versus est, & quasi signaculum factus. Ita quod ei dictum omnino videatur. *Ponam te quasi signaculum*, quod Dei Filium in carne uiuentem tam mira similitudine referebat; vt S. Bernardinus Senensis crediderit, Franciscum illum esse de quo Daniel 3. dicitur. *Species quarti similis Filio Dei*. Nam sicut ille, quartus inter tres in igne illæsus deambulabat, nec aliter flammis, quam rosas delectabatur. Ita Franciscum multoties inter accensos carbones illæsum anterior ætas mirata est. Vnde Dei Filio similem non immeritò nostra reputabit. *Species*

quarti

Rupertus.

S. Bonan.

Oleaster.

S. Bernard
Senen. 10. 2
serm. 60.

quarti similis Filio Dei. Deinde Franciscus inter præcipuos Ecclesiæ Leuitas, nimirum, Stephanum, Laurentium, & Vincentium, quartus extitit. Inter Patriarchas, Basilium, Augustinum, & Benedictum, quartus numeratur Franciscus, qui nouam Regulam condidit, & sacris stigmatibus insignis Christi similitudinem retulit. Vnde quisquis ipsum intueretur, dicere non immeritò posset: *Species quarti similis filio Dei.*

Ponam te quasi signaculum. Verbum signaculum, seu signum, idem significat atque miraculum, vel prodigium. Et verò S. Franciscus insolitum in Ecclesia fuit sanctitatis prodigium. Tamque mirabilis Stigmatum ipsius impressio, ob nouitatem, insperatamque rei magnitudinem extitit; vt non solum grande miraculum reputari debeat: sed ita magnum, vt duodecim miracula complectatur. Quod notauit Sanctus Bernardinus, & Bartholomæus de Pifa lib. 3. conform. 31. ex quo seruato ordine, & stylo hunc transfero.

S. Bernar.
P. f. anns.

Primum miraculum, quod apparuit in Stigmatizatione B. Francisci est, quòd non solum manus, & pedes apparuerunt perforati, sed conclauati, ita quod clau in eis apparuerunt.

Secundum, quòd capita clauorum erant nigra, cùm tamen carni, vel neruis similes esse deberent, ex quibus facti erant. Tertium, quòd capita clauorum erant oblonga, & reperiuntur; cùm tamen martellus, nec incus affuerit. Quartum, quòd in loco ossoso, & neruoso, & non in molli, stigmata sunt impressa. Quintum, quòd licet clauus esset carnei, vel neruei, ad instar tamen ferri erant duri, & solidi.

Sextum, quòd ipsi c' non erant breue
habentes, seù capi-
tantes. Septimu
alia sed re
arçu oru
c' ent
ma
c

Nonum, quòd clauī erant circumquaque à carne alia separati, vt petiæ circumcirca ponerentur propter sanguinis restrictionem. Decimum, quòd clauī mouebantur, & tamen nec à manibus, neque à pedibus remoueri potuerunt, cùm Beata Clara, & alij hoc facere attentassent. Vndecimum: quomodò cicatrices clauorum, & lateris, per tantum tempus non sunt putrefactæ, scilicet, per duos annos, & ultra. Duodecimum miraculum erat de vulnere laterali ad instar vulneris lateris Christi. Insuper miraculum erat quomodo B. Franciscus cùm maximum haberet dolorem ex apertione corporis in quinque locis, videlicet, manibus, pedibus, & latere, & sanguis iugiter à prædictis locis emanaret, potuerit per tantum tempus viuere, scilicet, per biennium, quod superuixit à stigmatum susceptione.

Hinc iam cernes quantum energiæ sub Aggæi verbis absconditur. Dum enim dicit: *Ponam te quasi signaculum*, Franciscum non miraculorum operatorem, vt de alijs prædicatur, sed ipsummet prodigium vocat; quinimo miraculorum subiectum dicere potuisset: vtpotè qui in suorum stigmatum impressione, non vno, sed duodeno miraculorum numero claruit; Qui externario quater duplicato coalescit, & Sanctissimæ Trinitatis mysterium in quatuor Euangelijs contentum aliqualiter designat: Vbi etiam Christi miracula, cernuntur, quorum, vel vmbra, si rectè videas, hic in Francisco ludentem, & minimè fugientem aspicias.

Ribera.

S. Antoninus.

Proverb. 9.
7. 2.

Quia te elegi, idest, ait Ribera, *quia te amauit*: Chaldaeus transfert: *Quoniam in te mihi complacui*. Mirum in modum Christus sibi placuit in Francisco, & ei potius, quàm alteri stigmata sua voluit infligere. Quod S. Antoninus adnotauit his verbis. *Quoddam singulare concessum fuit B. Francisco, quod nulli inter natos mulierum legitur fuisse donatum: & hoc est impressio stigmatum sacrorum*. Et sanè in promptu erat existimare Dominum Iesum è Passionis suæ mensa, quam sibi posuerat, iuxta illud. *Sapientia ediscavit sibi domum, immolauit victimas suas, miscuit vinum, & proposuit mensam suam*: præcipuum ferculum Virgini matri donaturum,

rum, videlicet quinque plagarum. Non tamen ita euenit, quoniam aliud ei dedit obsonium, nimirum, vt ait Lanſpergius, *dolorem vulneris in latere accepti: non tamen ipsum vulnus.* *Diuiſit Chriſtus, inquit, cum Matre huius vulneris iniuriam, vt ipſe quidem perſecutionem, & vulnus exciperet; ſed tamen dolorem non ſentiret. Mater verò huius vulneris in ſe pœnam, & dolorem reciperet.* Sicque omnibus modis adimpletum eſt Simeonis vaticinium, dicentis apud Luc. 2. *Et tuam ipſius animam pertranſibit gladius.* *Lanſpergius hom. 54.*

Cùm autem Chriſtus vulneris dolorem in latere inſiſſi non ſenſerit, ſed eum matrì reſeruauerit: ideo non tanquam ſuum vulnus illud reputauit, ſed Matrì attribuit. Vnde cùm plagas ſuas quaſi gloriabundus recenſeret, tacito lateris vulnere, ſolas manuum, pedumque plagas recenſuit. *Foderunt manus meas, & pedes meos.* Non addidit latus, quia ipſius dolorem non ille, ſed Mater experta eſt, Filio vulnus accipiente. At verò in Franciſco, & vulnere ſuſceptio, & doloris ſenſus inuenitur. In pedibus enim, & manibus, late- reque vulneratus, & plagam accepit, & dolorem ſenſit, quem Virgo ſanctiſſima ſuſtinuit, Filium aſpiciens in latere percuſum. Quoniam ſolì Franciſco fauor eximius ſeruabatur, vt vulnera, vulnereque dolorem ſuſtineret: Ita enim ingens Dei amor erga Franciſcum poſtulabat. *Quia te elegi, quia te amaui, vel iuxta Chaldaeum, quoniam in te mihi com- placui.* *Pſalm. 21. verſ. 17.*

Quoniam verò de Filij paſſione pars hæc Virgini matrì conſeſſa non fuit: cur Petro Eccleſiæ Principi, & Paulo ele- ctionis vaſi, vel Ioanni, aut Iacobo, Chriſti dilectiſſimis da- tum non eſt, vt ferculum illud de menſa patientis comede- rent? Reſ eſt in promptu: Crux Petro, Paulo flagella ſer- uabantur, vt ille expertus fatetur *Ter virgis caſus ſum.* Ioan- ni & Iacobo calix paſſionis ebibendus promittitur. *Calicem quidem meum bibetis:* Alijs Apoſtoliſ, ac diſcipuliſ alia ſuſti- nenda ſeruabantur. Solus Franciſcus natu minimus, Chriſti Beniamin ob profundam ipſius humilitatem, & amorem Se- rap hicum, in quinto plagarum reliquis ante fertur. *Quia*

te elegi, vel quia te amaui, vel quoniam in te mihi complacui.
Cæterum ad alia progrediamur vaticinia celerius perstrin-
genda.

§. Q V A R T V M.

*Tribus item vaticinijs Franciscus in mundum ven-
turus, Saracenisque predicaturus
præsignatur.*

Gloss. ord.
Lyranus.
S. Anton.
Ioachim.

Primum vaticinium est Zachariæ Prophetæ, qui cap. i. i.
assumpta duarum virgarum metaphora, vtrumque Pa-
triarcham, Dominicum, & Franciscum in Ecclesia futuros
prædixit. *Assumpsi mihi, ait, duas virgas, unam appella-
ui decorem, alteram funiculum, & paui gregem.* Glosa ordi-
naria, Lyranus, S. Antoninus, & Ioachimus Abb. S. Fran-
ciscum, & Dominicum in duabus virgis præostēfos arbitran-
tur. Ioachimi verba sunt (teste S. Antonino) *Virga dua
sunt duo Ordines Mendicantium, virga recte sanctitate,
exiles, & graciles austeritate, percutientes doctrina auctori-
tate. Decor est Ordo Predicatorum, per habitum decorum,
quasi Prælatorum, designatus. Funiculus dicitur Ordo Mino-
rum, quia funiculo manifesto cinguntur.* Quod quàm belle
cadat in Minoritas apertè demonstrat Hebræorum lectio,
quæ pro funiculum habet *Parturiginem*. Quo verbo huius
Religionis mira fecunditas significatur. Et verò nulla viro-
rum prole felicior est: Sola plures filios reliquis simul sum-
ptis complectitur.

osaz.

Funiculum etiam dixit Minorum Ordine: quia Seraphicus
ipsius fundator, iisdem quibus Deus homines laqueis irreti-
tiuit, iuxta illud Osæ cap. i. i. num. 4. *In funiculis Adam tra-
ham eos, in vinculis charitatis.* Franciscus Dei Filium stri-
ctissimis ardentissimæ charitatis vinculis ad se pertraxit, vt
illa sibi stigmata imprimeret: Quin etiam Seraphico incen-
si amoris funiculo constrinxit. Vnde sic constrictus, plagas
infi-

infiecturus, Seraphini induit formam, vt Francisco talio-
nem redderet, qui præ Christi amore hominem penè exuēs,
in Seraphinum abierat; totus igneus, totus in amorem im-
mutatus. Quod multimodè è cœlo significatum accepimus.
Nam Franciscus velut alter Helias curru igneo per aërē ve-
ctus Fratribus apparuit, sicut S. Bonau. posuit in Prologo Le-
gendæ. *Prophetali repletus spiritu, necnon & Angelico depu-
tatus officio, incendioque Seraphico totus ignitus, & vt vir hie-
rarchicus curru igneo sursum vectus, sicut & ipsius vitæ decur-
su apparebit, rationabiliter comprobatur venisse in spiritu, &
virtute Helie.* Neque hac solum ratione ardentissimus
Francisci amor innotuit: pluribus sui ostentationem fecit,
quas luculenter producit Author conformit. Ex quibus pla-
nè deducitur pro charitatis funiculis, quibus suum Redem-
ptorem Franciscus reuinxerat, redditos esse carnis, & ner-
uorum clauos in manibus, pedibusque recuruatos, ac in
Francisci resurgentis corpore ad immortalitatem reditu-
ros; vt Christo venienti in nouissimo die plagis insignito,
Franciscus, iisdem plagis decorus, & solus inter alios obu-
iam in aëra rapiatur. Et fors Francisci clauos, amorem,
funiculos, vberimam filiorum prolem respiciens Euange-
licus Vates Isaias cap. 54. hortabatur. *Dilata locum tento-
rj tui, longos fac funiculos tuos, & clauos tuos consolida.*

Sibylla etiam Erythræa, vt grauissimorum Authorum
tenet contestatio, duos Patriarchas, Sanctum Franciscum,
& Dominicum vaticinata est in orbem venturos. Consu-
lendi hac de re Annales Minorum tom. 1. in apparat. §. 2.
Erythræam inter Sybillas quinto loco recensuit Marcus
Varro lib. 2. rerum diuinarum. D. Augustin. lib. 18. de
Ciuitate Dei existimat vixisse tempore Achaz, vel Ezechie
Regum Iuda, & Romulo Urbis suæ fundatore viuente. Plu-
rima de Christi aduentu mysteria, de Ecclesiæ statu, & no-
uissimo iudicio prænunciavit; In quibus etiam inuenitur
Sanctorum Francisci, & Dominici prædictio, doctrina, &
apud Mahumetos Saracenos prædicatio. Pro quibus Pisa-
num adi, Rodulphum, Sedulium, & alios. Interim do Sybillæ

S. Bonau.

Pisat.

Isaias.

Vaticinia
secundum.

Augul.

M. ec.

Va. r.

D. August.

Pisat.

Rodulphus

Sedulius.

verba. In ultima ætate, ait, humiliabitur Deus & humiliatur proles Diuina, iungetur humanitate Diuinitas, iacebit in fœno agnus, & puellari officio decubabitur Deus, & homo, &c. Deinde adnectit: *Erit autem bestia horribilis ab oriente veniens, stella quoque duæ surgent contra ipsum, & non obtinebunt: donec veniat abominatio, & voluntas Altissimi consummetur.* Citati authores, & alij per bestiam horribilem intelligunt Mahumetum: & duabus stellis, duos Patriarchas Dominicum, & Franciscum significatos agnoscunt: qui quasi stellæ in medio nebulae claris vitæ, & doctrinae fulgoribus emicantes, Orbem terrarum illustrarunt: Quod autem adiungit Sybilla: *Surgent contra ipsum, & non obtinebunt.* Ideo ita dictum interpretare: quoniam duobus Patriarchis è cælo datum non est, vt suo tempore sectam Mahumeti abolerent, quemadmodum in votis habebant. Quauis enim S. Franciscus Aegypti Sultanum, & plures alios traduxit ad fidem: quia tamen non omnes, sicut summopere cupiebat: non obtenturum Sybilla prædixit. Quinetiam Francisci filij in Terra sancta, innumeros Saracenos quotidie conuertunt. Nunc autem dum hæc scribimus schismatici Græcorum calumniantur Minores, quod plurimos ex Saracenis perducunt ad fidem: licet odio, quo in Ecclesiam flagrant impulsij, & loca sancta à nostratibus auferendi studio agitati, conuersionem istam adulterino nomine dicunt præuagationem. Verùm hoc etiam elogio Fratrum Minorum zelum extollunt, & eorum calumnia vertitur in honorem: quoniam plurimos ex Saracenis ad Romanam Ecclesiam Minoritarum prædicatione propediem pertrahi fatentur. Utinam omnes, vt fieret vnum ouile, & vnus Pastor.

Non potuit omnino ætate sua Franciscus, non potuit Dominicus, vt Sybilla vaticinata est, *Et non obtinebunt.* Non potuerunt adhuc, quamuis magno ad id labore insudarint Seraphici Parentis alumni. Poterunt tamen ineunte tempore, & consumabunt omnes ciuitates Saracenorum. Atque adeò filiorum industria obtinebit Franciscus sectæ Mahu-

Mahumetanę interitum . Quod etiam à Ioachimo vaticin. 3. Vatican.
 natum reperio , cuius verba ex libro de concordia vtrius-
 que testamenti huc transfero. *Erunt, inquit, duo viri ,*
unus hinc , alius inde , qui duo Ordines interpretantur: Vnus
Italus , & alter Hispanus . Et post ipsos duos ordines ve-
niet alter Ordo saccis vestitus , sub cuius tempore apparebit
filius iniquitatis , qui dicitur Antechristus . Et sequitur :
Breuissimum est tempus ipsius scilicet tertij Ordinis , sicut
brevissimi sunt dies Antechristi successoris sui . Ordo enim
Minorum usque ad nouissima tempora duraturus , per ma-
re Aquilonare transibit, aspera pascua gustabit , Regina Au-
stri proteget , & fouebit eum in amaritudine sua : Flumen
Euphratem transibit , & undam , & impetum eius sua præ-
dicazione mitigabit : aspera reducentur in planum . Sermone
eius terra salsuginis, idest Aegypti , ad Dominum conuer-
tur per eum . In eadem terra secure Euangelium predica-
bit . Multę gentes per ipsum Ordinem ad Dominum conuer-
tentur , Gens idolatra , cuius lingua ignorabitur , quę de fi-
nibus terra venit missa à Deo in adiutorium Terrę promif-
sonis . Et ut ipsa agnoscat Deum Patrem Omnipotentem :
& Filium eius unicum Dominum nostrum Iesum Christum
ad fidem Catholicam conuertetur . Futurum est enim ut Or-
do Minorum viriliter se opponat contra mortis Angelum , &
contra eum prædicando , plures , & maxima multitudo de
filijs ipsius Ordinis martyrio ad Dominum transibit : sicut di-
ctum est per David Prophetam . Posuerunt mortalia seruo-
rum tuorum escas volatilibus cœli , carnes Sanctorum tuo-
rum bestijs terre . Gaudebunt in Canticis suis, idest in præ-
dicatione omnes tribus terrę : Et gens immunda Mahumeti-
ca , quę remanebit : Et hi qui residui erunt ad Dominum
conuertentur . Hactenus ille: Ex quo deducitur Sanctum
Franciscum , & ipsius Ordinem Ecclesię potissimum datos,
ut prædicationibus suis Mahumetisimum prorsus extin-
guant . Omnibus verò Saracenis ad fidem Christi conuer-
sis . Letabitur deserta, & in via, & exultabit solitudo , & flore-
bit, quasi lilium germinabit, & exultabit letabunda, & laudans.

Et ubi quondam spurcissimæ libidinis harpiæ fœdo contactu omnia polluebant, multigenaque scelerum monstra stabulabant; ibi Minoritarum doctrina, zelo prædicatione, virtutum rosæ, & castitatis lilia germinabunt.

Ultra memoratam Ioachimi prophetiam, opus addo ipsius industria fabrefactum, non tam artificio, quàm præfatio admirandum. Is igitur in Ecclesia D. Marci inter Venetas principe, Franciscum, & Dominicum duarum Religionum, fundatores postea futuros musiuo opere in crustari parietibus fecit. Ita quod habitum ibi referebant, quo postea, vsi sunt, & suis Religionibus portandum assignarunt. Et verò dum fieret opus, nec Dominicum, nec Franciscum adhuc viderat Ioachimus; Quoniam, ut comunior fert opinio, non dum lucem hanc aspexerant, quod Rodulphi carmina testantur.

Atque prius fuerit quàm Mundo exortus, in ede,

Quæ Marci titula, nulli toto Orbe secunda est,

Extat apud Venetos longis expressus ab annis.

Antonin. 3.
p. hist. tit.
22. c. 1. S. 2

Pisan. com-
form. 31.

Quin etiam addit Sanctus Antoninus verba hæc *αγιος Δομινικος*; imagini subscripsit Sancti Dominici. Et quinque plagas à Sancto Francisco postea recipiendas prædixit, ut tenet Pisanus. Illud ab hac prædictione coniiciendum statuo Sanctum Franciscum, ipsiusq. Religionem à Deo institutam, ut in conuertendis ad Christum Saracenis potissimum, insudarent: Et eò totus parentis, & filiorum labor, industriaque vertetur.

CAPVT VII.

Sanctus Franciscus nascens, viuens, moriensque maiorem præ ceteris Sanctis Christi similitudinem expressit: unde maius sibi ius comparauit, ut loca sancta inhabitaret, quæ hominum Redemptor natiuitate, vita, morte consecrauit.

TAm indiscreta similitudine Christum retulit humilis Franciscus; ut omnes alios virtutibus excellentes, hæc una similitudine, prorsus excelluerit. Vnde non temerè ausus fuerit dicere Volateranus lib. 21. Anthropolog. Franciscum propè absolutam in omnibus Christi imaginem ostentasse. *Conseruatoris, inquit, nostri per omnia ferè typum gessit.* S. Bonauentura cap. 14. maioris Legendæ eandem S. Francisci cum Christo similitudinem ità expressit. *Voluit certè per omnia Christo Crucifixo esse conformis, qui pauper, & dolens, & nudus in Crute pependit. Propter quod, & in principio conuerſionis suæ nudus remansit coram Antislite, & in consumatione vitæ nudus voluit de mundo exire.* Postquam verò S. Francisci nuditatem, de qua infra, Christi nuditati conformem asseruit, hæc adiungit: *O verè Christianissimum virum! qui & viuens Christo viuenti, & mortuus mortuo perfecta esse studuit imitatione conformis, & expressa promeruit similitudine decorari.*

Ut autem huius similitudinis perfectio clariùs eluceat, omnes S. Francisci nascentis, viuentis, ac morientis actiones referam, in quibus suo protypo Saluatori nostro conformis apparuit. Artificialis enim similitudo, vel ære excussa, vel ebore elaborata, vel coloribus reddita, tunc perfectè cognoscitur, cum singulæ corporis, & oris partes inspiciuntur, atque ad originale quod emulatio exprimunt, ponderosius referuntur. Hoc in similitudine morali etiam euenire certū est.

Quapro-

Quapropter titulum septimo capiti præpositum, paragraphis diuisum, membratim inspiciendum subiiciemus. Et primò, Franciscum nascentem, ac in natiuitate Christo similem demonstrabimus. postea reliquas similitudinis partes referemus. Operosus planè labor est, sed proficiuus: Quia inspecta Fràncisci cum Redemptore nostro similitudine, agnoscitur quam conueniens sit, vt ea loca per filios suos illic inhabitantes possideantur, in quibus hæc Redemptionis mysteria claruerunt. Et filij quamdiù in ijsdem se tenent, duplici voluptate perfruuntur: altera dum loca illa perambulant, & mysteria ibi edita meditatione recolunt: altera verò, dū Seraphici Parentis sui imaginem calamo nostro redditam, aspiciunt; & quantum in omnibus vitæ suæ actionibus, suo prothotypo Redemptori nostro similis extiterit, delectabilius intuentur.

§. PRIMVM.

Sancti Francisci Natiuitas Christi Natiuitatem retulit.

Est hominis natiuitas primum naturæ parturientis rudimentum. In eo tamén futuræ magnitudinis semina elucet: & quantus quisque postmodum futurus sit, primo ab exortu sapientes non vanè augurantur. Magnus euasit S. Franciscus, & verè magnus, qui illius similitudinem retulit, de quo Gigantis instar ad currendam viam exultasse decantatur. Et ideò dum primas vitæ auras excepit; dum tenella membra nascens ostentauit; dum pedibus terram tetigit, ad currendam vitæ viam, iam Gigas, Christo Giganti similis futurus monstrabatur.

Parturiebat Francisci Mater, & multis iam diebus grauissimis doloribus angebatur; nec prolem valebat extrudere. Cùm subitò ad ostium domus vir peregrini habitu (Angelum reputa) conspiciendus apparuit. Is parturientem admonuit non nisi in stabulo partum edituram: & infantem no-

olo-

olosericis, sed in paleis reponendum. Extremus dolor, vel certè magna fides, aut superna destinatio matrem è thalamo retulit in stabulum; ibique inter fenum, & paleas puellum edidit: solem virtutum dixerim, paupertatis, humilitatisque speculum: Cælum ipsum stabulo poterat inuidere, & si paleis mutaret sydera, maius esset. Creuit tamen honore locus in facellum immutatus, vulgari sermone dictus, *S. Francisco il picciolo*, idest, S. Franciscus paruulus, vel infantulus. Inscripta habet in superliminari ostij lapide characteribus aureis, sed vetustis hæc duo inconcinni metri carmina.

Hoc oratorium fuit bouis, & asini stabulum,

In quo natus est Franciscus mundi speculum.

Natus homo per naturam, renascitur per Baptismum. Nascentis Franciscus Christo nascenti similis extitit: renascens, & baptismo ablutus eandem retulit similitudinem: quam simul iungere placuit, vt naturæ, gratiæque nativitatem non diuiderem. Quid enim nasci profuisset homini, si non renasceret? Magnum est nascenti puero Iesu assimilari: nescio an maius ipsi in baptismi solemnij, & miraculis similem, euasisse. Vtrumque in Francisco nascente, & renascente, nõ sine admiratione mundus inspexit. Nascentis similitudinem dedimus: renascentis, seu baptizati videamus.

Natus Infans, cum sacro Baptismatis fonte esset ablendus, vir augustiori specie quàm humana, puellum ex aqua suscepturus vltro se immisit; peractoque Sacramenti illius ritu, ab adstantium aspectu euauit. Vt autem facti illius memoria non euanesceret, impressa in marmoreo altaris gradu vestigia permanserunt, & vsque in præsens in Ecclesia Cathedrali S. Ruffini, vbi res accidit, constanti traditione, euentum firmante, perseuerant. Adfuit itaque in Francisci baptismate miraculorum prærogatiua: & quemadmodum baptismum suscipiente Christo, miracula effulserunt: Ità etiam Francisci baptismus miraculis claruit ne ad perfectam similitudinem color iste cœlestis desideraretur.

Pergo vltcrius, & aliud enarro memorandum. Renatus in baptismo infans à nutrice domũ reducitur. Ecce tibi peregrinus

*Annal. mi
nor. Appa-
rat. §. 4.*

grinus eleemosynam petiturus, in ostij limine consistebat: Ut autem puerum à nutrice in vlnis gestatum inspexit, tangere, amplectique exposcit. Voti fit compos, oscula puellulo imprimit, amplexu tenet: Et quemadmodum olim Simeon gestiens, ac lætabundus puerum lesu[m] accepit in vlnas suas; diuinoque spiritu afflatus ipsum prædixit positum in ruinam, & resurrectionem multorum, & in signum, cui contradiceretur; & tandem Crucis patibulo suspendendum. Quo factò acerbissimi doloris gladius Sanctissimæ Genitris animam pertransiturus esset. Sic incognitus ille peregrinus (fors idem, qui baptismo interfuerat) ingenti gaudio delibutus, cum puero, quasi ratione præditus esset, fabulari ocepit; interinque in dextro tenelli infantis humero, crucis signum impressit, manifesto præfagio, quod cum adulesceret ætas, Christi crucem portaturus; sacrisque stigmatibus insignitus, perfectam ipsius in cruce morientis imaginem esset redditurus.

Ad nutricem deinde conuersus, hæc protulit vaticinijs minime vanis refertissima. Infantulus iste, maior cum creuerit ætas, sic virtutum magnitudine crescet; vt in magnorum virorum numero sit reponendus. Quapropter instanter vigila, & Dæmonum insidias diligenter euita, qui tantis virtutibus inuident, & germinantem insolitæ sanctitatis plantam abscindere, tenerumque erumpentem flosculum, antequam virtutum, miraculorum, donorumque cælestium, quasi foliorum ambitione pandatur, demetere nituntur: Ne pulchritudine, & odore suo, languentem Christi sponsam, & floribus inhiantem fulciri, suauissimè recreet. Tessera itaque Infante sacre militiæ glorioso signaculo, & nutrice admonita, peregrinus abiecit: nec ultra, quamquam sedulò conquisitus, apparuit. Angelus (credo) erat: gaudebant enim Angeli Domini, & Regis sui imagini hanc exhibere reuerentiam. Et quomodo Christo nato, & apud nos degenti tanquam vero Dei filio seruiebant: sic Francisco famulabantur, in quo veram Christi similitudinem agnoscebant.

Cæterum quemadmodum non solum cælestes ministri Regi suo in lucem edito gratulabundi festiua seruitutis obsequia præbuerunt: sed etiam Infernæ potestates debellatorem suum, Tartarique spoliatores iam adesse formidantes (de quo Isaias c. 8. prædixerat Damasci fortitudinē, Samarieq. spolia ablaturū) insolita pauoris signa ediderūt. Nam dum Bethlehemiticus ager mirabili splendore perfusus, melodis Angelorum vocibus, gloriam in altissimis Deo iucundissime repetentibus, circumsonabat. Tartarus ingemuit, sui que prælagus exitij aduenientem hominum Redemptorē pauitans, & tremebundus opperiebatur. Et verò ubi primū Christus Iustitiæ Sol è thalamo virgineo erupit, suam nocte intempesta dedicans natiuitatem, aër subito resplenduit, & tenebræ insolitam luminis claritatem expauerūt. Quod Regius vates euenturum cecinerat, dicens: *Nox sicut dies illuminabitur*: Terra interim concuti cæpit, & crebris motibus agitari, pluribusque in locis aperta, lucem ad Inferos transmissit. Ex quo impletum est illud Isaiæ vaticinium c. 7. *Populus, qui habitabat in tenebris, vidit lucem magnam*. Sic enim teste Barrad. tom. 1. concord. lib. 8. c. 13, illud exposuit S. Ioannes Damascenus. Idola etiam Telluris agitatione apud Aegyptiū dæmonijs inde fugientibus, ceciderunt, vt Dorotheus martyr in Synopsi scriptum reliquit. Et iam olim Hieremias Sacerdotibus Aegyptijs prædixerat, nascentē ex Virgine puero, in præsepioque iacente, simulacra concuti oportere, ac in terrā dei jci, quemadmodū exitus docuit. Etenim aëreæ potestates, ac tenebrarū principes, dū tartareo cœclusis ergastulo, terra de his cēte, insolitus splendor affulsit, pauoris signa ediderūt, cōcussiq. Idolorum statuis, suum formidantes exitiū aufugerunt. Congruum autē erat, vt vnde Angeli, cælestesque ministri, & omnes Creaturæ etiam sensus expertes lætabantur: inde spiritus nefarij rabido mærore dissecti ingemiscerent, ac turbarentur.

Quod autem Christo nascente accidit, hoc idem in Sancti Frāncisci natiuitate cōtigisse reperimus, sicut Dæmon ipse veritatis inimicus, veritatē inuitus proferēs manifestauit, vt

Isai. c. 8.

Psal. 138.
12.

Isai.

Barrad.
S. Ioan.
Damasc.
Doret.

Biga Sa-
luti.

cernere est in authore Conformitatum lib. 1. fructu 3. con-
formit. 3. vbi refert, quòd Dæmon Sancti Francisci præ-
sentia, & virtute ab homine eiectus asseruit, nascente
S. Francisco, tantam commotionem, & terrorem in Infer-
no excitatam; vt Lucifer, & alij crederent Christum ad
extremum iudicium aduenisse. Neque hoc solum testimo-
nio huiusmodi veritas astringitur. Pro ea currit etiam Biga
salutis, & plures alij, qui Francisco in lucem edito, Erebum
expalluisse, turbatum Orcum, pauitasse Tartarum, & ma-
gnos præ terrore magis edidisse contestantur.

Anton.
Possevin.

Quid mirum, vt exortum Francisci sydus has in Erebo
timoris procellas excitauerit. Cùm adhuc in materno vte-
ro delitescens, Tartarum vniuersum timore, ac terrore
concuſſerit. Author est Antonius Possevinus in apparatu,
vbi expuncta Ocham Epistola contra Ioannem 22. profert,
& probat speculum S. Francisci authoribus Fabiano, & Hu-
gelino S. Parentis socijs, & coæijs elaboratum: quod etiam
antiquitates S. Francisci Colonia Agripinæ editæ, & emē-
datæ producant. Igitur, aiunt: *statim vt anima B. Fran-*
cisci illius corpori fuit infusa, tantus splendor, tanta lux, tam
immensa claritas in Valle Spoletana apparuit, quòd omnes
Dæmones, qui in isto caliginoso aere habitant perterriti, & stu-
pefacti iudicium timuerunt aduenisse. Vnde Concilio per Lu-
ciferum vocato, dixit de Beato Francisco: quod ille homo vult
guerram facere, quam eis nunquam aliquis fecerat, præter
Christum, & suos Apostolos. Et ob hoc fuit sibi deputata una
legio dæmonum, vel in incunabulis suffocarent: sed statim Deus
ex alia parte legionem sibi assignauit Sanctorum, qui eum cu-
sodiētes in nullo eum ledere permiserunt. Hæc ibi.

B. Sa.

Sed dum nefarij spiritus fremebant, & terrebantur, Pic-
ca Francisci mater, eo in ventre concepto, incredibilem in
animo iucunditatem concepit; & futuræ filij magnitudinis
præcia, diuinitusque admonita præ gaudio gestiebat, vt se-
quentibus verbis, refert author Confirmatum par. 2. fruct. 3.
De præſenti, & de futuro gaudium habuit, & latitiā Picca
ipſius Beati Francisci mater, velut altera Elisabeth spiritu irra-
diata

diata diuino. Cum enim B. Franciscum concepisset: sciens, quæ stenda erant per ipsum filium suum, non solum latata est, ut Elisabeth in ortu eius; sed & ipsum Ioannem in baptismo vocauit, dans intelligere B. Franciscum filium suum Ioanni Baptista similandum in pluribus, & conformandum. Si enim B. Franciscus similis factus est Christo, à fortiori Ioanni Baptista. Nam B. Franciscus similis Ioanni Baptista reperitur. Hæc ille. Nec sola Francisci Mater, eo nascente, sicut Elisabeth in Ioannis natiuitate exultauit: sed sicut tunc, iuxta Angeli prædictionem dicentis: *Multi in Natiuitate eius gaudebunt*, omnia montana Iudææ festiuis Incollarum plausibus resonabant: sic nato Francisco (non temere dixerim) publica in orbem lætitia redundauit. Atque aded non iniuria in eo hilaritatis choro prima vocem exultationis mater extulit; utpote que non priuatam, sed communem filij sui partu lætitiam allatura esset. Risit olim Sara cum Angelum audiuit dicentem: *Reuertens veniam ad te tempore isto, uita comite: & habebit filium Sara uxor tua*, quo audito, addit textus, *Sara risit post osium tabernaculi*. Non damnandus est hic foemina risus, sed laudandus. Merito namque ait S. Ambrosius lib. de Isaac, & anima, *risit, quæ publicam erat paritura lætitiam*. Cur etiam Francisci mater risu non exultaret, filium partitura, quo nato, incredibili uterque Orbis gaudio perfunderetur.

Quamquam eiusmodi hilaritatem alij, quorum suspensio ab assensu, & dissensu calamo, placitum referimus, fauissimum præfagio vertunt, quo iam tunc Franciscus in utero matris sanctificandus portendebatur. Sicut Elisabeth Ioannis mater filium suum in utero sanctificationis dono insigniendum præmaturo gaudio ostendit. Et verò, ut isti referunt, tot circumstantiæ, tamque numerosæ adfuerunt congruentiæ, ut id absque temeritatis nota proferre non dubitauerint. Quinimò conclusionibus publicè sustentatis, concionibus, libris, non vnus tantum, sed septem optime eruditionis authores, hoc sanctificationis assumptum propugnauerunt, quos Apodixis sanctitatis, & puritatis S. Francisci

Luc. 1.
vtr. 14.

Genes 19.
n. 19.

D. Ambro.

enumerat. Mihi si quid hac in re statuendum esset, ratio illa suaderet, quod B. Fr̃ciscus à Deo prædestinabatur, vt Christi imago esset, virtutumque ipsius nobile simulacrum. Quos autem Deus ad hanc sublimitatem extollēdos præordinauit, hos statim à principio donis celestibus nonnunquam amplificare consuevit; vt quales postmodum futuri sunt, in ipso statim vitæ limine demonstretur. Ita philosophatur S. Ioannes Damascenus Oratione de Laudibus Virginis. *Certissimū est* (inquit) *quod Deus cum aliquem sanctitate futurum decernit insignem, valde à longe disponit & præparat eius principium, vt patet in Samsone, & Ioanne Baptista.* Quis Franciscum sanctitate sublimem extitisse inficiabitur? Quis virtutes illius contemplatus, charitatem, humilitatem, paupertatem, non propè sit credere eum naturæ humanæ metas transcendisse? Quis enim sacris stigmatibus decoratū aspiciens, & Christo similē nascendo, viuendo, moriēdo redditū recognoscens, nō existimet, ab ipso statim vtero insolitū aliquod diuinæ largitatis beneficiū accepisse; vt quale futurū erat spirituale illud sanctitatis ædificium, cum ei vltima coronis imponenda esset, iacto abundantioris gratiæ fundamento cerneretur.

Hac ratione ductus Ioannes Ekius nobilis concionator, in Concilio Constantiēsi sanctissimum Virginis sp̃sum Ioseph in vtero sanctificatum ostendere nitebatur. *Quia si Hieremias, aiebat, ad vaticinandum, & prædicandum de Christo, Et Ioannes Baptista ad eum baptizandum, & digito demonstrandū sanctificati fuerunt in vtero matris. Non est à ratione alienum, vt qui manibus frequenter per multos annos contrectaturus esset sacratissimum corpus Christi, sanctus esse inciperet ab vtero matris suæ.* Quod quantam vim habeat alij viderint, & arbitrentur.

Illud certē diffitendum non erit; quod si, vt Hieremiæ, & S. Ioannis Baptistæ argumento Ekius contendebat, S. Ioseph sanctificationis donū in materno vtero consequi potuit, quia Christi corpus proprijs manibus cōtrectaturus esset: à ratione alienum non esse, imò probabili coniectura fundatū, quod præfati Authores opinātur, videlicet B. Franciscum in vtero sancti-

sanctificatum. Quippe quem Christus proprijs manibus contrectauit, dum plagas impressit, dum pedes manusq. terebrauit, dum latus aperuit. Congruū enim erat, vt infanti sanctificantē in vtero gratiā largiretur, quem hominē factū ad tantum honorē extollere destinauerat, vt susceptis stigmatibus, perfectā Christi crucifixi imaginem, similitudinēq. referret.

Nec ita sentientibus deest S. Bonauenturæ suffragium, ex ferm. 1. de S. Francisco depromptum. *Adeo, inquit, sic totus pius fuit, quod in ventre matris pietatem assumpserit, & eam secum ex ventre portauerit. Patet ergo quod pietas, quæ fuit in Christo, renouata est in Francisco; ut quod præcessit in Rege, renouetur in milite.* Dum autem Christi pietatem in Francisco in vtero existentē renouatam asserit, sanctificationis habuisse donum sensisse videtur. Nam pietas Christi in Francisco renouata, non fuit inclinatio naturalis ad actum virtutis, sed virtus quædam infusa, non nisi per gratiam sanctificatæ animæ concedi solita. Si quidem in Christo pietas, vt planum est, non erat naturalis inclinatio, sed virtus infusa, quæ si in Francisco renouata est: Non abs re opinari licebit, quod in matris vtero existens sanctificationis donum obrinuerit. Hæc ex aliorum sententia, & Seraphici Doctoris suffragio, suspenso iudicio, fatis arbitror retulisse.

Sed iam ad communem regredior lætitiā, quæ ita plenè, & cumulatè loca omnia, personasque adimpleuit; vt, nato Francisco, non solum Spoletana vallis, non vnica ipsius mater, sicut suo Ioanne gauisa est Elisabeth; non solum vicini, & cognati, vt ibi in montanis Iudææ contigit, ad extraneos etiam diffusa est lætitia. Nam cælites exultarunt (si tamen extranei sunt, quibus cognata erat nascentis sanctitas, & virginitas) terrenos afflauit iucunditas; Eos etiam, quos locorum distantia separauit. Angustus tantæ lætitiæ capiendæ Orbis noster, angusta incolarum eius pectora videbantur. Alius querendus fuit locus, in quo lætitia funderetur. Cælum impleuit, Mundum occupauit, ad cælestem se transtulit Paradisum: Rem narro mirabilem: Frater Benedictus de Aretio vir morum præstantia eximius, quem S. Franciscus ad suum

Ordinem asciuerat, & Antiochiæ Ministrum instituerat, in Italiam remeabat: cum, vento sæpiente, & frementibus vndeque fluctibus, nauigium mergebatur: Vnde nauæ pro leuando onere, epibatas in mare proijcere statuerunt. Sortis arbitrio mittitur Benedictus: sed vix aquam tetigerat, cum ab Angelo abreptus, in terrestrem Paradisum perducitur. Hic aderant Enoch, & Elias, à quibus quisnam esset, cuiusue professionis interrogatus, respondit: Magni Francisci filius ego sum, illius habitum porto, Regulamque obseruo. Ita nè, inquiunt illi, iam insolitum hoc sanctitatis prodigium Mundo apparuit? Iam aurea Franciscum videt ætas? Lætetur igitur, tripudioque exultemus; quoniam, instat Antichristi tempus in quo martyrio coronati ad cælum euolabimus. Interim ad lætitiæ demonstrationem vnà cum Benedicto paradisum perlustrant, singulaque illius loca demonstrant. Sed inter hæc Angelus iterum subtulit, & ad portum Anconæ incolumen retulit. Nec mirum est, vt duo illi proceres immortalitatis candidati, Francisci nomine audito, eoque in Mundo viuente lætarentur, quia vterque æmulam in eo suarum virtutum imaginem obtinebat. Et innatum est, vt similia similibus delectetur; magnaque de mutuo conspectu vtrunque lætitia redundet. Hæc de Natiuitatis similitudine sint satis. Ad vitæ similitudinem gradum faciamus.

§. SECVNDVM.

Sanctus Franciscus viuens expressa Christi viuentis similitudo comparuit.

FAcillimum est ijs, qui rerum effigies extrahunt, vna vultus parte similes reddere. Illud in arte laudatissimum, si omnia oris lineamenta tam certo penicilli ductu repræsentent; vt ambigas quænam effigies, quodnam tibi dicendum sit illius exemplar, & origo. Magnum certè fuit, quod

quod nascens Franciscus, Christum natiuitate retulerit. Illud tamen maximi faciendum est, veræque similitudinis mensuram implet, quod per reliquas vitæ decurrentis actiones Redemptori assimilis extiterit.

Singulas Christi actiones tibi ob oculos propone, & fateberis. Quodnam illius apud homines degens studium? Quæ voluptas? Quod omnia viuientis desideria ferebantur? Ipsum audi Prouerbiorum 8. dicentem: *Deliciae meae esse cum filiis hominum.* In quonam tales delicias reponerat? Planè quodd hominem induerat; vt pro homine labores subiret, sudoribus liquaretur; Et mirum in modum fatigatus, langores nostros, ærumnasque sustineret. Hæc sola ipsius, & vnica voluptas. Hinc disertè dixit S. Bernard. serm. 2. super missus est, quodd præpatiendi voluptate, cum summa foret potentia, voluit imperio subijci, sapientia infinita, edoceri: Deus lætitiae fons, illachrymari. *Videas (inquit) si attendas potentiam regi, sapientiam instrui, virtutem sustentari; Deum denique lactantem.* Et sanè mirum est, replicat S. Bernard. ipsummet gaudium merore obnubilatum, patientem salutem, & vitam cernere morientem. *Videas si attendas, tristari lætitiā, pauere fiduciam, salutem pati, vitam mori.* Cæterum hæc omnia patiendi voluptas operabatur, quasi nihil altius in Christi corde infixum esset, quàm pro hominibus pati; & tanto amplius delectabatur quantò plura pro eisdem sustinebat.

Prouerb. 8.

S. Bernard

S. Bernard

Francisci vitam recale; & primò veram Christi imaginem in patiendi voluptate recognosces. In laborum, ac ærumnarum tolerantia gaudium consistere existimabat; Nec gratior ipsi incunditas accidere poterat, ea, quàm de iniuriarum patientia capiebat. Hæc vera, & sola ipsius voluptas. Iunat illum cum fratre Leone iter facientem audire: & in quo perfecta consistat lætitia edoceri. Ambo simul à Perusio in Assisium pergebant. Tum Leo S. Franciscum interrogauit: vbi nam esset perfecta lætitia: Cui S. Pater respondit; quæ ex lib. conformit. p. 2. quinti fructus carptim collecta hic infero; Quamuis, ait, fratres minores magna
vbique

Pisan. conformit. p. 2.

vbique edant sanctitatis exempla: Ibi tamen non est perfecta lætitia. Quanuis fratris Minoris virtute cæci videant, claudi ambulent, surdi audiant, loquantur muti, Dæmones fugentur, & mortui reducantur ad vitam; Ibi non est perfecta lætitia. Si frater Minor linguarum, scientiæ, interpretationis, & prophetiæ dona possideat, ita vt humani cordis penetralia inspiciat: Ibi non est perfecta lætitia. Si frater Minor syderum cursus rerum naturalium virtutes omnes, orbis thesauros cognitione assequatur: ibi non est perfecta lætitia. Denique & si tanta dicendi valeat facundia, tantoque spiritu in prædicando efferatur; vt Infideles omnes ad fidem pertrahat: ibi non est perfecta lætitia. Vbi nam igitur, institit Leo, perfecta lætitia constituenda est? Cui S. Pater iterum respondit: Quando sic pluuiam madidi, frigoreque obrigentes ad Sanctam Mariam de Angelis accesserimus, & ostium pulsantes probrosis verbis tanquam Cycophantæ, & nebulones repellamur: quin etiam ostiarius algore, & fame propè enectos ad ostium expectare compellat, & pro cibo opprobrijs saturet: Tunc si ad noctem vsque expectantes hilariter, & patienter hæc sustineamus: ò frater Leo, scribe: quod ibi est perfecta lætitia. Quòd si iterum pulsantes, ostiarius excandescens velut incognitos, & extraneos eliminat, ad hospitaleque remittat, & intrò non excipiendos contestetur. Si hæc pacato corde, & læta facie perpetiamur: scribe frater Leo, quia ibi est perfecta lætitia. Iam verò ingruente nocte, si nobis aperiri contendimus, & ostiarius importunitatem exosus egrediatur, capucijsque apprehensos, fustibus vsque ad plagas excipiat, & verbera verberibus iungens in terram projiciat, & probris oneret: Nihilominus si Christum recogitantes, qui talem à peccatoribus sustinuit passionem, & aduersus semetipsum contradictionem, hæc lætabundi sufferamus: scribe frater Leo, quòd ibi est perfecta lætitia. Hæc S. Pater ex intimis cordis penetralibus orta respondit: Planè vt filios suos edoceret, quod ad Christi similitudinem, suam lætitiā in laborum, ærumnarumque tolerantia reponeret. Atque

que adeo sicut nihil ipsi gratius, quàm iniurijs affici, laboribus premi, & pro Christi amore flagellis cædi, fustibusque verberari: non aliter filij paternæ virtutis æmuli ingenium sibi comerent patientiæ assuetum; ita quod iniuriarum, & laborum tolerantiam, veras esse delicias reputarent. Hinc est, ut Leoni suam hac de re sententiam scribere præceperit: *Scribe Frater Leo, quod ibi est perfecta lætitia. Quemadmodum Dei sapientia, præ voluptate patiendi pro hominibus, dicebat: Delicia mea esse cum filiis hominum.*

Proverb. 8.

Secundò Franciscus, Christo similem in paupertate se præstitit. Quam Christus ita mirificè coluit, ut de se ipso apud Matth. cap. 8. dixerit. *Filius hominis non habet ubi caput suum reclinet.* Quæ verba Eutymius Christi nomine factus, sic interpretatur: *Vulpibus, & volucribus sum pauperior; neque enim receptaculum habeo, nec quantum sufficiat ad caput reclinandum.* Tales autem esse volo eos, qui me sequuntur. Hinc etiam est, ut mendicus extiterit, quemadmodum Davidis ore Psalm. 39. hominibus exposuit. *Ego mendicus sum & pauper.*

Matth. 8.

Psalm. 39.

Concinit D. Paulus 2. Corinth. 8. *Propter nos mendicus factus est.* Et veram exercuit mendicitatē, eleemosynam, velut pauper corrogans, iuxta quod in nostris Archielogij Petri, & Pauli lib. 2. Archielog. 1. cap. 3. §. 1. comprobauimus.

2. Corint. 8.

Et verò S. Frāciscus in his omnibus, Christi similitudinem expressit, tam mendicādo, quàm altissimè paupertatis amore, ac studio, cui totum se deuouit, ut S. Bonauentura testatur. *Hanc (scilicet paupertatem) filio Dei vir sanctus familiarem attendens, & iam quasi toto Orbe repulsā, charitate sic studuit desponsare perpetua: quod non solum pro ea patrem, matremque reliquit: verum etiam quæ habere potuit, vniuersa desperit.*

S. Bonan.

c. 7. legen. maior.

Nemo tā auri, quā ipse cupidus paupertatis: nec thesauri custodiēdi sollicitior ullus, quā iste beatus Euāgelicæ margaritæ. Optimus planè gemarius, & mercator disertissimus erat Frāciscus, qui paupertatis nobilissimæ gemmæ pretium, estimationeq. agnosces, omnia pro illius possessione vilipendebat: eā in amore & delicijs habebat, in ipsius meditatione non sine lacrymis delectabatur. Vnde subiūgit ipse Seraphi-

S. Bonav. *cus Doctor: Christi Iesu paupertatem, & Matris frequenter cum lachrymis reuocabat ad mentem: inde hanc virtutem asserens esse Reginam, quia in Rege Regum, & in Regina matre ipsius tam præstanter effulsit. De mendicitate verò locutus c. 2.*

D. Bonav. *cap. 2. leg maior.. maioris legendæ parispiritu, & elegantia discurrit. Depositaque, ait, omni verecundia propter amorem pauperis crucifixi, mendicabat apud eos, inter quos abundare solebat; debile corpus attritum ieiunijs, oneribus lapidum supponendo. Et cap. 7. ait: Propter sanctæ paupertatis amorem, omnipotentis Dei famulus Eleemosynis ostiatim quæstis utebatur multò libentius, quàm oblati. Si quando enim inuitatus à magnis personis, mensis esset profusoribus honorandus: prius per propinquas vicinorum domos panum fragmenta petebat, ac deinde sic ditatus inopia discumbebat. Ut autem discumbentibus tanti erga paupertatem affectus rationem redderet S. Pater. Hæc teste ibidem S. Bonauentura proferebat: Hanc dignitatem Regalem, quam pro nobis Dominus Iesus egenus factus assumpsit, ut sua nos ditaret inopia; ac verè pauperes spiritu Regni Cælorum Reges institueret, & hæredes, nolo relinquere pro pseudo diuitiarum falsarum vobis ad bonam concessio.*

Tam impensè colebat paupertatem S. Franciscus; ut quod de sua erga pauperes miseratione dicebat olim Sanctus Iob. cap. 31. n. 18. *Ab infantia mea crevit mecum miserationis, & de utero matris meae egressa est mecum.* Hoc de paupertate dicere poterat Sanctus Pater, cuius amorem incredibilemque affectum ab utero matris extraxisse, & cum eo creuisse comprobatur. Agnouit hoc Innoc. III. Pontif. max. qui Francisco locutus, hæc dicebat: *Alij à latere tetigerunt paupertatem: Tu vis intrare in cor eius. Quid mirum si in viro Dei talis esset affectus, ut in paupertatis cor studiuisset intrare: quandoquidem paupertas in ipsius cor iam intrauerat, & cum eo ab infantia concreuerat. Vnde in ipsius thesauro Frãncisci cor positum erat; & totum suum studium collocabat, ut perfectus Apostolicæ paupertatis imitator fieri mereretur. Et planè obtinuit, sicut S. Petrus, & Paulus dum*

inter

inter orandum ipsi apparuerunt contestati sunt, dicentes: *Frater Francisce, quia tu hoc petis, & desideras, quod ipse Christus, & Sancti Apostoli hic seruauerunt; ideo notificamus tibi ex parte Domini nostri Iesu Christi, quod tuum desiderium est adimpletum. Et ipse Dominus Iesus Christus nos misit ad te, ut annuntiemus tibi, quia oratio tua est exaudita: & thesaurus sanctissima paupertatis tibi, & te sequentibus perfectissime sit concessurus.* Non tantum lataretur auarus opulentissimum rerum omnium thesaurum reperiens, quantum gauisus est verè pauper Franciscus, audita Principum Apostolorum attestazione, qua se, & filios suos thesauri paupertatis Apostolicæ possessione donatos intellexit; & ideo affectum, quo in paupertatem, & mendicitatem ferebatur, filijs imprimere studebat. Idcirco in Regula ipsis præcepit. *Fr-* Cap. I.
tres nihil sibi approprient, nec domum, nec locum, nec aliquam rem, sed tanquam peregrini, & aduena in hoc seculo in paupertate, & humilitate Domino famulantes, vadant pro elemosyna confidenter, nec oportet, eos verecundari; quia Dominus pro nobis se fecit pauperem in hoc mundo.

Tertiò, ne quidquam perfectæ desideraretur conformitati, Christo similis in nuditate Franciscus apparuit. Quod in maiori Legenda cap. 14. S. Bonauentura descripsit. *Voluit certè (inquit) per omnia Christo crucifixo esse conformis, qui pauper, & dolens, & nudus in Cruce pependit. Propter quod, & in principio conuersionis sue nudus remansit coram Antistite, & in consummatione vite nudus voluit de Mundo exire. Iam verò Christi nuditas adeò insignis fuit, ut Origenes ad illa Ioannis verba c. 13. Surgit à cena, & ponit vestimenta sua; I. can. 23.
& cum accepisset linteam præcinxit se, nò dubitauerit dicere, Redemptorè præ nimio erga paupertatè amore in tali actione penitus nudum, & solo coopertum linteo permansisse. D. etià Ambrosius de nuditate, quâ in Cruce Christus prætulit locutus, ita ait: *Nudus in Crucem ascendit, & talis ascendit, quales auctore Deo, nos natura formauit. Qualis in Paradiso homo primus habitauerat, talis Paradisum homo secundus intravit.* Lib. 10. in Luc. c. 23. Hanc Christi nuditatem S. Franciscus retulit omnino*

se exuens moriturus, vt infra dicemus, agendo quo pacto moriens Christo morienti similis extiterit. In vitæ nuditate eandem præ se tulit imaginem. Idcirco inspectante Afflicti Episcopo, bonis omnibus nuntium remisit, propria veste se spolians, & nudus apparens. Quemadmodum Christus vt ablueret pedes discipulorum, iuxta Origenis mentem, suis se vestibus denudauit: Quin utrobique nonnulla inhonestatis species cerneretur: verum etiam nuditas illa, mysterijs opima cælestibus, ingentem significabat amorem, quo Christus Dominus, & seruus eius Franciscus nuditatem, paupertatemque amplectebantur: Vnde sapienter dictum à S. Augustino lib. 4. Confessionum c. 9. *Multa facta, quæ hominibus improbanda videntur, testimonio Dei approbata sunt, & multa laudata ab hominibus, Deo teste damnantur.*

August.

S. 10

D. Thom.

Eutym.

Rodolph.

Quarto, Franciscus vestimenta portauit Christi vestibus vilitate, imò, vt multi sentiunt, colore simillima. Indubitatum verò est Christum Dominum vilibus, & pauperibus indutum vestibus incessisse, quemadmodum S. Thom. opusc. 19. cap. 81. apertè demonstrat. Et S. Chrysostom. de eodem locutus homil. 34. in Ioan. ita habet: *Nam quemadmodum in alijs omnibus, ita in habitu vilem speciem præferbat.* Addit etiam Eutym. *Indumenta Christi viliora fuerant, quàm latronum, qui cum ipso crucifixi erant.* Et verò Francisci habitus vilis extitit, & Christi vestimento similis, vt in antiqua legenda depingitur. Rodolphus, Tunicam Sancti Francisci ità describit. *Tunica Diui Francisci fuit pallentis, & cinericei coloris, qualem fuisse Tunicam inconsutilem Christi, quidam affirmant.* Fuit quoque cruci formis, cuius longitudo terram non attingebat; latitudo verò manicarum ad extremos digitorum articulos perueniebat. Fuit ei vestis unica atque abiecta, & ad pedes defluens: nec turpe ducebat eam ferre, quamquam ei Principes conueniendi forent. Hac utebatur, siuè vis frigoris, & hyemis instaret, siuè ardor aestatis. Caputiumque quadratum detulit, tanta quidem longitudinis, quod faciem operiret, qualem

qualem habitum deferre consueverunt agrestes homines illius Regionis, de quo quidam vates aptè admodum, & eleganter cecinit

Franciscus verò donum letabile agrestis

Accipit, & formâ primum insignit amata

Texta crucis, consuta de hinc simul aptat habenda

Tegmina dura sibi.

Vt autem filios exteriori veste Christo similes haberet, & quam Pater in hoc similitudinem referebat, eadem quoque in filiis eluceret, in cap. 2. Regulæ vestimentis uti vilibus imperavit. Et fratres omnes vestimentis vilibus induantur.

§. TERTIVM.

Franciscus duodecim perfectionibus internam Christi similitudinem retulit, quibus tota ipsius vita quasi stellis distinguitur, & coronatur.

Christi Redemptoris nostri vita, tot virtutum suis illustrata fulgoribus, tantisque eius anima cælestis gratiæ luminibus claruit; ut stellas citius numeraveris. Inter omnes tamen duodecim maiorem ex se claritatem emittunt, ut aduertit Pisanus lib. 2. conform. 13. in quibus B. Franciscus animam suam Christi animæ configuravit.

Prima

Prima Christi perfectio, seu virtus, omnimoda sui abnegatio est, totalisque abiectio, quas ipse summopere coluit, ac dilexit, dicente Propheta: *Vidimus eum despectum, & nouissimum virorum*. Hoc est, ita abiectum, vt inferius descendendo tendi non posse videretur: & tales voluit esse quotquot in ipsius societatem se darent; ideoque omnes ita exhortabatur. *Si quis vult venire post me, abneget semetipsum, tollat Crucem suam, & sequatur me* Matth. 16. Et verò Sanctus Franciscus perfectam adeo sui abnegationem fuit amplexus, vt in alijs virtutibus alios, & seipsum vicerit: in hac naturam pariter, & gratiam visus fuerit superare. Nec ita facile occurreret alius pro tam perfectæ abnegationis exemplo producendus, præter vnum D. Paulum Apostolum, quem pariter, & B. Franciscum in Ecclesia Deus constituit, vt eorum excubationes amputaret, qui voluntatis propriæ sectatores, & suæ fragilitati metuentes perfectam abnegationem, & omnimodam diuinæ voluntatis sequelam reputant impossibilem. Falluntur tamen; quoniam, vt optimè ponderauit Augustinus, in ipso statim suæ conuersionis exordio tam miram D. Paulus sui abnegationem prætulit, vt quasi propriæ voluntatis expertus, ac in diuinam reiectus, in ea verba proruperit. *Domine quid me vis facere?* Actorum 9. Quasi ipse velle iam non habuerit, nisi diuinum. Cuius abnegationis exemplar adamussim æmulatus est S. Franciscus: vnde sicut refert S. Bonauentura cap. 1. maioris Legendæ, cum Deo locutus, vt non suam in se ipso, sed diuinam voluntatem esse testaretur, eadem D. Pauli verba usurpans, dicebat: *Quid vis me Domine facere?* Magnus certè, veræque resignationis affectus, in quo elucet quantum inferior hominis pars subiecta fuerit superiori: & quam mira inter se concordia ad Dei obsequium coaluerant; vt caro simul, & spiritus æqua promptitudine diuino famulatu subderentur. Pulcherrimè descripsit hanc harmoniam Sanctus Bonauentura in Legenda maiori cap. 5. *Quia enim, inquit, ad tantam dauenerat puritatem, ut caro spiritui, & spiritus Deo harmonia mirabili concordarent: diuina ordinatione fiebat, vt creatura*
Creato-

Creatori suo deferuens voluntati, & imperio eius mirabiliter subiaceret.

Multimode verò sui abnegationem Seraphicus Pater ostendit: à suis enim ciuibus imperitus, tanquam surdus non audiebat: parùm est, hilariter, & iucundè auscultabat. Taceo Patris verbera, & in Ordinis principio multa in ipsum, sociosque probrosè dissipata, in quibus semper lætum, vt minimè læsum aspexisses. Ad Sultanum fratre Illuminato associatus se conferens: dum ibi ludibriosè exciperetur, plagis xquè & conuitijs oneratus in vincula detruderetur: magna eum hilaritate socio dixit: *Confide Frater in Domino, in nobis impletur illud Euangelij: Ecce ego mitto vos sicut oves inter lupos.* Quinam planè mansuetudinem vir Dei in impropetijs ostendebat, ad Christi agni imaginem, qui coram tondente se obmutuit, & non aperuit os suum. Tertul- Tertull.
 lianus, *Coram tondente*, interpretatur coram Herode, de quo dicit Euangelista. *Spreuit autem illum*, idest Christum, *Herodes cum exercitu suo, & illudit.* cap. 23. Ecce tibi illu- Luc. 23.
 sus à Sultani satellitibus Franciscus admirabilem sui abnegationem tanquam agnus modestissimè prætulit. Neque hic tantum, sed in omni vitæ decursu, dum calumnijs impeteretur, quod non semel accidit, mansuetè respondebat: *Talia decet audire filium Petri Bernardonis.* Hominem se fatetur Franciscus; dum pro sustentanda sui abnegatione ad parentem recurrit, seque Bernardonis filium appellat: sed re vera supra hominem vox ista est. Qui enim inter opprobria semetipsum abnegat, nec solum obmutescit, sed in super exhilaratur, græteque respondet: Is supra naturam se extulit, perfectæque abnegationis culmen tenuit.

Cæterum sicut S. Franciscus in calumnijs non mouebatur, sic laudes, & encomia nullum ipsi pruritum excitabant: Quinimo cū de se aliquid honorificum memorari sentiebat, non mediocriter tristabatur. Vnde socio, qui aderat, multa in seipsum vilia, & probrosa consijcere hortabatur: & tunc incredibili iucunditate distentus conuitianti respondebat: *Benedicat tibi Deus fili charissime, quia tu verissima loqueris.*
 Quando

Quando verò conuitiatores deerant, qui perfectam viri Dei abnegationem exercerent, ipse vt amplius augeret, coram magna populi frequentia defectus suos referebat. Verus planè, & perfectus sui abnegator, cui nec opprobria leuissimam commotionem, nec encomia pruriginem excitarunt. Rogatus olim à quodam Monacho S. Gregorius in quo vera, & perfecta abnegatio consisteret. Rogantem ad locum remisit, in quo plurima mortuorum ossa in cumulum erecta viscebantur, præcipiens, vt probra, & calumnias ipsa iactaret. Pergit porro Monachus, calumniatur, & admittentem regreditur. Quem cum Gregorius interrogaret: An ossa inter opprobria aliquod commotionis signum præstiterint? respondit: Nullum planè. Iterum ergo abi, & pro calumnijs, laudibus vtire. Sequitur factus encomiastes, qui antea conuitiator extiterat. Cæterum ossa pari immobilitate ad conuitia, & laudes persisterunt. Quod cum Monachus Sancto Gregorio retulisset. In hoc, respondit, vera, & perfecta abnegatio constituenda est; vt quicquam, nec opprobrijs turbetur, sed quasi nihil sentiens, tanquam mortuus perseueret, nec laudibus lætitiā sentiat, vtrobique sine sensu: Quasi calumniæ nullum dolorem, nec laudes hilaritatem extuderint. Mortuum ne dixerim Franciscum, an viuentem? Prope sim mortuum, dicere, quem ita perfectè abnegatum inspicio, vt nec conuijs, nec laudibus moueatur. Viuus tamen est, qui dum opprobrijs impetitur, gratiam refert: dum laudatur, seipsum deprimendo, laudis humanæ pruriginem extinguit. Quid igitur? Angelum existiment: Angelus videtur dicendus, qui sicut Angelus Dei, nec benedictione, nec maledictione mouetur: Quemadmodum olim Dauidi foemina Thecuite dicebat: *Sicut enim Angelus Dei, sic est Dominus meus Rex, vt nec benedictione, nec maledictione moueatur.*

2. Reg. 14. 2. Reg. 14. At Franciscum carne, & corpore circumdatum video, quod ab Angelis, prorsus alienum est. Ergo hominem appellabo: At supra humanam naturam est tam perfecta sui abnegatio. Quapropter quoniam virum Dei,

homi-

hominem negare nefas est, hominem dicam propè diuinum, in quo vera Christi imago enituit, Redemptoris exemplar effectus, qui seipsum abnegauit: & omnes post se ituros ad perfectam sui abnegationem exhortabatur.

Secunda Christi perfectio.

Secunda Christi perfectio est, sanctissimæ carnis ipsius maceratio, quam Dominus Iesus toto vitæ suæ tempore miris asperitatibus exercuit. Vnde in flore iuuentæ constitutus (non enim plusquam lustra sesqui pergerat) à Phariseis quinquagenarius reputabatur, sicut ad illa Pharisæorum verba; *Quinquaginta annos nondum habes, & Abraham vidisti*. Ioan. 8. 5. Hilarius adnotauit. In hac Franciscus magnum etiam collocauit studium, & Christo similis euadere contendit, vt S. Bonaventura cap. 1. maioris legendæ aureis planè verbis depinxit. *Mortificationi carnis inuigilabat attentius, vt Christi Crucem, quam interius ferebat in corde, exterius etià circumferret in corpore*. Et idè mille modos excogitauit, quibus corpus affligeret, robur iuuenile detereret, sanitatemque absumeret, vt planè absumpsit; semper valetudinarius, multisque, & grauissimis infirmitatibus circumdatus. Mirum est quam se præbeat ingeniosam humana sagacitas, vt corpori indulgeat, quot pro ipso valentè lenocinia, pro infirmo remedia excogitauerit. Ingeniosior tamen in macerando corpore exitit Franciscus; mille affligendi artes adinuenit; nec ex luxui deditis tantum quisque corpus fouit, quātum ille discrutauit. Hinc illa inedia, & alboris patientia, hinc humi cubatio, lapide capite supposito: hinc vestitus asperitas, hinc ciborum ruditas, amarities, & paucitas: hinc denique omnium delectabilium fuga, quàm sic studiosè tenuit, vt ad Christi imitationem nullum in corpore suo membrum reliquerit, nec sensum, quin acerbissima maceratione castigaret. Quid memorem labores

N
affiduos,

Aegid. l. 2.
conformit.

assiduos, & frequentissimas, hac illacque nudipes discurrendo fatigationes, quibus Christum ex itinere fatigatum imitatus, carnem edomabat. Quid nocturnas vigilas, & alia austeritatis exercitia, de quibus loquens Frater Aegidius dicebat *Quod si Beatus Franciscus habuisset corpus sanum, & forte, ut ipse ad id quod pœnitentiæ effecisset totus Mundus eum sequi non potuisset.*

S. Bonau.

Sed lucupletius est pro hac vitæ rigiditate viri Dei testimonium: Qui morti vicinus à corpore suo veniam postulabat, seque in hac parte *fratri corpori* (verba illius sunt) culpabilem dicebat, eò quod ipsum malè plusquam fors decuisset, tractauerat. Pro qua etiam produco Sanctum Bonauenturam in Legenda maiori cap. 4. disertissimè loquentem. *Nuda humus, & frequentius lectus erat lassato corpusculo, & sapius sedens, ligno, vel lapide ad caput posito dormiebat, unica paupere contectus tunica: in nuditate Domino seruiebat, & frigore. Interrogatus aliquando quomodo vestitu tam tenui se posset ab hyemalis algoris asperitate tueri in spiritus seruire respondit: si supernæ patriæ flamma per desiderium contegere-mur interius, facile portaremus. Et sicut in vestibis macerationem coluit, sic in alijs quoque rebus, ut diximus, mirabiliter exercuit. Attendens enim, ut ait idem Seraphicus doctor, illud Apostoli verbum. Qui autem sunt Christi, carnem suam crucifixerunt cum vitijs, & concupiscentijs, ut crucis armaturam suo ferret in corpore tanta discipline rigiditate sensuales appetitus arcebat; ut vix necessaria sumeret sustentationi naturæ.*

D. Bon in.
cap. 5.

Tertia Perfectio.

Matth. 4.

Tertia perfectio, in qua Dominus Iesus suæ imitationis exemplum reliquit, est ieiunij observatio. Quod per quadraginta dierum spatium peregit, quin toto eo tempore quidquam manducaret; Et cum ieiunasset quadraginta diebus, & quadraginta noctibus Matth. 4. B. verò Franciscus Christi

Christi Saluatoris nostri vestigijs insistens, integrâ Quadragesimam ieiunio transegit, nec interim plusquam panis medietatem comedit, vt affirmat Pisanus; & alij multi confor.

25. part. 2. Quinimò toto ferè anni tempore quandiu vixit ieiunio se exercuit, multiplices instituens quadragesimas. Nam præter illam, quam in deserto Christus ieiunando absoluit: Et vir Dei in angustissima reclusus cella; quanta poterat cibi, & potus arctitudine superabat, aliam ab Assumptione Beatæ Virginis vsque ad Festum S. Michaelis in honorem ipsius Archangeli ieiunabat. Deinde vt refert Sanctus Bonauentura cap. 9. Legendæ maioris, *Apostolos omnes, & præcipuè Petrum, & Paulum propter feruidam charitatem, quam habuerunt ad Christum summa deuotione complexans, ob quorum reuerentiam; & amorem quadragesima specialis ieiunium Domino dedicabat. Vltra quod à Festo omnium Sanctorum, vsque ad Christi Natiuitatem, & maiorem Ecclesiæ Quadragesimam, iuxta Regulam ieiunabat. Atque adeò si hæc omnia ad calculos reducantur, quid aliud erit Sancti Francisci vita, quàm perennè ieiunium? Vnde meritiò dixit citato loco Seraphicus Doctor. Non habebat aliud Christi pauper, nisi duo minuta, corpus scilicet, & animam, quod posset liberali charitate largiri. Sed hæc pro amore Christi sic offerebat continuè, vt quasi omni tempore per rigorem ieiunii corpus, & per ardorem desiderij spiritum immolaret. Exteriorius in atrio sacrificans holocaustum, & in templo interiorius concremans thimiama.*

Quarta Perfectio.

Quarta Christi Perfectio admiranda ipsius patiëntia numeratur. Vt enim, ait, Petrus Apostolus. *Cum malediceretur, non maledicebat; cum pateretur, non comminabatur, Sed insuper pro intersectoribus exorauit.* Hanc etiam virtutem toto animi affectu coluit S. Franciscus; quoniam, vt iam supra tetigimus, inter opprobria filuit, persecutiones ciuium,

Saracenorum: Quinimo & germani fratris, quod durius est, hilariter sustinuit. In laudibus tristitiam, & in vituperationibus admirandam prætulit furditatem. Testem laudo S.

S. Bonau.

Bonauenturam cap. 6. ita loquentem: *Stultum proinde iudicans mundanis extolli fauoribus, gaudebat de opprobrijs, & de laudibus tristabatur: malebat quidem de se vituperium audire, quàm laudem.* Nec alio verborum blandimento viri

S. Bonau.

Dei animus temperari melius poterat, quàm cum fera iniuriarum tempestas super eum grandinaret. Et verò non sentit opprobrij asperitatem in terra, cuius animus est in coelo. Sic autem, ait, S. Bonauentura, *cum charitatis excessus sua deuotio sursum in diuina ferebat: ut eiusdem affectuosa benignitas ad naturæ consortes, & gratiæ dilataret.*

Quinta Perfectio.

Quinta Christi perfectio indefessa, & assidua est ipsius operatio. Vnde apud Ioannem cap. 5. dicebat: *Pater meus usque modo operatur, & ego operor.* Nec de manuali operatione loquebatur: quanquam & in hac fors se exercuit, Sanctum Ioseph Patrem suum putatium, in arte fabrilis adiuuans. Vnde apud Marc. cap. 6. dicebant nonnulli. *Nonne hic est faber?* Et in hac etiam Beatus Franciscus assimilari studuit corporalibus exercitijs vacans: Quemadmodum filijs in testamento reliquit, dicens: *Ego manibus meis laborabam, & alij Fratres volo firmiter quod laborent, de laboritio, quod pertinet ad bonestatem.*

Marc. 6.

D. Matth.

D. Marc.

Aalia tamen est operatio superior, videlicet prædicatio, & animarum salutis studium. Ad quod Christus Dominus summopere intendit. Vnde apud Matth. cap. 9. & Marc. 6. dicitur. *Et circuibat Iesus omnes ciuitates, & castella docens in Synagogis eorum, & prædicans Euangelium Regni: sed quam laboriosus fuerit iste circuitus intelligi non potest, nisi loca*

Omnia

omnia numeremus quæ prædicando, & docendo peragrauit?

Igitur ubi primum suam prædicationem incepit; etsi vt plurimum Hierosolymis se teneret: Inde tamen egrediens per totam Iudæam discurrebat. Nam prædicauit in Corozaim, quæ ab Hierusalem per septuaginta duo miliaria distat. In Gerasa etiam docuit, à qua tota regio Gerasenorum dicitur, Math. 8. ubi dæmones ab homine eiectionis permittit in porcos intrare, ac in mare præcipites agi. Hæc ab Hierusalem per nouemdecim miliaria disiungitur. In Hierico, in cuius ingressu cæcum illuminauit Lucæ 18. Et quindecim miliaribus ab Hierosolymis distat. In Capharnaum frequētissimè prædicabat, & diutiùs se tenebat Matth. 4. num. 13. & sæpè alibi, vnde propter frequentiam Christi patria dicebatur, vt interpretes adnotarunt. Hæc ab Hierusalem per octoginta miliaria remouetur. Eadem etiam distantia separatus est mons ille Christi sermone, & quinque millium saturatione celeberrimus, qui vtriusque conuiuij spiritualis, & corporalis felici præfagio, mensa dicebatur. In hoc etiam non semel prædicauit. Mare Tiberiadis, & vrbes ibi exædificatæ, qua in litore, qua è cymba prædicantem senserunt. Et vt minimum locorū huiusmodi ab Hierusalem distantia sexaginta miliaribus perficitur. Bethsaidam per octoginta miliaria remotam Petri, & Andreæ Apostolorum natiuitate faustissimam, doctrina, & prædicatione felicitaui. Decalopis regio est multorum miliariorum distantia ab Hierosolymis disiuncta, decem vrbes complectens, in quibus etiam docuit. Cæsarea Philippi in Septentrionali Terræ promissionis termino constituta, & multis miliaribus separata, doctrinæ ipsius fructum percepit. Hic celeberrima Petri confessio accidit, pro qua Ecclesiæ caput, & Christi Vicarius institui promeruit. In Sichar foeminæ Samaritidis conuersione memoranda, & viginti sex miliaribus distante, post illa putei, in quo fatigatus federat, colloquia, duobus diebus moram traxit; & secuta Samaritanorum numerosa conuersione prædicauit, Ioan. 4. Naym sexaginta miliaribus distat ab Hierusalem, in cuius porta filium

Math. 8.

Luc. 18.

Math. 4.

Marc. 1.

Luc. 4.

Ioan. 2.

Math. 5.

Ioan. 6.

Ioan. 4.

viduæ

viduæ plangentis temporali vitæ restituit; & intra Urbem omnes ad æternæ vitæ affectationem sua prædicatione excitauit Luc. 7. Mons Thabor duo supra sexaginta milliaribus ab Hierusalem distans Christo se transfiguranti amplissimum præbuit theatrum. Sæpissimè noctu orantem sustinuit, & diu prædicanti pro suggesto deseruijt Matth. 17. In Cana Galileæ, vbi aquam mutauit in vinum, & primam suæ omnipotentiae demonstrationem edidit, etiam prædicationis fundamenta iecit. Hæc sexaginta milliaribus, & amplius ab Hierosolyma distat. In Sidone vbi curauit filiam Cananæ, & in Tyro, vbi scemina prædicanti applaudens exclamauit: *Beatus venter, qui te portauit, & ubera, quæ suxisti*, Doctrinæ suæ radios sparsit; Luc. 11. Plura etiam loca docendo, & prædicando circuiuit Dominus Iesus, quæ innumerum esset recensere: Hactenus verò numerata pedes semper, & discalceatus peragravit. Vnde certum est quantum operæ, & laboris in profeminanda sui Euangelij doctrina tam exiguo tempore collocauerit. Cuius laboris, & operationis exemplum imitatus Beatus Franciscus, nullam ferè Orbis regionem videtur intactam reliquisse, in qua Euangelij semina non sparserit. Angustus fuit illi Orbis noster, lustrato occidente, vt iam memorabo, ad Orientem se contulit, doctrinæ; virtutisque splendore cum solis claritate certaturus.

Audito Dei Oraculo Franciscus ipsum inter orandum humana voce alloquentis. *Francisce vade repara Domum meam*. Illicò totum Orbem à se peragrandum animo concepit, vt vbique labantem Ecclesiam; hæc enim domus Dei est, studiosius restitueret. Nec iter distulit; non enim ad itinerandum accingi oportebat, qui iam lumbos præcinxerat, ardentesque lucernas manibus gestabat. Deinde illud Pauli Apostoli Galatis scriptum recolebat. *Cum autem placuit ei, qui me segregauit ex utero matris meæ, & vocauit me per gratiam suam, vt reuelaret filium suum in me, vt Euangelizarem illum in gentibus: continuò non acquisiui carni, & sanguini; sed adiij in Arabiam*. Et speciali Dei gratia voca-

vocatam interius se agnoscens, vt Christum Dominum in assidua eius operatione imiraretur, illum velut quædam effigies Orbi repræsentare studuit. Nullibi enim melius persona, quàm imperfecta sui imagine reuelatur. Deinde memor itinerum, & peregrinationum, quæ Dominus Iesus animarum salutis studio obierat, quieti & carni, sanguinisque obstrictionibus vale dicens, iter arripuit: vrbes, oppida, Castella prædicando, exhortando, multimodeque operando percurrens, Europam, & Asiam doctrinæ, & operationis cultura locupletauit. Quinimo ne qua Orbis pars deesset, vbi Christum in se ipso non reuelaret Africam: animo concepit, & in Marrochium proficisci destinauit, vt ea in vrbe consummato per martyrium vitæ cursu, doctrinam, & prædicationem proprio sanguine obsignaret. Et sanè palmam tam ardenti studio concupitam obtineret. Noluit tamen Deus, vt Barbari carnificis manus Franciscum imaginem suam cruentaret.

Postquam verò plurimas Italiæ vrbes perlustrauit, ac in eis operationis suæ monumenta reliquit: concitato cursu in Palæstinam se contulit, vt loca omnia inuiseret, per quæ Christus docendo & operando transierat, fidemque ipsius ibi extinctam suscitaret. Nec iuisse semel satis habuit: bis illuc iter instituit, diutiusque immorari placuit, quoniam Redemptoris illic quondam viuentis, operantis, & morientis amore tenebatur, & illum labore, & operatione sua illis gentibus reuelare studebat. Quod etiam Damiatæ in Syria in Aegypto, & alijs earum Regionum vrbibus præstitit: per quas Palæstinam contendens semel, iterumque transiit.

Inde reuersus, quia indefessum operandi studium quiescere non permittebat, in Hispaniam abiit, Et Castellam vtramque veterem & nouā percurrit S. Iacobi corpus Compostellæ inuisit. Ad Lusitaniam se confert, indeque recedens in Castellam reuertitur. Nanarram, Aragoniam, Catalaniam perlustrat. Nec vacuus, nec vanus Regionum, vrbium, locorumque circuitus euasit. Vbique enim laboris, & operationis suæ monumenta perennās hominum conuer-

siones admirandæ, domus extructæ, Conuentus, qua Regum, qua Principum, & Dynastarum magnificentia, sumptibusque exædificati; in quibus adhuc viri Dei spiritus, ardensque operandi studium anhelat, & viuit. Et verò Sancti Francisci ad Hispaniam accessum, vtpotè magnam illis regionibus vtilitatem allaturum, signis, ac portentis cælum, cui nouos doctriua sua daturus erat habitatores, celebravit. Ipso enim Hispaniam intrante, vt colligitur ex summario Chronologico Hieronymi Bardi, anno 1213. igneæ cruces in Cælo apparuerunt. Auspicatissimum planè signum crux erat, vt Franciscum Crucifixi Redemptoris imaginem, & nouum Crucis prædicatorem orbi datum demonstraret. Sed cur ignea, & non sicut alibi multicolor apparuit? Fallar nisi ignis in Crucibus splenscens Francisci victoriam de Hispanorum animis obtinendam præmonstrabat. Terren-
Elimi.
tur igne Leones, vt ait Plinius in Historia naturali, & nullo alio facilius quàm flamma vincuntur. Perbellè igitur qui Hispanos Leones, prædicatione expugnaturus, & renouaturus adibat, cruce flammea demonstratur. Vt quemadmodum Christus Orbem non ferro, sed ligno domuit; ita Franciscus Hispaniam leonibus fæcundam Cruce flammea domiturus erat, pariterque nouitati redditurus. Vtrumque enim flamma in Cruce splenscens significabat.

Psalm. 95.
Psalm. 103.
Psalm. 96. de Christi in Orbem aduentu locutus Regius Vates cecinit: *Ignis ante ipsum præcedet, & inflammabit in circuitu inimicos eius.* Sic Beatum Franciscum in Hispaniã euntem, ignis in cruce splenscens præcessit: vt hac ratione monstraretur, quod illuc accedente, & ibi prædicante verbis ignem spirantibus, Hispaniam peccatorum vetustate absumptam renouaturus esset. Ignis ille, qui in forma linguarum in die Pentecostes supra Apostolorum capita descendens apparuit, mundum ad eorum prædicationem renouandum præmonstrabat. Iuxta illud Psalm. 103. *Emitte spiritum tuum, & creabuntur, & renouabis faciem terræ.* Porro triplicem operationem edidit flamma Sancti Spiritus, Intellectum illuminauit; voluntatem accendit; sensitiui

appe-

appetitus ardorem consopivit, omninoque extinxit. Et sane ignis in sylva succensus, igne alio ex aduerso succenso reprimatur, & flammam flamma vincit, nec ultra serpere consentit. Eisdem habuit effectus Francisci prædicatio in igne significata, quandiu in Hispania se tenuit. Mentem incolarum illuminauit, voluntates Dei amore succendit, concupiscentiæ flammam absumpsit. Ideo enim Crux ignea, in cælo præcessit euntem, ut mentibus lucem; cordibus amorem, appetitui interitum allaturus significaretur. At cur ignis non in linguis sicut in die Pentecostes, sed in Cruce apparuit. Credo, quia Crux signum erat Francisco familiare, maximopereque dilectum. Nihil in Francisci ore frequentiùs Cruce audiebatur, totus ille obsignatus erat Cruce: Et quidquid ubique operabatur, Crucis meditatione perficiebat. Deinde Crux aptissimum erat instrumentum, quo Crucifixus, vel Crucifixi effigies ostenderetur. Perbellè igitur Francisco Hispaniam intraturo crux irradiat, ut illuc nouus Crucis prædicator, homo Mundo crucifixus, quinimo Dei hominis Crucifixi imago, & cum ipso Cruci confixus accedere prænoscat.

Suam iterum repetiuit Italiam, facto per Gallias itinere, quas etiam doctrina, & operatione illustrauit; Quis enim Solem in Emisphærio constitutum illuminare, admirabilesque operationes edere inficiabitur? Cisalpinos, Taurinenses, Pedemontanos frigescente charitate, plusquam glaciali niue algentes, amoris sui flama, fouit, calefecit, atque prædicationis lumine collustrauit. Ardebat enim pariter & lucebat Franciscus, utroque videlicet, ardore, & lumine clarus: operatione tamen à qua nunquam cessabat clarissimus. Otij impatiens erat, quod verbo pariter & exemplo fugiendum edocebat, sicut refert S. Bonauent. c. 5.

S. Bonau.

maior. Legen. Otium autem omnium malarum cogitationum sentinam dicebat summopere fugiendum, exemplo demonstrans rebellē carnem, & pigram disciplinis continuis, & fructuosos laboribus esse domandam: Vnde corpus suum fratrem asinum appellabat; tanquam laboriosis supponendum oneribus, crebris cadendum flagellis, & vili pabulo sustentandum. Si quem vero cernebat otiosum, &

vagum, aliorum velle manducare labores, Fratrem mustam nominandum censebat. Hac Seraphici Doctoris clausula Parentis sui Francisci laboriosam operationem terminare libuit. Pro qua cōsulendi sunt Annales minorum. An. 1213 & sæpè alibi.

Sexta Perfectio.

Sexta Christi Perfectio admirabilis est ipsius doctrina. Vnde mirabantur in doctrina eius. Quin etiam ultra doctrinæ miraculum, magna fuit verborum, prædicationis- que efficacitas ad cordis duritiem emolliendam; Potens in opere, & sermone. In qua mirum est, quantum S. Franciscus Christo similis extiterit: Quoniam S. Bonaventura cap. 3. maioris legendæ, hæc de illo profert: Erant autem ipsius eloquia non inania, nec risu digna, sed virtute Spiritus Sancti plena erant, me dullas cordis penetrantia: ut in vehementem stuporem audientes conuerterent. Nec solos rationis compotes Francisci verba permouebant. Aues etiam rationis expertes, verborum efficaciam sentiebant. Plurima in hanc rem planè miraculosa recenset Sanctus Bonaventura c. 12. Legendæ maioris: Inter quæ referre placet, quod cum aliquando plures diuersi generis aues simul congregatas Sanctus Pater intueretur. Alacriter, ait, cucurrit ad locum, & eas velut rationis participes salatauit. Omnibus verò expectantibus, ac conuertentibus se ad eum. ita ut quæ in arbutis erant, inclinatis capitibus, cum appropinquaret ad eas insolito modo in ipsum intenderent, & que ad eas accessit, & omnes, ut verbum Dei audirent, sollicitè admonuit, dicens: Fratres mei volucres multum debetis laudare creatorem vestrum, qui plumis vos induit, & pennas tribuit ad volandum, puritatem concessit aeris, & sine vestra sollicitudine vos gubernat. Cum autem eis hæc, & his similia loqueretur, auicula modo mirabili gestientes caperunt extendere colla, protendere alas, aperire rostra, & illum attente respicere. Ipse verò cum spiritus feruore mirando

Matth. 22.
v. 23.

Luc. 24.
vv. 19.

S. Bona-

S. Bona-

mirando per medium ipsarum transiens tunica contingebat eadem; nec tamen aliqua de loco mota est, donec signo Crucis facto, & licentia data cum benedictione viri Dei omnes simul aduolarunt. Sic totidem verbis S. Bonauentura, ubi anxius hæreo, & suspensus, quid prius admirer: Francisci ne puritatem, & innocentiam primæua simplicitate coniunctam, & primi parentis statum referentem, cum animalia in hominis societatem se dabant, & ipse impavidus eis promptè obsequentibus imperitabat? An dicēdi efficacitatem insolitam, hætenusque inauditam, qua prolata ore prope diuino verba volucrum aures penetrabant pariter, ac demulcebant, & in præcordia paulatim illapsa captas, & immobiles detinebant. Itaque absque noui, & prorsus admirandi prædicatoris licentia recedere non auderent.

Antiquæ fabulositatis garrulitatem tacere iussit Clemens ille Alexandrinus, & quidquid de suo Orpheo audacter commenta est, & cartis commendauit, obliterandum præcepit: quia veriolem, & meliorem antiquitate Orpheum sortita est Ecclesia, Christum Dei filium Redemptorem nostrum, cuius admiranda in prædicando efficacia, cū suauitate coniuncta, plura quam Orpheus miracula edidit. Preterquæ quod miracula illius mentita, & fabulosa, Christi autem vera extiterunt. Non viderat Clemens Franciscum; nec de eius dicendi virtute quidquam audierat. Multos enim post annos illum Dei Ecclesia suscepit. Quia si iam tunc natum inspexisset prædicantemque audiisset, nequaquam Ecclesiæ gratularetur, quod vnum Orpheum Christum, antiquo meliorem obtineret. Duos planè diceret Christum, & Franciscum, ambo prædicandi efficacia similes, ambo sermone, & opere potentes: de Christo prædicante dicebatur: *Nunquam sic loquutus est homo.* Eadem ad Franciscum prædicantem referre non dubitabis, si D. Bonauent. de Seraphici Parentis in dicendo potentia enarrantem iterum auscultes. Ioann. 7.
n. 46.

Exinde, ait, prædicando per loca vicina procedens, venit ad Castrum quoddam nomine Albianum, ubi congregato Populo, & indicto silentio propter hyrundines nidificantes in eodem loco,

magnisque garritis perstreptentes, audiri vix poterat. Quas vir Dei omnibus audientibus allocutus est, dicens: Sorores meæ hyrundines iam tempus est, ut loquar & ego: quia vos usque modo satis dixistis: Audite verbum Dei tenentes silentium, donec sermo Dei complectatur. At illa tanquam intellectus capaces subito tacuerunt, nec fuerunt motæ de loco, donec fuit omnis prædicatio consummata. Nihil ultra pro stabilienda, prædicandi virtute enarrandum superesse videbatur: Aliud tamen exemplum adiungit eodem loco S. Doctor, quod praeusu dignum censeo, & ideo repetendum.

In Ciuitate namque Parisenfi scholaris quidam indolis bonæ, cum socijs alijs studio diligenter intentus, dum importuna garrulitate cuiusdam molestaretur hyrundinis, dicere capit ad socios. Hæc hyrundo vna de illis est, quæ virum Dei Franciscum prædicantem aliquando, donec silentium eis imponeret, molestabant. Et conuersus ad hyrundinem fiducialiter ait. In nomine serui Dei Francisci præcipio tibi, ut ad me veniens continuo conticescas. At illa Francisci audito nomine, quasi viri Dei disciplinis edocta, & statim conticuit, & ipsius manibus tanquam tuta custodia se commisit, stupefactus scholaris, statim eam libertati restituit, & eius garrutum amplius non audiuit. Hæc autem audiat, & ponderet Christianus, ut agnoscat, quam magna fuerit S. Francisci in prædicando potentia, quantumque in ea Christo Redemptori nostro, de cuius benignitate id acceperat, similis extiterit. Quod Gregorius Nonus in Bulla suæ canonizationis contestatus est. Prædicatione siquidem simplici, ait, nullis verborum persuasibilium humanæ sapientiæ coloribus adornata; sed tamen Dei virtute potenti, qui infirma Mundi elegit, ut fortia quæque confundat: non tantum mille, sed multa millia Philistinorum, eo qui tangit montes, & fumigant, fauente prostrauit; & in spiritus seruitutem redegit, carnis illecebris antea seruientes.

Septima Perfectio :

Septima Christi perfectio est gratia, seu luminis donum; quo Sacras Scripturas intelligebat, & alijs interpretabatur. Quod de ipso quatenus homine accipiendum est: alioquin tanquam Patris Verbum summa ipsius, & infinita sapientia erat, quam simul cum diuinitate accepit. Vnde Colossensibus dicebat Apostolus: *In agnitionem Dei Patris, & Christi Iesu, in quo sunt omnes thesauri sapientia, & scientia absconditi.* Et præterea ut homo erat, Orbi datus à Deo ut Doctor, sicut in Ioele cap. 2. prædictum est. *Et filij syon exultate, & letamini Domino Deo vestro, quia dedit vobis Doctorem.* Condignum erat, prorsusque necessarium, ut lumen scientiæ infusum acciperet, quo sacras Scripturas intelligeret, alijsque intelligendas luculentissimè exponeret; ut multoties fecisse accepimus apud Luc. c. 24. cum euentibus in Emmaus socium se adiunxit. *Et incipiens à Moyse, & omnibus Prophetis interpretabatur illis in omnibus scripturis, quæ de ipso erant.* Alibi quosdam ipsum fraudulentè circumuenientes interrogans; *Quid vobis videtur de Christo, cuius filius est?* Cumque respondissent, eum esse David filium: *Dicunt ei David: Ait illis, quomodo ergo David in spiritu vocat eum Dominum dicens: Dixit Dominus Domino meo, sede à dextris meis, donec ponam inimicos tuos scabellum pedum tuorum.* Si ergo David vocat eum Dominum, quomodo filius eius est? Et nemo poterat ei respondere verbum; neque ausus fuit quisquam ex illa die eum amplius interrogare. Merito obmutuerunt, quis enim vterius ei colloqui auderet, qui Apoc. 3. de se ipso profitetur. *Hæc dicit Sanctus, & verus, qui habet clauem David, qui aperit, & nemo claudit, claudit, & nemo aperit.* Et quid aliud melius clauem David quàm scripturarum scientiam, & interpretationem appellaueris. Hanc clauem tradidit Dominus discipulis, quando
in

in Castello Emmaus cū ipsis epulabatur teste D. Luc. c. 24.
Tunc aperuit illis sensum, ut intelligerent scripturas.

Hanc etiam dedit Sancto Francisco, in quo speciale intelligentiæ lumen effulsit, ut sacras scripturas interpretaretur; ut abstrusa quæque illarum profundius ita penetraret, dilucideque exponeret, ut omnem prorsus dubitationem auferret. Injurius ero D. Bonaventuræ, nisi ipsius testimonio hanc veritatem comprobauero, qui cap. 11. Legend. maioris ita loquitur *Ad tantam autem mentis serenitatem indefessum orationis studium, cum continua exercitatione virtutum, virum Dei perduxerat; ut quamvis non habuerit sacrarum litterarum peritiam, per doctrinam æternæ tamen lucis irradiatus fulgoribus, scripturarum profunda miro intellectus scrutaretur acumine. Penetrabat enim ab omni labe purum ingenium mysteriorum abscondita. Et ubi magistralis scientia foris stabat, affectus introibat amantis. Legebat quandoque in libris sacris, & quod animo semel iniecerat, tenaciter imprimebat memoria: quia non frustra mentalis attentionis percipiebat auditu; quod continue deuotionis ruminabat affectu.* Hactenus ille.

Quid ni è tali scholâ tam eximius sacrarum litterarum interpreter euaserit S. Franciscus? Cui Deus inter orandum, & meditandum aperuit sensum, ut intelligeret sanctam Scripturam, & difficiles in ea quæstiones sciscitantibus enodaret; Quod Senensis quidam Doctor experientia didicerat, & non sine admiratione prædicauit, ut citato loco refert Sanctus Bonaventura. Interrogatus Senis à quodam religioso viro Theologiæ sacræ Doctore de quibusdam quæstionibus difficultibus intellectu, tanta claritate doctrinæ, diuinæ sapientiæ patefaciebat arcana, ut vehementer superet vir ille peritus, & cum admiratione referret. Verè Theologia S. Patris istius puritate, & contemplatione tanquam alis in altum subiecta est aquila volans. Nostra verò scientia ventre graditur super terram. Licet enim esset imperitus sermone: scientia tamen plenus enodabat dubia quæstionum, & abscondita producebat in lucem. Nec absolum si vir Sanctus scripturarū à Deo intellectum acceperat; cum per imitationem Christi perfectam veritatem ipsarum

ipsarum descriptam gestaret in opere, & per sancti Spiritus vocationem plenarium Doctorem earum apud se haberet in corde. Hæc Sanctus Doctor, in quibus admirando claritatis fulgore irradiat intelligentiæ lumen ad sacras scripturas interpretandum, quod B. Franciscus Christo largiente possederat, ad ipsiusque imitationem profundissimorum sensuum arcana mira perspicuitate reuelabat. Et ideo terminus hic erit præfigendus, ad aliamque perfectionem transeundum.

Octava Perfectio.

Octava Christi Perfectio est extrema humilitas, cuius Matth. 11 se præceptorem exposuit, dicens apud Matth. c. 11. *Discite à me, quia mitis sum, & humilis corde.* Et verò Dominus Iesus tantum se humiliando abiecit, ut inferius in abiectione tendi non posse videatur. Recole apud Ioannem Ioann. cap. 13. qua ratione ad discipulorum pedes se proiecerit, ut eos ablueret, quo in loco ponderauit egregie S. Hieronymus; Propterea Christum Dominum hac se humiliandi ratione usum, ut homo edoceret, quod quantumuis se extremè deiiceret, semper Christum subtus pedes suos positum inuenturus esset. Atque adeo nunquam ipsi defuturum, quod ab humilitatis præceptore disceret, & extremam se deprimentis humilitatem imitaretur. D. Hieron.

In quo, ut in superioribus statuimus, verum diuini præceptoris discipulum Franciscus se præstitit. Et propterea Luciferi locum in cælo obtinuit, ut quod improba elatissimi spiritus superbia amiserat, abiectissima humillimi Francisci exinanitio consequeretur. Fuit autem in viro Dei supra virtutes omnes humilitatis studium, de quo locupletissimum est S. Bonauenturæ testimonium cap. 6. maioris Legendæ. D. Bonau. *Omnium, inquit, virtutum custos, & decus humilitas copiosa* c. 6. legendæ maioræ *virum Dei ubertate repleuerat. In propria quidem reputatione mihi erat, nisi peccator: cum in veritate speculum esset, &*
Splendor

plendor omnimodæ sanctitatis. Super hanc studuit ædificare seipsum, ut sapiens architectus fundamentum præiaciens, quod à Christo didicerat. Dicebat propter hoc Filium Dei de altitudine sinus Paterni ad nostra despicabilia descendisse, ut tam exemplo, quam verbo Dominus, & Magister humilitatem doceret: Propter quod studebat. tanquam Christi discipulus in oculis suis, & aliorum vilescere, à Summo dictum esse Magistro commemorans. Hactenus ille. Et quidem magnum in humilitate est, ut quisquam apud se despicabilis existat. summum tamen humilitatis gradum tenere dicendus est, qui apud alios contemptus apparere non solum erubescit; sed etiam totis viribus id obtinere contendit. Ita quod despecta sentiat, & alta silentio premat, humilia vero, & abiecta manifestet. Quemadmodum fecit S. Ioannes Baptista, qui interrogatus quisnam esset. Et confessus est, & non negavit, quia non sum ego Christus, hoc est, ut ibi versat Origenes, Et confessus est, quod non erat, & non negavit quod erat. Mirum est quantum in occultandis virtutibus studium collocauerit S. Franciscus, & quanta alacritate ad manifestandum, si quos haberet defectus, prosiluerit.

Admirandum huiusmodi manifestationis exemplum refert S. Bonaventura cap. 6. Legendæ maioris. Grauius infirmitate vir Dei abstinentiæ rigorem pro recuperanda sanitate modicum relaxavit. Cum autem vires aliquantulum resumeret: quasi iustæ indulgentiæ poenitens, & opprobrij studiosus intra se dicebat: Incongruum est ut populus abstinentem me credat, & ego carnaliter reficiar in occulto. Quid igitur? Conuocato Assisij populo in plurium Fratrum comitatu fune ad collum, ligato nudus cum solis fœmoralibus ad lapidem, ubi puniebantur malefactores cunctis spectantibus procedit, & super ipsum conscendens debilis adhuc, & quartanarius vigente frigore magna vocis, & animi contentione proclamavit se non tanquam spiritualem honorandum, sed tanquam carnalem, & helluonem ab omnibus conremnendum. Igitur concludit S. Bonaventura, qui conuenerant tam ingenti viso spectaculo admirati sunt, & quia ip-
sus

S. Ioan. I.

S. Bonan.
c. 6. legen.
maior.

sius austeritatem iam nouerant, deuotione compuncti humilitatem huiusmodi magis admirabilem, quàm imitabilem proclamabant.

Nona Perfectio.

Nona Perfectio est Christi Domini obedientia, quam æterno Patri factus obediens vsque ad mortem exercuit. Quinimò Beatissimæ Genitricæ Mariæ, & Patriputatio Ioseph obediuit. Lucæ 2. *Et erat subditus illis.* Hanc etiam incredibili affectu amplexatus est Sanctus Franciscus; & idè alijs subesse potius, quàm præesse studuit. Nouerat enim magnum obediendi lucrum esse, & non parum imperandi periculum, *ut autem* (S. Bonauenturæ verba sunt) pluribus modis negotiator hic Euangelicus lucraretur, ac totum præsens tempus conflaret in meritum, non tam præesse voluit, quàm subesse, nec tam præcipere, quàm parere. Idcirco generalis cedens officio; Guardianum perijt, cuius voluntati per omnia subiaceret. Nec verò solius Guardiani voluntatem promptissimè exequi paratus erat; sed cuiuscunque, qui sibi præficeretur. Vnde sicut scripsit loco citato S. Bonauentura. *Dixit aliquando socijs inter alia quæ dignanter pietas diuina mihi concessit, hanc gratiam contulit, quod ita diligenter nouitio unius horæ obedirem, si mihi Guardianus daretur, sicut antiquissimo, & discretissimo fratri. Subditus, inquit, prælatum suum non hominem considerare debet, sed illum pro cuius est amore subiectus; quando enim contemptibilior præsidet, tanto magis obediens humilitas placet.*

Luc. 2.

S. Bonau.
cap. 6. de
obedient.

Decima Perfectio.

Decima Christi perfectio donum lachrymarum, seu lachrymandi effectus numeratur. Nam & si filius Dei esset, & propterea æternæ beatitudinis lætitia frueretur, à qua lachrymæ tristitiæ indices, & compassionis filiæ longissimè absunt. Nihilominus quoties

P

oppor.

Luc.

opportunitate iudicauit vt fletet, alienæ miseriæ compatiens. lachrymis fræna laxauit. Hinc est, vt refert Luc. c. 19. n. 41. quod urbem Hierosolymam aspiciens, extremamque ipsius euerfionem mente recolens, & discipulis ipsum comitantibus prænuntians, illachrymari æcepit. *Videns ciuitatem fleuit super illam.* Iterum à sororibus Lazari Maria, & Martha vocatus, vt fratrem sanitati & vitæ redderet, dies aliquot expectans, venit tandem, & in monumento positum inuenit: cumque à sororibus collachrymantibus interPELLARETUR, earum fletui indulgens, & mundi peccata in Lazaro sibi obiecta deplorans: *Infremuit spiritu, & turbauit semetipsam, & lachrymatus est Iesus.* Postremo morti vicinus preces, & lachrymas Patri obtulit ingenti clamore associatas: Tantumque apud Patrem valuerunt, vt filium in oratione lachrymantem pariter, & clamantem pro sua reuerentia audierit, vt testis est Diuus Paulus ad Hebræos c. 1. *Qui in diebus carnis sue preces, supplicationesque ad eum, qui posset illum saluum facere à morte cum clamore valido, & lachrymis offerens exauditus est pro sua reuerentia.*

Ioh. 8. 11.

Ioh. 8. 11.

Ioh. 8. 11.

S. Franciscus ad Christi Domini similitudinem etiam lachrymarum dono gaudebat, & magno plorandi affectu tangebatur. Vnde durissimum ei erat à lachrymis prohiberi, quibus tenerrimè indulgebat. Cum enim (vt refert S. Bonauentura cap. 5. Legendæ maioris) *ex continuo fletu grauissimam oculorum infirmitatem contraxisset, suadenti sibi medico quòd abstineret à lachrymis, si corporis visus cecitatem vellet effugere. Vir sanctus respondit: Non est, frater medice, ob amorem luminis, quod habemus commune cū muscis, visitatio lucis æterna repellenda vel modicum: quia nō spiritus propter carnem, sed caro propter spiritum beneficiū lucis accepit. Malebat siquidem corporalis visus lumen amittere, quàm lachrymas, quibus oculus mudatur interior, vt Deum videre valeat repressa deuotione spiritus impedire.* Hæc viri sancti responsio aureo S. Bonauenturæ calamo pulchrè reddita, lachrymarum donum, pariterq. affectū, quod in Francisci corde vigeat, ita cumulatè prosequitur, vt nihil vltra adiungendum supersit.

Vnde-

Vndecima Perfectio.

VNdecima Christi perfectio assiduum est orationis studium, cui noctu, dieque vacabat. Non quia ipse indigeret oratione, sed ut orandi exemplū relinqueret. Si Evangelia recolas, ferè semper orantem inuenies. Post Baptismū orationi se dedit, Luc. 4. & apud Matth. 14. Postquā quinque hominum millia mirabiliter saturauit: *Ascendit in montem solus orare.* Alibi valdè diluculo post multorum sanationē, ceciditq. demonijs in desertum locum oraturus secessit. Cū die Sabbathi hominem aridam manum habentem curasset: *Exiit in montem orare, & erat pernoctans in oratione Dei.* Apud Thabor, dum oraret, facta est species eius altera. Luc. 9. Ioan. 17. enarrat, qua ratione ad Patrem semel, atque iterum pro discipulis orauerit. Imminente passionē adorandum Patrem se contulit, ut omnes Euāgelistæ commemorāt. In ipso moriendi articulo ardentissimas Patris supplicationes obtulit, ut Diuus Paulus ad Hebræos c. 5. affirmat. Tandem qui nobis orationi semper incumbere præcepit, dicens: *Oportet semper orare & non desicere* Luc. 18. Quid aliud vitam ipsius, quàm orationem continuam existimare debemus? Et reuera, cū oratio, iuxta S. Ioannis Damasceni definitionem, sit eleuatio mentis in Deum, Christi Redemptoris nostri mens quocunque ipse pergeret, vel quolibet in statu illum consideres, semper in Deo eleuata erat, atque adeò in assidua oratione versabatur.

Verùm quemadmodum ad sui corporis motum mouetur & umbra; sic etiam Franciscus Christi umbra, edoem motu ad orationis studium se vertebat; in qua ita feruentius detinebatur, ut omnem ipsius vitam orationem continuam iure optimo appellaueris. Nec quidquam tantum sibi cordi erat, quàm orationi se dedere. Quapropter, ut scribit S. Bonau. cap. 10. *Legen. maior. Orationis gratiam viro Religioso desiderandam super omnia firmiter asserbat: nullamque credens*

sine ipsa in Dei prosperari seruitio, modis, quibus poterat fratres suos ad eius studium excitabat. Nam ambulans, & sedens, intus, & foris, laborans, & vacans orationi adeo erat intentus, ut illi videretur non solum quidquid erat in eo cordis & corporis, ve rē etiam operis, & temporis dedicasse. In tanta verò orationis frequentia ingenti adeo animi contentione orabat; ut sæpè in extasim raperetur: & quasi sentiendi vim interim amitteret, nihil vel etiam arctissimè compressus sentiebat S. Bonavent. loco citato verba profero. Suspēdebatur, inquit, multoties tāto contēplationis excessu, ut supra semetipsū raptus, & ultra humanū sensū aliquid sentiēs, quid ageretur se circa exteriūs ignorabat. Transiēs namq. semel per Burgum S. Sepulchri; castrū utique populosum: pro debilitate corporis subuectus a fello: obuias habuit turbas, in eum præ deuotione ruentes. Tractus autem, & detentus ab eis: compressus quoque, ac multipliciter attrēctatus: insensibilis videbatur ad omnia; & velut ex anime corpus: de his, quæ fiebant circa ipsum nihil penitus aduertebat.

S. Bonav.

Quamquam verò omnis locus orationi percomodus viro Dei esset, qui vbique in Deum ferebatur: nec ex locorum inquietitudine, & varietate turbationem capiebat, quominus feruentissimè oraret. *Mens quidem ipsius* (ait S. Bonau. ubi supra) *in celestibus fixa splēdoribus, varietates non senserat locorum, nec temporum, nec occurrentiū personarum.* Attamen noctis silentium, & locorum solitudinem quærebat, Christi secutus exemplū: qui ut retulimus, noctu orabat, & relictis discipulis montiū solitudines, & deserta quærebat orationi vacaturus. Mirum tamen est quot demonū pugnās horribiles Franciscus in eiusmodi locis sustinuit: quāto conatu nequissimi hostes, ut ipsum ab oratione auerterent, sensibili prælio cum fortissimo athleta conflixerūt. At ille orationis clypeo obarmatus, omnia iniquissimi tela ignea extinxit: Et quò validiori impetu quatebatur, eò magis fixus, & hærens orationi instabat, seruētiūsq. ad Deum preces effūdebat, quousq. tartarei hostes orationis potentia victi recedebant. *Vir autē Dei* (subdit S. Bonau.) *solitarius remanens, & pacatus nemora replebat gemitibus, loca spargebat, lachrymis, pectora manu tūdebat, & quasi occultius secretarium natūs confabulabatur cum*

J. Ponnau.
cap. 10.

Domi-

Domino suo. Ibi respōdebat Iudici, ibi supplicabat Patri, ibi colloquebatur amico, ibi quoque à fratribus ipsū piē obseruantibus aliquoties auditus est clamorosis gemitibus apud diuinā pro peccatoribus interpellare clementiā, deplorare etiā alta voce: quasi coram se posita Dominicam passionē. Magni certē faciēda est in viro Dei peccatorū compassio, quē plus ipsū torquere videbatur, quā peccatores suamet passio torquebat: & ideo plus aliena crimina deplorauit, quā alij pro his, quē admiserāt lacrymas effuderūt. Quemadmodū de D. Paulo S. Chry-

*D. Chrysost.
hom. 2. de
laudibus
Pauli.*

sost. testatur. Nullus siquidem, ait, tanto affectu mala propria, quam ille deslebat aliena.

Nec in solis affectibus hæc S. Francisci oratio consistebat; sed plurimi, planēq. admirādi ex ea affectus nascebātur. Mortui resurgebāt, peccatores conuertebātur, ægris mētibus, & corporibus sanitas reddebatur. Et vir Dei orās magnetis, & succini virtutē imitabatur: nec aliter aliorū corpora, & corda ad se pertrahebat, quā lapides isti ferrū & paleas attrahūt. Sensit hanc virtutē Fr. Maseus, quē S. Franciscus inter orādum tantō vehemētissimi spiritus calore incendit, vt in aērē subleuatū post se traxerit, & inter brachia detentū ingēti adeo mentis dulcedine refecit, quasi iā Paradisi delicias prægustauerit, & nūquā aliter toto vitę decursu sic se affectū sēfisse fateretur. Multa alia Francisci oratio miracula, & prodigia edidit, quorū narrationi supersedeo. Duo tamen præterire nō possum, quippe orationis ipsius vim, & potētīā sūmopere extollūt. Primum: inter leprosos, quorū curationi vir sanctus fratres destinauerat, quidā præ ceteris vlcerosior, sanie quē & purulētia abominādus aderat, & quod detestabilius est à dēmonē agitat, nō solū curatores suos improperijs & fustibus onerabat, sed etiam lethali rabie concitus Christo, B. Virgini, & Sāctis blasphemias frequētissimē inferebat. Quod cum Fratres B. Frācisco retulissēt, ille leprosu inuisit, blādēq. allocutus, ait: *Deus det tibi pacē frater charissime.* Cui leprosus respondit; Et qualis inter tot vlcera & dolores pax mihi erit? Hortatur vir Dei, vt æquanimitē ferat & patienter, & si quod obsequium à se impendi cupiat, eloquatur, quia totum se libētissimē præstiturū pollicetur.

*Pisan. com.
form. 8. l. 2.
tract. de
Fr. Maseo.*

Interim

Interim diuino afflatus spiritu, miserum hominutionem à Dæmonē agitatum agnouit, & ad orandum pro eo ad Deū se contulit. Peracta oratione regrediens, cum leprosus factorem exhalans intolerabilem à S. Francisco lauari exposceret. Annuit S. Pater: Et portata calida herbis odorata proprijs manibus purulentum, & sanie vndique ebulliente delectabilem lauari cepit. Mirum dictu: vbi primum corpus contigit, lepra Sancti Francisci manus reuerita fugiebat. Interim tamen dum corpus manuum tactu mundabatur exterius, anima compunctionis dolore interius percussa sanitatem recipiebat. Totus in lachrymas, & suspiria leprosus abibat. Et dum Franciscus aquam infundens corpus lauando sanabat, ille animæ maculas illachrymando abluebat. Itaque lotus, & sanus corpore pariter, & animo euasit. Sed peracta corporis lotionē, animam fletibus lauare non destitit. Nam per quindecim dies vberrimo lachrymarum profluvio suffusus iniurias fratribus illatas, & blasphemias in Deum, & Sanctos deplorabat, diuinamque misericordiam precabatur, quam vt certius obtineret, peccata in confessione deposuit, ex homolegesimque suscepit. De quo certior Franciscus gratias Deo egit; sed crebrescente miraculi fama, gloriæ fugitans inde recessit. At verò leprosus non multos post dies, alia correptus infirmitate feliciter obiit, & orante S. Francisco in aëre subleuatus, & sole speciosior ipsi apparuit, dicens; Ergo sum leprosus ille, quem Christus Dominus te promerente sanauit. Nunc ad Regnum Cæleste perducor: pro quo, & Deo, & tibi gratias ago: Et insuper verba addidit memoratu dignissima, quæ rem hanc plane stabiliunt, prout ex legenda antiqua ab auctore conformit. lib. 2. fract. 3. referuntur. *Benedicta sit anima, & corpus tuum, benedicta sūt verba, & opera tua; quia per te multe animæ saluabuntur in Mundo. Et scias quia non est dies in Mundo, in quo Sancti Angeli, & Sancti, & sancta Dei non referant magnam gratiam Deo de Sanctis fructibus, qui per te, & per tuum Ordinem vndique patrantur per orbem.* Quibus dictis abcessit, & Franciscus incre-

Author.
conf. lib. 2.
fract. 3.

dibile.

dibile tali visione, & allocutione solatium adcepit.

Secundum prodigium orationis potentiam manifestans Fratri Eliæ secundo Seraphici Ordinis Generali Ministro accidit. Cum enim Deus Beato Francisco reuelaret, Eliam damnandum esse, & Religionem per apostasiam deserturum. Vir Dei hoc agnito, ipsum evitare cepit, itaut nec colloquio, nec aspectu dignaretur, & mensam, & viam, in qua Elias comedeat, quamque ambulando tenebat, sedulo declinabat. Quod aduertens Elias S. Franciscum querulosus interrogauit: Cur ita ipsum effugeret? Cui vir Dei respondit: quia damnatus es, & à Religionē futurus apostata. Tunc Elias in lachrymas erumpens ad Sancti Francisci pedes prouolutus hæc proferebat: *Pro me queso que tua Dominum deprecare. Tantum enim tuis orationibus fido, ut quamuis in profundo inferni essem, te apud Dominum pro me preces effundente, pœnarum leuamen aliquod haberem. Quapropter Deum ora pro me. Nouit enim Dominus mutare sententiam, si hominem delicti pœniteat, & correctionis disciplinam suscipiat.* His auditis, S. Franciscus Eliæ misertus, & compassione commotus, totum se contulit ad orandum Deum, à quo in oratione obtinuit, ne Elias damnaretur: Et ipsum vocans certiore fecit, quod Deus sententiam damnationis mutauerat: proindeque iam non damnandus, quamquam Religionem deserturus esset. Rei veritatem exitus docuit. Nam Elias à Gregorio Nono Generalatu abdicatus Federici Imperatoris partes secutus est. Propter quod summus Pontifex habitu spoliavit, & à Religionē eiecit. Dum autem ab Ordine eiectus Cortonæ moraretur, in morbum incidit, & fratris vterini, & etiam Monachi suasionibus, præcipue verò Dei impulsu literas ad Pontificem remisit, in quibus veniam, & absolutionem postulauit. Christi Vicarius inspecta Eliæ pœnitentia, beneficium absolutionis impendit, habitumque restitui præcepit. Verum, quia morabatur Cortonam regredi, qui absolutionis, & restitutionis beneficium deferrebat, & morbus augebatur, moriendique periculum imminabat, Bencius Archipresbyter

*Anta cõf.
li. 2. præf.
11. p. 2.*

Annal. m.
nov. Anno
Christi
1253. n.
30.

ter Cortonenſis inſtante Bono Abbate de Ciglaro, coram quinque Sacerdotibus debitas adhibens cautiones, Eliam à cenſuris Eccleſiaſticis abſolvit, & Eccleſiæ reſtituit. Reconciliatione peracta Eccleſiæ Sacramenta ſuſcepit Elias, ac inter gemitus, & ſuſpiria pœnitens è præſenti vita diſceſſit, æternam conſequuturus; Quod Sancti Franciſci orationi attribuendum eſt. Et verò nullibi magis, quàm in hoc Eliæ exitu orationis B. Franciſci potentia manifeſtatur: cū ipſo orante Deus immutabile prædeſtinationis decretum mutaffe videatur; Et quem cum impijs diſcruciandum reiecerat ad ſiniſtram, poſtmodum cum Beatis in Regno coronandum in dextera collocavit. Nec mutabilitatis damnandus, qui præviſa S. Franciſci oratione, & futura Eliæ pœnitentia, totum negotium ſub ea conditione diſpoſuerat. Et hæc pro exaggeranda S. Franciſci orationis potentia ſint ſatis.

Duodecima Chriſti perfectio.

Rem. 5.

Ephes. 2.

Duodecimam Chriſti Perfectionem excellentiſſimam, ipſius charitas complet, quam ut D. Paulus Rom. 5. ſcripſit, tanquam aliarum perfectionum coronam apud nos amplius comendabilem, ſeu illuſtiores fieri præoptavit. Commendat autem charitatem ſuam Deus in nobis, quoniam cum adhuc peccatores eſſemus, Chriſtus pro nobis mortuus eſt. Nec aliud eſt, commendat, quam nobilitat, & illuſtrat: Et vero non poterat non charitas dici nobiliſſima, quam idem Apoſtolus ad Ephes. 2. nimiam dicere non dubitavit. Propter nimiam charitatem ſuam, qua dilexit nos. Excellit autem alia dona charitatis perfectio, quòd ſola ipſa nobiliſſimæ epithetò decoretur, eoquod Deum ad amorem noſtrum tantum adegit, ut omnem diligendi meſuram, ſive modum exceſſerit: proindeque nimis in amando comparuerit. Tanti verò fecit hanc ſuæ charitatis prærogatiavam, ut D. Ioan. Apocalypſ. 1. inter Chriſti titulos ſuæ Maiestatis

eis indices illam inseruerit, dicens: à Iesu Christo, qui est te-
 stis fidelis, primogenitus mortuorum, & princeps Regum terre,
 qui dilexit nos, & lauit nos à peccatis nostris in sanguine suo.
 Hæc Christi charitas, vt D. Paulus Corinthiis scripsit, om-
 nes nos vrget, hoc est, ad redamandum constringit, & quasi
 per summam vim amorem nostrum extorquet.

Apoc. 1.

2. Cor. 13. 3.

Neminem tamen amplius vrsit; & fortius constrinxit;
 quàm B. Franciscum, cuius erga Christum charitas, vt ipsi
 amoris talionem redderet, etiam nimia dici poterat. Et re-
 vera vt talem depinxit S. Bonauentura cap. 9. Legendæ ma-
 ioris. *Charitatem feruentem, quæ sponsi amicus Franciscus ar-*
debat, quis enarrare sufficiat? Totus nanque quasi carbo ignitus
diuini amoris Domini excitabatur, afficiebatur, inflammaba-
tur: quasi plestro vocis extrinsecæ chorda cordis interior tan-
geretur. Mirum planè est, vt quis audito ignis nomine in-
 flammetur, & ardeat: quamuis nec videat ignem, nec flamas
 cominus sentiat. Hoc verò prodigium admiranda Francisci
 charitas edere cõsueuerat. quia & si corporeis à Christo spa-
 tijs longissimè distaret, quia tamen amore in ipsum propin-
 quius ferebatur, & ipsum amando ad se pertrahebat. vbi pri-
 mū vox amoris aures perculerat, cordis intima penetrabat,
 & totum ardentissimo charitatis incendio comburebat. At-
 que adeo per miram amoris artem totus in ignem erat im-
 mutatus. Pulcherrimè hanc charitatis excellentiam descri-
 bit citato loco S. Bonauēt. *Christus Iesus crucifixus intra sue*
mentis vbera, vt myrrha fasciculus iugiter morabatur, in quem
optabat per excessui amoris incendium totaliter transformari.
Prærogatiua quoque peculiari deuotionis ad ipsum ab Epipha-
niæ festo vsq; ad continuos quadraginta dies, eo scilicet tempore,
quo Christus latuit in deserto ad solitudinis loca declinās, cellaq;
reclusus, quāta poterat arctitudine cibi, & potus ieiunijs, & ora-
tionibus, & laudibus Dei sine intermissione vacabat. Tū feruido
quidē in Christū ferebatur affectu: sed & dilectus illi tū familia-
rē repēdebat amorē, vt videretur ipse famulo Dei, quasi iugē præ-
oculis ipse Saluatoris rēire præsentia: sicut aliquādo socijs fami-
liariter reuolauit. Hec illiq; Nec satis habuit S. Franciscus, vt

S. Bonau.

Q

chari-

charitatis flamma in corde accenderetur : nisi etiam ita succensus vitam corporis immolaret pro Christo, qui iam vitam cordis, hoc est amorem illi obtulerat. Nam ut perbel-
 le vetus habet acroama: *Amor est vita cordis, quemadmodum cor est vita hominis.* Iterum S. Bonaventura: *Desiderabat propterea, & ipse illa perfecta charitate succensus, quæ foras mittit timorem, per martyrij flammam hostiam Domino se offerre viuentem, & ut vicem Christo pro nobis moriente re-
 pendere, et ad Diuinum amorem ceteros prouocaret.* Hæc charitatis summa perfectio, in qua Franciscus plus (credo) quàm in alijs donis hactenus recensitis Christi similitudinem expressit. Est enim amoris prærogatiua, ut similes faciat, quos igne suo feliciter incendit.

S. Q V A R T V M.

In Sancti Francisci magisterio, schola, discipulatu, quædam in his omnibus Christi Præceptoris imago cernebatur.

Multiformiter Christi similitudine B. Franciscus reliquos vitæ sanctimonia præstantes viros excelluit. Quoniam non tantum natiuitate, & viuendi forma, sed etiã schola, & discipulorum numero diuino præceptoris similem se præbuit. Duodecim ad Sacrum Collegium Christus Dominus accersuit, quorum numerus iam antea in sacris literis multimodè præsignatus deprehenditur. In primis duodecim filij Iacob Gen. 49. Israelitici Populi genitores, duodecim Apostolos significarunt, qui doctrina Euangelica Christianum Populum generarunt, ut Paulus dicebat: *Nam per Euangelium ego vos genui.* Duodecim aquarum fontes apud Helim ab itinerante Populo reperti. Exod. 15. futuros totidem Apostolos præmonstrabant; qui gratiæ aquis orbem erant irrigaturi. Inter filios Israel duodecim Principes electi, & totius populi capita recenserentur, Numerorū 17. in quibus duodecim Apostoli Christianæ gentis principes notabantur. Pro terra promissionis exploranda numerorum 14. duode-

duodecim electi memorantur, qui numerus duodecim Apostolorum index fuit: quippe qui totū Orbem explorarūt, vt homines in verā promissionis Terram, hoc est æternam beatitudinem perducerent. Populo Israelitico Iordanem transeunte, duodecim in monumentum lapides eriguntur, Iosue 4. & totidem Apostolos lapides firmissimos Christus elegit, vt super eos Ecclesiæ fundamenta constitueret. Tertio Reg. 7. mare æneum duodecim boues sustentabant, 3. Reg. 7. hi etiam Apostolos significabant, qui doctrinam Euangelicam mari per similem patientia sustentarunt. In throno Salomonis duodecim leunculi per totidem gradus dispositi visebantur: Christi thronum iure optimo dixeris ipsius Ecclesiam, in qua Apostoli leonum instar consistentes admiranda fidelibus exempla fortitudinis præbuerunt; Numer. 7. Incensum placationis duodecim acetabulis argenteis offerebatur. Et sanè Apostoli hoc numero præostensi orationū suarum incenso odoratissimo Deum nobis placabilem reddiderunt. Et ideo D. Paulus dicebat. *Non cesso quotidie gratias agens, & memoriam vestri faciens in orationibus meis.* Ephes. 1. 16. Diem horis duodecim partitum agnouimus apud Io. c. 11. Christi autem fides clarissima dies est, nullis errorum tenebris obscurata. Hanc Apostoli duodecim horis, idest articulis diuiserunt. Quid plura? cælestis Hierusalem fundamenta duodecim lapidibus eriguntur, duodecimq. ibi pontes extructi erant. Apocal. 21. In pectore summi Sacerdotis duodecim lapides pretiosi radiabāt. Nec dubium est, quod duodenarius iste præfatis locis, & alibi sæpè in scriptura appositus duodenarium discipulorum numerum præostendit, quos Christus Dominus præ alijs elegit, & Apostolos nominauit.

Quemadmodum verò Christus Euangelicę doctrinę magisterium à duodenō discipulorum numero fuit auspiciatus, & hos primum sibi indiuiduos in comitatu habere voluit: sic etiam B. Franciscum vitæ Euangelicę sectatorem duodenario discipulorum, & sociorum numero sibi similem esse decreuit; vt qui vitæ, & doctrina Redemptoris imaginem præ-

ferebat, discipulos quoque & numero, & virtutibus similes obtineret, sicut singulos recensendo apparebit. Deinde sicut in Christi Collegio vnus extitit Iudas Magistri proditor, qui laqueo se suspendit, cuiusque locum iactis sortibus S. Mathias occupauit: sic inter socios S. Francisci vnus reperitur, qui abiurata Seraphici protectoris doctrina, ad sæculum se transtulit: *Ioannes de Capella* dicebatur, & ibi lepra infectus, cum morbi acerbitem sustinere nō posset, laqueo mortem sibi peperit. Et pro eo Fr. Gulielmus Anglicus magnarum virtutum ornamentis, vir clarissimus, vndecim B. Francisci discipulis annumeratus reperitur.

Iam verò Christi Apostolos vitę sanctitate, miraculorumque splendore omnes alios antecessisse quis neget? Hoc pro modulo suo aliorum comparatione primi S. Francisci socij, ac discipuli habuerunt. Non ausim clarissimis Apostolorum solibus, seu fulgentissimis syderibus, quibus Christi Sponsę corona fabricatur, quemquam reddere paralellum. Quis enim Petro Christi Vicario, aut dilectissimo Ioanni alterius lucem, splendoremque opponere præsumet? Tantum namque horum virtutum fulgor alios hebetat, & obtundit, quantum stellas Luna minores, quantumque alios præmit Hesperus ignis. Veruntamen Primi Francisci socij licet Apostolis minora sydera extiterint: Quemadmodum nunc sicut stellę fulgent in perpetuas æternitates, sic dum vitam mortalem agerent, Ecclesię cælum sapientiæ diuinę virtutum, miraculorumque fulgoribus illustrarunt.

Primus S. Francisci socius, Fr. Bernardus de quinta valle Scripturarum scientia mirifice fuit illustratus. Secundus Fr. Aegidius, qui velut alter Paulus tertium Cælum penetrauit. Tertius Philippus longus, cui Angelus, sicut Isaia contigit, calculo ignito labia contingens, virtutem, & loquendi gratiã tribuit. Quartus Syluester ad Dei familiaritatē vsque adeo euectus, vt cū Deo velut alter Moyses ore ad os loqueretur. Quintus Ruffinus, quem adhuc in terris agentē tanquā Sanctorum numero iam adscriptum ob sanctitatis præstantiã venerabantur, Sextus Petrus Cathanij, quē B. Franciscus suum

in Generalatu Vicariū cōstituit. Vnde magnarū virtutū do-
tibus clarum existimo . Nec enim sine mysterio Franciscus
Christi imago Vicarium pro se Ordini daturus, Petrum desi-
gnauit; Quemadmodū Christus Ecclesię suę Petrum Vicariū
instituit, & virtutibus tāto muneri necessarijs illustrauit. At-
que adeo Petrus Francisci vicarius sicut nomine suo, sic etiā
virtute Petrum Christi vicarium nō mediocriter retulit. Se-
ptimus Fr. Leo Prophetico spiritu insignitus. Octauus Fr. Ma-
seus humilitatis virtute ad stuporē illustris. Nonus, Fr. Mori-
cus Eremiticę abstinentię sectator eximius. Decimus Fr. Bar-
barus. Vndecimus Ioānes de S. Constantino, vterque socijs,
& condiscipulis, ac virtutibus nō inferior. Neque enim ē tā-
ti Magistri schola quisquā prodire potuit, qui donis cælesti-
bus, clarissimarumq. virtutum ornamentis decoratus nō exi-
steret. Hęc nomina discipulorū S. Francisci, hęc virtutes, seu
potius virtutum vmbre rudi penicillo, & præcipitāter ductę,
quantū breuitas à nobis hic affectata suadet : Et quantum
æui illius iniuria licuit, quod tot clarissimorū virorū virtutes
silentio inuoluit, nec ad posteros imitandas transmisit.

Duodecim numeratos præ cæteris S. Franciscus elegit, &
licet plures alios habuerit discipulos, vique ipsius sectatores;
hostamē plusquā alios dilexit, & indiuiduos sibi in comitatu
adiūxit, dupliciq. spiritus sui pallio coopernit. Christi secutus
exemplar, qui licet plures doctrinę suę lacte educauerit: duo-
decim tamē, quos Apostolorū nomine insigniuit, arctiori sibi
societate copulauit, & maiora in eos S. Spiritus dona cōie-
cit : Vnde ipsi & sanctitate, & miraculorum operatione præ
cæteris claruerunt, sui que præceptoris vitam, & doctrinam
maiori conatu fuerūt æmulati. Atque adeo inueteratum
sceleribus Mundum, & penē deficientem, virtutum,
& gratiæ robore, ac iuuentute renouauerunt: Sic Beati
Francisci duodecim priores alumni tam in vita, quā
in morte virtutum, ac miraculorum claritate insignes ex-
titerunt, poenitentię exercitio, vitęque Euangelicę e-
mulatione ad pristinos suę iuuentutis Annos reduxerunt.
Et Regulam Euangelicam, quam Beatissimus Pater à
Christo

Christo acceperat, ipsisque tradiderat amplectendum, istiusque diosius obseruauerunt, paternæ virtutis, vitæque Euangelicæ æmulatores fieri toto animorum nixu procurantes.

Quod autem S. Francisci Regula distante Christo fuerit accepta, deque ipsius Euangelij substantia expressa effluerit, indubitatum mihi est. Cum enim Regulam condere decreuisset, Sacerdotem requisivit à quo ter aperiri Euangelij libellum postulauit, seu vt S. Bonauentura opinatur, idem Sanctus aperuit. *Franciscus, inquit, ter Euangeliorum librum aperuit, trino exposcens à Deo testimonio sanctum propositum confirmari*: In prima apertione apparuerunt illa verba, *Si vis perfectus esse, vade, & vende omnia que habes, & da pauperibus*. In secunda: *Nihil tuleritis in via*. In tertia: *Qui vult venire post me abneget semetipsum, tollat crucem suam, & sequatur me*. Vnde S. Francisci Regulam de Euangelij medulla compactam arbitrari fas est. Quinimo à Christo conditam, & ipsius digito in Francisci corde scriptam S. Brigitta lib. 7. Reuelationum accepisse testatur. *Istius Francisci Regula* (verba Christi sunt Brigittam alloquentis) *quam ipse incepit, non fuit dictata; & composita ab ipsius humano intellectu, & prudentia, sed à me secundum voluntatem meam. Quodlibet enim verbum quod in ea scriptum est, à spiritu meo fuit sibi aspiratum, & postea ipse alijs regulam illam protulit, & porrexit*. Luculentum planè testimonium vt Seraphicam Regulam à Christo conditam arbitremur. Præsertim quia S. Brigittæ reuelationibus, vnde illud extraximus, Greg. IX: Nicol. III. & IV. Clemens V. & Iulius II. Romanj Pontifices assenserunt.

Celebre etiam est mutuum Christi, & Francisci colloquium, quo audito nemo ambiget Dominum Iesum Regulæ conditorem extitisse. Igitur Frater Helias Ministris, qui tunc erant, comitantibus Seraphicum parentem conuenit, & ab eis quid vellent sciscitatus, respondit Helias: Hi audientes, quod facis nouam Regulam, ad cuius rigorem expauescentes, eam vt nimis rigorosam obseruare, nec velle, nec posse obtestantur. Tum S. Franciscus vultum ad cælum

credo

S. Bonau.
c. 3. legen.
maior,

Matth. 19.
num. 21.
Marc. 6. 8
Matth. 16
num. 24.

erectò Christum alloqui cepit in hunc modum: *Domine, nonne benè dixi tibi, quòd ipsi non crederent mihi?* Et subitò Christi vox circumstantibus audita è cælo insonuit. *Franciscenibile est in Regula de tuo, sed totum est meum quicquid ibi est: Et volo quòd Regula sic seruetur ad literam, ad literam, ad literam, sine glosa, sine glosa, sine glosa.* Et insuper addidit. *Ego scio quantum potest humana fragilitas, & quantum volo eos iuuare, qui ergo nolunt eam seruare, exeant de Ordine.* Tunc Beatus Franciscus ad circumstantes se conuertens hæc protulit: *Audistis, Audistis, Audistis; vultis, quod iterum faciam vobis dici?* Nihil sanè clariùs pro statuendo Regulæ Authore proferendum superest. Et verò S. Franciscus in ea condenda, tenore verborum semper inuariato vtens, non se, sed Christum ipsius authorem profitebatur. Ter enim Regulam condidit. Primam vt nimis rigorosam Helias discerpit. Secundam casus abstulit. Tertiam, quam nunc habemus à Summis Pontificibus confirmatam: In omnibus tamen eadem semper verba adhibuit.

Pis. lib. 1.
conform. 9
part. 2.

Est autem hoc in loco ponderandum; quod accidit dum Innocentius III. oblatam sibi à Sancto Francisco Regulam confirmauit. Nam cùm antea maioris momenti cogitationibus detentus ad viri sancti petitionem non attenderit, sed insuper vt pauperè, & ignotum indignanter repulerit. Visione tamen admonitus die sequenti Franciscum conquiri præcepit. Inuentus ad Christi Vicarium adducitur, à quo benignè exceptus, & viri Dei simplicis animi puritatem, ac in proposito suo constantiam demiratus, Regulam confirmare decreuit. Executionem nihilominus distulit, quia nonnullis Cardinalibus nimis ardua, & supra humanarum virium spheram posita videbatur. Aderat autem, inquit S. Bonauentura, inter Cardinales vir venerandus Dominus Ioannes de S. Paulo Episcopus Sabinensis omnis sanctitalis amator; & auditor pauperum Christi; Qui diuino spiritu inflammatus summo Pontifici dixit, & fratribus suis: *si petitionem pauperis huius, tanquam nimis arduam, nouamq. refellimus, cum petat confirmari sibi formam Euangelicæ vitæ;*

D. Bon. in
c. 3. legem.
maior.

cauen-

cauendum est nobis, nè in Christi Euangelium offendamus. si quis intra Euangelica perfectionis obseruantiam, & votum ipsius dicat contineri aliquid nouum, aut irrationabile, vel impossibile ad obseruandum, contra Christum Euangelij authorem, blasphemare conuincitur. Hæc purpuratus ille pater, verè, & Christiane: quibus Pontifex persuasus, & ostensa Francisci oratione Dei voluntate, Regulam confirmauit, pariterque agnouit in viro Dei, & socijs eius adimplendum, quod paulò ante in visione perceperat. Vt enim retulit Lateranensem Ecclesiam iam iam lapsuram, cadentiq. similem in somnijs aspexit; cui pauperculus homo, nimisque despectus humeros supponebat, & nè laberetur sustentabat: aperto planè indicio, quòd Franciscus vnà cum socijs, non materiale, sed formalem Christi Ecclesiã Euangelicę suę professionis Regula, Christo dicente, sibi tradita sustentaturus esset: & Apostolorum instar, sua, suorumque prædicatione senescentem renouaturus.

Pisanus.

Et verò Christus Dominus ob tale obsequium sibi à Francisco, eiusque sodalitis impendendum, toto Collegio Franciscano, in quo sui quondam Apostolici Collegij imaginem intuebatur, largam, & supereffluentem benedictionem impertiuit. Raptus aliquando, & transfiguratus cum sodalibus Franciscus, vt refert Pisanus lib. 2. fruct. 3. singulis præcepit, vt aliquid de Deo proferrent, prout cuique à sancto Spiritu eloqui daretur. Cùm verò viri Dei mandato obtemperantes loquerentur: Dominus Iesus speciosissimi adolescentis imaginem representas, in medio eorum, sicut olim in medio Apostolorum stetit; tantaque dulcedine singulos benedixit, vt cùm eam sustinere non possent (quod cælestem sentientibus delectationem, accidere solet) in estasi constituti, & nihil penitus sentientes in terram conciderint. En Franciscum Christo similem, eius socios Apostolis similes, vtriusque magisterium, discipulatum, legem, doctrinam, similitudine pariter certantem ostendimus. Nec ob id cauillis subiiciemur: nam in Francisco Christus, ipsius Apostoli in Francisci sodalibus (si ita fas est loqui) iterum regressi

gressi sunt ad Mundum prædicatione renouandum ; & doctrina Francisci , ac ipsius Regula de Euangelij substantia , Christo dictante fuit expressa , quam proinde diuino suadente oraculo Christi Vicarius approbavit .

§. QUINTVM.

Sanctus Franciscus ad Christi emulationem admirandum in mari se præbuit : ipsiusque Transfiguratio Saluatoris Transfigurationem in plurimis representauit .

Admirabilis Dei potentia nullibi clarius quam in Sanctis suis irradiat . Et Dominus Iesus erga dilectos sibi Apostolos summa vtens benignitate vltra mensuram admirandus apparuit . Quoniam nonnullis virtutem contulit , vt maiora possent miracula , & prodigia edere , quam ipse vnquam ediderat , sicuti apud Ioannem cap. 14. nu. 12. *eventurum promiserat . Opera , quæ ego facio , & ipse faciet , & maiora horum faciet .* Pollitici fidem expertus est Sanctus Petrus , qui vt Actorum 5. num. 15. memoratur , infirmos umbra sanabat , quod Christum peregisse non accepimus . Quinimò singularem alijs sanctis virtutem prodigiorum operatricem indulxit . Atque adeo Sanctus Hilarion mari terminum præfixit : Sanctus Honoratus lapidem fecit medio in aere libratum , ac suspensum consistere : Martinus teste Gregorio , lapidem saltus edere mirabiliter effecit . Et Sanctus Benedictus ligatum hominem solo intuitu à vinculis liberauit . Neque hi tantum , sed alij quibus præ nimio in ipsos amore , talem virtutem imperiuit , inaudita miracula , & prodigia ediderunt . Nulli tamen largius prodigiosam operandi virtutem contulit , quàm Francisco : Cum enim suam in illo imaginem

reddere statuisset; omnibus admirandæ virtutis donatione antetulit. Vnde omnes ferè creatura ipsi obtemperabant: Et quod plus est, sicuti cum Iosue factum, Creator voci creaturæ obediēbat, Ideoque Sanctus Bonauentura, cap. 5. maioris Legendæ non immeritò dixit. *Non solum creatura seruo Dei seruiebat ad nutum, sed & Creatoris ubique prouidentia condescendebat ad placitum.*

Cæterum nusquam ad Francisci nutum creaturæ obedientia promptior extitit; quàm in mari. Licet enim, fides ei sit infamis, & spontè sua motibus agitur, nec ita facillè intumescens conquiescat: Nihilominus viri Dei potentia tranquillum redijt, & peccatum, quousque orationem, & prædicationem Franciscus absolueret.

S. Bonau.

Caietæ res accidit, vt Sanctus Bonauentura capite 12. maioris Legendæ commemorant, è cuius narratione nihil detrudere libuit. *Alio quoque tempore, inquit, cum famulus Dei Caietæ semel prædicaret in littore maris turbis præ deuotione ruentibus, vt eam contingerent: horrens Christi seruus tantum populorum applausum in vnâ harentem littorinauiculam prosluit solus. Illa verò tanquam serationis particeps motore moueretur intrinseco, sine aliquo remige, cernentibus, & mirantibus cunctis, se longius à terra potraxit: Cum autem aliquanto spatio in maris altitudinem secessisset, stetit inter fluctus immobilis, quandiu vir sanctus turbis expectantibus in littore prædicauit. Cumque audito sermone, & viso miraculo, ac benedictione accepta, multitudo recederet, nè ipsum amplius molestaret: nauicula proprio ductu ad terram reuersa est. Hactenus ille.*

Luc. 5.

Vidisti maris obedientiam, & fluitum pro Dei seruo famulatum? Cerne quâ ratione in hoc miraculo similis Christo apparuerit: & recole quæ Sanctus Lucas cap. 5. refert. *Stabat Iesus secus stagnum Gensareth, (quod non semel in Euangelio mare dicitur) & turbis vndique iruentibus circumfusus, nè ab ipsis premeretur in vnâ nauim ascendit, quæ erat Simonis, Rogauit eum à terra reducere pusillum, & sedens docebat de nauicula tur-*
bas

bas. Nec dubium est, quod prædicante Christo nauicula immobilis constiterit, nè crebra fluctuum iactatione prædicationem inturbaret. Iam ad Franciscum regredere, & tibi ob oculos proponere, quod sicut Iesus, vt turbam vndique prementem, & eius plausum effugeret nauiculam conscendit, paululumque à terra se iunctus constitit: Ita Franciscus ob eandem rationem ad cymbam confugit, eaque sine remigio à terra decedente aliquantulum à litore distans se tenuit. Stabat apud Genesareth Christi navis: stabat apud Caietam Francisci etiam navis, vtraque prædicatorem suum continebat. Genesarethana Christum, Caietana Franciscum, illa Redemptorem, hæc Redemptoris simulacrum. Vbique turbæ plaudentes audituræ, & infirmitatum remedium, quia de vtroque virtus exibat, & sanabat omnes, quæsituræ concurrebant: vbique prædicatores plausum fugituri enavigant; Substratum mare vbique famularum exhibet, vbique fluctus componit, vbique tranquillum, & serenum se exhibet. Nec mirum, quia apud Genesareth Creatorem suum, cui famulari debebat, agnouit: apud Caietam Franciscum sui Creatoris imaginem conspexit. Et sicut prædicante Creatore quieuerat; cum tamen illic vt plurimum agitari solitum esset. Sic dum Creatoris imago Franciscus prædicaret, immobile stetit & pacatum. Finita prædicatione Christus in altum secedit à terraque separatur, dicens Petro: *Duc in altum*. Franciscus ad terram regreditur: Christus post miraculi operationem terram deserit, & altum diuinæ celsitudinis repetit, quia periculum non imminet, vt inanis gloriæ prurigne titilletur. At verò Franciscus in ea celsitudine constitutus maris obsequium cernens, quia purus homo erat, inani gloria extolli poterat: & qui maris fluctus subiecerat, iactantiæ flatibus inaniter elatus ab ea altitudine corrueret. Ideo ad terram retrahitur; vt qui in mari quasi Deum fluctibus imperantem se sensit, in terra constitutus hominem se agnoscat: Et elementi obedientiam,

turbarum plausum, miraculorum virtutem ad Christum, referat, qui tot donis, & prodigijs seruum suum cæteris clariorem reddere statuerat.

Iam ad transfigurationem accedo, in qua multipliciter B. Franciscum in oratione immutatum, admirabili splendore circumfusum, in aëre suspensum, & cum alijs dulcissime colloquentem accipio. Nec verò S. Francisci transfigurationes, quas referam, Christi transfigurationi apud Thabor omnino similes extiterunt. Id enim opinari, fatuum est, & monumentis proderet temerarium foret. Quia Christus in transfiguratione gloriosus apparuit: Et sicut ob vnionem ad Verbum, ipsius anima Dei visione fruebatur, & beata erat; sic p̄o illo tempore dotes aliquas corpori communicauit. Hunc autem se transfigurandi modum solus Christus propter visionem beatificam animæ habere potuit. Quantum tamen homini puro congruum erat S. Franciscum multimodis transfigurationibus immutari concessit, vt non semel transfigurationis ipsius imaginem aliqualiter referret. Tres inter alias memoratu digniores recenslebo:

Pisanus

Prima sit, quam ex maiori Legenda in 4. part. transtulit, & illustrauit Pisanus lib. 2. Conformit. 3. fruct. 3. Profectus vir Dei in Assisium, vt ibi prædicaret nocte ingruente a socijs distractus in hortum Canonicorum secessit, ibique media fermè noctis hora in oratione pernoctabat. Cum subito igneo curru incredibili splendore circumfusus, & globo etiam igneo Solis claritatem referente quasi incedens, domum S. Mariæ fuit ingressus, quam ter reflexu curru per-
lustrauit: Interim ei aculatus ab igne splendor tenebras effugauit, & noctem immutauit in diem. Quidam orationi, somno alij indulgebant vigilēs stupor insolitus occupauit: dormientes currus circumactio, & repentinus claritatis appulsus excitauit; vtrisque aperiuntur oculi, & Patrem corpore absentem spiritali effigie transfiguratum, admirandisque fulgoribus radiantem, & diuinæ charitatis ardoribus inflammatum globo igneo impositum, & Solis instar plendentem aspiciunt. Quin etiam ē claritatis repercussu exterius, interiorisque

riusque illustrati quidquid in cuiusque corde latebat, palam agnouerunt.

Iam verò Christi apud Thabor transfigurationis circumstantias recolo; ut quantum S. Franciscus in hac transfiguratione illius similitudinem retulerit, agnoscamus. Igitur, ut ait S. Lucas cap. 9. *Ascendit Christus in montem ut oraret: & facta est dum oraret species vultus eius altera, & vestitus eius albus, & resurgens.* Franciscus ad orandum se contulit in hortum, & dum oraret immutatus est, & Solem corporis, & oris splendore retulit, curruque igneo euectus in aërem, fratribus fulgore admirabili circumfusus apparuit. In Christi transfiguratione adstiterunt Moyses, & Elias, Petrus, Iacobus, & Ioannes: illi vigilabant, & loquebatur: hi dormiebant. Sic transfigurato Francisco quidam ex Fratribus dormiebant, quidam in vigilia permanebant: Et sicut Apostolos stupor corripuit, & nubes lucida obumbravit; sic Francisci socios timor inuasit, & globus igneus, ac splendens, qui currui imminebat claritate perfudit, mirificeque illustravit. Mons Thabor splendore è Christi facie prodeunte illustratus est, & fugatis tenebris auiculæ ibi nidulantes diem festinasse senserunt. Et domus Sanctæ Mariæ, in qua S. Franciscus apparuit transfiguratus tanto radiauit splendore, ut Fratres ibidem adstantes diem affluisse cogitauerint. Tandem nihil hic ad omnimodam similitudinem desiderabis, nisi quod puro homini dandum non est. Reliqua non casus, sed Dei prouidentia tulit, immutationem vultus, splendorem vestium, loci claritatem, adstantium vigiliam, somnum, pauorem, obumbrationem, & pro nube lucida globum igneum, qui transfigurationis testes illustravit. Sola se transfigurantis vox defuit, qui deficientes erigeret, pariterque adhortaretur nè visionem alicui manifestarent, sicuti discipulos adhortatus est Christus, dicens: *Nemini dixeritis visionem.* Verum hoc transfiguratione alia representandum reseruauit, quam statim subijcio.

Math. 17.

Secunda viri Dei transfiguratio euenit hoc modo. Accesserat

cesserat ad quendam locum Sanctus Pater, in quo frater adolescens bonæ indolis morabatur. Is cum aduerteret B. Franciscum antè alios ad quiescendum recessisse, ut dum ipsi somno indulgerent, ipse clanculum surgens orationi vacaret, iuxta ipsum ad captandum somnum se proiecit, & chordam suam B. Francisci chordæ alligauit; ut quid surgens faceret sollicitè exploraret. Cæterum vir Dei somno excusso surrexit, & chordam ita cautè dissoluit, ut socius dormiens nihil senserit. Interim in collem vicinum densis arboribus confitum solus se proripuit, ac in summitate ipsius consistens, totum se adorationem conuertit, in qua diuino amore inflammatus, admirabilique splendore irradians cum Christo, & Beata Virgine Maria, Sancto Ioanne Baptista, & Ioanne Euangelista, Angelorum adstante multitudine, dulcissimè loquebatur. Inter hæc expergiscitur adolescens, & viro Dei non inuento festinus in collem ascendit: Syluam ingreditur, collis cacumen tenet, sermones, qui suauiter miscebantur, auscultat: progreditur inspecturus quinam illi sint, qui loquantur. Ecce tibi Franciscum aspicit insolita claritate fulgurantem: Christum, ipsius Matrem, & vtrumque Ioannem vicissim loquentes, Angelis circumstantibus, intuetur: Timore tamen consternatus in terram semimortuus concidit. Finita demum oratione, & visione recedens Franciscus, iacentem in via fratrem pedibus offendit: (non enim præ noctis obscuritate quidquam videbat) exanimem erigit, brachijs sustentat, & ad proprium locum reportat; interim adhortatus, ut nemini quandiù ipse viueret, visionem illam patefaceret. Quod exactissimè seruauit: Nam viuente viro Dei nulli manifestauit. En transfigurati Francisci exhortatio silentium imperantis, quæ in priori transfiguratione desiderabatur. Et sicut finita Christi transfiguratione. *Descendentibus illis de monte præcepit Iesus nemini dixeritis visionem, donec filius hominis à mortis resurgat.* Matth.

17. Sic etiam transfigurationis suæ spectatorem humi prostratum Franciscus subleuauit, pariterque admonuit, ut ante ipsius mortem visionem illam nemini detegeret.

Matth. 17.

Ter-

Tertiam commemorō transfigurationem, in qua aliquid nouitatis, & amplioris forsan admirationis appareat. Non enim inter orandum, sed inter prandendum; non ad aras positus, sed mensæ accumbens: non in solitudine, sed inter epulas transfiguratus apparuit, & alios secum in transfiguratione rapuit Franciscus. Instabat magnis precibus Sancta Clara Assisiensis vt apud se pranderet. Vicit precum instantia Dei virum, petenti annuit, pransurumque promittit; dies statuitur, & locus designatur, videlicet Sancta Maria de Angelis. Igitur statuta die conueniunt. Clara sororem sociam deferit, Franciscus pluribus socijs comitatus accedit; sacrum locum ingrediuntur, & reuerenter collustrant, sed priusquam corpora reficiant, spiritali orationis pabulo animas recreant: oratione finita disponitur mensa, Franciscus cum socio, & Clara cum socia, mensam occupant humi stratam: alij in alia discumbunt. Fercula pransuris apponuntur: sed vir Dei prandium à verbo Dei faciendo exorditur; tantaque suauitate, & dulcedine de Cælestibus loqui cæpit, vt in extasim raptus, & transfiguratus, alios item raperet, oculisque, & manibus in Cælum eleuatis, à sensu penè alienos redderet. Quin etiam dum sic rapti existerent; igneus plendor Sanctæ Mariæ locum, & syluam ibi circumsitam ambiuit. Vnde Assisienses, & alij circumcirca oppidani flammam aspicientes, Sacram Domum, & syluam comburi existimarunt: subindeque auxilio futuri concurrunt. Sed ecce tibi locum ingredienti Franciscum, & Claram vna cum alijs spiritu eleuatos; claritate circumfusus, & extra se positos admirabundi conspiciunt; mensas vident intactas, & flammam, quam longe aspexerant, eius naturæ esse cognoscunt, quæ olim ardebat in rubo, non tamen ipsum comburebat. Subito recedunt, & tales inspexisse conuiuas gratulantur. Illi interim finita extasi locum quisque suum repetunt. Nec dubito, quod mensas intactas reliquerint, quia dum sic rapti transfiguratique extiterunt, eis datum est edere Manna absconditum. Et qui cælestes gustant epulas fastidiosa corporis obsonia non requirunt.

Finita

Finita Christi transfiguratione Apostoli, *leuantes oculos suos neminem viderunt nisi solum Iesum*. In commemoratis B. Francisci transfigurationibus, Ego ipsum solum intueor, ipsum considero, & in eo Christi transfigurati imaginem recognosco, non quod eisdem coloribus transfigurationem in Thabor factam retulerit. Hoc enim solus poterat, de quo Patris vox insonuit dicentis: *Hic est filius meus dilectus, in quo mihi bene complacui*. Matth. 17. Complacuit parenti in filio, & filius sibi complacuit in seruo. Non poterat tamen sibi complacens seruo dare quod à Patre acceperat, nimirum, vt filius naturalis esset: dedit tamen, vt filij imago, similitudoque existeret: Atque adeo quantum licuit vitæ suæ actionibus similem ostendit, vt iam prosequemur.

Matth.

§. S E X T V M.

S. Franciscus aquam immutans in vinum, & plurimos modico pane saturans Christo similem se prestitit.

Primum miraculum, à quo Dominus Iesus suæ potentæ magnitudinem auspicatus est, seque verum Dei filium ostendit, admiranda vini in aquam facta conuersio in Chana Galilææ recensetur? Teste Diuo Ioanne cap. 2. *Hoc fecit initium signorum Iesus in Chana Galilææ, & manifestauit gloriam suam, & crediderunt in eum*. Quamquam verò Christus aquam in vinum conuertens, verum se Dei filium naturalem comprobavit, quod Francisco non licuit: Dum tamen eandem elementi mutationem edidit, Christo similem se esse demonstraui. In Eremo S. Urbani nuncupata vir Dei grauissima ægritudine premebatur; ita quod naturam paulatim deficere sentiebat. Tunc vt aliquantulum reficeret, vini poculum sibi afferri postulauit: Respondent qui aderant, vinum eo in loco non inueniri. Quibus ait: afferte mihi aquam; iubenti obtemperant, & poculum aquæ

Ioan.

Legenda
antiqua.

aquæ afferunt. Quod cum vir Dei præ manibus sumpſiſſet, ſigno Crucis benedicens, aqua in vinum delicatiſſimi, ſuauiſſimique ſaporis immutata reperitur. Eo epoto S. Franciſcus miram expertus eſt dulcedinem, & expulſa debilitate priſtinam valetudinem recepit. Mirum planè eſt quantum Dei potentia ad Franciſci nutum vertebatur. Plus mihi videtur Chriſtus (audaſter dico) ſeruo ſuo apud eremum detuliſſe, quam matri vinum pro deſponſatis in Chana Galilææ poſtulanti. Nam ibi ipſius petitionem cum aſperitate primo retudit; dicens. *Quid mihi, & tibi eſt mulier, nondum venit hora mea?* Ioan. 4. Licèt poſtmodum annuerit petenti, & aquã in vinũ immutauerit. At verò in eremo nulla in edendo miraculo mora interponitur: Franciſci deſideriũ nulla verborũ aſperitate retũditur: aqua proferitur, & repenè fit vinũ. Nec horæ intempeſtiuitas opponitur. Quippe cum Chriſtus Frãciſcum ſibi ſimilem reddere aquæ immutatione decreuiſſet: Vbi primum ille vinum optauit, eoque deſiciente aqua profferretur, repenè fit vinũ. Quasi diceret Chriſtus. Hæc eſt hora mea, in qua Franciſcũ eiũdem ſigni operatione mihi ſimilem apparere decreui. Et ideo aquæ poculũ non ad Frãciſci imperiũ, ſed ad ipſius deſideriũ ex improuiſo rubefcat, & vinum fiat, quo ſuauius epotus cõualeſcat, & mei ſimilitudinẽ habere in primi ſigni operatione conteſtetur. Et ſicut ibi manifeſtaui gloriam meam, veruſq. Dei Filius apparui; ita Frãciſcus in hac elementi mutatione, mea imago, vel ſimilitudinis meæ ſignaculum ab hominibus agnoſcatur.

Semel tantũ, vt accepimus aquam in vinum Chriſtus immutauit, idq. ad Matris petitionem. Pluries tamẽ Franciſcus id præſtitit; ſemel vt proprię, iterũ vt aliorũ neceſſitati ſubueniret: Vbiq. tamen Chriſti imaginẽ retulit. Primam aquæ conuerſionẽ in deſerto factã recẽſui, ſecundã æquẽ mirabilẽ profero. Cũ vir Dei in Marchia Anconitana ſe teneret, ibiq. ad edificandã Eccleſiã in loco Trabe animũ, operãq. adijceret; operarij præ calore æſtuo ſiti ardentiſſima premebãtur, & eã vino reſtinguere à viro Dei poſtulabãt. Ille votis annuens Fratres miſit ad caſtrũ Iouis ibi propinquũ, vt vinũ afferrent.

*Legenda
antiqua.*

Quia tamen morabantur, siti que adurente operarij instabant: Franciscus ad fontem ibi scaturientem properauit, oransque, & signo Crucis benedicens, in vinum immutauit, quo omnes operarij largiter epoti sitim restinxerunt. Et transacto horæ vnius spacio aquæ fons naturam pristinam resumpsit: ne quæ ad subleuandam necessitatem operarum, & ostensionem Christi similitudinis deseruierat; quæ in Francisco temporariam conuersionem illam operante relucebat; ad luxum postea, ebrietatemque verteretur, si pro aqua vini scaturigine redundaret. Sic enim Deus pro seruis suis operari assuevit; vt quæ ipso dante miracula e dunt, ad ædificationem, & doctrinam conferant; nec ad ruina, destructionemque vertantur.

Ioann. 6.

Iam alium colorem addo reddendæ similitudini, quam in titulo promisi, aptissimum: videlicet plurimorum saturationem paucis panibus operatam. In quo Dei virtus, ac potentia non minus splendet. Tàm improba enim est Mundi famemes, tamque insedata cupiditas: tam parua, & inania ipsius bona; vt plurima exaturandæ, paucorum auiditati non sufficiant. Nusquam enim ipse plurimos paucis adimplere nouit, nec potest. Nouerat hoc, qui recensitis apud Ioann. c. 6. quinque panibus dicebat. *Est puer vnus hic, qui habet quinque panes hordeaceos, & duos pisces: sed hæc quid sunt inter tantos?* Aptè quidem inspecta Mundi fame, & panum paucitate. Si tamen diuinæ potentie magnitudinem inspiceret, melius dixisset: Quid ad tot panes hæc hominum paucitas. Impletis namque omnibus; & saturatis cophini duodecim fragmentorum pleni superfluerunt. En Franciscum admirabili tribus tantum panibus multorum saturatione Christo simile produco, sicut apud antiquam legendam reperi. Habebatur Assisij Capitulū Generale annuatim apud S. Mariam de Portinucula celebrandū. Euntibus vero fratribus, triginta in diuersas Orbis partes profecturi remanserunt, in quibus Frater Monaldus, qui postea in Capitulo Arelatensi, B. Antonio de Crucis titulo verba faciente, S. Franciscum in aëre suspensum, ac in modum Crucis extensum benedicentem aspexit. Cum

Cum igitur S. Pater cum filiis paulò post discessuris epulari vellet mensam parari, & omnes simul discumbere præcepit. Tres tantum panes domi erant, quos cum B. Franciscus præmanibus sumeret: Ternario familiari, & auspiciatissimo sibi numero applaudens (forsan memor, quòd hospitator ille Euangelicus ad excipiendum suum hospitem tres tantum ab amico panes intempesta nocte postulauerit) & gratias agens Deo, frangere cepit, & inter discumbentes diuidere. Mirum dictu, tam magna secuta est panum multiplicatio vbi primum sanctas viri Dei manus tetigerunt, vt triginta, qui aderant in illa paupertatis mensa largissimè refectioni fuerint, & fragmenta, quæ remanserunt, trium panum quantitatem notabili plane excessu superarint. Quidni Franciscum hoc loco Christi similitudinem appellabo? Christus in deserto quinque panibus, quinque ferè millia saturauit, & collecta ab Apostolis fragmenta panum quantitatem exceßerunt. Franciscus, & si numero panum, & comedetium impar (tres enim habuit panes, & triginta conuiuas) in eorum tamen multiplicatione, & refectione Dei virtus non minor apparuit. Et fors nec plures panes, nec hospites Dei prouidentia habere permisit. Quia in utroque numero ternarius Francisco mysticus, & amabilis elucebat. Aliam refero saturationem, ex antiqua legenda transumptam.

Ad Burgum S. Domnini in Lombardia se contulit Vir Dei nocte compulsus, & multis fratribus associatus. Cumque ad fratrum hospitium diuertisset, & præ itineris labore famelicus aliquid sibi, & socijs manducandum apponi flagitaret: Illi ad pauperem penum recurrentes, nec panem quidem vnum inuenerunt. Verè sui parentes filij, & Christi discipuli, qui de crastino non esse solliciti didicerunt, & ideo nihil in penuarijs repositum asseruabant. Ad Patrem reuertuntur, & nihil esse, quo famem pellat, nec ubi conqueri possit affirmant. Tum S. Franciscus regredimini, inquit, ad locum ubi panis seruatur, & canistrum panibus plenum reperietis. Eunt, panes inveniunt, & ad miraculum obstupentes ad mensam afferunt. Comedit S. Pater, vescuntur & filij omnes plane miraculoso sua-

uiter refecti Dei potentiam collaudant, & in parente suo Christi imaginem agnoscunt: qui vt triginta reficeret, tres panes, vt supra retulimus, multiplicauit: modo vt plurimos saturaret, panes vbi nō erant, mirabiliter inueniri fecit: vtrōbique Christi saturationem in deserto factam, quantum fas erat æmulatus. Sola hic desideranda videtur ingens hominum multitudo, quæ illam Redemptoris saturationem amplius admirabilem effecit; & ided ab Euangelistis notata est. Ioan. cap. 6. ait, *Numero quasi quinque millia.* Luc. 9. *Erant autem ferè viri quinque millia.* Matthæus, & Marcus similiter eundem numerum recensent.

IOHANNES
LUC.
MATTH.
MARCO.

Nihilominus, quod in hac occasione defuit, alibi admiranda S. Francisci virtus demonstrauit. Memorandum est Generale Capitulū de Caricis dictum in planitie Assisiana celebratum, in quo quinque fratrum millia conuenerunt. Adfuit etiam Cardinalis Vgolinus tunc temporis nostri Ordinis Protector, fratrumque amantissimus; vnde turmatim dispositos cernens (sæpe enim visendi gratia illuc veniebat) modestiam, silentium, paupertatem, humilitatem singulorū demiratus, aiebat: *Verè Castra Dei sunt hæc.* Speciali tamen amore S. Franciscum percoluit; & Pontifex creatus, sicuti vir Dei illi prædixerat, Gregorius nonus dictus est, Sanctūque Franciscum Sanctorum numero adscripsit. Dum tamen ibi aderat vir Dei per fratrum stationes discurrens magno spiritus feruore verba faciebat. Diuina prouidentia fretus, paupertatisque Euangelicæ amore inflammatus præcepit, vt omnem abijcientes sollicitudinem nihil de cibo, aut potu cogitarent, vel postularent. Et quamquam B. Dominicus, qui aderat, & Franciscum prædicantem, & fratribus ne quid peterent præcipientem audierat, imperium illud non ita prudentiæ conforme iudicauerit, Dei prouidentia, quæ in Frācisco Christi similitudinem efficiendo, multipliciter ludebat, Virum Dei ad ita præcipiendum impulsisse demonstrauit; vt in illo agro quinque fratrum millia deportatis vndique alimentis mirabiliter pasceret. Quemadmodum Christus quinque millia pauperat in deserto. Et numerus, seu multitu-

do hominum, quæ in memoratis saturationibus desiderabatur, in hac Affisienſi compleretur. Quod cum B. Dominicus aspexiſſet Dei prouidentiam S. Franciſco famulantem, agnouit; & ante tempus iudicaſſe pænitens, & quaſi veniam poſtulans Dei virum amanter fuit amplexatus.

§. S E P T I M V M.

Dum B. Franciſcus miracula ederet, quadam in ijs patrandis Chriſti effigies relucebat.

A Eternum Parêtem allocutus Saluator noſter, antequâ ad ipſum ex hoc mundo tranſiret; & pro Apoſtoliſ ro-gans, vt ipſos in Mundo relictoſ ſeruaret, inter alia hæc dicebat apud Ioan. 17. *Et ego claritatem quam dediſti mihi dediſti eis.* Porro claritas hoc loco virtutē operandi miracula ſignificat, quam Dominus Apoſtoli� contulit, & eam exercendo clari reddebantur. Sic interpretatuſ eſt Chryſoſtomuſ homil. 81. *Claritatem dicit quæ fit per ſigna.* Et ſanè claritatem huiuſmodi Apoſtoli� habuiſſe, nemo eſt qui ambigat: cum alijs etiam cōmunicatam fuiſſe videamus. Modū tamen ſpecialē quo huiuſmodi claritate, ſeu virtute utebantur B. Frāciſco ſic attēperatuſ indulſit, vt non ſolū in claritate, quod alijs, ſed in modo claritatis exercēdę Chriſti ſimilitudinē re-ferret. Apud Ioan. c. 9. inueniens qua ratione. *Præterienſ Ieſuſ vidit hominē cecū à natiuitate.* Et diſcipuliſ ſuper miſeri cæcitate colloquēſ. *Expuit in terrā, & ſecit lutuſ ex ſputo, & liniuit lutuſ ſuper oculoſ eiſ, præcipienſque, vt in Natatoria Siloe ſe luaret, obediēti illico viſuſ reſtituit.* Ingenuſ ad miraculū conſecutuſ eſt populi applauſuſ, & ſanitati reddituſ dicebat: *A ſæculo nō eſt auditū, quia quiſ aperuit oculoſ cecī nati.* Multoſ planè cæcoſ illuminauerat Chriſtuſ. Nā inter miracula, quæ Ioanni referēda eiſ diſcipuliſ imperauit, cæcoruſ illuminationem primo loco conſtituit. *Ceci vident, claudi ambulant, leproſi mundantur.* Matth. 11. Nulluſ tamen præter hunc ſputo illinēſ perſanauit. In quo nemineſ ex Apoſtoliſ, aut alijs, qui poſt illoſ vixere Chriſto ſimileſ,

Ioan.

Ioan.

Matth.

similem præter B. Franciscum reperio. Is enim claritate sibi à Christo concessa cæcos plurimos illuminauit, vnde viro Dei oppida intrante fas esset dicere, *Cæci vident*. Speciatim verò in castro Beuanij oblatam sibi puellam oculorū lumnie orbatam vir Dei cæcos oculos ter spūto inungens illuminauit. Cū in Trinitatis nomine (assumat S. Bonauentura) *Ter ipse oculos liniuisset lumen concupitum restituit*. Poterat data sibi claritate aliter vti: voluit tamen spūto cæcitatem auferre, vt non solum Christi virtutem, sed specialem ipsius exercendæ rationem æmularetur.

Eadem ratione leprosos, quorum Xenodochia libentissimè inuisebat, cū posset verbo sanitati reddere, vt erga alios varijs languoribus oppressos vt consueuerat, manū tactu persanabat, vt Christum referret, de quo memorat Matth. cap. 8. quod *Leprosus veniens adorabat eum, dicens: Domine, si vis potes me mundare, & extendens Iesus manum tetigit eum, dicens volo: mundare, & confestim mundata est lepra eius*. Et cū posset, ait S. Chrisost. homil. 26. verbo sanare, vel imperio, sicut fecerat Elisæus, Nahaman præcipiens, vt septies in Iordane lauaretur: Noluit tamen, *Ostendens, quòd non tanquam seruus, sed tanquam Dominus curat, & tangit*. Ingredere cum Francisco leproforū xenodochiū, ibi quendam intueberis morbi contagione absumptum, cui vir Dei seruiens, quemque lauans sanum reddidit. Iterum alius, cui faciem depauerat morbus, Francisco faciem suam illi iungente, & osculum imprimente, sanus efficitur. Quid sibi vult hæc sanandi ratio? Cur non orat Franciscus, & fugatur egritudo? Cur non alio sanandi organo vtitur, sed tanquam Dominus curat, & tangit? An vt Dominus appareat? Absit. Nihil enim magis ipsi cordi erat, quàm vt Domini seruus videretur: sed Domino inspirante tali conferendæ sanitatis ratione vtitur, tangens, & sanans; vt ipsius imaginem, & similitudinem præferre in miraculorum operatione dignoscatur. Atque adeò non solam claritatem, sed peculiarem ipsius exercendæ rationem Christo similem ab eo accepisse comprobetur. Fors etiam vt daretur intelligi
carnem

S. Bonau.

Matth.

carnem illam Beatissimi Patris tot ieiunijs, poenitentijs, & macerationibus castigatam, & castam, & postmodum sacrorum stigmatum impressione sanctificatam aliquid in se propè diuinum habere, quo veluti organo ad edenda miracula utebatur.

Cyrillus Alexandrinus in Ioannem expendens quo pacto Christus Dominus manuum tactu miracula edebat (sicut in cæco à natiuitate, in leproso, & in alio, in cuius auriculas digitos immisit, & linguam tetigit inspicere fas est) ideò carnis suæ tactum adhibuisse testatur; vt eam ostenderet esse viuificam. Verè quidem. A veritatis tamen scopo non aberrem, si in carne B. Francisci aliquid viuificum, non sicut in Christo, sed tanquam in ipsius imagine; vel signaculo affirmauerim extitisse. Quapropter leprosos tangendo ab infirmitate liberabat, & cæcam sputo sanitati restituit. Plura in hac rem miracula producit Author Conformit. lib. 2. p. 2. fruct. 1. quorum narrationi supersedeo.

S. Cyrill.

Pisana

Mortuos ad vitam reuocatos commemoro, in quibus eadem similitudo mortuis minimè coloribus expressa comparebit. Tres tantum mortuos suscitauit Christus Dominus, Lazarum in Bethania quatrimum in monumento iacentem Ioan. 11. Filium viduæ in ciuitate Naim, quem in feretro sepeliendum extra portam ciuitatis deferebant, Lucæ cap. 7. Filiam Principis, quam mors in ætatis flore demersuerat. Matth. cap. 9. S. Franciscus triginta mortuos vitæ reddidit: ternarium Christi; de cuius munere hoc veniebat, decies multiplicans. Quem numerum S. Bonauentura in vltima parte Legendæ maioris colligere incepit. Et postea Author Conformit. ex varijs informationibus fide dignis diligenter compleuit. Tres tantum referam, in quibus proposita similitudo inspicietur. In Hispania in vrbe, quam vulgò dicunt Ciudad Rodrigo. Anno Domini 1343. Petrus prædictæ ciuitatis Episcopus in langorem incidit, & à familiari sepiùs admonitus vt peccata confiteretur (erat enim luxuriæ deditus) quia ipsum in nocturna visione à dæmonibus in-

Ioan.
Luc.

Matth.

Conformit.
40 p. 2.

canum figura comparentibus dillaniandum viderat, nisi à

Fratre

Fratre Minore prohiberetur, qui ipsum admonuit, vt Episcopum ad confessionem hortaretur. ille tamen famuli hortamenta contemnens, nec ita properè se moriturum existimans, confessionem distulit. Tum Frater Minor (S. Franciscus hic erat) quem, ipsiusque Ordinem præcipua deuotione colebat Episcopus, famulum iterum admonuit, vt Dominum suum breui moriturum edoceret, atque ad obeundū poenitentiae Sacramentum adhortaretur. Pergit famulus Episcopum confiteri admonet. Ille mortem vicinam sentiens, concubinam domi retentam non tamen animo dimittendi repulit, & parū poenitens peccata confessus, paulò post exspirauit. Nepotes vt omnem supellectilem domo auferrent, mortuum per tres dies occularunt; & quarta die ad Fratrum Minorum Ecclesiam detulerunt. In qua (mirum dictu Fratribus officium facientibus, de feretro surrexit. Et fugientibus cunctis, elata voce, nè fugerent exhortatus est: seque verè mortuum, & supremi iudicis sententia damnatum contestatus. Attamen S. Francisci meritis ad vitam reuocatum propter insignem erga ipsum deuotionem, propter eleemosynas, quas Fratribus largissimè faciebat, & propter fiduciam, qua neminem S. Francisci deuotum perire posse arbitrabatur. Deinde viginti dies vitæ sibi ad poenitentiam peragendam concessos affirmavit. In quibus omnia benè moriturus disposuit: Et incidente festo translationis S. Francisci Missam celebravit, qua peracta tanto spiritus ardore de S. Francisco, ac de ipsius Ordine prædicauit, vt magna populi erga S. Patrē deuotio creuerit, & filios, quos antea opprobrio habebant, incredibili deuotionis studio percolerent. Episcopus die præstituta discessit è vita, æternū victurus. Et sepulchro à se condito sequens inscribi iussit Epitaphium: *Hic iacet Petrus Diaz Episcopus, quem à mortuis S. Franciscus suscitauit.*

In hac Petri suscitatione B. Francisci meritis edita Lazarum mihi videor adumbratum intueri. Vterque languens, licèt Petrus alio peccati languore, cuius figura erat Lazari infirmitas vexaretur; vterque quatruiduanus. De Lazaro dicebat

cebat Martha. *Domine iam sciet quatrduanus est.* Ioan. 11. & Petrum quarto post mortem die iam fortentem con- sanguinei ad Ecclesiam extulerunt. Vterq. suscitatus exur- git: Vterq. suum prædicat suscitatore. Lazarus Christum, Petrus Franciscum. Propter Lazarum à mortuis suscitatum, & propter ipsius prædicationem aucta est Christi fides: Nam vt testatur Ioan. cap. 12. *Cogitauerunt Principes Sacerdotum, ut & Lazarum interficerent, quia multi propter illum abibant ex Iudaïs; & credebant in Iesum.* Ad Petri prædicationem Sancti Francisci cultus, ac in ipsius Religionem amor, & reuerentia mirabiliter creuit. Quid ni in Francisco Ciuitaten- sem Episcopum corpore, animoque languentem, & à morte quatrduanum suscitatum, Christi Lazarum suscitatis ima- ginem agnoscam? Cùm vtrumque miraculum iisdem ferè coloribus depictum intuear. Agnosco planè & Franciscum in fuganda morte, Christi similitudinem prædicare non ambigo.

Suæ in viculo ad columnas dicto, filius mulieris viduæ, corruente domo, ruina oppressus interiit, quod cùm mater agnouisset festina cucurrit, extractumque è ruina mortuum magnis eiulatibus complectens B. Franciscum clamorosis vocibus identidem compellabat, & filium viri Dei precibus suscitandum precabatur. Ille miseræ matris lachrymas con- spiciens, & orbitati compatiens, filium è ruina confra ctum, ac in frustra penè disiectum, & vitæ, & sanitati reddidit, matrique ploranti, & lachrymis suscitationem imploranti redonauit. In ciuitatem Naim te conuerte: Et ibi viduam plorantem, & filium ad sepulturam insequentem intueberis, *Quam cùm vidisset Dominus misericordia motus super eam dixit illi, noli flere.* Luc. 7. & consistentibus qui mortuum efferebant, tacto fetro Christus ait: *Adolescens, tibi dico, surge: Et resedit, qui erat mortuus, & cepit loqui.* Et dedit illum matri suæ Vtrobique viduam pro filio plo- rantem inuenies; vtrouque matrum lachrymas filiorum suscitatores ad misericordiam impulsisse deprehendes. Nescitur viduæ Naim lachrymis Christus, & matri filium

ab æquissimo omnium Iudice Christo Domino æternis ignibus adiudicata erat. Tum Seraphicus Pater pristinae deuotionis, & beneficiorum erga filios non immemor, supremum Iudicem, cui adstabat, ingenua prouolutus exorauit, ut commissi criminis remissionem largiretur. Annuit supremus Arbitrator: Mortua vitæ redditur: læsam mulieris famam restituit: quæque sibi apud diuinum tribunal acciderant enarrans, iterum mortis debitum exoluit. Sic authenticis plurimum testimonium omni exceptione maiorum testimonijs, iuramento confirmatis acceptum, refert Gonzaga in 3. p. pro Angelorum Prouincia Conuent. 3. In tribus tamen supra recensitis miraculis Franciscus similem Christo se præstitit, qui non plusquam tres ad vitam reuocauit: Lazarum, viduæ filium, Principis filiam: Pro Lazaro Petrum; pro Viduæ filio, alterum Sueffonæ: Pro filia, aliam Franciscus suscitata matris redonauit. Vbiq; mortis fugator, & Christo similis apparuit.

§. OCTAVVM.

Humani cordis abscondita perspicendi facultas Beato Francisco ad Christi imitationem concessa memoratur.

Solius Dei est humani cordis abscondita penetrare. Hoc proprium ipsius Diuinitatis insigne; ut quæ ibi latent, omnia ut D. Paulus Hebræorum 4. num. 13. dicebat: *Nudæ & apta sunt oculis eius*, qui tam magnæ sunt perspicaciæ, ut per omnes pectoris latebras intrent, abstrusosque mentis recessus explorent. Vnde Hieremiæ dicenti; & sciscitanti: *Prauum est cor omnium, & inscrutabile; quis cognoscet illud?* Respondit: *Ego Dominus scrutans cor, & probans renes.* cap. 17. num. 10. Hinc est ut

Ad Hebr

Jerem.

murmurantibus intra se Pharisæis, quòd Christus cuidam paralytico peccata dimitteret: cum hoc ad solam Dei potestatem spectet: *Quis potest, inquit, dimittere, peccata nisi solus Deus?* Dominus Iesus, vt diuinitatis suæ fidem faceret, humanarum cogitationum scrutatorem se ostendit. *Et cum vidisset Iesus cogitationes eorum, dixit: vt quid cogitatis mala in cordibus vestris?* Matth. 9. num. 2. Et Apocalyp. 2. num. 22. eadem vsus est ostentandæ diuinitatis probatione, dicens. *Et scient omnes Ecclesia, quia ego sum scrutans renes, & corda.* Gloriam suam, hoc est, diuinitatem nemini se daturum testatus est Dominus. Et reuera gloriam illam, gloriam quasi vnigeniti à Patre, quam Apostoli in eo fulgurantem inspexerunt, nemini communicare poterat. Huius tamen gloriæ, seu diuinitatis stemma, videlicet mentis illustrationem, qua futura, & absentia videntur, cordisque occulta penetrantur, quibus placuerit impertire fas erit. Vt quoniam diuinitatem assequi nequeunt, diuinitatis signo, demonstrationeque honorentur. Vnde dicebant nonnulli apud Isaiam cap. 41. nu. 23. *Annuntiate nobis quæ ventura sunt in futurum, & sciemus, quia Dixeritis vos.*

Hanc gratiam, mentisque illustrationem, seu prophetiæ spiritum à Domino Iesu largissimè collatam habuit Sanctus Franciscus, vt duobus supra octoginta vaticinijs à viro Dei prolatis demonstrat in lib. conformitatum Pisanus. Tantam insuper in internis oculis perspicaciam ei contulit, vt secreta cordium rimaretur, & latentes ibi cogitationes introspiceret. Et quem sui imaginem; ac similitudinem in Mundo relinquere statuerat, proprijs, verisque ostentandæ imaginis coloribus illustrauit. Atque adeò sicut Christus, vt Euangelistæ referunt Matth. & Luc. 9. & sæpè alibi, latentes Phariseorum cogitationes introspexit, quippe cuius diuinæ perspicaciæ nihil imperuium esse poterat. Ita B. Franciscus priuilegium indulsit, vt cordium indagator existeret.

Plurimis hoc exemplis firmat Pisanus lib. 2. Conform. 15. quorum

Matth.
Apo.

Isaias.

Pisan. lib.
2. conf. 6.
p. 2.

Matth. 9.
nu. 4.
Luc. 9. nu.
47.

quorum narrationi supersedendum censui. Duo tantum modo referam. Cum aliquando S. Franciscus cum Maseo socio interfaceret: præcedebat Maseus, & ad quoddam triuium accedens constitit, & Franciscum retrouenientem expectauit: Cum autem propior factus esset, interrogat: quānam ex tribus vijs arripere debebant. Tunc B. Franciscus Maseo præcepit, vt se rotaret in gyrum, quousque capitis vertigine correptus in terram concideret, cui sic iacenti B. Pater dicebat: versus quem locum habes faciem ò Masee? Ille paulū se eleuans, Senas versus respōdit. Illuc ergo eunt: urbem ingrediuntur, & seditionibus, ac homicidijs turbatā inueniunt. Prædicat vir Dei: ponuntur arma, quiescit tumultus: pax redit, & amicitia refarcitur, cuius rei conscius Urbis Episcopus Franciscum acciri iubet, honorifice excipit, ad cœnamque inuitat. Postquam verò pernoctauerat: valde mane Franciscus laudis humanæ fugitans insalutato Episcopo discessit. Dum autem iter facerent, Maseus retro sequebatur obmurmurans, & secum iterans; Quid bonus iste, ac simplex egit? Nam me velut puerum in orbem agi præcepit; & Episcopum, à quo ita beneuolè, honorificeque fuit exceptus, insalutatum reliquit; nec vnum proferens verbum, quo gratiam referret. Percussit post hæc cor suum Maseus, & murmurationis pœnitens, seque grauiter insimulans omnia rectè, & Deo inspirante facta confitebatur. Dum autem hæc in corde agitare, Franciscus ad eum conuersus, dicebat: vt quid ò Masee mala in corde tuo cogitabas? Quæ modo mente tractas recta sunt, à Deoque inspirata: sed prior obmurmuratio cæcitat̃is, & superbix plena erat, & dæmone suggerente in corde prògnata. Obstupuit Maseus, & Sanctum Franciscum cordis indagatorem existere, latentesque ibi cogitationes explorareprehendit.

Recole nunc Phariseum in mensa de Christo in corde murmurantem, quòd se à peccatrice tangi permitteret. Dicebat intra se, hic si esset Propheta sciret utique quanam,

& qua-

Pisan. li. 2.
fruct. 15.

Et qualis est ista mulier, quæ tangit eum, quia peccatrix est.
 Luc. 7. num. 40. Et quamquam intra se loqueretur, Christus,
 cui patefacta sunt humani pectoris abscondita, murmurantē
 redarguit. Recole etiam quod refert Matth. cap. 9. num. 2.
 de Phariseis, qui propter paralyticum in Sabbato sanitati
 redditum in corde murmurabant. *Et cum vidisset Iesus co-*
gitationes eorum dixit, ut quid cogitatis mala in cordibus ve-
stris? Vbi hominum corda sibi patentia, omninoque re-
 tecta demonstravit. Omnia hæc ad B. Franciscum reflecte
 Maseum inspicere secretò murmurantem, quòd se in orbem
 agi præciperet, quòd admissus ad Episcopi mensam, nec gra-
 tes egerit, nec recedens vale dixerit. Franciscum audi oc-
 culta secum interficientis susurria penetrantem, ac si pa-
 lam, & in os projicerentur. Et cernes, non solum alieni cor-
 dis exploratorem fuisse, verum etiam in hoc Christum Do-
 minum, cuius in eo similitudo enituit, aliquantulum retulisse.
 Atque adeo non in sola occultorum exploratione (quod
 alijs etiam datum est) Christo similis exitit, sed in euenti-
 bus, eorumque circumstantijs vmbas intueberis, è quarum
 repercussu aliquam tibi videberis similitudinem videre,
 quæ tibi Christum cordium secreta cognoscentem repræ-
 sentent.

Secundum exemplum mihi subministrat Frater Ruffinus,
 ille de quo S. Franciscus aliquando socios allocutus, hæc di-
 xit: *Videtis vos illum Fratrem, Dominus mihi reuelavit,*
quòd anima eius est de tribus sanctioribus, quas Deus habet
nunc in hoc Mundo. Is igitur antequam ad hoc perfectionis
 culmen ascenderet à dæmone illusor à Francisci sodalitis
 recedere statuit, de viri Dei simplicitate obmurmurans,
 idiotam appellans, pariterque insimulans, quòd per hospi-
 talia leproforum sæpe discurrendo, socios ab orationis stu-
 dio retraheret. Quamquam verò à Sancto Francisco, cui
 hæc nota fuerunt, accersitus, peramanterque exceptus re-
 sumpsit, ac in viri Dei societate degere statuit: Nihilomi-
 nus à dæmone iterum tentatus resiliuit: nec amplius cum
 Francisco, & socijs incedere volebat, Satanas enim in An-
 gelum

gelum lucis se transfigurans ipsi persuasit S. Franciscum esse de numero damnatorum; & idè societatem ipsius omnino deferendam, nec vltra cum tali homine congregandū. Et quanquam hæc omnia occultè secum tractaret, identidemque repeteret: Quid mihi cum filio Petri Bernardonis (Franciscum intelligebat) qui & pater eius est damnatus? Omnia cordis indagator Franciscus agnoscebat, & Fratrem Maseum misit, qui errantem reduceret. Pergit ille, & Rufinum inueniens, ad pium parentem euocat. Renuit venire, respondetq. Quid mihi cum Francisco? Quid cum Petri Bernardonis filio vtroque damnato? Persuusus tamen à socio redijt ad parentem, à quo benignè fuit exceptus, & agnouit quo pacto absens omnia viderat, & cordis ipsius occulta penetrauerat. Vnde & resipuit, seque dæmonis suggestionē deceptum intellexit.

En iterum in hac cordis exploratione Christi similitudinem ostendo. Legendum apud Luc. cap. 6. num. 8. quomodo *Luc.* Pharisei intra se murmurabant, & obseruabant Christum, vt accusarent eum: Si in Sabbato curaret hominem manum aridam habentem. Ipse verò sciebat cogitationes eorum. Ecce tibi Rufinus obmurmurat, quòd Franciscus ad leproforum hospitalia diuertat, & latens in ipsius pectore murmuratio viro Dei manifestatur: murmurans blandè corrigitur, salubriterque reuocatur. Iterum Phariseos contemplare; & videbis in pectore detrahentes, ac intra se dicentes Christum pactum cum dæmone inijsse, ac in ipsius virtute dæmones expellere. *Murmurabant, & dicebant, hic non eijcit dæmones nisi in Beelzebub principe demoniorum.* Iesus autem sciens cogitationes eorum, blandè redarguit, & se à tali calumnia liberum manifestauit. Propè similia cum parente suo egit Rufinus, damnatum, & dæmoniorum iam numero adscriptum affirmavit; Licèt verò hæc interiùs, vel absente viro Dei protulisset: omnia tamen nuda, & aperta fuerunt oculis eius, quibus Dominus Iesus non solum perspicaciam contulit, vt secreta cordium penetrarent, sed insuper voluit, vt dum hæc à Francisco peragebantur, que-

dam

Pisan. l. 2.
confor. 14.

dam ipsius Redemptoris imago cerneretur. Plura in hanc rem exempla refert Pisanus lib. 2. conformit. 14. & passim alibi. Et sanè ex tam frequenti futurorum, & absentium cognitione, & cordium penetratione (qualem repetitis toties actibus S. Franciscum habuisse deprehendimus) in promptu est existimare, hanc mentis illustrationem, & gratiam cordis humani secreta explorandi permanentem, ac stabilem in eo fuisse: nec ullos accessus habuisse, vel recessus, sicut de alijs legimus; quibus ad tempus talis gratia concedebatur, ut etiam in hac stabilitate, & permanentia Beatus Franciscus Christi similitudinem ostentaret.

§. NONVM.

Christo Domino nostro, ut Orbis Creatori omnia famulabantur elementa: & Francisco ipse imaginem referenti, eundem exhibebant famulatum.

Elementorum obediètiã iam olim Christus hominem præludens in fornace Babylonis dedicauit. Tribus enim pueris in eam coniectis Nabuchodonosor in medijs flammis quatuor illæsos, & incedentes aspexit. Daniel 3. *Ecce ego vidi quatuor viros solutos, & ambulantes in medio ignis, & nihil corruptionis in eis est. Et species quarti similis filio Dei.* Porro sacrarum litterarum interpretes, quartum virum, quem in fornace Rex viderat, Verbum diuinum specie tenus in hominis figura recognoscunt: Vnde iam tunc elementa ipsum retinebantur. Et sicut postmodum verus homo factus elemento aquæ, & aëris imperabat. Vnde alij admirantes sciscitabantur. *Qualis est hic, quia mare, & venti obediunt ei?* Ita homo quoad speciem tantummodo apparens, elementorum in igne obedientiam iure suo, ut Creator exigebat. Et ideo, *Excussit flammam ignis de fornace, & fecit medium fornacis, quasi ventum roris flantem.*

Daniel. 3.

Matth. 6.
num. 27.

Daniel 3.
num. 50.

Et

Et quod ibi in humana tantum specie dedicauit, in Beato Francisco postmodum compleuit; Cui ignis ardor ros erat, & prunas non aliter tractabat quàm rosas. Nisi fortè cum Diuo Bernardino Senensi quantum illum similem filio Dei etiam S. Franciscum intelligere placeat. Qui iam tunc in figura, imperium, quod in elementis habiturus erat, in igne exercebat. Et sanè congruum erat vt ignis nobilius cæteris elementum imperanti Francisco prius obedientiam præstaret; vt in eo viri Dei imperium clarius eluceret.

D. Bernar.
com. 2.
serm. 60.

Multoties ad Francisci præsentiam vires suas amisisse, visus est ignis. Prouocatus olim in Federici Imperatoris palatio ad libidinem vir Dei, nudum se in ardentem prunam coniecit, indeque illæsus, ac si rosas incubaret erigitur. Rursum Saracena exhortante fœmina, vt sibi ad luxuriam consentiret, flammam amplectitur: Et non solum vim earum non sensit; sed in hortatrice libidinis flammam extinxit. Quid mirum? Iam in Babylonis fornace didicerat ignis ad Francisci famulatum vires suas amittere. Crucem corpori impressam gestare cupiens, fratri præcepit, vt candenti ferro illam sibi aperiret; Nec vllam tunc Molestiam, aut ignis læsionem sensit, cum reperito identidem ferro carnem aperiens sulcaret. Cuiusdam fratris caputium ab habitu disutum in ignem proijci imperauit: Flamma verò partem illam habitus etiam alieni reuerita, & viri Dei imperio famulata, intactam reliquit: licet per magnum temporis spatium ibi iacuisset. Itaque non soli Francisco parebat ignis, sed propter ipsius obedientiam rebus alijs parebat. Et sicut olim trium adolescentum vestes intactæ remanserunt, nec ignis ardorem sensisse dicuntur: Quoniam nihil potestatis habuisset ignis in corporibus eorum, & capitis capitis eorum non esset adustus, & sarabala eorum non fuissent immutata, & odor ignis non transisset per eos. Sic caputium illud permansit illæsum, nec flammæ afflatum, odoremque corripuit.

Aëri igni vicinus; & nature dignitate proximus eum dem

etiam obsequium Sancto Francisco præstitit. Cum aliquando per Venetas paludes obambulet, & præ obscuritate incedere non posset, vnico verbo vir Dei clarum reddidit cælum, & perspicuum, sicut in quinta parte legendæ memoratur. Quin etiam Montis Aluernæ summitatem, & circumuicina nubium densitate obscura, & frequentibus grandinis tempestatibus obnoxia liberauit, eximieque serenitati post receptionem stigmatum reddidit. Et sicut hic grandinantem aërem, & pluuiosum repressit; ita in loco de Azone, cum magna siccitas vigeret, frumentique inopiam minaretur, prædicante, populumque exhortante, vt dominicam orationem, & Angelicam salutationem semel recitarent, aer in copiosissimam dissolutus est pluuiam, & magna deinde fructuum vbertas prouenit.

Mobile elementum est aqua: & tamen vt Francisco obediret, Caietæ (vt retulimus) immobilis stetit, eadem viro Dei obtemperans formam immutauit, & in vinum transiit, quin etiam in deserto, vt sitientem reficeret (imperante Francisco) è silice mirabiliter erupit. Itaque vt Dei seruo tria hæc Elementa seruirent, vel naturam mutabant, vel amittebant.

In Terra non minorem inuenies famulatum. Hæc in domo cuiusdam medici dissecta, & hiulca appositis in scissura Francisci capillis ita conglutinata est, vt nullum sectionis indicium videretur. Hæc etiam aridum Sancti baculum, quo ipsam concussit, & effodit, mane germians reddidit: Et arbor facta est hucusque foliorum viriditate perseverans. Nec sola tantum elementa recensitam viro Dei obedientiam præstiterunt: Sed etiam quæ in elementis degunt ipsi obtemperabant. Ex aëre Aues ad ipsius imperium volatum, garrulitatem, cantum non semel deposuerunt: & iterum eo licentiam concedente, resumpserunt. Nonnunquam mansuetudinem præferentes supra caput ipsius circumuolabant, & quasi plaudentes scapulis infidebant. In aqua natatilia quoque famulabantur, vt pisces & ranæ, quas cum aliquando coaxantes in quodam

dam lacu tacere iusserit, nec ipsum prædicantem impedirent, subito siluerunt. Et Francisco recedente, nusquam auditæ sunt coaxationem edere, quousque illac regrediens licentiam concessit; vt iterum coaxarent, quam obtenta magnum strepitum ediderunt. Animalia quoque terrestria obediebant. Formicæ ipso mandante è quercu recesserunt, cui innixus prædicare inceperat, oves, lepores, cuniculi cicures, & mansueti ad ipsum sine pauore diuertebant, & libenter morabantur. Quin etiam lupum ita cicurem, & mansuetum reddidit, vt cum ouibus incedens, eas non tangeret; quinimò cum eis luderet, vt refert Pisanus lib. 2. fruct. 1. Christo Domino in Mundum veniente, lupus cum agno accubaturus erat, sicut Isaias promiserat, dicens: *Habitabit Lupus cum agno* cap. 11. En Francisco in terris agente idem apparuit miraculum, vt similitudo, quam cum Christo habebat, cerneretur. Et lupus, qui ad præsentiam Redemptoris feritatem depositurus Prophetæ oraculo prædicebatur, viso Francisco, & in eo Redemptoris imagine, feritatem exuit, mansuetudinem induit, & cicur factus cum ouibus pro viri Dei obedientia stabulabat. Multus in recensendis huiusmodi exemplis est Author Conformit. lib. 2. par. 2. fruct. 1. Legat qui volet; & pro omnium elementorum, ac in eis degentium obedientia ad satietatem exempla reperiet.

Pisan.

Isaias.



§. DECIMVM.

*Communis hominum applausus, & honor Franciscum
sequebatur, ut olim Christum, cuius in Fran-
cisco similitudinem reuerentur.*

INter clariores titulos, quibus Nicolaus Pontifex huius
nominis Tertius Beatum Franciscum meritisimò deco-
rauit: ille mihi videtur illustrior, quo Dei virum Principem
inclytum, regale signum deferentem nuncupauit. Vnde
Princeps Dei Frāciscus, & signifer incredibili locorum, ad
quæ pergebat applausu excipiebatur. Non aliter filij Heth
in terra Chanazim venientem illuc Abraham humaniter ex-
ceperunt, & sepulturæ locum gratis elargiti sunt, dicentes:
Audi nos Domine princeps Dei es apud nos. Genes. 23. Itaque
Principis Dei nomenclatura profuit Abrahamo aduenæ, &
peregrino, ut præcipuo honore ab Hethæis coleretur. Pa-
riratione Frāciscus Dei Princeps, & signifer cum ad Christi
imitationem Oppida, prædicâdo circūiret Principis nomen
profuit: Bononiam accedens incredibili à Bononiensibus ho-
nore fuit exceptus. Nam ubi primum fama percrebuit, vi-
rum Dei illuc accedere, sicut olim Christo Hierosolimam
intrante. *Commota est vniuersa ciuitas, dicens, quis est hic.*
*Populi autem dicebant. Hic est Iesus Propheta à Nazareth
Galilææ.* Matth. 21. ita Bononiensis ciuitas quasi à funda-
mentis excita commoueri cepit. Et tam magna populi ap-
plaudentis concursatio facta est, ut Franciscus terram mini-
mè contigeret: sed prementium vndique manibus elatus,
veluti curru triumphandus in urbem veheretur. Dum
autem sic procederet non semel dicebant. *Quis est hic? hoc
est, magnus est hic.* Franciscus iste est, Princeps Dei apud
nos. Tantum namque valet illa interrogatio *Quis est hic?*
Alij nouum mundi florem dicebant, & Dei Angelum se vi-
dere, & audire testabantur. Cum verò ad vr̄bis plateam, ac-
cessisset,

Genes. 23.

Matth. 6.

cessisset, ibi consistens, in ea populi frequentia, cuiusque sexus, & ætatis concionem habuit. Et de peccatorum penitentia tanto spiritus ardore fuit elocutus; tamque potenti verborum acumine audiētium corda penetravit, vt quidam in lachrymas & suspiria soluerentur, alij in stuporem ad viri Dei sapientiam & suspiria soluerentur, dicendique efficaciam prædicarent. In quo Franciscum Christo assimilatum agnosco. Nam cum olim apud Hierosolimam Dominus Iesus turbis prædicaret: adeo magnus consequutus est populi applausus, vt quidam admirabundi distiterent. *Vnde huic hæc omnia* Matth.
Et quæ sapientia, quæ data est illi, & virtutes tales, quæ per manum eius efficiuntur Marc. 6. Non aliter Bononienses intrante in urbem Francisco, admirabiles ipsius virtutes contemplati, & communem populi præ lætitia gestientis commotionem intuentes querere potuissent. *Vnde huic hæc omnia* Quibus responderi posset, quod Frater Leo in carta super Francisci caput è calo descendente: conscriptum, inspexit, nimirum. *Hic est gratia Dei.*

Dubitandum verò non est, eum, quem diuinæ gratiæ habitaculum Christus effecerat summo ab omnibus honore habendum. Præsertim quia Dei gratiam in Francisco inhabitantem signis, & mirabilibus illustratam aspiciebant. Vnde virtutum odore illecti omnis ætatis, sexusque post ipsum ferebantur. Et beatum se quisque reputabat, si hominem, vt dicebant nouum, & Mundo cælitus datum cernere, audire, & tangere potuissent. Vnde desertis domibus ad ipsum quocunque pergeret, festinanter concursabant. Quod de Christo Redemptore nostro meminit Lucas cap. 6. *Et omnis turba quærebat, eum tangere, quia virtus de illo exibat, & sanabat omnes.* Et Ioan. cap. 6. multitudinem ad Christi sequelam propter miracula ab ipso edita impulsam commemorat. *Et sequebatur eum multitudo maxima, quia videbant signa quæ faciebat.* Testem appello Reatinam urbem, ad quam cum Franciscus, vocante Vgolino Hostiensis Episcopo, accederet. Tanta populi multitudo confluit, vt intrantem Dei virum honorificis acclamationibus saluaret, exciperetq.

& vr-

& urbem ingredi non potuerit. Quin etiam honorem illum sibi impensum effugiens, ad Ecclesiam ab urbe duo milliaria distantem se contulerit. Idem etiam apud Senas, Caietam, & alias vrbes cuenisse refert Author. Conform. lib. 2. fru. 16.

Nec sola plebis multitudo hac honoris præfatione erga Franciscum utebatur. Magnates etiam viri, & Orbis Principes illum honorabant. Nec fideles tantum, sed à fide abhorrentes Dei virum mirificè colebant, summisque honoribus prosequiebantur. Romam venientem Cardinales, & alij Ecclesiæ Principes inuisebant, honorabant, reuerenterque alloquebantur. Aegypti Sultanus deposito fastu, feritateque exuta totus ad mansuetudinem compositus, Franciscum benignè excepit, gratam præstitit audientiam, oblatisque muneribus apud se diutius commorandum inuitauit. Commune omnibus erat hoc honoris obsequium viro Dei frequenter impensum. Vnde Frater Maseus non equidem inuidens, sed admiratus dicebat: *Vnde tibi, vnde tibi, vnde tibi. Totus te Orbis insequitur, omnes quærunt te videre, & audire, & tibi obedire.* Quæris vnde Francisco tantus honor? ipsum contemplator, & Christi in eo imaginem cernes. Proindeque admirari & quærere desistes, cur adeo ab omnibus honoretur. Ideo enim Orbis tam impensè colit Franciscum, quia in eo sui Redemptoris similitudinē veneratur.

Recolendum est, quod viro Dei accidit per Burgum S. Sepulchri, castrum certè populosum transeunti. Nam cum præ debilitate a sella vectus incederet. Turba quasi Christum apud Hierosolymam pullo asinæ equitantem, & triumphantis instar festiui Solymæ gentis plausibus exceptum videre sibi visa esset, ad Franciscum festina cucurrit, magnisque acclamationibus venientem excepit. Tanta erat frequentis populi concursatio, vt vbique compressus, & se inuicem prementium occursum constrictus incedere non posset. Franciscus interim mente absortus, quasi nihil sentiens, hos plausus, has gratulantis populi voces non audiebat. Et ideo sicut olim clamantibus pueris, & dicentibus: *Hosanna filio David.* Quidam Christo dicebant. *Audis quid isti dicunt.*

Sic

Sic Francisco in illo humilitatis triūpho dicere fas esset. *Audis quid isti dicunt?* Et respōderet planè non audio. Ita cū ibi incessit, quasi corpus exanime deferret, nihil audiuit. Et si quid audiisset, totū ad Christū honoris authorē retulisset.

Et sanè quotiescunque aliquid sibi laudis & honoris impendi intuebatur, totum ad Deum referre consueuerat. Cōtigit aliquando, vt in ciuitate Iteramnensi simul cum socio iter faceret. Cūque Ciuis obuiam factus viro Dei applauderet, manusq. & pedes reuerenter oscularetur: Socius quasi indignatus, quòd S. Franciscus cultum illum sibi impendi sustinebat: tanquam honoris appetitorem acerbè redarguit. Cui vir Dei mansuetè respondit: Non tantū reuerentiæ iste exhibet quantum deberet. Qua responsione stimulatus frater amplius indignari visus est. Tum Sanctus Pater socij indignationem iterata huiusmodi respōsione repressit. Attēde frater: Cultus, qui mihi exhibetur, totum in Deū authorem refero, & humilitatis, ac indignitatis meæ conscius, homines, non me ipsum, sed in creatura sua Deum colere, ac venerari recognosco. Nec inde quicquā velut propriū mihi vendico. Non aliter, quàm ligni simulacrum, vel pictura, in quibus Christus, seu B. Virgo honoratur, quidquam ex tali honore sibi adscribunt. Vera quidem, & humilis responsio: humilis, quia omnem cultum, ac honorem sibi ab hominibus impensum ad Deum referebat, à quo prorsus acceperat, vt ita impensè coleretur. Vera, quia Franciscus Christi plagatiuium extjtit simulacrum. Vnde quidquid cultus, & reuerentiæ ei exhibebatur, non ipsi, sed Christo, cuius simulacrum erat, præstitum reputabat. Quinimo præ humilitate seipsum, respectu Dei minus, quàm picturam, & lignum arbitrabatur. Atque adeò soli Deo gloriam, & honorem reddēda esse, sibi verò confusionem, & verecundiam quamdiu inter mūdi huius miseras ageret attribuenda fatebatur. Plurima, & prope admiranda honoris, & plausus Sancto Francisco cōmuniter præstiti exempla referre potuissem. Videndus conformitatū Author locis citatis, & sæpè alibi, in quibus relatis affatim, exemplis hanc materiam illustrat.

§. VNDECIMVM.

*Sacra Beato Francisco Stigmata imprimuntur, ut sicut
internam Christi similitudinem iam habebat,
sic eandem in corpore signatus exterius
representaret.*

DVpliciter ad Christi similitudinem figurari quisque potest, interius scilicet, & exterius: cum ad eam vitæ rationem se componit, ut virtutum coloribus, & gratiarum luminibus Christi imaginem animo referat, & corpore nonnulla portet insignia, quibus Christo configuratus appareat. Vtramque retulit Franciscus: Nam ad Christi imaginem, virtutum exercitio se studiosius confinxit. Et Christus quasi talionem redderet, externa quædam signa in Beati Francisci corpore impressit, quibus sibi configuratum, & exterius similem demonstravit. Hæc verò signa Christi stigmata fuerunt, quorum impressio admiranda, prodigiosa, & prorsus inaudita dicenda est. His enim titulis, speciosisque nominibus plurimi, & gravissimi authores illam condecorarunt. Præibit ad hanc rem B. Amadæus in raptu 4. in quo ab Archangelò Gabriele hæc verba sibi dicta commemorat. *Pater vesper Franciscus in monte cum clavis in manibus, ac pedibus insignitus admirabili modo Domini Salvatoris passionem renouavit. Quod fuit precipuum singulare, & inauditam donum.* D. Bonaventura in legenda cap. 16. *Novum, & stupendum miraculum* dixit. Alexand. IV. in Bulla, quæ incipit *Grande*. Et habetur in firm. trium Ord. Tract. 1. p. 2. *Grande, ac singulare miraculum, quo B. Franciscum omnium Sanctorum splendor, & gloria Dominus Iesus Christus mirabiliter decoravit.* Cardinalis Baronius in Martyrolog. 17. Septembris. *Miraculum immensum.* Cardinalis Bellarminus concione habita Louanij in Dominic. Sexages. apud Henri-

Henricum sedulium in Elogijs S. Francisci. *Hoc signum*, inquit, *omnium maximum, ac singulare, & quasi prodigium prodigiorum Sacra illa Stigmata fuerunt.* Episcopus Aquitanensis serm. 6. de S. Catharina de Sena cap. 3. & serm. 44. de Sac. Stigmat. Sancti Francisci cap. 2. *Inter miracula gratia nostra fidei Francisci consignatio supremum obtinet gradum.*

Episcopus
Aquitanensis.

Fuit autem hoc privilegium non solum novitate, & raritate magnum, sed etiam singularitate æstimandum. Quia nulli præterquam Beato Francisco datum est. Et plurimi pro hac re faciendum est S. Antonini à Florentia testimonium, qui titulo 24. cap. 2. §. 3. expressis verbis id astruit. *Quoddam*, inquit, *singulare concessum fuit B. Francisco, quod nulli inter natos mulierum legitur fuisse donatum. Et hoc est impressio Stigmatum sacrorum.* Quamvis enim Paulus dicat de se ad Galatas 6. *Ego Stigmata Domini IESU in corpore meo porto.* Nullus dicit, quod habuerit corporaliter Paulus signa Passionis in manibus, & pedibus, & latere: sed dicuntur Stigmata, passiones multæ, & afflictiones, quas patiebatur. Dicitur etiam de aliquibus deuotis hominibus, quod sentiebant magnum dolorem in manibus, & pedibus, & latere, ac si haberent ibi vulnera; sed tamen non ita expressa corporaliter, ut in Beato Francisco. Et verò D. Pauli Stigmata plagarum Christi impressiones non extitisse, sed verberum, vel catenarum, quibus constrictus fuerat, cicatrices, sentiunt interpretes. Videndus Haymon in cap. 6. ad Galatas, ubi ita. *Et Beatus Apostolus stigmata, siue notas ferebat, quæ pro Christo sustinuerat: quia adhuc plagæ virgarum, & lacerationum in corpore eius patebant, & quomodo catenis fuerat astrictus, & per plateas tractus.*

S. Anton.

Haymon

Modus autem, quo facta est sacrorum Stigmatum impressio insolitus planè, & omni admiratione superior extitit, ut ex circumstantijs in ipsius narrationibus contentis patefiet. Duas inuenio fide dignas. Aliam tres Socij B. Francisci contexuerunt. Aliam verò dedit Sanctus Bonavent. c. 13.

Legendę maioris, quę in officio stigmatum ab Ecclesia probato. circumfertur. Sociorum narrationem subiicio. Cum Beatus, aiunt, Franciscus in latere montis Aluernę quadragesimam Beati Michaelis Archangeli ieiunaret. Quodam mandum oraret ibi, miram dulcedinem diuinam abundantius solito. capit sentire. Et vidit de Calorum sublimitate Seraph ignitas alas, & splēdidas habentem, & mons cernitur inflammari. Appropinquante illo, vidit inter alas IESV M Christum crucifixum, & vehementer obstupuit, meroremque compassionis super Christo passo, & gaudium super eius gratioso aspectu mens eius incurrit, ut dicitur in legenda. Et cum arcana verba sibi reuelasset, tandem dixit: Para te Francisce faciam in te mirabilia. Et ille: Tu scis, Domine, quia paratus sum ad omnia tua mandata. Tunc extendit manum suam dexteram super Beati Francisci manum dexteram ponendo: ad cuius contactum Franciscus vulneratus in manu, dolorosa voce exclamavit. O Domine IESV, & cecidit in terram, & sic attonitus, & stupens aspiciebat Christum. Cui stupenti ait Christus: Surge Francisce extende aliam manum, Et fecit simili modo in sinistra manu eius, & iterato ille cecidit in terram exclamans. Ad quem Deus iterum: surge Francisce, para te. At ille ait: Domine mi paratus sum. Et Dominus posuit pedes suos super pedes Beati Francisci. Et ille plagatus repente exclamavit, & cecidit in terram. Tandem dixit iterum Dominus. Francisce surge, ut perficiam in te, quę disposui mirabilia. Franciscus autem ait: Domine quis poterit sustinere tales dolores? Cui Dominus: quid fecisses tunc, si verbera, & spinea corona punctiones, alapas, sputa, & alias penas, quas ego pro hominibus suscepi sustinuisse? surgens ergo Franciscus, dixit quid iubes? Paratus sum. At Iesus amplexans illum iunxit latus lateri B. Francisci, & statim impressit plagam lateralem. Tunc Franciscus exclamans: O pie IESV, cecidit in terram quasi semimortuus, & Christus interim disparuit. Beatus autem Franciscus iacuit in terra usque ad horam nonam. Tunc frater Leo superueniens, & videns prostratum leuauit eum, & c. Hęc ibi.

Primus itaque Sacrorum Stigmatum explorator extitit frater Leo. Hic florentes roseo sanguinis colore plagas ante omnes admirandus inspexit. Disparente namque visione, & B. Francisco in terra procumbente, sicut adnotauit S. Bonauentura loco supracitato, Sacra Stigmata compa-
uerunt. Statim namque, ait, in manibus eius, & pedibus appa-
rere ceperunt signa claudrum, quemadmodum paulò ante in
effigie illa Crucifixi conspexerat. Manus enim, & pedes in ipso
medio clauis confixæ videbantur: clauorum capitibus, in inte-
riori parte manuum, & superiori pedum apparentibus, & eo-
rum acuminibus existentibus exaduerso, erantque clauorum ca-
pita in manibus, & pedibus rotunda, & nigra: ipsa verò acu-
mina oblonga, retorta, & quasi reperiussa, quæ de ipsa carne
surgentia, carnem reliquam excedebant. Dextrum quoque la-
tus quasi lancea transfixum rubra cicatrice obductum erat.
Quod sæpe sanguinem sacrum effundens tunicam, & femoralia
respergebat.

Tota hæc historia metro eleganter reddita inuenitur in
Missali Romano Lugduni excusso anno 1526. in sequentia
Missæ Stigmatum Beati Francisci, vbi ita.

Tunc alta vir Ierarcha
Venit ecce Rex Monarcha;

Pauet iste Patriarcha

Visione territus.

Desert ille signa Christi,

Cicatricem confert isti,

Dum miratur corde tristi

Passionem tacitus.

Sacrum Corpus consignatur,

Dextrum latus perforatur,

Cor amore inflammatur

Cruentatum sanguine.

Verba miscent arcanorum,

Multa clarent futurorum,

Videt sanctus vir dictorum

Myſtico ſpiramine .
Patent ſtatim miri clauī ,
Nigri foris intus flauī .
Pungit dolor pœna graui ,
Cruciant aculei .
Ceſſat artis armatura
In membrorum apertura :
Non impreſſit hoſ natura ,
Non tortura mallei .
Signa Crucis , quæ portati ,
Vnde Mundo triumphasti ,
Carnem hoſtem ſuperasti
Inclſta victoria .

D. Bernard.
ſerm. 2.
ſerm. 60.

Hæc vera Stigmatum enarratio eſt, in quorum prodigioſa impreſſione, quemadmodum cap. 4. huius libri ſ. 3. ex Diuo Bernardino Senenſi, & Authore confirmatum recenſuimus, duodecim miracula interuenerunt, quæ ibi legenda non repeto. Ibi etiam Aggæi Prophetiam cap. 2. *In die illa dicit Dominus exercituum: Affumam te Zorobabel ſerue meus, dicit Dominus, & ponam te quaſi ſignaculum, quia te elegi, dicit Dominus exercituum,* de B. Franciſco literaliter intelligendam eſſe comprobauimus. Nunc in commemorata Stigmatum impreſſione adimpleri viſa eſt. Tunc enim vir Sanctus Dei ſignaculum, ſeu Chriſti ſimilitudinem accepit, cum per Chriſti crucifixi operationem plagas in manibus, pedibus, latereque imprimi ſenſit; & cor nouo amoris incendio inter dolorem, & compaſſionem conflagrare expertus eſt. Et planè congruum erat, vt quem Chriſti amor in ipſum interius transformauerat, ſimilemque reddiderat; Chriſtus impreſſo Stigmatum ſignaculo, externam ſimilitudinem largiretur.

§. DVODECIMVM.

Christus Dominus, & non alius Beato Francisco pretiosa Stigmatum signa proprijs manibus excussit; sicut iam Zacharia vaticinio fuerat prænuntiatum.

Postquam Tertullianus Africano ingenio, nobili, & verè Romano calamo in libro de Resurrectione carnis, omnia, quæ in ipsam Deus contulerat beneficia depinxit, qua ratione, *manuum suarum operam, imperij sui curam, afflatus sui vaginam, molitionis suæ Reginam, liberalitatis suæ heredem, Religionis suæ Sacerdotem, Testimonij sui militem*, eò celsitudinis euexit, vt inspirato in ea vitæ spiraculo ad sui imaginem, & similitudinem compactus homo, Dei opus pariter, & pignus surrexerit. Cuncta inaniter carni data, nisi ultimam adhiberet manum, & resurrectionem efficeret, contestatur. *Ausim dicere, si hac carni non accidissent, benignitas, gratia, misericordia, omnis vis Dei benefica vacuisset* Liceat nunc Tertulliani sententiam ad nostrum desistere institutum. Nam si postquam Christus Dominus tantum collocavit studium, vt Beatũ Franciscum suæ militiæ primipilum, suæ paupertatis heredem, amoris sui pignus, Ecclesiæ suæ repara- torem, Thesauri sui custodem, sui fauoris impendium, suæ prouidentiae curam, gratiæ luminibus, & virtutum coloribus adornauerit. Postquæ floridam, & regiam ipsius imaginem interius depinxit: & natiuitate, vita, magisterio miraculis sibi similem fieri studuit. Ausim dicere, Christi fauor gratia, benignitas, amorque beneficus vacuisset, nisi ultra hæc, externam corporis similitudinem, Sacra Stigmata proprijs manibus imprimendo largiretur. Hæc esset Francisci magnitudo, hæc beatitas, quod Christi manibus contrectaretur. *Phidias manus Iouem olympicum*, vt ait Tertullianus, *ex ebore molitur, & adoratur, nec iam bestia dens est, sed summum Cæli culmen: non quia Elephas, sed quia Phidias*

Phidias tantus. Artificis itaque præstantia, & magnitudo imagini reuerentiam, & magnitudinem conciliat. Cum ergo statueret Christus in Francisco viuam sui imaginem Ecclesiæ relinquere: oportebat, vt manus artificis imagini proficeret: atque adeo ipsemet Christus proprijs manibus contrahens signa similitudinis imprimeret. Exindeque Franciscus summum Ecclesiæ culmen teneret; non quia ipse tantus: sed quia Christus viui simulacri artifex tantus.

Iam mihi videor B. Franciscum cælitibus adscriptum filio suo laico loquentem audire, & gloriantem quod talem sibi gratiam Christus impenderit, vt tactu suo dignum effecerit, & suæ passionis signa proprijs manibus sculpsit; sicut Annales Minorum referunt; & Author Conformit. fruct.

*Annal. an.
1224. nu.
16.
Pisanus.
confer. 31.*

31. *Christus, ait, sicut vulnera in Cruce suscepit, ita manibus suis benedictis in corpore meo impressit, primò manibus, deinde pedibus, postea lateri vehementissimo corporis cruciatu, Hæc filio S. Pater, anno 1282. Cui iam in cælo degenti gloriari expediebat, & diuini fauoris beneficia recensere. Satis Beatus quod adhuc in terris agens in Christi manus deuenit, & ab eis tactus similitudinem acceperit. Terram finxit Tertullianus Iam nunc gloriantem, quòd illa pusillitas, limus in manu Dei quæcunque sunt peruenit, satis beatus & si solummodo contactus. Satis Beatus Franciscus & si solo Christi contactu dignus esset, nedum, quod ex eo passionis ipsius signa, similitudinemque percepit.*

*Tertull. de
Resurrect.*

*Armenta
serm. fig.
mat. S. c.
Francisci*

Et quidem fauorem hunc ipsi conferendum vaticinatus est, vt aliqui sentiunt, Zacharias cap. 23. *Ecce lapis, quem dedi coram IESV. Super lapidem unum septem oculi sunt: Ecce ego calabo sculpturam eius, ait Dominus exercituum, & auferam iniquitatem terra illius in die vna.* Diuus Hieronymus ad hunc locum, Prophetiam in litterali sensu de Christo ipsiusque passione, & plagis in Cruce susceptis exponit. Hoc tamen non vetat, quominus in eodem sensu de B. Francisco stigmata suscipiente possit intelligi; Nam quæ primò personæ conueniunt: Secundo loco ipsius imagini quomodolibet aptari posse quis inficiabitur. Igitur cum B. Franciscus Christi

Christi plagas suscipiendo ipsius imago, & similitudo extiterit. Quid mirum? Ut quæ de Christo plagato accipiuntur, etiam de B. Francisco plagis consignato accipienda statuamus? Præsertim cum prophetiæ verba ita videntur à sancto Spiritu dictata; ut citra violentiam de Christo, & Francisco vicissim exponi valeant, ut singula percurrendo planum fiet.

Ecce lapis quem dedi coram IESU. Hoc est, Ecce Franciscus coram IESU datus, & positus, ut ab eo contactus stigmata accipiat. Nec absolum est, ut Franciscus lapidi, seu petrae nomine præmonstratus intelligatur. Nam ut refert Author Conformit. lib. 1. conform. 1. Ioachim Abbas petrae nomine vaticinatus est Franciscum in Ecclesiam aduenturum, ter ipsum nominans petram. Primò petram dicit fortem, durissimam, & infecabilem. Secundò petram de Valle virginis. Tertiò petram litā oleo indeficienti. Quoquo modo hæc veritas, sæper tibi petrae nomine Frāciscus aptissimè designatus occurret. Petram fortem illum recognoscet; quia ut dura flix, adamasque fortissimus Ecclesiæ datus, Mundum ineffabili fortitudine vicit, animæ hostes plusquam adamantino robore comminuit, & persecutionum tentamenta indomabilis superavit. Petram durissimam, quam nec carnis blandimenta, nec auræ popularis lenocinia, nec Principum gratia, fauorque emollierunt. Petram infecabilem, quæ diuidi, & partiri non potuit. Licuit enim Francisco illud constantiæ elogium sibi usurpare, quod D. Paulus ad Roman. c. 8. n. 38. non inaniter gloriabundus proferebat. *Certus sum enim, quia neque mors, neque vita, neque Angeli, neque Principatus, neque virtutes, neque insatiata, neque futura, neque fortitudo, neque altitudo, neque profundum, neque creatura alia poteris nos separare à charitate Dei, quæ est in Christo IESU Domino nostro.* Deus immortalis? Quæ oppugnantorum cohors tam numerosa producit & à nullo suam victum iri constantiam profitetur. Neminem illum à Dei amore, cui firmiter hærebat agglutinatus separaturum sperat. Non minorem (audacter dico) meum in hoc Seraphicum parètem agnosco

Pifanus.

fco

teo. Nihil in illo obfuit ad Dei amorem. Petra fuit infecabilis, quam nemo diuidere, & à Christo, ipsiusque Vicario, cui promisit obedientiam, potuit dimouere.

Fuit deinde hæc petra de Valle virginis, quam studiosissimè colebat Et vallem esse Spoletanam credo, vbi Portiunculæ domus, in qua primum huiusmodi petra Ecclesiæ fundamento subterni visa est, cum prima Ordinis Minorum hic iacta sunt fundamenta. Tertio petra est lita oleo: quia, Franciscus IESV nomine, quod oleum est effusum delibutus, præ deuotionis affectu, & teneritudine totus in dulcedinem effluebat. Pro superi! in tali duritie tantam inesse dulcedinem quis non miretur? Hinc liquabatur amore: inde, Marpesia cautis instar duritie obrigebat. Hinc mellitus, & oleatus verba dabat plena dulcedine, vt mulceret affectus: inde quasi silex ferro tactus pro verbis scintillas, pro dulcedine ignem euibrabat, quo persecutores incenderet. Sic tamen mirabiliter factus, & Christi manu compositus, vt haberet Ecclesia, *Vnde sugeret mel de petra, & oleum de saxo durissimo.* Deuter. 32.

Coram IESV datus est lapis; quia Franciscus ab interno ipsius conspectu nunquam recedebat. Semper illum orando intuebatur; vt quem ore tenebat dum loquebatur, in corde intra se reflexus aspiceret. Maximè tamen coram IESV datus, cum ab eo sacris stigmatibus esset exornandus. Tunc Dominus coram se posuit, & gratissimo recreauit aspectu; vt videntis se pulchritudine delinitus, quantum doloris sentiebat in corpore dum sacra vulnera imprimerentur: Tantum dulcedinis in mente perciperet, dum suorum stigmatum sculptorem IESVM in ea Seraphini specie pulcherrimum intueretur. Aduit enim Christus Francisco, seque illi comminus aspiciendum, & contrectandum exhibuit. Vnde est illud S. Bonauentura in Legenda maiori cap. 13. *Cumque celerrimo volatu peruenisset ad aeris locum viro Dei propinquum, apparuit, inter alas effigies hominis Crucifixi in modum Crucis manus, & pedes extensos habentis, & Cruci affixus. Et paulò post subdit. Latabatur quidem in gratioso aspectu, quod*
Christo

Christo sub specie Seraphim cernebat se conspici. Verè ergo coram Iesu datus lapis affirmatur, quia gratiofo ipsius aspectu exhilaratus describitur.

Super lapidem unum septem oculi sunt. Oculos lapidem hunc aspicientes, vel Dei oculos intellige, qui ab amore directi in Franciscum ferebantur: vel Mundi oculos accipe, quos admiratio rapuit, ac in virum Dei sacris stigmatibus insignitum, Christi que imaginem redditum conuertit. Ita nonnulli interpretantur. *Ecce ego calabo sculpturam eius.* Quid clariùs dici potuit, vt Sancti Francisci stigmatizatio Christi manu facta intelligeretur. Cælauit ipse lapidem, cum manus manibus, & pedes pedibus, laterique latus iungens Francisco stigmata impressit. Nec signa tantum externa imposuit, sed vulnera effodit, quæ manus pedes, & latus penetrarunt, & dolorem pariter, ac sanguinem expresserunt. Quod innuisse videtur Hebraica Lectio, in qua habetur: *Ego aperiam scissuram eius.* Et septuaginta. *Ego fodiam foueam,* quod in idem recidit. Et stigmata non signa solum, sed vulnera parula, & penetrantia extitisse manifestat.

Quod autem Christus (vt hæc prophetiæ interpretatio manifestat) stigmatum Sancti Francisci author fuerit, & lapidis huius pretiosissimi sculpturam proprijs manibus cælauerit; indubitatum est. Et plurimorum Pontificum attestazione constat (vt referunt Munimenta Ordinis tract. 1. pag. 21. & 27. & Rodriguez in noua compilat. priuil. tom. 1.) Gregorius IX. Alexander IV. Nicolaus III. Sixtus IV. & Sixtus V. suis diplomatibus id statuerunt. Quos tam numerosa Scriptorum cohors postmodum secuta est, vt omnes fastidiosum sit enumerando recensere. Tres tantum refero, D. Bonauenturam cap. 13. & cap. 16. Legend. maioris, & in opusculo de sex alis Seraphim. Et in Apolog. pauper. D. Antoninum Florétinum 3. part. tit. 24. c. 1. §. 3. & D. Bernardinum Senensem de Euangelio æterno to. 2. serm. 60. Perbelle igitur interpretabimur, quod Vates Christi nomine de Francisco locutus, dixerit. *Ego calabo sculpturam eius.*

Quia ipse stigmatum B. Francisci author, & sculptor solus extitit: & proprijs manibus suæ Passionis insignia impressit.

S. Ioannes
Damasc.
Nicephor.

Venerandam Christi Redemptoris imaginem, quam olim Edeffeni maximo deuotionis affectu percolebāt, non humano penicillo expressam, sed diuina operatione extractam, fuisse S. Ioannes Damascenus libro 4. de Orthodoxa fide, & Nicephorus Calixtus libro 2. tradiderunt. Et ita sensisse videtur Summus Pontifex Leo, cuius verba in secunda Synodo Nicena referuntur. *Ecclesiam, inquit, petiui, & venerandam imaginem non factam hominum manu adorari, & venerari à populo vidi.* Qua verò ratione id eueniret, præfati Authores commemorant. Cum Abagarus Edeffenorum Rex magno efferretur studio Christi effigiem obtinendi: pictorem apprime peritum Hierosolymam remisit. Qui propriam Redemptoris figuram coloribus redderet, & ad Regem deportaret. Cum autem artifex in Christi Domini conspectum se dedisset, & arrepto penicillo opus aggrediretur: maiestate, & splendore, quem facies illa hominis Dei eiacularatur, percussus, hæsit: nec manum ultra mouere potuit. Tunc diuinus Saluator vt pio Regis studio indulgeret: linteum picturæ paratum resumpsit, & faciei leuiter applicans, propriam exculpfit imaninem, Regique, deportandam artifice tradidit.

Languebat amore, & Christi videndi desiderio flagrabat Sponsa, & viuam ipsius imaginem requirebat, vt Sponsi absentiam solaretur. Quid ille? Franciscum accepit, in quo sibi mirum in modum complacuerat, & illum veluti candidissimum, & mundissimum puritatis, & sanctitatis linteum sibi applicans, seque illi adiungens, sua stigmata impressit, & ita roseis decorum stigmatibus viuam sui ipsius crucifixi imaginem effecit: nulli præterquam sibi huiusmodi ministerium delegans. Vnde congruit egregiè vatis oraculum. *Ego calabo sculpturam eius.* In quo singularis prærogatiua elucet, quam Bernardinus de Buis in Rosario 2. part. sermone 27. graphicè depingit. *Dedit autem (inquit) Christus*

Bernard.
de Buis.

sua

sua stigmata Beato Francisco, tanquam ossimenta camerario suo dilectissimo, & tanquam insignia sua nuncio suo fidelissima, & tanquam vexillum suum strenuissimo capitaneo, ut omnes eum securè sequantur per viam pœnitentiæ.

Et auferam iniquitatem terræ illius in die una ista dies est in qua Dominus IESVS sua stigmata in carne B. Francisci imprimens, illam terræ nomine non immeritò significatam, purgavit, & igne diuino omnem in ea peccati maculam absumpsit. Quod mihi inuississe videtur S. Bernardinus Senensis de Euangelio æterno serm. 60. vbi ad Rubum apud montem Oreb ardentem; & incombustum alludens, ita fatur Ibi ardet Rubus, & non comburitur spina: quia in illa lege concupiscentia ardet, & non remittuntur peccata. Et hæc reuelauit Dominus Moysi. Hic (idest in monte Aluernæ) ardet apparens IESVS, & consumit in Francisco omnis peccati scoriæ. Verè quidem: Nam Dominus IESVS stigmata sculpens Beato Francisco, sui que amoris incendio illum inflammans, sibi similem & veluti deificum contactu, & flamma reddidit. Vnde omnia peccata venialia ab eo abstulit: & impostèrum communiuit nè in alia saltem deliberata incidere. Quinimo peccati fomitem in materia castitatis extinxit, quemadmodum de S. Benedicto statuit D. Gregor. lib. 2. moral. cap. 2. & de D. Thoma Aquinate plurimi censuerunt. Et verò in præsagium, quod per stigmatum impressionem scandenda esset in Francisci pectore concupiscentiæ tempestas; postquam in monte Aluernæ celebrata est stigmatizatio, ingens grandinis tempestas cessauit, quæ totum montem, adiacentia loca, & vineas annis singulis deuastabat. Et sanè congruum erat, ut qui externa plagarum similitudine Christum referebat in corpore, interna sanctitate, & munditia eundem repræsenteret in mente. Ideoque stigmatum sculptor IESVS in forma Seraphim apparuit sigillum portans, & flammam: sigillum quidem plagarum, ut externam inderet similitudinem: flammam, ut vel minimam peccati labeculam absumeret. Et quantum fas esset interiùs sibi similem in cordis munditia perficeret. Atque adeo Terra,

*Annal. Ms
nov. 1100.
1224. n. 14*

*Pisan. l. 3.
conferm.
fruct. 3.*

illa beatissima iam sigillata diuinæ operationi aptissima redderetur. Non latuit Franciscum hæc Christi in tali forma, ipsum stigmatizantis dispositio, vt apertè tradidit S. Bonaventura cap. 13. Legendæ maioris, *Intellexit tandem, inquit, ex hoc, Domino reuelante, quod ideo huiusmodi viro sic diuina prouidentia suis fuerat præsentata conspectibus, vt amicus Christi prænosceret, se non per mysterium carnis, sed per incendium mentis totum in Christi Crucifixi similitudinem transformandum.*

Nec verò cuiquam mirum videbitur B. Franciscum ad hunc perfectionis gradum ascendisse, per Christi, in quem se transformauerat, similitudinem: Si Doctori eximio Francisco Suario assentiatur docenti tom. 2. in 3. p. quæst. 37. Disputat. 17. sect. 2. Beatum Franciscum post suam vocationem secundum totum conatum gratiæ semper vsque ad mortem operatum fuisse. Meritò quidem: Nam propterea idem Doctör astruit, ibidem, Beatissimam Virginem ex toto gratiæ conatu semper operatam, quia nihil in ea fuit, quod impediret; aut retardaret, quominus diuinæ gratiæ cooperaretur quantum posset. Non enim habuit fomitem, vel quamlibet in potentijs deordinationem. Et eandem operandi prærogatiuam Angelis concessam Doctores vt plurimum faciunt. Cum igitur in B. Francisco per Stigmatum impressionem, & transformationem in Christo, peccata omnia venialia de præterito fuerint ablata, & immunitas de futuro concessa, nè in alia saltem deliberata incurreret: Et insuper in certa, ac determinata materia, videlicet castitatis fomes fuerit extinctus, atque adeò impedimentum amotum, quominus diuinæ gratiæ responderet: Quid mirum si eum exinde secundum totum gratiæ conatum semper operatum, & in Christi Crucifixi similitudinem exterius, & interius transformatum fuisse statuerimus.

§. DECIMVM TERTIVM.

*Christi imago per Stigmatum impressionem in Francisco
efflorescens perpetua est, ac indelebilis. Vnde
in eo resurrecturo, & inter calites con-
stituto Splendidior remanebit.*

Conueniunt suo munera largitori, & sicut ipsemet sti-
gmatum sculptor IESVS æternitatis attributo gau-
det, ita voluit, ut arma sua, & similitudinis insignia Francisc-
co impressa cum æternitate decertarent. Non commodauit
equidem cum hoste pugnaturus, ut olim Saul arma sua,
Dauid ad gigantis duellum profecturo contulit, iterum re-
sumpturus, sed inuariabili donationis decreto stabiliuit, ut
Franciscus sibi similis, & in vita mortali: & post resurre-
ctionem, sacra præferens Redemptoris insignia monstra-
retur. Biennium à stigmatum impressione vixit plagatus,
testimonium sanguine perhibente, quem linteolis adhi-
bitis, præterquam à vespere dici Iouis vsque ad totum
Veneris diem, in passionis Dominicæ memoriam reprime-
bat. In eo iam vita functo eadem Christi insignia per-
manserunt, fælicissimo prælagio, quod cum eis ad æternam
vitam esset rediturus. Fallar nisi hoc mihi sonant Diui
Bonauenturæ verba, ex Legenda maiori capite decimo-
quinto huc transcripta. *Beato namque viro, ait, migran-
te à seculo, spiritus ille sacer domum æternitatis ingrediens,
fontisque vita haustu plenario gloriosus effectus, expressa-
quædam incorpore futura gloriæ signa reliquit, ut caro il-
la sanctissima, quæ crucifixæ cum vitæ in nouam iam crea-
turam transierat, & passionis Christi effigiem priuilegij sin-
gularitate præferret, & nouitate miraculi resurrectionis spe-
ciem præmonstraret.*

*Author cõ-
form. lib. 3.
fruct. 31.*

Nec solius futuræ Resurrectionis imago in stigmatum im-
pressionem effulsit, sed insuper quædam B. Francisci innocentiæ
sancti-

sanctitatis, & magnitudinis contestatio iudicanda est. Nam propterea Christus suum B. Franciscum sigillum impressit, quia eum veluti ceram candidissimam, & charitatis incendio mollem, transformationeque aptissimum reperit: Vnde Franciscum aspiciens rubentibus plagis insignitum, nihil aptius dixeris, quam quod Henricus de Vrimaria serm. 3. de Sancto Francisco verè, & eleganter dixit: *In hoc euidenter apparuit, quod Beatus Franciscus fuit sigillatus Bulla summi Pontificis, & consignatus vexillo, & caractere summi Regis per impressionem Deisci stigmatis.* Itaque Christi vexillifer in Ecclesia militanti constitutus est B. Franciscus. Et post resurrectionem perseverantibus in eo plagis, Sanctorum Princeps in triumphanti Ecclesia reputabitur. Quinimo Beatam Urbem Hierusalem supremi Regis Curiam, Sacrorum Stigmatum decore, & splendore collustrabit. Et quidem post Resurrectionem sacra Stigmata in Francisco permansura, S. Bernard. Senens. in Euangelio eterno a. 2. cap. 13. & Mayronius serm. de Stigmat. tradiderunt, quos in sacro Pancarpio secutus Abraham Bzouius Dominican Ordinis, ita fatur: *Venerandus nobis B. Franciscus Stigmata Domini Iesu in suo corpore portabit; & secum illa celo inferet, quibus velut stellis fulgentissimis irradians, supernam Hierusalem illustrabit in sacula.*

Iam verò non noua, nec insolens assertio iudicanda est, in qua statuimus B. Franciscum cum Sacris Stigmatibus resurrecturum, quoniam S. Augustini, S. Ambrosij, & plurimum Theologorum placito maximè congruit. Qui in reditu uiuis sanctorum corporibus vulnerum cicatrices, & verberum liuores permansuros existimant. Vnde caro B. Laurentij flammis exusta, & S. Stephani lapidibus rupta, in ipsis resurgentibus perseverabit. Corporum tamen pulchritudinem mirifice augebit splendor, quem igneæ maculæ, lapidum tunsiones, verberum, & flagellorum sulci colore sanguineo florentes ei aculabuntur. Quinimò partam de carnis victoriam huiusmodi trophæis, & triumphi monumentis in corpore relictis, amplificabunt. Et non sine vo-

luptate

August.
lib. 22. de
Ciu. Dei
cap. 20.
Ambr. lib.
10. in luc.
Suarz
tom. 2. in
3. p. 954.
disp. 47.
sect. 2.

sublate Martyres, & alij in cœlesti beatitudine suarum vi-
 storiarum indicia vicissim spectabunt. Ut egregiè depin-
 xit S. Augustinus lib. 22. de Ciuitate Dei cap. 20. *Nescio*
inquit, quomodo sic afficiamur amore martyrum, ut velimus in
illo regno in eorum corporibus videre vulnereum cicatrices; Et
fortasse videbimus. Non enim deformitas in eis, sed dignitas
erit; Et quadam quauis in corpore, non corporis, sed virtutis
pulchritudo fulgebit. Et quemadmodum Christo resurgen-
 te carnem eius refluoruisse, Regius vates decantauit. Psalm.
 27. *Refluoruit caro mea,* quia quinque plagæ, veluti quinque
 pulcherrimæ rosæ, in manibus, pedibus, latere efflorue-
 runt, sic martyrum caro in extremo mundi die refluorebit,
 & vulnera fulgentia lætissimi flores apparebunt. Atque
 ex his constat B. Franciscum resurgentem stigmata porta-
 turum, quæ in ipsius corpore ad Christi similitudinem, ve-
 luti quinque fulgentissimi Soles radiabunt. Quod non
 mediocri applausu Curie cœlestis inhabitatores spectabunt;
 quia in Beato Francisco quinque stigmatibus insignito,
 perfectissimum Christi exemplar intuebuntur, & in eo ve-
 luti in speculo, fulgentissimas quinque ipsius plagas om-
 niū redēptionem, ac trophæum, maxima cum delecta-
 tione conspicient. Et quemadmodum Christus plagarum
 splendore irradians, obiectum erit, quod corporeum Bea-
 torum aspectum recreabit, & ipsi ex plagarum contempla-
 tione mirificè delectabuntur: eo quod malorum suorum re-
 medium in eis admirentur; Ita B. Francisci stigmata aspi-
 cientes iidemmet Beati, diuinique prototypi similitudi-
 nem, & viuum Deifici illius signaculi exemplar intuentes,
signum Dei viui; non parum delectationis percipient. Qui-
 nimo (audeo dicere) in Francisci plagis, in quibus veluti
 in speculo, Christi plagæ relucet, nescio quid plus iucun-
 ditatis reperient. Nimirum plagarum authorem IESVM,
 qui manu propria B. Franciscum stigmatibus decorauit.
 Cum tamen plagas suas Iudæorum rabie indignationeque
 inflatas sustinuerit. Ex quo Beati mirum in modum ad Re-
 demptoris sui laudem excitabuntur. Quia B. Franciscum
 proprijs

Psalm. 27.

Apor. 7.

proprijs condecorans insignibus, ita sibi similem reddidit; ut perfectum sui ipsius simulacrum extiterit. In quo (teste Ludouico Granatenſi to. 5. de ſanctis concione 2. D. Franc.) maximum eluxit amoris indicium. Si igitur, ait, *veſtium, & armorum donatio pro maximo argumento amicitia in ſanctis literis memoratur: quale (quaſo) fuit? Non veſtem, aut arcum, aut gladium, quae extra corpus ſunt: ſed ipſa ſacrorum vulnerum ſtigmata, quae Chriſtus Dominus in corpore ſuo geſtabat, in amici ſui corpus transferre? Verè quidem magnum fuit, & nunquam ſatis commendandum diuini amoris argumentum: & prodigioſa ſtigmatum (ut mox dicemus) impreſſio, inauditum continet diuinæ voluntatis affectum.*

§. DECIMVMQVARTVM.

Similitudo per ſtigmatum impreſſionem Franciſco data tam in vita, quàm in morte prodigijs. claruit.

TRes in B. Franciſci ſtigmatibus diſtinguendi ſunt ſtatus; primus in vita; ſecundus in morte; tertius in reſurrectione, de omnibus in ordine ſuo tractabimus.

Primò in vita cenſeri debent prodigioſa: quoniam, ut optime aduertit Robertus de Leuiſo Aquinatenſis Epico-
pus ſerm. de ſtigmat. S. Franc. cap. 2. inſolitum fuit prodigium, & ſingularitate admirandum quod vir Dei per bien-
nium ſic plagatus vitam producere potuiſſet. (Cum tamen Chriſti plagæ proxima mortis ipſius cauſa extiterunt) quin medicamen aliquod, vnguentum vè adhiberet. Et inſuper remedio deſtitutæ perpetuum odorem, pro incorruptionis admirandæ teſtimonio exhalabant. Non enim; ait, *potuiſſet per naturam viuere duobus annis plagatus in quinque locis ſpafmoſis, ex quibus continuò fluebat ſanguis cum dolore vehementi, non ſolum corporis, ſed & cordis, ex memoria paſſionis Dominica, nec uſus eſt pro tanto tempore aliquo vnguen-
to,*

to, vel medicina, sed tantum pannis restinguebat sanguinem manantem: Quem sexta feria liberè prodire sinebat. Et quæ miraculum augebant, erant illæ plagæ odore fragrantissimo, ex quibus nulla unquam putredo, aut immunditia profluxit. At cur incorruptionis prærogatiua non gauderent? Quæ non tantum vlcera, & plagæ erant, quàm portæ Christi manibus in corpore B. Francisci adaperat, vt cor amore exæstians flammarum incendium exhalando mitigaret, sicut egregiè philosophatus est S. Bernardinus Senensis serm. 6. *S. Bernar.*
 a. 2. cap. 3. tom. 2. O quanto amore, inquit, Franciscus ardebat, cui amplissimi cordis regio non sufficit: quin ipsa flamma amoris euaporaret per quinque corporis sui aperturas. Nec amoris tantum portas pretiosa stigmata dixerim: sed quinque talenta B. Francisco tradita, vt Ecclesiam repararet, iure optimo nuncupauerim. Nam quemadmodum Christus quinque plagis in corpore susceptis captiuum mundum, & perditum tanquam talentis quinque redemit. Sic alia, quinque talenta, videlicet stigmata Francisco dedit, vt illis collabantem Christi domum, hoc est, Ecclesiam restauraret. Perbellè in hanc rem exclamat lib. 2. de contemplatione Marcus Marulus. O felicem seruum, cui Dominus tradidit quinque talenta, vt quibus ille perditum reparauit mundum, hic labentem repararet Ecclesiam.

Dum autem sacra stigmata in vitæ statu prodigijs clarent, à multis conspecta sunt, vt refert S. Bonaventura cuius hæc sunt cap. 13. maior. leg. *D. Bonau.*
c. 13. leg. maior. Viderunt enim dum viueret fratres plurimi, qui licet essent propter sanctitatem præcipuam viri per omnia fide digni. Tamen ad omne dubium amouendum: sic esse, ac se vidisse tactis sacrosanctis iuramento firmarunt. Viderunt etiam ex familiaritate, quam cum viro sancto habebant aliqui Cardinales: laudes sacrorum stigmatum prosis, & hymnis, & antiphonis, quas ad ipsius ediderunt honorem veraciter inferentes; qui tam verbo, quàm scripto perhibuerunt testimonium veritati. Summus etiam Pontifex Dominus Alexander cum populo predicaret coram multis fratribus, & me ipso affirmavit, se dum sanctus viueret

stigmata illa sacra suis oculis conspexisse.

Secundò, in mortis statu, prodigiosa miraculorum claritate Francisci stigmata effulserunt: quia ipso emortuo mirum exhalabant odorem, & roseo colore vernabāt, hausta à Christi sculptoris manu incorruptionis virtute, quam in totum corpus mirabiliter transfuderunt. Hæc veritas oculatissimorum testium assertione patuit. Nam, vt S. Bonaventuræ cap. 13. legendæ maioris affirmat. *Viderunt in morte plusquam quinquaginta Fratres, virgoque Deo deuotissima Clara cum cæteris sororibus suis, & seculares innumeri, ex quibus, quemadmodum suo loco dicitur, quamplurimi; & osculati sunt, & contrectauerunt manibus ad testimonij firmitatem.* Quæ vt maior esset, & diuturnior, non ad paucos, sed plurimos annos in demortuo corpore recentes, & incorruptæ stigmatum aperturæ, quasi tunc mucrone perforatæ extitissent; suaue olentiam spirantes, & sanguine madentes permanserunt. Vidit Anno Redemptionis nostræ 1449. Nicolaus Pontifex huius nominis quintus. Viderunt etiam Pontificem comitati Cardinalis Austergius tit. Sancti Eusebij; Episcopus quidam Gallicus apud Pontificem magna pollens autoritate, Petrus de Noceto, Guardianus Assisias, & tres alij, quos è conuentu socios delegerat. Igitur omnes hi, vt morti proximus testimonio indubitabili deposuit Cardinalis Austergius (& referunt Annal. Minor. ann. 1230. nu. 3. Ribaden. tom. 1. in vita S. Franc. 4. Octobris, & alij) in Pontificis comitatu sacra stigmata, in lacrymas effusi, & præ deuotionis teneritudine liquecentes inspexerunt. Cardinalis Austergij depositionem huc non transfero, sed seruata rei substantia, & veritate ad breuiores terminos reduco. Statuta hora locum sepulchri adeunt, in quo pretiosissimus seraphici corporis Thesaurus seruabatur: Lapides amouentur: septemdecim marmorei gradus descendentibus patefcunt, per quos magno silentio cùm descendissent, ostium ferreum inuenerunt, quod tres ferreæ catenæ ex ordine obserabant, & in ductis clauibus mox apertæ, ingredienti Pontifici aditum præbuerunt.

Ille

Annal. minor. ann. 1230. n. 4. Ribaden. mira tom. 1. in vita S. Franc.

Ille solus ingrediens ante pedes sancti corporis humiliter procumbens, sic vbertim flebat, vt ploratus à foris stantibus audiretur. Corpus autem illud sacrum B. Francisci supra basim marmoream erectum stabat, facie ad occasum tendens, & oculis eleuatis in coelum; manus item simul iunctas, qualiter fratres gerere solent, habitus manicæ cooperiebant. Et totum corpus ita erat in corruptum, quasi prima die esset depositum; sicque lucidos, & splendentes habebat oculos, vt nulla ad viuos esset differentia; & insuper odorem suauissimum exhalabat. Postquam verò Pontifex à lachrymis, & gemitibus aliquantum temperauit, ad B. Francisci pedes iterum se proiecit, & vestimenti fimbriam extollens pedes detexit, in quibus sacra stigmata radiabant. Nam vt Austerius oculatus testis concludit. *Erat in pedis sancti medio foramen cum sanguine ita recenti, ac si tunc mucrone pes fuisset confossus, huius quidem rei aspectu singultus magnus omnes arripuit. Et quis cogitare posset animi motionem? Animum prae deuotione liquefcere? alienari sensum? & vires totas destitui? Omnes autem ante recessum à loco osculum dedimus sancto pedi; omnesque pariter ob odorem refocillati sumus. Res verò alius fimbria habitus operiebatur, nec nobis visum fuit illum violenter arripere. Manus similiter perforata vt pedes cernebantur, recentem sanguinem ostendentes. O igitur memoria profunda nostrae Redemptionis in seruo intueri, quae in Redemptore prius fuerunt! O igitur sacra vulnera, & dulci osculatione digna, quae post humanum lapsum in remedium data sunt. Et quis nostrum, qui ibidem aderamus ausus fuit amplius sacrum corpus tangere, nisi solus summus Pontifex, ipse enim manus illius pretiosas osculatus est, osculumque sacro ori dedit. A quinta verò noctis hora, usque ad undecimam illic mansimus suauissimo odore repleti. Cum verò à narrantibus nuntiatum fuit nobis diem prope esse, doluit quam maxime: Visum enim fuerat nobis per horam ibi fuisse. Haec tenus ille. Itaque non solum summus Pontifex Nicolaus Quintus, sed etiam Cardinalis Austerius, & supra memorati sacrorum stigmatum spectatores extiterunt. Quamquam prae re-*

uerentia tangere non sunt ausi : vidisse osculari , & sua-
ueolentia delectari summo opere gratulantes . Non pos-
sum tamen Pontificis affectum non demirari , qui præ-
ter lachrymas , & singultus in talem animi præ teneri-
tudine liquefcentis affectum prolatus est , vt osculum
mortuo in facie impresserit , si tamen mortuus reputari
debet , in quo tot vitæ , incorruptionisque insignia per-
ennabant . Et ni fallor , hucusque perseverant , & ad
vltimum Iudicij magni diem permanebunt .

Nec mirum videri debet , vt ita futurum mihi persua-
deam . Nam multos post annos alij viri Principes Sancti
Francisci corpus cernere voluerunt , & in eodem quo
reperi statu , pari deuotione , & admiratione conspexer-
unt . Inter quos memoratur Sixtus quartus Pontifex
maximus , Aegidius Carrilius Albornozius Cardinalis
Hispanus , Dux Mediolanensis , Franciscus Sforza , &
viri quidam Affiliates ; In quibus Galeotus à Galeotis
de Bistochio ad annum 1509. vna cum fratre Iulio à
Leccio Conuentus Custode , & fratre Iuliano Collosta-
te sacrista , qui noctu sacrum aperuerunt thesaurum , &
incredibili voluptate delibuti negotiatoris instar Euan-
gelici non pretiosam vnâ margaritam inuenisse conten-
ti ; sed corpus illud incorruptum , erectum , odoratum ,
recentibus sanguine , & rubicundis stigmatibus perfora-
tum inuenerunt . Cuius rei testimonium Galeotus

moriens filio reliquit , & in Conuentu San-

ctæ Mariæ Angelorum asseruatur . Ex

quo Annales Minorum transcribere ,

sicut ibidem Anno 1230. nume-

ro 5. perlegi-

mus.

*Annal. mi-
nor. ann.
1230. n. 5.*



§. DECIMVMQVINTVM.

Christus resurgens apertas in corpore plagas, & penetrantes retinuit: sicque in B. Francisco resurrectione statuet, ut Stigmata eodem modo perseverent; & tam in Cælo, quàm in finibus ad plagarum retentionem intentis, Christo similis videatur.

Morte triumphata Christus animam, quam pro nobis in Cruce posuerat, iterum resumens, quinque vulnerum signa, & foramina in corpore glorioso noluit abolere: sed qualia clavis in cruce confossus suscepit, aperta, penetrantia, & profunda reservavit, tanquam victoriæ monumenta, quibus Resurrectionis suæ gloriam illustraret, & novam corporis sui laboribus dignitatem afferret. Vnde irridenda est Porphyrij cæcutientis impietas, qui Redemptoris nostri plagas in corpore glorioso retentas, non veras, sed fictas, apparentesque, extitisse ausus est effutire. Alioquin, ut impius obiebat, magnum fuit impotentiae, imbecillitatisque argumentum, quod resurgens plagarum cicatrices curare non potuisset. Inanem Hæretici argutationem profert D. Aug. epist. 49. in hunc modum. *Si post Resurrectionem status beatus futurus est: quid sibi vult cibatum Christum fuisse, & vulnera monstrauisse? sed si propter incredulum fecit, finxit: si autem verum ostendit: ergo in resurrectione accepta futura sunt vulnera.* Existimabat impius Christo defuisse virtutem, ut in corpore surgente vulnera deleret, vel si deleuit, fictionis arguere nitebatur, qui discipulo credere renitenti non veras, sed fictas, & apparentes plagas ostendit. Ex eadē impotentiā, quā alij pari hebetudine Christo imponebant, ut refert Beda ad cap. ult. Luc. contra resurrectionis nostræ veritatem arguebant. Si, aiebant, *Deus vester nec sibi infligia à Iudeis vulnera curare prævaluit qua temeritate putatis eum vestra de pulvere membra ad integrum restauraturum?*

D. August.
Epist. 49.

Beda in
cap. ultim.
lucæ.

Futiles

Futilis tamen est huiusmodi argumentatio, nec nisi à fun-
 gos, & hebetibus proponi poterat. Quoniam si Christus
 potestatem habuit, vt seipsum à mortuis excitaret; multò
 melius à corpore plagas auferret. Quod si aperta ibi reli-
 quit: propriæ voluntatis opus, ac libera dispositio reputan-
 da est, non infirmitatis necessitas, aut impotens naturæ fra-
 gilitas. Cum etiam si iterum moriturus resurgeret, non pa-
 rum potentiæ ostentabat plagas relinquens, cum quibus vi-
 tam longius producere statuebat, sicut supra de Beati Fran-
 cisci stigmatibus asseruimus, cum quibus non naturali virtute,
 sed diuina potentia per biennium vitam protraxit. Hinc
 est vt Doctores communi assensu statuunt, Christum Domi-
 num post resurrectionem in manibus, pedibus, & latere pla-
 garum foramina ad aperta, & penetrantia reliquisse. Ita cen-
 suit Abulensis Paradoxo 5. cap. 25. & 26. cui recentiores
 subscribunt, Suarez 3. part. tom. 2. quæst. 53. art. 4. Caietan.
 ibid. Iansen. cap. 147. Concord. Tolet. in Ioan. cap. 20. & alij,
 quibus præiuit D. Cyrillus lib. de fide ad Theodos. circa fi-
 nem: vbi ita habet. *Postquam Thomas manus in latus, & di-
 gitos in clauorum foramina intulisset: statim exclamauit, Do-
 minus meus, & Deus meus.* Eodem etiam respicit illud D.
 Gregorij Nazianzeni orat. 42. vbi dicit, *Manisse clauorum
 impressiones.* Euthymius quoque in Ioannem, ait: *Thomam
 vidisse loca clauorum, & latus Christi apertum.* Quæ omnia
 congruunt Euangelio, in quo Ioan. cap. 20. de Thoma locu-
 tus, hæc habet: *Nisi videro in manibus eius fixuram clauorū,
 & mittam digitum meum in locum clauorum, & mittam ma-
 num meam in latus eius non credam.* Quæ verba propterea
 ab Apostolo Thoma videntur prolata, quia ab alijs disci-
 pulis de Magistri Resurrectione confabulantibus audierat,
 Christum cum plagis, & clauorum foraminibus; ac rupturis
 surrexisse. Huc fortè respexit D. Petrus Chrysologus ser-
 mone 18. verba illa Christi pertractans: *Videte manus meas
 & pedes meos, & ipsum discipulos ita alloquentem introdu-
 cit. Quia grauatis oculis caput adhuc respiscere non potestis;
 videte carnis vulnera; oculus non videt, videat tactus digiti
 vestri*

Abulens.
 Suarez.
 Caietan.
 Iansen.
 Tolet.
 Cyrillus.

Greg. Naz.

Ioan. 20.

Petrus Chrysol.

vestri intrent vestigia clauorum: manus vestra alta vulneris exquirant: Aperite manuum foramina, sulcate latus, renouate vulnera: quia negare non possum discipulis ad fidem, quod inimicis in pœnam scruentibus non negavi. Palpate, & usque ad ossa inquisitores ardui peruenite; vt vel ossa carnis astruant veritatem: & me esse ipsum, vel vulnera seruata testentur. Tandem postquam Christus Thomam exhortatus est, vt digitis plagas, & latus manu exploraret, dicens: *Infer digitum tuum huc, & mitte manum tuam in latus meum.* palam ostendit clauorum, & lanceæ aperturas ibi remansisse, per quas exploratoris manus, digitique immitti possent; de quibus egregiè philosophatur S. Petrus Chrysolog. serm. 76. *Dominus, inquit, eandem redit in carnem, vulnera reportat, ipsa clauorum foramina resumit. Et ipsa facit testimonia sui corporis, suæ resurrectionis indicia, quæ suæ fuerant contumelia Passionis.* Quemadmodum igitur Christus resurgens, veras plagarum aperturas, & foramina conseruauit: Sic etiam B. Franciscus, vt supra statui-
mus, cum surrexerit, stigmata sua, & stigmatum hiatus, penetrantesque rupturas in manibus, pedibus, & latere retinebit; vt in omnibus imago suo respondeat prothotypo, & figura conformis existat figurato.

D. Chrsol.

Seruauit ergo Dominus Iesus in corpore resurgente suorum vulnerū, non signa tantum, sed aperta victoriæ monumenta, quæ in manibus, pedibus, latereque splendidiùs radiabant. Plurimæ verò & graues admodum causæ à Sanctis Patribus, sacrae Theologiæ Doctoribus, & scripturarum interpretibus afferuntur, ob quas vulnerum cicatrices resurgens conseruauit. Nonnullas proferemus, quæ ponderosius examinatæ prærogatiuam ostentabunt Beato Francisco resurrekturo concedendam, vt cum Christo in aëra obuiam rapiatur, ipsius cum stigmatibus resurgentis imaginem portet; sicut iam in mortali vita patientis simulacrum vulnera sustinens retulerat.

Prima causa ob quam Christus in corpore suo glorioso plagas retinuit, illa est, quam Sanctus innuit Augustinus epistola

stola 49. Nimirum, ut victoriæ insignia, trophæique monumenta conseruaret: & arma, quibus dæmonem in Cruce vicerat, finito iam prælio gloriosus ostentaret.

D. August. *Sunt, inquit, in corpore vestigia vulnerum tanquam tituli gloriarum.* Non abludit Sanctus Ambrosius in capite ultimo

D. Ambros. Luc. dicens: *Talem sibi Pater ad dexteram locat, trophaum nostræ salutis amplectens.* Bernardus sermone tertio de resurrectione ait, *Intrauit Dominus ad discipulos, ostendens manus, & latus, sicut solent in signum virtutis clypeorum foramina monstrari.* Sacratissimum Christi corpus clypeum dices pulcherrimum quinque locis in morte perforatum, & in resurrectione quinque rosis distinctum, vel quinque Solibus fulgurantem. Hæc autem vulnera, velut arma, & trophæa in proprio corpore, quasi è templi tholo suspendens consecrauit, ut perpetuam triumphi de hostibus parti memoriam ostentaret. Tamque diuturna erit in Beatis triumphi memoria, quam ipsorum Beatitudo, in qua rutilantes in Christi corpore plagas inspiciunt, & in eis suæ Beatitudinis pretium adamabunt.

Isaias. Huius autem gloriæ elogium, ac trophæi decus nulli Sanctorum, præterquam Beato Francisco visus est impertiri, cum quo ex docti cuiusdam arbitrio, apud Isaiam capite 48. locutus hæc ait. *Eecce excoxi te, sed non quasi argentum: Elegi te in camino paupertatis: propter me, propter me faciam, ut non blasphemem; Et gloriam meam alteri non dabo.* Planè Franciscum in mortificationis, omnimodæque sui ipsius abnegationis fornace Deus excoxit. Et quidquid in eo terrenum erat, penitus absumpsit. Quia verò argentum igne concoctum præstantius, lucidiusque euadit; idcirco ait: *Excoxi te sed non quasi argentum.* Eo quòd alia ratione longè diuersa Franciscum excoxit, nimirum, in perfectissimæ paupertatis sequela. Id enim significat illud, quod sequitur: *Elegi te in camino paupertatis.* Dum autem Franciscus in paupertatis, aliarumque virtutum obseruantia, perfectionem Euangelicam ostentauit;

Christi

Christi honori; ac dignitati consuluit; omnemque blasphemiam aditum occlusit. Nè quis obijcere posset, quod legem condidisset, quam nullus mortalium obseruare posset: proindeque legislatorem, ut nimis austum, & parum prudentem blasphemando impeteret. Ideò subiunxit: *Propter me, propter me faciam, ut non blasphemem*. Postrema verba ad Franciscum præcipuè diriguntur. Cui Christus plagas suas gloriarum, & triumphorum elogia concessit, quæ sunt *quidam tituli gloriarum*. Et cum in solum Franciscum ampliorem contulerit dignitatis cumulum, & gloriæ chori: Adiecit: *Et gloriam meam alteri non dabo*. Quia planè gloria Franciscus apud cælitè conspicuus Christum associabit, ipsiusque similitudinem referet, & hac sola quodcunque superabit celebritatis encomium, & supra omnem dignitatis apicem euehetur. Siquidem Rex Regum, & Dominus Dominantium, mortis victor, infernique triumphator Iesus, inspectantibus Beatis, victoriarum suarum trophæa, & armorum insignia, in Francisco collocat, & quasi in sublimi loco, victorum more suspendit. Vbi quantum præ alijs Franciscum diligit apertissimo probat amoris indicio. Et quem paupertate, & cæteris virtutibus Christo similem Mundus cum admiratione suspexit. Cælum Christi similitudine, decorum, tropheis clarum, victoriarum insignibus illustrem maxima cum iucunditate intueretur. Pulchrum est est in hanc rem illud Marci Maruli lib. 2. de contemplat. cum Beato Francisco colloquium. *Vt cuius paupertatem, mansuetudinem, humilitatem fueras imitatus. Eius etiam beatissime passionis signa in manibus, in latere, in pedibus referres*. S. Bonavent. in Apolog. Pauper. c. 3. ad Euangelicæ perfectionis custodiam hoc refert beneficium. *Proinde, ait, dignè huic pauperulo sacro, qui perfectionem Euangelicam seruauit, & docuit in apparitione Seraphica stigmata sua Deus, tanquam sigillum approbatiuum impressit*.

Secunda: quinque vulnerum cicatrices, post deuictam mortem, Christus suo reseruauit in corpore, ut ijs quasi fenestris cor suum, & pientissima erga hominem viscera manife-

Bernard. stare. Quod D. Bernardus serm. 61. in cantica disertissime notauit. *Patez, inquit, arcanum cordis per foramina corporis: patet magnum illud pietatis Sacramentum: patent viscera misericordie Dei nostri. Quid ni viscera per vulnera pateant? In quonam enim clarius, quam in vulneribus tuis Domino eluxisset quod tu suauis, & mitis, & multa es misericordie.* Eodem etiam aspectu permisit, vt in glorioso Beati Francisci corpore sacra stigmata conseruarentur; Vt quemadmodum Christi plagę ipsius erga hominem, amoris indices erant: Itā Francisci vulnera ipsius in Christum, & Christi in ipsum amorem prædicarent. Vnde est illud *Alfonsi de Oroscio* in annotatione Beati Francisci. *Privilegium singulare, & vere magnum diuini amoris signum. Non clauis ferreis: non lancea dira: sed ense charitatis, & dilectionis stupenda Christus vulnera sua depinxit in dilecto suo Francisco.* Deinde in corpore ad aperta miranda animę transformationem testarentur: Et quem in corde dulcissimis amoris vinculis catenatum retinebat patientibus plagis quasi fenestris ostenderet. Fallar nisi hoc mihi sonant verba illa D. Bonauenturę ex legenda maiori cap. 9. transumpta. *Christus Iesus Crucifixus intra sue mentis vbera, vt myrrha fasciculus iugiter morabatur, in quem optabat per excessiui amoris incendium transformari.* Flagrabat amoris igne Franciscus. Et quia ignis in corde accensus abscondi non potest: necesse fuit, vt apertis in corpore vulneribus proderetur.

§. DECIMUMSEXTVM.

Alij fines recensetur, quorum aspectu Christus plagas suas retinuit, & in Francisco stigmata vclut in imagine sua conseruabit.

V Olupe est, vt quę aliquando pertulimus frequenter meminerimus. Et siquę passionis monumenta superfint,

persint, alijs ostendamus, vt aspiciendo beneficia, & victorie trophæa, & gratias nobis referant. *Et bene apud memores veteris stet gratia facti.* Idedò Christus in cælo plagas suas retinuit, vt perpetuam in cælestibus Redemptionis memoriam conseruet, earumque aspectu ad agendas sibi gratias impellat. Author mihi est Haymon cap. 20. in Ioan. *Signa, inquit, vulnerum obliterare noluit Dominus, vt electi, qui assumuntur in patriam cælestem, videntes easdem cicatrices in corpore Redemptoris sui, indefinenter ei gratias agant.* Beda ad citatum Ioan. locum, eandem inculcat rationem, dicens: *Seruauit signa mortis, vt sua morte redemptis, quam misericorditer sint adiuti, propositis semper eiusdem mortis innouet indicijs.* Ideoque *miserecordias Domini in æternum cantare non cessent.*

Hinc apertissimum eruitur argumentum, quo præcellentissima B. Francisci prærogatiua demonstratur. Et dum ad Christi similitudinem quinque stigmata resurrectorum conseruabit, quantum in Redemptorem suum fuerit transformatus aspicietur. Deinde propria stigmata in Beato corpore deferens, Redemptoris Passionem ab Beatorum memoriam reuocabit, ipsorumque aspectibus indefinenter subijcet. Et præterea incitamento erit, vt dum in Francisco Christi stigmata proprijs manibus impressa, & in Redemptore plagas suas contemplantur: in Francisco viuum Christi vident simulacrum, & in Christo suarum victoriarum insignia venerentur. Atque adeo vtriusque aspectu recreati Christum in Francisco, & in Christo Franciscum perenniter laudabunt. Et mutuo amborum conspectu Domine passionis memoriam retinebunt, quam velut diuinarum miserationum fontem per quinque fulgentissima vulnera, scaruriëntem delectabiliter contemplantur.

Quinimo (dicere ausim) aliquid laudis, & præconij in Francisci stigmatibus cernent, quod in Christi vulneribus non reperient. Etenim omnia quinque stigmata dolorem Francisco pepererunt. Non solum dum ipsi inflingerentur, sed per biennium, quod cum ihs vixit. At verò Christi pla-

gæ non omnes illum discruciauit: Nam laterale vulnus mortuo iam inflictum, nullius causa fuit doloris. Et proinde, vt patiendi amantissimus, dum plagas gloriosa suæ passionis monumenta recenseret, dicens: *Foderunt manus meas, & pedes meos*, lateris vulnus silentio suppressit, ac si illud non accepisset: eo quod nullum doloris sensum expressit. Et voluptatem, ac delectationem abstulit, quam pro hominibus dolorem sustinendo perciperet. Vnde post resurrectionem suscepta de Thomæ incredulitate occasione, remanentes in corpore vulnere cicatrices refricare voluit. Incredulum qui dixerat: *Nisi videro in manibus eius fixuram clauorum, & mittam digitum meum in locum clauorum, & manum meam in latus eius, non credam*, exhortando apud Ioan. cap. 20. *Infer digitum tuum huc, & vide manus meas, & asser manum tuam, & mitte in latus meum*. Non poterat certè in corpore glorioso dolorem iterum sentire: Volebat tamen nouæ digitorum fixationis aspectu delectari. Nam Thomæ digiti vice clauorū, vulnera perforabant; & manus instar lanceæ, cuius figuram extenta repræsentat, latus penetrabat. Et quod dolori deerat, voluptati, & repræsentationi satis habebatur. Nam digiti præteritam clauorum perforationem repetebant. Ita enim accipienda sunt illa verba: *In locum clauorum*. Hoc est, digitos huc pro clavis intromitte: Delector enim hac fixationis representatione; quia verò dum miles lanceam dirigeret, vulnus, minitaretur, cor ferrū penetraret, Christus iam mortuus, nec ferendi conatum, nec hastæ venientis impulsus vidit, nec vulneris dolorem sensit: Iam gloriosus Thomæ manu, in qua lanceam videbat, ferendi impulsus, & conatum referre voluit, exhortatus. *Mitte manum tuam in latus meum*. Vt quod tunc patiendi desiderio, dolorique defuerat, nunc ad delectationem superesset. Amori tamen nihil satis est: nihil minus seipso. Et ideo non contentus lateris apertionem hac ostentatione repetere, quia vtrōque patiendi, & dolendi voluptate carebat: aliam adinuenit. Seraphicum Franciscum, quem sibi transformando vñanimum reddiderat, in latere vulnerat,

nerat, dolorem ibi acerbissimum exprimit, ut quoniam in proprio corpore vulnus suscipiendo non doluerat, in vnanimis sui corpore dum feriretur, doleret. Atque adeo iam quinque ipsius plagæ doloris prærogatiuam obtinerent. Et Franciscus de vulnere dolens Christi amori quodam modo indulgeret, & dolorem, qui ipsi in suscipiendo laterali vulnere defecerat, aliquo modo commodaret. Quod in cælesti patria contemplantes Beati non poterunt non Sancti Francisci excellentiam demirari, qui stigmatibus quinque insignitus, & Christi imago redditus, ipsius amori indulgerat, dum in vulnere laterali Christi in hac parte Vicarius dolorem senserit, quem ille iam mortuus non perceperat.

Secundò noluit Christus corporis sui vulnera abolere, sed lanceæ, & clauorum foramina resurgens retinuit, ut idem corpus, quod in Cruce fuerat suspensum, resurrexisse comprobaret. Ita censuit Diuus Chrysostomus *D. Chrysos.* Homilia octuagesima sexta in Ioannem. *Vt ipsum, inquit, Dominum crucifixum fuisse, & neminem alium pro eo resurrexisse intelligas.* Diuus Cyrillus: *Passionis, ait, notas Christus retinuit, ut Resurrectionis mysterium rectè intelligamus: non aliud corpus resurrexisse credentes, quàm quod cruciatum mortuum fuit.* Et verò plagarum cicatrices in corpore remanentes non solum corpus illud vnum, idemque esse demonstrabat: sed insuper amoris perseverantiam testabantur. Amantium enim mos est; ut cum primum eos amoris impensæ poenitet, omnia dilectionis pignora & cordis monumenta abolere velint. Nec quidquam impensius oderunt quàm si antiqua dilectorum officia ad memoriam reuocentur. Nedum quos pro ipsis labores obierunt. At verò Christus cuius erga nos amor omnes alios vicit affectus Vulnera retinuit, ut ea in ipsius corpore aspicientes, certi redderemur, quod eodem affectu, quo pro hominibus in cruce obierat, eundem resurgens in corde retinebat. Ac proinde non vereretur homo, quod in vitam regressus Redemptor amorē amitteret, quo impellente mortem pro homine pertulerat.

pertulerat, qui iniuste de Redēptore querebatur dicēs apud
 Isaiam cap. 49. *Dominus oblitus est mei*. Mendax planē que-
 rimonia, quam Dominus aptissima ratione refellit. Quo-
 modo obliuiscar tui, quia in manibus meis scripsi te. Scri-
 pturam memoriæ remedium, & picturam amoris sustentacu-
 lum perbellē dixit Antiquitas. Quomodo igitur obliuisci
 poterat, aut non amare? Qui in manibus scribendo, & ama-
 tum depingendo, memoriæ remedium, & amoris sustentacu-
 lum requisivit. Præterea strenuissimi instar Ducis non po-
 terat non eos in memoria retinere, pro quorum liberatione
 vulnera susceperat. Quē ideo conseruauit, vt ea inspicien-
 do, illos, quorum causa acceperat, recordaretur. Magnum
 Hectorem in postremo Troiæ conflagrantis excidio Man-
 tuanus Aenæ loquentem, & vulneribus, quæ ibi accepe-
 rat cruentatum introducit, vt patriæ amorem indicaret, pro
 qua vulneratus occubuerat.

Aenid. 2.

*Vulneraq. illa gerens, quæ circum plurima muros
 Accepit patrios.*

Simili demonstratione nixus est hominis Redemptor ip-
 sum reddere securum, quod ab ipsius memoria nunquam ex-
 cideret, ut potē quem in manibus depinxerit, & pro eo te-
 tenta in Resurrectione vulnera susceperit; quæ linguarum
 instar Christi amorem, & memoriam proclamabant. Et vi-
 detur innuisse Rupert. lib. 13. in Ioan. dicens *Singula plagæ,
 vel percussiones grandem vocem habuerunt, & omnia pro nobis
 iusta locuta sunt*. Quid ni? B. Francisci stigmata totidem
 linguas dixerim, quæ magna de ipso & admiranda eloquan-
 tur; cū in ipsius resurgentis corpore radiabunt. Porro
 cum stigmatibus vir Sanctus resurget. Vt quemadmodum
 plagæ in Christo resurgēte, ipsum eundem esse, qui in Cru-
 ce obierat testabantur: ita perseverantes in Beato Franci-
 sco post suam resurrectionem stigmatum cicatrices, coram
 celitibus proclament illum eundem esse Franciscum, qui
 in monte Aluernæ Christi manibus admirandum stigmatiza-
 tionis beneficium acceperat. Et quemadmodum Christus
 suum erga humanum genus amorem, perennemque memo-
 riam

riam profitebatur, dum hominem in manibus perforatis sanguineo colore descriptum gestabat. Ita in Christo vicissim, & Francisco mutui amoris; perpetuæque recordationis monumentum viscebatur: Nam Christus dicere poterat Francisco: *In manibus meis descripsi te*. Quia ibi Francisci imago clarius quàm aliorum Sanctorum imagines elucebat. Et S. Franciscus gloriari iure optimo poterat, quod Dominus IESVS se ipsum in Francisci manibus scripsisset. *In manibus meis scripsisti se*. Quid aliud quæso fuit stigmata sua Francisco impertire, quàm suam imaginem Francisci manibus exprimere? Vnde quicumque illum plagis decorum, & vulneribus Christi insignem intuerentur, Redemptoris imaginem ibi relucentem cernerent, & specialem Francisci prærogatiuam nulli concessam admirarentur.

Tertio Plagarum suarum foramina in corpore rediuuio retinuit; Vt eiusmodi signis in extremo iudicii die hostes suos Christus redarguendo confunderet. Quod D. August. epist. 49. scriptum reliquit. Et huc planè respexit Zacharias dicens: *Aspicient me, quem confixerunt* cap. 12. Hoc est, vulnera quæ mihi intulerunt, in corpore glorioso remanentia conspicient, & eorum aspectu confundentur. Ideo enim ad iudicium accedens stigmata portabo, vt ea hostibus meis ostendens, ipsos confundam. Ad hunc modum cum eodem Augustino lib. 20. de ciuitate cap. 37. Hieronymo, Theodoro, Ruperto, eum locum interpretes communiter versant. Et iam olim Hippolitus Martyr oratione de consummat. mundi conseruationem stigmatum in glorioso Christi corpore ad hostium in iudicio confusionem retulit: Et propterea. *Non solum quinque vulnera, sed etiam caput spinis redimitum, & pretiosam ipsam crucem esse in die iudicii conspicienda*, testatur. Hippolito assentitur Cæsarius Arelat. homil. 23. dicens: *Illæ clauorum signa bonis salutaria, malis terribilia, usque ad iudicii diem non delebuntur*. Nec etiam peracto iudicio delebuntur, sed quæ tunc ad impiorum terrorem, & confusionem seruiuerunt, postea per æternitatem

D. August.
Zach. 12.

P. Hieron.
Theodor.
Rupert.

S. Hippol.
Cæsarius
Arelat.

nitatem Beatis ad gratiarum actionem, & Redemptoris laudem conducent.

Resurget etiam cum stigmatibus S. Franciscus, & in extremo iudicio cum eis Sole ipso splendidioribus apparebit. Et sicut impij ad plagarum Christi aspectum terrebuntur, & confusione operientur: Ita Francisci stigmata inspicientes duplicem habebunt confusionem: Quia cum Christus Dominus Francisco plagas suas impertiuerit, ut in ipso Passionis suae memoriam in hominibus penè oblitteratam renouaret, ad sui quæ amorem stimulos adderet; sicut perbellè philosophatus est Gulielmus Aretinus Episcopus. *Deus cunctis; inquit, creaturae prudentissimus gubernator Sanctissimorum Christi stigmatum iam abolitas à fidelium cordibus cicatrices, in corpore strenui militis Beatissimi Confessoris Francisci victoriosissima fluxerunt insignia Passionis.* Hinc in iudicio Franciscum vulneribus insignitum producens, cum impijs disceptabit: eo quod Passionis suae memoriam abiecerint, Redemptorem obliti: qui ad refrendam memoriam Passionis simulacrum ipsius effecit B. Franciscum, quem tunc aspicientes confusione afficientur: & ideo stigmata conferuabit. Quinimò non ab re erit opinari S. Franciscum ante communem resurrectionem ad viuos cum stigmatibus rediturum; ut Antechristo, & Christi hostibus se opponat, & fideles Redemptoris sui imaginem in Francisco aspicientes, in ipsius fide perseuerent, cum tempora instabunt adeo periculosa; ut in errorem inducantur, si fieri potest, etiam electi. Et ideo forsitan B. Franciscus tanquam Resurrectionis candidatus, integer recentibus plagis, stans, & oculis apertis quasi viuos dormientis instar perseuerat.

§. DECIMVMSEPTIMVM.

*Christi cum discipulis ultimò cenantis imaginem imitatus est Franciscus; & in alijs morituri prælu-
dys ei similis fieri studuit.*

QUamquam omnes B. Francisci, dum viueret conatus, eò præcipuè tendebant, vt quantum fieri poterat, quoddam Christi simulacrum in vitæ suæ actionibus exprimeret: Præcipuo tamen studio, & conatu actiones illas fuit æmulatus, quas mortivicius edidit Christus; in quibusque maiora suæ dilectionis argumenta demonstrauit. Et idè, sicut, *sciens Iesus quia venit hora eius; vt transeat ex hoc mundo ad Patrem.* Ioan. 13. cœnam cum discipulis celebrauit: Ioan. 13. & quos viuens semper dilexerat, moriens amorem suum, erga illos prouexit, vltra quod intendi non posset. Tantundem enim valent illa Ioannis verba. *Cùm dilexit suos, qui erant in mundo, in finem dilexit eos.* Ita Seraphicus Pater die Iouis mortis suæ præsciens, quæ Sabbato sequenti post vespèrum accidit, sicut viuens magno ergà suos amore flagrabat: sic ad Christi similitudinem, moriturus maiora suæ dilectionis indicia præbere instituit. Vnde omnes, qui in loco aderant conuocari præcepit, secum postremò cenanturos. Adsunt illi, mensæ accumbunt, panes afferuntur. Quos cum S. P. præ manibus sumens benedixisset; in plures iussit particulas diuidi, & propria manu singulis suam porrexit, exhortatus, vt in amoris signum totam manducarent. Cœnæ illius admirabilis vmbra, quam moriens Christus celebrauit, intueris. Et verè vmbra est; Nam ibi Dominus Iesus sub illo pane, quem discipulis porrexit, sacratissimum corpus suum discipulis manducandum præbuit; vt discedens cum ipsis maneret, sicut antea dixerat. *Qui manducat meam carnem; & bibit meum sanguinem in me manet. & ego in eo, vt*

suam illis vitam largiretur, nec iam propriam, sed Christi vitam vivere putarentur. *Et qui manducat me, ipse uiuet propter me*; vt eos sibi vnanimis redderet, vt vnus secum spiritus fierent; vt ei, & sibi inuicem adhærentes, à mundo, vbi relinquebantur, superari non possent. Idèd *dilexit in finem*, hoc est iuxta Græcum, in *victoriam*: Quia passi corpore sanctissimo, & pretioso sanguine e potu clarissimam de mundo victoriam essent adepturi.

Porro, S. Franciscus seipsum non poterat suis manducandum sub pane porrigere: Hoc enim sola poterat diuina sapientia. Quid tamen faciebat, dum illum in particulas diuisit, benedixit, manu propria singulis porrexit: alloquens vnumquemque, & tenerrimè discessurus complectens? Planè Christum cœnantem, seipsum sub pane suis dantem, loquentem, amplexantem, valedicentem quantum poterat æmulabatur. Nec vana, nec vacua fuit ista æmulatio. Nàm panis ille manibus seraphicis contrectatus, & benedictus, incredibilem habebat virtutem. Vnde seruatus à quodam ex cœnantibus magna edidit miracula. Iam verò parentis amplexus, contactus, iam iam discessuri verba quid non efficerent? Vidit prodigi parens filium longè venientem: festinus è domo egreditur; *Cecidit super collum eius, & osculatus est eum*. Lucæ 15. Guarricus Abbas serm. de prodigo hos patris amplexus, hæc oscula contemplatus, ita inquit. Porro quid faciebat cum sic super illum affectabat, amplexabatur, osculabatur? & respondet: *se illi communicabat, se illi insinuabat, se illi inspirabat, vt vnus secum spiritus fieret*. Hæc ille. Quæres, quid Franciscus in hac Christi dum cum discipulis cœnaret, æmulatione faciebat? Respondeo: se illis panem porrigendo insinuabat se illis complectendo communicabat, se illis loquendo inspirabat: vt vnus secum spiritus fierent. Et quot discipulos, tot Franciscos in mundo relinqueret, mundi triumphatores. O vti-
nam adesse potuissim, & seraphicum parentem cum suis cœnantem, loquentem, tenerrimoque affectu amplectentem intueri liceret, vt eximiam dilectionem, humilitatem per-
fectæ

Luc. 15.
Guarric.

fectæ Christi imitationis studium, meus post hac spiraret affectus. Sed quoniam tot bonis frui datum non est, iuuat in his recensendis immorari. Et ideo aliam Francisci cœnam commemoro, non impari præfatæ æmulationis studio celebratam.

Vehementi equidem studio Christus Dominus efferebatur sacratissimam cum discipulis cœnam celebrandi, antequam pateretur, vt ipsis inter cœnandum affirmavit, dicens. *Desiderio desideravi hoc Pascha manducare vobiscum, antequam patiar.* Luc. 22. n. 15. Quia tamen præstitutum erat ab æterno, passionis, & cœnæ tempus, nec passionem accelerare, nec cœnam poterat anteuertere; Et vtraque semel tantum æterna præstitutione celebranda erat. Ideo cœnandi desiderio, & patiendi amore stimulatus, mirificè angebatur, vt etiam discipulis dixit. *Baptismo habeo baptizari, & quomodo coarctor usque dum perficiatur.* Luc. 12. num. 5.

Non ambigo S. Franciscum dissolui, & esse cum Christo ardentè admodum cupiisse, sed priusquam ex hoc mundo transiret ad Christum, ad ipsius imitationem cum fratribus suis, quos mirificè diligebat, cœnam instituere voluisse. Quia tamen hora transitus differebatur: vt suum falleret desiderium, multoties cœnam instituit, Christi passionis memoriâ recolens, & fratribus suis clariora exhibens dilectionis argumenta. Quod fecit in monte Subasio, in quo die Iouis in hebdomada maiori, conuocatis fratribus, vt cum eis Dominicam cœnam celebraret, & deinde simul vescerentur. Aberat Ruffinus, & requisitus venire reperiit. Mirum est quali propter hoc turbatione affectus fuerit S. Pater, & quam maximam in corde maiestatem senserit, vt postea Ruffinum alloquens testatur est. *Quare, ait, frater Ruffine tantam mihi tristitiam dedisti; Et ter vocatus ad tantam solemnitatem venire noluisti?* Non tristabatur Franciscus, quod suam mensam à Ruffino contemni cerneret, vel aliquam sibi prodicionem ab eo moliri pertimesceret: sed quia ipsum tanta gratia priuari, & forsân perire dolebat.

Ioan. 13.

Cœnantibus cum Christo discipulis, ipse de Iuda qui paulò post è mensa discessurus erat, locutus, magnam in facie turbationem ostendit. *Cùm hæc dixisset Iesus turbatus est spiritu, & protestatus est.* Ioan. 13. num. 21. Et turbatur, ait, hoc loco S. Chrysostomus, *Non quòd tradendus esset, sed quòd ille perierat.* Hæc eadem erat in Francisco tristitiæ causa. Porro timebat nè Rufinus ab eo separatus in perditionem abiret. Et ideo renuentem venire sumpta præ manibus Eucharistia, quæsiuit, traxit, amanterque reduxit. Vbicunque Franciscum cum Fratribus cœnantem inueneris aliquã Dominicæ cænæ similitudinem deprehendes, si quæ vbique acciderunt vigilanter expendas. Non enim bis tantum, vt retulimus hoc egit, sed quotannis dum vixit. Cùm Christi passionis memoria recolebatur, peracta cū Fratribus primò Eucharistica cæna, cùm ipsis de pane, quem diximus benedicto manducabat: vt hac ratione Christo, cuius inspiratione hæc faciebat, similis appareret, & fratres suos ea paternæ dilectionis ostensione costringeret.

§. DECIMVM OCTAVVM.

*Sanctus Franciscus moriens Christo morienti
similis apparuit.*

Definentis picturæ modum includere rarum successu artis inuenitur, & in vltimis lineis artificum præstantia commendatur. Hactenus in exprimenda B. Francisci similitudine, qua viuens cunctis vitæ suæ actionibus Christum retulit viuentem elaborauimus. Iam morientis similitudo proponenda, & vltima picturæ nostræ linea adhibenda est, vt feliciter includatur. Nec dubium, quod accedente mortis umbra, vitæ imago, & similitudo floridior euadat. Quoniam ymbrarum ductus colores peruenustant, & imaginum proiectus efficiunt. Vnde fatua nimis pictura est, in qua colores sapienter vmbri permixti non adhibentur. Et ideo post depictam

pietam vitæ similitudinem, qua Beatus Franciscus Christo viuenti similis extitit, mortis similitudo producenda est: Vt utrobique Redemptoris viuentis, & morientis imaginem re-
tulisse comprobetur. Atque adeo similitudinis effigies ex
vitæ coloribus & mortis vmbreis compicta pulchrior, & præ-
stantior efflorescat.

Cognita sui transitus hora B. Franciscus (quemadmodum
suam Christus prænouerat) Fratribus accersitis, habitu vsq.
ad femoralia se exuit, & planè nudus remanens super nudâ
hūmū se proiecit. Hic delicatissimè recubans. Ioannis Euā-
gelium, quod incipit ab eo loco, *Ante diem festum Paschæ*
sibi recitari præcepit: in quo dilectissimus Ioannes candidis-
simi amoris cigni Iesu iam iam morituri exequias celebra-
uit. vt hac lectione suo è vita discessu Franciscus Christum
representaret discessurum. Et cuius viuentis imago fuerat,
morientis similitudinem referre studiosius præoptauit. Quod
Sanctus Bonauentura cap. 14. Legendæ maioris eleganter
depinxit. *Voluit certè per omnia Christo crucifixo esse con-*
formis, qui pauper, & dolens & nudus in Cruce pependit. Pro-
pter quod & in principio conuersionis suæ nudus remansit coram
Antistite, & in consummatione vitæ nudus voluit de mundo exi-
re. Nouerat Christum morti propinquum proprijs se vesti-
bus denudasse, vt ita exutus præluderet qua ratione ante-
quam in Crucem ageretur, à militibus esset spoliandus. Et
cut ibi nudus per aliquod tempus pependit. Ita Francis-
cus, antequam moreretur nudari voluit: Et sic nudus ip-
so præcipiente tamdiu perstitit, quamdiu milliarij spatium
lenter confici potuisset, vt Christi nudi in Cruce penden-
tis imaginem referret. Nec verò ad similitudinis integri-
tatem quidquam defuisse videtur: Latus apertum, san-
guineo colore purpurabat: Manus & pedes perforati, cla-
uisque transfixi visebantur. Pulchra est Sanctus Bona-
uenturæ descriptio in eodem loco. *Erat autem simili-*
tudo clauorum nigra quasi ferrum, vulnus autem rubeum;
& ad orbicularitatem, quandam carnis contractione reda-
ctum, Rosa quadam pulcherrima videbatur. Et paucis

inte-

Ioan. 13.

D. Bona.

interiectis concludit. *Cum igitur in candidissima carne clauis nigrescerent: plaga verò lateralis ut vernans roseus flos rube-
ret: mirandum non est, si tam formosa, & miraculosa varie-
tas iucunditatem, & admirationem contuentibus ingerebat. So-
la Crux decrat, quam tamen vir Dei decussatis manibus ex-
pressit; ut Crucis habitu, nuditate corporis, plagarum ci-
catricibus, clauisque extantibus Christi mortui, & in Cru-
ce pendentis similitudinem exprimeret: Quemadmodum
ipsius viuentis simulacrum vitæ suæ actionibus repræsenta-
uerat: Vnde exclamat loco citato S. Bonauentura. *O vere
Christianissimum virum, qui & viuens Christo viuenti, &
moriens morienti, & mortuus mortuo perfecta esse studuit imi-
tatione conformis, & expressa meruit similitudine decorari.**

Non inficiabitur veritatem, qui Affiliatis populi ad mor-
tuum confluentis inspectores oculos consultum ibit. Hi
namque in mortuo Francisco Christi mortui imaginem vi-
derunt. Nec vidisse tantum satis fuit: oscula sacris stigma-
tibus videntes impresserunt. Et sicut olim discipuli IESV
magistri aspectu non contenti, ipsum ad fidei certitudinem
manibus contrectarunt; ut Ioan. Epist. 1. cap. 1. testatur.
*Quod vidimus oculis nostris, quod perspeximus, & manus
nostræ contrectauerunt de verbo vita.* Sic Affiliates ad fi-
dei testimonium sacra stigmata explorarunt, manibus iden-
tidem contrectantes. In quibus miles quidam nomine
Hieronymus, antea incredulus, sacra vulnera diligentius
explorauit, clauos ibi extantes sæpius remouere intentans;
Quo certior de miraculo redditus, credidit: & magnum
ad fidem posteris faciendam emolumentum comparauit.
Ita scriptum reliquit S. Bonauentura cad. 15. legend. maior.
*Vnus autem ex eis miles quidam literatus, & prudens Hierony-
mus nomine, vir utique famosus, & celebris, cum de huiusmodi
sacris signis dubitasset, essetque incredulus, quasi Thomas, fer-
uentius, & audacius coram fratribus & alijs Ciuibus mouebat
clauos, sanctique manus, & pedes, & latus manibus proprijs
contrectabat, ut dum vulnere Christi veracia illa signa pal-
pando contingeret, de sui, & omnium cordibus omne dubieta-*

tis vulnus amputaret. Propter quod, & ipse inter alios huius veritatis tam certitudinaliter agnita testis constans postmodum effectus est. Et tactis sacrosanctis iuramento firmavit. Hæc ille. Vbi meritò Thomæ incredulitatem repræsentatam agnouit. Narrantibus enim discipulis, se Dominum vidisse à mortuis excitatum; Thomas neutiquam se crediturum testatur, nisi videat, & digitum in locum clauorum immittat, & manu lateris vulnus exploret. Vidit, tetigit, explorauit, credidit, & ipsius incredulitas ad fidei nostræ firmitatem profuit: Quemadmodum egregiè docuit Sanctus Gregorius homil. 26. in Euangel. *Non hoc, ait, casu, sed* S. Bonau.
diuina dispensatione gestum est. Egit namque miro modo superna clementia, ut discipulus ille dubitans, dum in magistro suo vulnera palparet carnis, in nobis vulnera sanaret infidelitatis. Plus enim nobis Thomæ infidelitas ad fidem, quàm fides credentium discipulorum profuit: quia dum ille ad fidem palpando reducitur, nostra mens omni dubitatione postposita in fide solidatur.

Super Christum mortuum factus est in Hierusalem plantus magnus, & doluerunt super eum, sicut dolori solet in morte primogeniti. Testes foeminarum lachrymæ, quæ ipsum è Cruce depositum prosequabantur, & magnis ciulatibus ad tumulum deferebant. Testis Magdalænæ fletus, *Quæ stabat ad monumentum foris plorans: Nec Angelorum aspectu aut colloquio consolationem recipiebat. Postquam è vita discessit Franciscus, discipuli vberimo lachrymarum profluuio suffusi amantissimi Præceptoris corpus inferetro reponentes ad sepeliendum portabant: Interim Iacoba de septem solijs Romana foemina pietate insignis, & Francisci denotissima in lachrymas effusa procedentes comitabatur: Quousque ad S. Damianum ventum est, vbi Beata Clara vnâ cum Monialibus in mortui parentis tenerimos amplexus illachrymans ruit, & sacra stigmata deosculando clauum deuoto, sed inani conatu reuellere intentauit. Tandem propripuit sese, & dolens in Conuentum recepit, fratribus interim in ortuum cum fletu ad sepulchrum comitantibus. La-*
chry-

S. Bonau. *embrimabantur*, ait S. Bonauentura cap. 15. legen. maior. filij pro subtractione tam amabilis patris: sed & non modica perfundebantur letitia, dum deosculabantur in eo signacula summi Regis. Miraculi nouitas planctum vertebat in iubilum, & intellectus aspicebat indaginem in stuporem. Erat quippe tam insolitum, tamque insigne spectaculum, conuenientibus omnibus, & firmamentum fidei, & incitamentum amoris: audientibus verò admirationis materia, & excitatio desiderij ad videndum. Quid ni videndi illius studio efferentur, in quo Christi Redemptoris mortui imaginem aspiciebant. Nunquam planè aspectum satiarent; nec antea auelli potuerunt, quam sacrum Corpus apud S. Gregorium sepulchro interim reconditum, oculis inter gemitus, & suspiria fletu liquefcentibus subtraheretur. Vnus autem ex ijs, qui aderant, & flentes suis lachrymis comitabantur feretro, in quo S. Franciscum portabant, hæc duo carmina affixit.

Hic expirauit, qui mundum suppeditaui,

Qui sacram mentem direxit in omni potentem.

Hic planè sistendum erat, & calamus sepulchrali silentio tumultuendus. Marci tamen Maruli lib. 2. de contemplatione exclamationem affectu plenam funebri instar Epicædij calamo, è lachrymis madenti subscribo. O Beate Pater Francisce, vidisti fulgentem Saluatoris nostri crucem; Vidisti Sanctum Seraph, à quo seraphicus dici meruisti. Inde tibi singulari quodam priuilegio Dominicæ crucifixionis cicatrices corporaliter vindicasti, ut cuius paupertatem; mansuetudinem, humilitatem fueras imitatus, eius etiam Beatissimæ Passionis signa in manibus, in latere, in pedibus referres: Et cum Paulo gloriari posses; dicens: Christo confixus sum Cruci, uiuo autem ego, iam non ego: Viuit verò in me Christus: mihi autem absit gloriari nisi in Cruce Domini nostri Iesu Christi, per quem mihi mundus crucifixus est, & ego mundo: Ego enim stigmata Domini Iesu in corpore meo porto. O felicem seruum, cui Dominus tradidit quinque talenta, ut quibus ille perditum reparauit mundum, hic labentem repararet Ecclesiam. Hactenus ille. Et planè B. Franciscus viuens Ecclesiam reparauit; iterum
repa-

reparaturus, cum ante communem Resurrectionem forsan redinius exurget, vt cum Enoc, & Helia Antechristo se opponat, ipsumque interficiat. Nam cum D. Paulus de Antechristo locutus, dixit. *Quem Dominus IESVS interficiet spiritus oris sui.* S. Franciscum resperisse arbitror, quem oris Christi spiritum non immerito dixerim. Quippe cui Dominus IESVS se insinuauit, quem in se per amoris incendium transformauit: Et quem sicut viuentem, & morientem sibi similem effecit, itaut in Resurrectione eandem similitudinem præferat priorem alijs suscitabit. In cuius præsagium adhuc integer, recentibus plagis, tenera & molli, viuentis instar carne perseverat, anticipatam promittens Resurrectionem, & ius ostendens, quod sibi, suæque Religioni Christi similitudine ad Thesaurum Terræ sanctæ possidendum acquisierat. Terræ autem sanctæ hereditas, nescio an aliquibus iustius quā Minoritis obueniat, de quibus non incongruè dicitur: *Vos estis gens sancta, populus acquisitionis:* quia ad acquirenda loca sancta videntur destinati, vt ea in extremis Mundi temporibus obtineant, & contra Antechristi persecutionem, vt milites strenuissimi consurgant. Quod Iacobus de Vitriaco S. R. E. Cardin. in historia Occid. cap. 32. verbis expressit disertissimis. *Hic est, inquit, fratrum Minorum sanctus ordo, & Apostolicorum virorum admiranda, & imitanda Religio, quos Dominum contra perditionis filium Antechristum, & eius profanos discipulos credimus in diebus nouissimis suscitasse. Qui lectulum Salomonis tanquam fortes Christi milites ambiendo de porta ad portam cum gladijs transeundo super muros Hierusalem constituti sunt Custodes.* Hæc ille de Franciscifilijs, qui tali parente, & ductore in Christi similitudine præeunte Terræ sanctæ possessores fieri meruerunt. Quemadmodum hactenus eiusdem similitudinis argumento deduximus, & sequenti §. clarius ostendemus.

§. DECIMVM NONVM.

Christi similitudo, quæ in B. Francisco nascente, uiuente, morienteque enituit, maius ipsi ius contulit, ut præ alijs Sanctorum Locorum thesauri spiritualis possessor existeret.

Diuina lege cautum erat in Deuteronomio cap. 25. ut duobus fratribus simul habitantibus, si vnus ex eis absque liberis discederet, alter uxorem viduam connubio sibi adiungeret, & quasi hæreditaret; ut ex ea filios suscipiens, fratris vita sancti semen suscitaret. *Quando habitauerint fratres simul, & vnus ex eis absque liberis mortuus fuerit, uxor defuncti non nubet alteri; sed accipiet eam frater eius, & suscitabit semen Fratris sui.* Mortuus est IESVS in Cruce pro hominum salute suspensus; dilectissima ipsius Sponsa vrbs erat Hierusalem iuxta Psalmographum Psalm. 45. vers. 3. *Fundatur exultatione vniuersa terra mons Sion. latera Aquilonis ciuitas Regis magni, ubi in Hebræo, pro Ciuitas Regis magni, habetur, ut ad eum locum tradidit Lorinus, Pulchra ut sponsa.* Talis enim erat Hierosolyma quandiu fidem coluit; & castam Deo seruitutem exhibuit; & ideo non semel sponsæ nomine in sacris Prophetarum oraculis prædicatur. Mortuo autem sponso superstes lugens, ac mœrens. *Facta est quasi vidua Domina gentium.* Threnorum 1. nu. 1. Congruum ergo erat, ut iuxta legem in Deuteronomio sancitam mortui sponsi frater viduam sibi spiritali iungeret matrimonio, & & Terræ sanctæ possessionem adiret, ut de mortui fratris semen, hoc est fidem, seu Dei verbum suscitaret. Quamuis autem Christus in multis fratribus primogenitus extiterit, ut D. Paulus Roman. 8. dicebat, & ipsemet Dominus non semel discipulos suos appellauit. *Ite nuntiate fratribus meis.* Quinimo Tertullianus lib. de carne Christi nostrum omnium fratrem dicere non erubuit. *In vuluam ergo Deus verbum suum*

suum detulit bonum fratrem, ut memoriam mali fratris eraderet. Nemo tamen (audeo dicere) tam Christi frater extitit, quàm Franciscus; nullus Christo coniunctior, nullus maiorem cum illo similitudinem retulit. Siquidem in solo Francisco sacris stigmatibus insignito Christi perfecta similitudo visebatur. Vnde nō immeritò Frāciscus appellabitur Signaculū similitudinis Ezech. 28. Hoc est Christi quī Patris imago est, ac similitudo, & B. Franciscus huius imaginis, ac similitudinis signaculum extitit. Vbi autem rei similitudo clariū, quàm in ipsius signaculo, vel sigillo conspicitur? Porro S. Bernardinus Senen. to. 2. de Euang. aeterno B. Franciscum Christi signaculum nuncupauit. Per seipsum & non per alium apparuit ei Iesus: Nam sicut in sua persona non alia, carnem nostram assumpsit, & in carne sua passibili perfectionem Euangelicam exemplauit. Sic & per seipsum gloriosum Franciscum in sua acceptata perfectionis signaculum figurauit, & consignauit. Paucisque interiectis, adiungit. Præterea nec per alium hoc mysterium debebat fieri, sed per illum, qui stigmata sua passionis gestabat in corpore; ut sibi eum similem redderet, & conformē. Debit tamen Christus in specie Seraphica apparere: tum ut apertè claresceret, quòd cor eius sine alio medio unitum, & inflammatum erat cum ipso Iesu. Haftenus ille.

Cū igitur B. Franciscus stricta adeo vnione Christo fuerit copulatus, tamque perfecta similitudine signaculi instar ipsum retulerit. Quid mirum, ut speciali ratione Christi fratrem appellauerim, & ipsum Christi spōsam Terram sanctam, & urbem Hierusalem sponso viduatam, iure fraternitatis obtēturum esse mihi persuaserim? Recolendi sunt fauores, quibus olim Patriarcha Ioseph apud Aegyptum fratrem suum Benjamin, reliquis in conuiuio assidentibus anteposuit. Nam cum partes suæ singulis apponerentur, Benjamin pars, non sine fratrum admiratione, partes alias quinque superabat. Et mirabantur nimis sumptis partibus, quas ab eo acceperant, maiorque pars venit Benjamin, ita ut, quinque partibus excederet. Genes. 43. Quid sibi vult ista Prælatio Benjamin? Quo aspectu cæteris in conuiuio antefertur? Vel enim, ut aliqui

Genes 43.

fentiunt, pro omnibus quinque misit fercula, ut bini, & bini comederent, & soli Benjamin alia quinque apponi præcepit, ut solus ipse quantum alij decem māducaret. Vel singulis pars una apposita est, ut soli comederēt. At verò Benjamin ferculis quinquies duplicatis reficitur. Ita quod ipsius pars singulorum partes duplicato quinquies numero excederet. Quilibet tamen ratione id acciderit, mirandum est, quòd tam notabili excessu fratrem alijs minorē prætulerit. Sed forsā idē hoc fecit Ioseph, quia Benjamin germanus frater erat, & uterinus, eodē parente, genetriceq. progenitus, & ipsi reliquis coniunctior: ex quo orta est conuiuij prærogatiua. Itaq. strictior cognationis vnio, & maior animorum, & fors corporū similitudo, prælationis causa fuit; ut frater ætate minor natu maioribus præferretur. Christi frater erat Franciscus, ætate & professione minor, ipsi tamen per amoris transformationē coniunctior, ac similiior: Cui propterea quinque præ ceteris partes dedit, hoc est sacris stigmatibus decorauit; ut qui interiorius animo similitudinem iam habebat; quinque plagas in corpore ostentans, exterius similis monstraretur. Hæc autem similitudo exigebat, ut fratris possessionem adiret, & ipsi in thalamo succederet, priorisque sponsi loco terram illam obtineret, in qua mortui fratris semen suscitaret. Ergo iure fraternitatis, ob quam B. Franciscus præ ceteris Christo coniunctior, & similiior extitit, Terræ sanctæ possessio ei debita videbatur. Et sanè cum illuc semel, iterumq. se contulit, ut iam in superioribus statuiamus, quid aliud egit? quàm terræ possessionem deambulando apprehendere, ut cum postea Soldani indulgentia Minoritis concedenda esset: non tantum Barbari illius gratia, quantum iuris paterni facta filiis restitutio videretur. Præter hoc fraternitatis ius aliud etiam habuit Franciscus propter quod Terræ sanctę possessio ipsi debebatur.

Inter successionis modos, numeratur successio per representationem personæ, cui succedendum est. Hæc autem representatio fuit in B. Francisco qui veluti filius Christi dilectissimus, illum similitudine, & propinquitate representabat,

bat, & ideo hereditatis ipsius fieri successor debuerat. Fráctico enim superflite ob perfectæ similitudinis rationem; & si Christus Dominus mortuus fuit, quasi tamen non moreretur reputandus est, qui talem post se filium ita dilectum, & similem reliquit. Quemadmodum de illo alio pagina sacra refert Ecclef. 3. *Mortuus est pater eius, & quasi non est mortuus, similem enim reliquit filium post se.* Cui meritò Patris hæreditas traditur, quia æquum est, ut qui vitæ similitudine ipsum repræsentat, & quasi viuentem sustentat, ipsius hæreditatem possideat, ut qui vitam quasi donare videtur, mutua vicissitudinæ hæreditatem accipiat. Plures huius possessionis obtinendæ rationes supersunt; & alij finēs respiciendi à Sede Apostolica, & Sacra Congregatione de Propaganda Fide considerati inferiùs proponuntur; quibus stabilitum adhuc sanctorum locorum ius, Minoritis quasi hereditarium esse comprobatur. Fauer possessioni à nostratibus obtentæ viri eruditissimi ex sac. Ordine S. Dominici iudicium; Nam in libro, cui titulus est. *Vox Turturis*, hæc habet cap. 24. in fine: *Congruè pro Terra sancta Seraphicos Fratres Dominus elegit, cum enim Terra sancta domus Dei sit, & porta celi, eos ministros habere debebat, qui nomine, & re Seraphim ardentes celi incolas imitarentur; custodia fascium infantie Saluatoris ijs debebatur, qui altissimam paupertatem profitentur; Sepulchri possessio erat consignanda (cum cæteris locis ubi memorabilia actionum Christi Domini recensentur) ijs qui illius Religionem profitentur, in cuius carne eiusdem Christi Crucifixi vestigia sunt impressa, Oliueti cum Valle Iosaphat assignanda eisdem domus erat ubi iudicij promptissimos habebit pauperes iudicatueros duodecim Tribus Israel, unde quoque legimus, Iudicium est pauperum.*



CAPVT. VIII.

Plures proponuntur fines , propter quos Sedes Apostolica, & Reges Catholici Minoritas Obseruantes , Sanctorum locorum apud Hierosolymam Custodes solos, administratoresq. delegerunt .

PRæter assignatas in superioribus capitibus rationes; & ultra iacta ibi fundamenta , propter quæ necessarium fore stabiluimus , vt Minores in Terra sancta sacrificari illius thesauri custodes tenerentur : Alij quoque sese offerunt fines , quorum intuitu Pontifices, & Catholici Reges constanti decreto talium locorum curæ, administrationique Minoritas præ cæteris deputarunt .

Primus : quod sanctissimi illius thesauri possessio securior penes Ecclesiam remanebit, quamdiu sub Minorum custodia extiterit: Nec ita facilè cum magna Christianitatis iactura opprobrioque amittetur .

Secundus: Tributa , quæ pro conseruanda possessione Turcis persoluuntur minora sunt , & non ita excrecent , vt propterea sacratissimo thesauro spoliari contingat .

Tertius: vt largitores sint eleemosynæ , quæ apud Reges, & Christianos Principes, & Christi fideles colliguntur : proindeque eam summam attingant , quæ tributorum exactionibus, & expensis pro locorum conseruatione faciendis sufficiens habeatur .

Quartus , vt collectæ eleemosynæ fideliter tractentur , & securius Hierosolymam deferantur ; nec in aliquo præterquam in prædictis locis, eorūq. administratione insumantur .

Quintus, vt ea loca maiori, qua fieri potest veneratione habeantur ; ita quod nihil Religionis, & cultus in ijs desideretur quantum custodum ibi demorantiū status patitur, quos
admi-

admiranda paupertas, & Christi dum ibi vixit æmula non parum commendat. Quin etiam Apostolicæ vitæ professio, qua iuxta S. P. N. Francisci Regulam cap 6. Minores excellunt *in paupertate, & humilitate Domino famulantes*, iacti quondam ibi seminis fructus protulerunt.

Sextus, vt Ecclesia, & Sedes Apostolica talium locorum proprietatem, ac dominium penès se immediatè, ac directè detineant; quod, vt videbimus, non accidet, si alij præter Minores locorum possessores fieri permittantur.

Magnum habent pondus sex fines memorati: Vnde nisi in conseruanda Sanctorum locorum possessione respicietur, verendum est, nè Ecclesia optabili thesauro spoliatur. Et sane prædictos fines, vt plurimum non assequetur Ecclesia, nisi Minorum Religionis ministerio talibus locis præstito utatur, vt singulatim peculiarem cuique adaptantes rationem ostendemus.

§. PRIMVM.

Primi finis ab Ecclesia intenti conuenientia, necessitasque aperitur.

FInis primo loco intentus est securior sanctorum locorū possessio, quæ sub Minorum custodia non tanto amissionis periculo subijcitur. Dubium non est, quod ad finem hunc assequendum nullum præstantius mediū reperjatur, quàm si sanctorum locorum custodia Minoribus committatur. Quoniam Sultanus, & ferè omnes Saraceni Fratres Minoritas de Observantia maiori, quàm alios religiosæ vitæ professores beneuolentia prosequuntur. Quod adeò verum est, vt eos solummodo existiment Religiosos, quos viliter indutos pauperes, & diuitiarum contemptores inspiciunt. Et hinc sectæ suæ Religiosos æstimant: quoniam (alio licet affectu) nuditatem, pauperiem, & temporalium contemptum profitentur.

fitentur. Idcirco neminem alicubi Religiosum esse existimant Saraceni, nisi exteriori nuditate, & paupertate suis similem inspexerint. Atque hinc ingens ille affectus, & æstimatio prouenit, qua Turcæ Minores amore, & honore habent. Et proinde illos tantummodo sanctorum locorum uelint esse administratores. Nec noster in hoc nos fallit affectus, sed extraneorum vox isthæc est. Audire iuuat Grauinā sacri Ord. Dominicani in libro quem inscripsit. *Vox Turturis* c. 24. in fine, ubi ita. *Hoc vel ipsi hostes, & inimici demonstrant dum solam sacram hanc familiam nunc in Palestina degentem in monte Sion, in S. Sepulchro, in Bethlehem, Valle Iosaphat, Nazaret, Monte Oliueto, Bethania, Iordane pascunt, atque sustentant, non secus ac Corui Eliæ portionem ministrantes. sic enim decet omnem iustitiam, ut fide destituti faciant quoque verbum eius (quo etiam non solo pane uiuit homo) in obsequium eorum qui prædicant verbum eius, & fiat abundantia in turribus Domini, ut sustententur bellatores altissimi, & proprijs stipendijs pascant, qui arma, & sagittas aduersus eos dirigunt, ut prosterantur corda inimicorum Regis.*

Quamquam verò Christum Dominum, nec mori, nec pati potuisse Saraceni opinentur: attamen sepulchrum, & caluarix locum reuerenter etiam suspiciunt: quia falsò sibi persuadent, quòd cum Christus Dominus quædam in facie manu contigerit, suam illi similitudinē impressisse. Quod aduerentes Iudæi Christi hostes quoniam Deum occidere non poterant: hominem, cui suam Deus homo similitudinem indiderat, in patibulo suspendentes interfecerunt. Huius fabellæ meminit summus Pontifex Pius II. in Epist. ad Morbisfanum Turcarum Principem. *Negat, inquit; tua lex Christi necem, & alium suo loco interfectum existimat: nec Deum incarnatum cognoscit, neque crucifixum, aut mortuum.* Hæc venerandi sepulchri, & patibuli causa est, ob quam hæc loca tam impensè colunt, ut neminem ex Iudæis illuc intrare permittant: quinimo si quem intrātem, vel illac transeuntem aspexerint, statim illum de medio tollūt. Aliarum tamen Nationum homines loca illa venerari, & colere libenter sustinent,

Itaque

Itaque Saracenos eadem, quæ Ecclesiam cura tangit; vt Theſaurus ille ſacerrimus minime polluat, & ſi Turcarum ſtudio; & Eccleſiæ ſollicitudo ſit penitus diuerſa: omnes tamen Chriſtianos tangere oportebat. Hinc oritur, vt Saraceni (niſi fortè pecuniæ amor aliò impellat) Minoritas ſanctorum locorum adminiſtratores præ alijs eſſe conſentiant: quippe quos ad cultum, & reuerentiam locis exhibendam magis idoneos reputant Miniſtros.

Non deſuere tamen ex Saracenis, qui innumeris abominationibus, & ſpurcitijſ Terræ ſanctæ ſacraria repleuerunt, ſicut accidit anno Domini 1219. cum Coradinus Saphadini Sultani Aegypti filius Hieroſolymam inuaſit. Tunc enim, relatu indignum eſt, quot immunditijs ſanctiſſima noſtræ Redemptionis monumenta polluerint Mahumeti cultores; donec Minoritæ ſub hoc tempore intrarunt, & ſanctuarij poſſeſſores effecti omnem ſquallorem, & immunditiam abſtulerunt; Tartaroque infremente, veterem ſplendorem mundatis primum, & luſtratis de more locis reddiderunt. Nec ſemel tantum huiuſmodi abominationes in loco ſancto ſteſiſſe referuntur. Iterum, vt retulit Vrbanus II. in Concilio Claramontano, profanatum ſanctuarium, & Dei templum verſa ſunt in ſtabula, nec iam orationis domus, ſed latronum ſpeluncæ videbantur. Urbani verba ſunt: *Sancta Reſurrectionis Eccleſia, requies dormientis Domini, eorum ſœdabatur ſpurcitijs: loca venerabilia, quæ Dominum in carne ſuſceperunt hoſpitem, ſigna viderunt, ſenſerunt beneficia, facta ſunt gregum præſepia, ſtabula iumentorum.* Quo quid turpius, & funeſtius Chriſtianæ Reipublicæ potuit euenire? Quamquam Saraceni vt plurimum Chriſtum Dominum, & ſanctiſſimam eius Matrem aliquo cultu obſeruant: Prouidit tamen Deus Minoritas, qui loca macie deformata, & abominationibus polluta reformarunt, priſtinoque reſtituto cultu illa ſa, & intemerata conſeruant.

Cum igitur Minores in Saracenorum gratiam ſeſe inſinuauerint, & adeo magnâ apud eos probitatis exiſtimationem collegerint; Vt propterea ſanctorum locorum Cuſtodes, &

possessores fieri permiserint, quin per trecentum, & amplius annos quantumvis Græcorum calumnijs, & sollicitationibus multoties impetiti, inde amouerentur. Attendendum est an deficiente in ijs locis Minorum assistentia, illorum possessio penes Ecclesiam immobilis futura sit, nec ad alios transmittenda. Quod fors eueniet, & Græcis tradetur. Vnde à ratione alienum, bonoque regimini dissentaneum est, & finit ab Ecclesia intento penitus contrarium, vt sanctorum locorum administratio alijs commendetur. Nam si aliquid in hac parte nouum moliri contingat, & fratres à possessione arceantur: periculum certè imminet, vt sacratissimus ille thesaurus amittatur, & Turcæ, vel alijs tradant, vel in Mesquitas conuertant, vel turpibus, & profanis vsibus deputent: & fortè ad Ecclesiæ possessionem non amplius reuertentur.

Habent enim Turcæ faciles ad iracundiam motus, & leuissimis de causis concepto furoris igne excandescunt. Vnde templa nostra in suas conuertent Mesquitas, si quos ipsi custodes delegerant, & consentiebant, inde amoueri conspiciant: Quoniam apud suos religiosius quàm apud nostrates haberi sibi persuadebunt. Quemadmodum vero Conuentum montis Sion, vbi Dauidis sepulchrum arbitrabantur absconditum, à nostris abstulerunt anno 1559. vt referunt Annales ad Christi Annum 1342. nu. 21. & suis custodiendum ministris commendarunt: quia penes eorum curam, & vigilantiam securius esse existimabant. Sic etiam de alijs Conuentibus, & Ecclesijs disponent, & suis inhabitanda, committent; maxime si in Minores propensi, quorum non paruus est numerus, stimulante vindicta, id à Sultano fieri procurent. Quod si fiat, omnis spes illa iterum recuperandi intercitur. Atque adeo Ecclesia catholica loca sancta, prorsus amittet: Et fors nunquam amplius obtinebit quantumvis maximo ad recuperationem labore obnitatur. Absit verbo inuidia: non tamen iacturam vereri desinet, qui Solimani Sach epistolam ad Franciscum Galliæ Regem scriptam perlegerit: in qua Barbarus christianissimi, Regis petitionem de reddendo nostratibus Monte Sion, superba responsione

ne illuſit: Epiſtolæ tranſumptum reddo.

Tu Franciſce, dicebat, qui es Dominus Regionis Franciæ ſcripſiſti literas. notum faciens ad portam meam Imperialem felicem, potentiſſimamque aulam, atque palatium, ubi reſplendet immenſa iuſtitia, inæſtimabiliſque benignitas, caſum ſcilicet Eccleſiæ exiſtentis in circuitu nobilis Hieruſalem, quæ eſt una Imperij mei ciuitatum, quæ ab antiquo poſſeſſa fuit à natione honorati IEſu, poſtmodum autem facta Meſquita, quod ipſum optimè narraſti, & intellectum eſt. Quapropter amicitiam, & beneuolentiam, quæ eſt inter meam excelsam, maiestatem, & te; omnis petitiō tua eſt acceptabilis apud meam felicem magnificentiā. Nihilominus ex quō hoc non ſit ſimile poſſeſſioni, & æquum omnipotentie noſtræ, ſed caſus perti-nens ad fidem noſtram iuxta ſacroſanctum Mundi Creatoris mandatum, hominumque altoris: cuius gloria iuſta eſt lex honorati patris noſtri, quæ ſola in hoc & alio mundo eſt, ſit benedictus, & honoratus: Eccleſia illa, aut alius locus, qui tempore aliquo facta eſt Meſquita, aut Meſquite nomen tenet, & Muſulani in ea adorauerunt, legi noſtræ repugnat, & fidei, quod denuò deſtruatur, aut innouetur. Si fide noſtra permit-teretur, petitiō veſtra apud meam felicem liberalitatem non eſſet alterata. Hæc Selimanus, quæ ſi rectè perpendantur; irreparabilem fore ſanctorum locorum iacturam oſtendunt: ſi forſan indignatus propter Minoritarum amotionem, Eccleſias fecerit Meſquitas, & Muſulaniſ cuſtodiendas assignauerit. Cū verò Eccleſia ſecuram ſanctorum locorum poſſeſſionem habere ſtudeat, & ſecuritas ex Minorum in iſdem aſſiſtentia de-pendeat, vt non improbabili-ter conieci-mus, & experimento edocetur, necelle eſt, vt eos è prædictis locis amoueri non patia-tur.

Annal. an.
no 1342.
no. 53.

§. SECUNDVM.

*Finis secundus expeditur, cui strictissima Minorum
paupertas plurimum suffragatur.*

Secundus Ecclesiæ finis, quod tributa, quæ pro conseruanda possessione Turcis persoluantur, minora sunt, & non ita excrescent, vt propterea sacratissimo thesauro spoliari contingat. Præpositi finis congruitas pari ratione fulcitur: nimirum affectu, & æstimatione, qua Saraceni ob insignem paupertatem, vitæque Euangelicæ integritatem Minoritas prosequuntur. Et ideo non tam graua onera, & tributa imponunt, sicut alijs Religionibus imponerent, quæ temporalium possessionum redditibus perfruuntur. Etenim apprimè callent Fratres Minores omnimodam sectari paupertatem, Apostolicæ vitæ perfectionē æmulari, & ex collectis eleemosynis alimoniam queritare. Vnde licet insatiabili cupiditate flagrent, & tota animorum contentione aurum, & argentū conquirere studeāt. Nihilominus paupertas Minorum sitim hanc in Saracenis aliquiditer sedat, & moderatis contenti exactionibus non ita crudeliter emungunt. Vnde tributorum summa viginti, aut triginta aureorum millia non excedit: & forsan miliones exigenter, si Sacrosancta loca, penès alios tenerentur.

Hic autem pecuniæ colligendæ insatiatus amor cultu accenditur & veneratione, quam sacris nostræ Redemptionis trophæis Christiani impendunt, & Saraceni conspiciunt: In quo vinci à nostratibus sine rubore patiūtur. Pudor esset sanguineo lachrymarum profluvio expiādu, si Christianos Saraceni anteirent: Vincunt tamen Christiani, & vberiori cultu loca suspiciunt, in quibus humanæ Redēptionis Sacramēta Christus exercuit, quam Saraceni Mecam venerātur, vbi Mahumeti sepulchrum esse perhibetur. Quid ni ita fiet? Si quidem inter Christum Dei Filium, & Mahumetum naturę humanæ propudium infinita cernitur distantia, & in suo Alcorano Mahumetus Christo longè inferiorem se esse profiteretur.

tetur. Pulchra tamen est in hanc rem anthithesis illa Fratris Thomæ de Iesu in libello de *Procuranda salute omnium gentium* lib. 10. §. 3. ubi Christum Mahumeto opponens ita loquitur. *Conferamus Christum cum Mahumeto non ex nostra prædicatione, sed ex Alcorano, & Saracenorum Secta. Christus verbum Dei, Mahumetus homo merus; Christus Messias promissus Patribus, nunciatus ab Angelo Virgini Excellentissima: Mahumetus obscurus, & ignobilis: Christus semper sanctus, Mahumetus aliquando profanus, errabundus, & latro, ac idolorum cultor: Christus Doctor sapientissimus: Mahumetus omnis eruditionis prorsus expers, nec suum ipsius Alcoranum intelligens: Christus de se, & de suis certus, Mahumetus incertus, ut ipse in Alcorano confitetur. Christus viuens, vel, ut ipsi dicunt, raptus in cælum à Deo, vel ut nos, reductus in vitam: Mahumetus mortuus, & computresactus. Denique nec Mahumetus negat multò se esse inferiorem Iesu Christo.* Hactenus ille. Cum tamen hæc ita se habeant, Saraceni supra quam credibile est Mahumetum suspiciunt: tanque erga ipsum obsequiosos se præbent, ut magnas faciant expensas pro conseruanda Mecæ domo, in qua Mahumeti corpus esse, vel aliquando extitisse perhibetur:

Magnus Turcarū Sultanus duo milliones quotannis largitur, ut cum peregrinis ad inuisendū Mecæ domum proficiscētibz insumatur, qui inter viros ac mulieres septuaginta millium numerū transcēdunt. Et pro eorū custodia, & Arabū per quorū regiones iterfaciunt defensione sex mille equites stipendiarios alit. Si qui verò durante peregrinatione tam eundo, quàm redeundo enascatur, hoc magnæ felicitatis auspicio vertunt, nobilitatis priuilegio gaudent, & à soluendis impositionibus, ac tributis Sultani statuto liberantur. Hos vocant Xarifes, vel aliter pilei viridi fascia redimiti, & originem trahere creduntur à Mahumeto, quia in peregrinatione ad ipsius domū lucē hanc aspexerūt. Nec soli partus, sed etiā conceptus honorantur: Vnde qui inter peregrinandum concipiuntur, quauis itinere facto enasci contingat, iisdem priuilegijs, & immunitatibus gaudent.

Histor. Musul. Turcarū l. 12.

Alij præterea sunt religiosæ vitæ professores (Santones dicuntur) qui ad inuisendam Mecæ domum peregrinantur. Hi antequam domos repetant, candentem ferri laminam oculis admouent, vt repente excæcati, nihil amplius videant. Magnus est ita insanientium numerus; & indignum reputant, vt oculis, quibus Mahumeti viderant Mausoleum, aliquid vltius aspiciant.

Tam frequens Saracenorum erga Mahumetum cultus, tam liberale obsequium, & minimè parca deuotio, Christianorum (credo) æmulatio fuit, & nunc facta est sugillatio. Pudore enim affici debuissent Christiani suam in Iesu Christi Saluatoris nostri obsequio negligentiam aspicientes: cum Barbari turpitudinibus dediti, & ignorantix tenebris obcæcati, nullis parcant expensis; vt pseudopphetam vitæ infamia, & falsis suggestionibus detestandum; etiam cum incolumitatis periculo, & vitæ dispendio colant, impensiusque venerentur. Et reuera talis exitit impius ille Mahumetus, qualem D. Ioannes in Apocalypsi 13. Ecclesiæ persecutiones recensens proprijs coloribus depinxit; vt vir doctissimus Cardinalis Turrecremata cap. 1. contra Mahumeti errores adnotauit. *Vidi, inquit, aliam bestiam ascendentem de terra, & habebat cornua duo similia agni, & loquebatur sicut Draco: & potestatem prioris bestia omnem faciebat in conspectu eius. Et fecit terram, & inhabitantes in ea adorare bestiam primam, cuius curata est plaga mortis, & fecit signa magna, vt etiã ignem faceret è cælo descendere in terram in conspectu hominum. Et seduxit habitantes in terra propter signa, quæ data sunt illi facere in conspectu bestie; dicens habitantibus in terra, vt faciant imaginem bestie, quæ habet plagam gladij, & vixit. Et datum est illi, vt daret spiritum imagini bestie, & vt loquatur imago bestie: Et faciat, vt quicumque non adorauerint imaginem bestie occidantur.*

Cum verò Mahumetus talis, tamque abominandus existerit, vt in hac ipsius imaginè à Ioanne depicta fas est intueri: non dubitant Saraceni omnem ei cultum, venerationemque exhibere, & si eadem à nobis pro veri Dei cul-

tu exigissent; leuia, paruique momenti censerent tributa, quamuis à nobis grauissima reputarentur; vt nobis liceret sacrosancta loca, in quibus Dei filius, Cæli Dominus hominem induit, natus, mortuusque est, & reliqua humanæ redemptionis mysteria peregit, incolere, & sacratissima, tot beneficiorum monumenta venerari. Hanc tamen cupiditatem exigendique rationem paupertate sua, & humilitate cohibet seraphica Minorum Religio. Quod, spectata barbarorum insolentia, insatiabilique cupiditate, simillimum prodigio est, ac omnes hyperbolicæ orationis metas transgreditur. In re autem tanti ponderis, vel tenuissima periculi vmbra euitanda est, & studiosissimè cauendum, ne si Minores à Terra sancta discedant, alijque subintrent: Turcarum cupido accendatur, onera, & tributa sic excrescant, vt communiter loquendo Ecclesia non possit tam graue pondus sustinere, subindeque sacratissimum deperdat thesaurum, quo sub Minoritarum administratione tam longa annorum intercapedine perfruitur.

§. T E R T I V M.

Tertius Ecclesiæ finis declaratur.

Hic finis est, vt Eleemosynæ, quæ pro Terra sancta apud fideles colliguntur, ita numerosæ sint, vt tributa, & exactiones à Saracenis impositas adæquent. Ad hunc vero effectum Obseruantes Minoritæ præ cæteris aptiores iudicantur. Quippe qui apud omnes ferè Orbis nationes, gratia, & amore plurimum valent: & eximia quam profidentur rerum inopia, & nuditate fidelium subsidia, quasi iure aliquo sibi addicta promerentur. Nec quisquam ita inops inuenitur, vt panem cum Minoribus non partiatur: quini-
mo nullus stipem negare petentibus audet, quamuis postea ab alijs sit petiturus; vt diuturna probatum est experientia.

Prædi-

Prædiues sensus iste est, & maioratus amplissimus, quem S. P. N. Franciscus multimodè conquisitum filijs reliquit. Nulla tamen arte certius, quàm humilitate profundissima, rara, & peregrina paupertate, insolito, admirandoque rerum temporalium despectu, voluntatum Dominus euasit: Vnde illum non solum vt hominem diligebant, sed quasi Deum venerabantur. Hæc enim est paupertatis prerogatiua, vt hominem quasi Deum efficiat, & dignum cui omnes, vt Deo applaudere non dubitent. Hinc est illud poeticum.

*Aude hospes contemnere opes,
Et te quoque dignum finge Deo.*

Super omnia tamen adiunxit Christi similitudo, quæ in B. Francisco adeo magna fuit, vt natiuitate, vita, morte, Christum omnibus modis retulerit, quemadmodum in superioribus probatum reliquimus. Vnde qui Franciscum pauperem, humilem, penè nudum, & Christi plagis insignitum aspiceret: non poterat non ad miserationem inflecti, seque, vt ira loquar, euiscerare, vt homini opem ferret, in quo Christi pauperis, & plagati simulacrum intuebatur. Parum hoc est, maius aliquid ausim dicere: Prope esset propter indiscretam similitudinem, Christum & Franciscum, fratres esse vterinos, eodemque partu editos opinari. Atque adeo nihil petenti denegaret, sed omnia hilariter, & promptè largiretur. Et tantò (credo) promptius, quanto pluris facienda est Christi imago, virtutum coloribus, & stigmatum luminibus in Francisco depicta; quam si naturalem similitudinem ab utero extraxisset.

Plinius
lib. 7. c. 12.

Refert Plinius lib. 7. Naturalis historię c. 12. duos ætate sua iuuenes exstitisse, quorum tam perfecta fuit similitudo, vt etiã in minutissimis oris lineamentis, ac signis se in vicem repræsentarent. Et quicumque vnum viderat alium se vidisse arbitraretur. Alterum tulit Asia: Montibus Alpibus alter in lucem editus fuit. Hos igitur mercator nomine Forianus Mangó, tanquam eodem ventre prognatos, cuiusdam equiti Romano ingenti pecuniæ summa diuendidit.

Cæterum

Cæterum cùm alter Hetrusca, alter Asiatica lingua loqueretur; detecta fraude eos fratres non esse innotuit, & multò minus ex eodem vtero prodijisse. Quapropter Romanus cum mercatore exostulans de fraude, & pecuniæ summa, querebatur. Cui venditor respondit: propterea se tanti illos vendidisse; quia rarum erat, magisque admirandum, quod sic indiscretæ similitudinis existerent: cùm tamen nec fratres essent, nec ex eodem ventre progeniti. Plinij verba sunt: *Respondit versutus ingenij Mango, ob idipsum se tanti vendidisse, quoniam non esset mira similitudo in illis eodem vtero editis.*

Si Christus Dominus, & S. Franciscus patris, ac matris fraternitatem habuissent, aut eodem vtero editi essent, non ita mirandum videretur, quod tantam haberent similitudinem. Illud tamen mirabile est, quod Christus naturalis Dei filius, bonitatisque ipsius imago cùm sit, & Franciscus merus homo, & filius adoptivus, magna inter vtrumque similitudo reperitur; cui per stigmatum impressionem vltimam manum Christus addidit. In quo Ducum, & Imperatorum consuetudinē observans: parta de morte, & inferno victoria in B. Francisco suæ militiæ arma, hoc est stigmata constituit. Et sicut ex victoribus aliqui post adeptam victoriam spolia in bello acquisita ad templū, vel imaginem deferunt cui plus afficiuntur, nimirum Lauretanę Virginis, Montis Serrati, Guadalupęsis, & ibi ad victoriæ monumentū gratulabūdi suspendunt. Quod etiam ab antiquis militibus observatum memorat Ovidius.

Ovid. de
Trist. lib. 3
57.

Miles ut emeritis cùm primum cessat ab armis,

Ponit ad antiquos, quæ tulit arma lares.

Non aliter Christus post actum de suis hostibus triumphum, arma sua, victoriæque insignia, & triumphī monumenta in B. Francisco, cui ut suæ imagini plus afficiebatur, suspensa reliquit. Vnde magnum exurgit S. Francisci, ipsiusque sublimitatis elogium: Nam cùm totus penè Orbis ad Christi deuotionē aspires, ac eam certatim, & palàm profiteatur: Christus tamen Beati Francisci deuotum se prodidit, dum suæ illi contulit triumphī monumenta. Cùm autem Christiani

E c

videant

videant Franciscum summopere à Christo dilectum: Quid ni illum pariter diligant; & eius filios summa beneuolentia prosequantur?

Cantic. 1. Sponsæ dicebant olim ipsius amicæ, ac sodales: *Exultabimus, & letabimur in te memores vberum tuorum: recti diligunt te.* Canticor. 1. num. 3. Sicut D. Gregorius Nissenus Theodoretus, & Bernardus *serm. 24* in Cantica intelligunt. Et coheret septuaginta interpretum lectio, quæ habet. *Diligemus vbera tua super vinum, aquitas, seu rectitudo dilexit te.* Et tantundem valet, ac si dicerent: Amores tuos, o sponsa, festiuis plausibus, & acclamationibus celebrabimus. Amor enim vberum nomine significatur aptissime. Quinimò te ipsam super omnia iucunda, delectabiliaque adamabimus: & nostri amoris ratio, ac fundamentum erit: quia sponsus tuus, qui est ipsamet rectitudo, amore te complectitur ardentissimo. *Rectitudo dilexit te.* Igitur sponsi amor erga dilectam in causa erat, vt à Sodalibus diligere-

Greg. Nys. Pari ratione fideles animæ Christi ergà Franciscum dilectionem expendent; huiusque dilectionis oblectamenta, & fauores memoria reuersantes: Toto cordis impulsu ad Francisci amorem deferuntur; ea solum ratione, quod illum à Christo impensius diligere animaduertunt. *Rectitudo dilexit te.* Porro D. Gregorius Nyssenus Christum intelligit hac dicendi formula significatum. *Iesus autem, inquit, est rectitudo, quia in ipso quidquid est obliquum corrigitur, & deducitur ad rectitudinem:* Igitur Christiani cælestis aulæ instituta, moresque sequuti, cum videant Cæli Regem Francisci amore conflagrantem, & triumpho sui monumentis, hoc est, sacris stigmatibus decorum; non solum amant, sed in ipsius amore ad contentionem excellere student. *Diligemus vbera tua super vinum.* Nec gratuitum huiusmodi amorem, ac deuotionem existimant, sed quasi necessariam, dulcique, & violenta tyrannide expressam rependunt. Fallar nisi huc respexit S. Bonauentura in maiori legenda cap. 13. S. Franciscus locutus. *Iam enim propter stigmata Domini IESV,*

qua

quæ in corpore tuo portas, nemo debet tibi esse molestus: quin potius quilibet Christi seruus omni esse tenetur affectione donatus.

Hæc fidelium deuota propensio, & amor eximius, non solum Seraphicum parentem, sed eius etiam filios ob patris amorem complectitur. Vnde nullum pro eleemosyna ad ipsorum portas accedentem; vacuum abire patiuntur, quin pro viribus largissimè reficiant. Et voluntatem hanc non solum Deus custodit, sed insuper magnis beneficijs remunerat, & vberimis gratiarum donatiuis amplificat. Plena sunt exemplis historiarum monumenta, in quibus fauores eximij in Seraphicæ Religionis deuotos collati referuntur. Annales Minorum Veteris Poetæ carmina proferunt, vbi quatuor priuilegia continentur, quæ Christus in petra sedens, in qua Franciscus de more vesebatur in monte Aluernæ, & viro Dei familiariter locutus impertierat.

Annal. minor. anno 1224. n. 5.

Francisco fundente preces: (vix tempore multo

Mos innoleuit ei) celestis filius ipsum

Exultare iubet: Annuntio quatuor, inquit,

Dona superna tibi: stabit tuus ordo per æuum.

Nullus ibi frater, cui sit peruersa voluntas,

Stare diu poterit. Vix ordinis hostibus annos

Viueret dimidios prestabitur; Eius amici

Viuent, & vitam concludent sine beato

Plurimum verò rem hanc illustrat illa verborum Christi interpretato apud Matth. cap. 25. num. 40. quam adhibet

Author. conformitatum lib. 1. fruct. 8. p. 2. forsan à D. Bo-

nauentura desumptam. Nam cum extremo iudicio Chri-

stus eleemosynas pro ipsius amore pauperibus erogatas

Beatis gratulabundus recensebit: sic ipsemet Domino at-

testante loquetur. *Quod uni ex minoribus meis fecistis, mi-*

hi fecistis. Profectò minores isti, vt præfati Authores sen-

tiant, seraphici Parentis filij sunt: quos propterea Christus

minores suos appellat. *Ex minoribus meis*, vt fidelibus spe-

ciatim commendatos ostendat, & eleemosynam in ipsos

collatam, peculiari remunerationis prærogatiua in cælesti

Author. confer. lib. 1. fruct. 8.

Matth. 25.

beatitudine cumulandam manifestet. Ipsi enim Parentem suum Franciscum Christi imaginem, ac similitudinem numeris omnibus absolutam imitati, altissimam sequuntur paupertatem, & Apostolicæ vitæ instituta sectantur: vnde fidelium auxilia, & subuentiones illis videntur præ alijs commodanda.

Hic etiam adnotandum est; quod supremus mundi arbiter Christus cæleste Regnum aliquibus donaturus, nullum proferet obsequium præter eleemosynas, quas minoribus suis erogarunt. *Quod uni ex minoribus meis fecistis.* Cum, verò alios in Infernum detrudet, nullū peccatum, præterquā negatas minoribus eleemosynas obijciet: *Non dedistis mihi māducare, &c.* Quasi sola eleemosynarū largitio prædestinatis ad Regnum, & earum denegatio reprobis ad damnationem proficeret. Vt egregiè adnotauit S. Leo serm. 5. *Quasi, inquit, nec alias virtutes dextri, nec alias offensiones habeant sinistri. Sed illo magno, summoque iudicio tanti astringitur, vel largitatis benignitas, vel tenacitatis impietas; ut pro plenitudine omnium virtutum, & pro summa omnium commissorum, & per vnum bonum isti introducantur ad Regnum; & per vnum malum illi mittantur in ignem æternum.* Hæc ille.

Cum igitur magna sit fidelium erga Minores deuotio, & vberiores in eorum fauorem eleemosynas conferant, & certiores illarum remunerationem expectent, vtpote quas Christi, & Francisci Minoribus largiuntur. Et præsertim illæ, quæ sanctorum locorum administrationi deseruiunt:

Quæ loca cum Sacra Congregatio conseruare, & augere procurat, & vberiores ad hunc effectum,

eleemosynas colligi desiderat: quam maxi-

mè oportere planum est, vt Minores

ibiconseruet, & alios non patia-

tur talium locorum fieri

possessores.

§. Q V A R T V M.

Expenditur finis quartus ab Ecclesia propositus.

Quarto loco intenditur à Sede Apostolica, & Sacra Congregatione de propaganda fide, necnon à Regibus Catholicis, & Principibus, qui eleemosynarum subsidia largiuntur, ut magna in ijs recipiendis pariter, ac reddendis fidelitas interueniat: ita quod summa cum integritate Hierosolymā deferantur; nec aliquid pro expensis inde subtrahatur, nisi quod ad prædictum finem extiterit accommodatum. Et quidem ad huius intenti prosecutionē aptiores iudicant Minoritas: quippe qui spontanei rerum omnium abdicatores sunt, & strictiorem præ cæteris paupertatē Apostolicæ æmulam consecretantur. Vnde in victu, & vestitu minimos sumptus faciunt: In quo certior est rerū concreditarum fidelitas, quā subtrahēdi pro necessitatis reparatione stimulus non exagitat: Hoc argumento S. August. *lib. de amicitia* securiores, & firmiores esse pauperum, quā diuitum amicitias cōprobauit. Etenim pauperibus nulla superest expectatio quod alij alijs auxilio esse possint. Vnde mutuus amor in sola subiecti præstātia fundatus, radicatur firmitus, & diutius perseverat. Longe aliter indiuitibus euenit, quorum amor, & reciproca amicitie vicissitudo fouetur à lucro, & proprię commoditatis studio, quę sibi in cōtrahēdis amicitijs repromittunt. *Certiores* (inquit S. Doct.) *sunt amicitia inopum, quā diuitum: Cū spem lucri sic tollit paupertas, ut augeat charitatē.*

D. August.

Magna igitur ex paupertate incremēta suscipit charitas. Et quantum quis voluntaria rerum inopia minuitur, tantum charitatis magnitudine augetur. Est autem in tractandis rebus fidelitas propria charitatis prærogatiua; quæ ut asserit D. Paulus ad Corinth. 1. cap. 13. *Non agit perperam, non querit quæ sua sunt.* Ergo multo minus aliena, pro quorum appetitione fidelitas violatur. Hinc sequitur, ut qui pauperiores sunt, charitate seruentiores sint, &

Corinth. 1.

con-

consequenter maiorem habeant fidelitatem, quæ ad mensuram charitatis augetur. Exploratum verò est paupertatem, quam iuxta S. Francisci Regulam profitetur Minores, arctiorem esse quàm quæ ab alijs Ecclesiæ Religionibus obseruatur: quoniam simplicem tantummodo rerum vsum, & valde moderatum fratribus permittit: non aliter quam equo Domini ordeum conceditur: Vnde nullum subest periculum, vt desit fidelitas, vbi strictæ adeo paupertatis obseruantia perseuerat.

Et quidem inter omnes Religionum Patriarchas Christi Redemptoris nostri supremi Patriarchæ filios; qui in domo Iacob Regnum obtinuit, iuxta illud *Regnabit in domo Iacob in æternum*. Solus S. Franciscus Christi Beniamin, amantissimus Domini, præstantissimus diuinæ gratiæ partus, tertiam, & quintam supra cæteros partem obtinuit, plagarum videlicet quintam, & tertiam paupertatis, quas vnice dilexit, & filijs pro hæreditate reliquit; cap. 6. Regul. *Hæc est*, inquit, *illa celsitudo altissima paupertatis, quæ vos charissimos fratres meos hæredes, & Reges Regni celorum instituit: Pauperes rebus fecit, virtutibus sublimauit* Antea verò dixerat: *Fratres nihil sibi approprient, nec domum, nec locum, nec aliquam rem; sed tanquam peregrini, & aduenæ in hoc sæculo in paupertate, & humilitate Domino famulantes, vadant pro eleemosyna confidenter*. Perbellè Fratribus præcepit, vt ad conquirendam eleemosynam accederent confidenter: quia extrema paupertate sua oppignoratam habebant Dei prouidentiam minimè defuturam. Igitur illi amplius fideles habendi sunt, qui magis inopes, rerumque terrenarum affectione probantur expertes, quales esse Minores de Obseruantia, siue reformati sint, siue de familia cognoscuntur.

Non latuit Ecclesiam Minorum fidelitas: quippe cum ministros quæreretur, quibus magnæ fidelitatis negotia commendaret, Minoritas delegit, felicem negotiorum exitum sibi promittens. Multa suppetunt exempla, quibus Annales Minorum, & historiarum monumenta replentur.

Clariora sunt B. Iacobi de Marchia, & B. Ioannis Capistrani;

strani; quos Sedes Apostolica Commissarios instituit Cruciatæ autoritate concessa, vt eleemosynarum collectas instituere, atque ad Ecclesiæ vsum subsidia contra Turcas exigere possent. Quin etiam in vita B. Capistrani ad cap. 24. & 27. memoratur, qua ratione Calixtus III. Pontifex Maximus ob prædictum finem, Capistrano Cruciatæ Commissario à se instituto, Crucem manu propria tradiderit. Nec sua Pontificem fefellit spes: Tam vberes enim ex ea commissione fructus percepit Ioannes, vt sicut Aeneas Syluius postea Pius II. Pontifex doctissimus lib. de Europa cap. 8. recenset, supra quadraginta millia coegerit. *Ioannes Capistranus*, ait, *supra quadraginta millia Cruce signatorum congregauit.* *Eneas Syl.*

In ipso autem nostræ Religionis exordio Sancti Petri Cathedralam occupante Innocentio IV. post Concilium Lugdunense Nostrates Minoritæ Commissarij instituti sunt, ac in Hispaniam, Britanniam, Galliam amandati, autoritate præstita, vt subsidia, & collectas reciperent, quas prædictum Concilium pro Sedis Apost. subsidio necnon totius Ecclesiæ ordinauerat contra Federicum Imperatorem schismaticum, & eius filium Manfredum; qui Saracenorum factionibus Ecclesiam opprimebant. Omnia adamussim refert wadingus tom. 1. Annal. Minorum Anno 1247. num. 20. Et contra Matthæum Paris Britanum Anni illius Scriptorem, apertissimè probat.

Anno etiam 1236. memorat idem author quanti Gregorius IX. Pontifex maximus fecerit fratrem wilhelmum Minoritam ipsius pœnitentiarium, quem ad sancienda pacis fœdera, Legatum apud Galliarum Regem instituit. Hic igitur collectas, & nummos Pœnitentiariæ dispensabat. Vnde octo huius Pontificis Bullæ reperiuntur, quas instar cautionum ad wilhelmum dirigebat, præcipiens vt certam summam Imperatori, Episcopo, & alijs pro terræ sanctæ subsidio largiretur. Bullarum tenores summatim in Annalibus referuntur Anno 1238. num. 16.

Nec solum cum Ecclesiæ necessitas vrgeret, & Religio-

nis causa exigeret, Apostolica Sedes Minorum fidelitate
 usa est, sed (quod maius habet æstimationis momen-
 tum) sæpè alibi magni ponderis negotia commendauit.
 Notum est quando incipiente Sancti Petri fabrica sub Cle-
 mente VII. & Iulio II. Frater Franciscus Yenus Mediola-
 nensis, Commissarius Generalis Ordinis; & Frater An-
 gelus à Clauario author summæ Angelicæ, pluresque alij
 instituti fuerunt Commissarij, cum plenitudine potestatis,
 vt eleemosynas colligerent, & nummos; qui indicta fabrica
 expendebantur: sicut in varijs horum Pontificum Bullis cō-
 tinetur. Alia prætermitto exempla in historiarum volumi-
 nibus inspicienda.

Itaque experimento didicit Sedes Apostolica, quam
 germana societate in Minoritis paupertas Euangelica, & fi-
 delitas copulentur: & ob hanc causam aptiores reputauit,
 quibus loca sancta committeret, & expendendas ibidem
 eleemosynas imperaret. Quas tamen in ipsis locis non
 in mulabus, epiphij, & famulis insumunt: sed baculo in-
 nitentes pedestre iter arripiant, vel nauigio utcunque
 vecti propediem Hierosolymam pergunt: vbi pro solis
 ac veris, & necessarijs eorum locorum neces-
 sitatibus portatas eleemosynas expendunt.

Quod hac tempestate satis explora-
 tum etiam habet Sacra Con-
 gregatio de Propagan-
 da Fide; quæ ar-
 dentissimo stu-
 dio ad

conseruationem eorum locorum
 anhelat; & vt spiritualis Ec-
 clesiæ thesaurus serue-
 tur, vigilantissimè
 procurat.

§. QUINTVM.

Quintus Ecclesia finis exponitur.

FInis quinto, & ultimo loco ab Ecclesia intentus respicit cultum talibus locis impendendum. Vult enim ut ea loca maiori qua fieri possit veneratione habeantur, ita quod nihil Religionis, & cultus desideretur. At verò ad munus hoc conuenienter exercendum Minoritę præ ceteris iudicari debent præstantiores. Quoniam primus talium locorum dedicator IESVS, dum ibi vixit humilitatis magistrum se præbuit, & extremam coluit paupertatem, quarum virtutum studio iuxta Regulę suę professionem Minores excellent: *In paupertate, & humilitate Domino famulantes*; sicut c. 6. Regulę præscribitur. Deus enim, vult ut tali habitu ea loca frequentent custodes, colant, venerenturque, qualem Christus derulit, cum illa primùm sanctificauit: exemplum, & magisterium futuris thesauri spiritualis Terrę sanctę custodibus, & administratoribus relinquens.

Et quidem Christi habitus vilis, admodum extitit, ut Sanctus Thomas opusculo 19. cap. 81. scripsit, & iam antea id ipsum prædicauerat Sanctus Chrysostomus Homilia 34. in Ioannem. *In Palestina, inquit, ex duobus pannis vestes contexuerunt: quod significans Ioannes inquit de super contexta. Quod mihi dicere videtur, ut vestimentorum vilitatem ostenderet: nam quemadmodum in alijs omnibus ita in habitu vilem speciem præferebat.* Sicut habitu vilis, sic etiam ut plurimum discalceatus incedebat, sandalia nonnunquam adhibens pro temporis opportunitate. Quando Apostolis calceamenta prohibuit, ut vim adderet præcepto suo, nudis pedibus ambulabat, ut censuit D. Hieron. Epist. 22. ad Eustochium. *Moses, ait, & Iesus Naue nudis in sanctā Terram pedibus iubentur incedere, & discipuli sine calceamentorum onere & vinculis pellium ad prædicationē Euangelij destinātur, & mi-*

fites vestimentis IESV sorte diuisis, caligas non habuere quas tollerent: Nec enim habere poterat Dominus, quod prohibuerat seruis. D. Hieronymo assentitur S. Augustin. lib. 22. contra Faustum. S. Bonauentura, Lyranus, Abulensis, Carthusianus, & alij.

Quando autem Apostolis permisit; vt Sandalijs vterentur, vt constat ex cap. 6. Marci: *Præcepit eis, ne quid tollerent in via nisi virgam tantum non peram, non panem, neque in Zona es; sed calceatos sandalijs.* Ipse hoc etiam calceamenti genere vsus est. Quod docuit S. Gaudentius tract. 5. in Exod. dicens. *Non propter se calceatus est, sed propter nos, quoniam terra sustinere non poterat maiestatis eius nuda vestigia.* In eadem sententia fuit Barradas tom. 2. concor. ad c. 7. Luc. vbi exponens, quæ ratione Maria Magdalena Christi pedes in conuiuio ungere potuerit, si calceatos habebat, vt supposuisse videtur Ioannes Baptista, dicens: *Non sum dignus soluere corrigiam calceamenti eius;* hæc ait: *Respondere potest, Christum sandalijs vsus, quæ totum pedem minime contegunt, atque adeo potuisse sceminam aperias pedum partes perungere.* Et verò sandalia, vt habet Glossa ad illa verba Marci: *Calceatos sandalijs,* talem habent facturam, vt pedes nec omnino contegant, nec omni ex parte nudos relinquant. Verba glossæ dedit S. Bonauentura in Epist. ad Concionatorem aliter sentientem. *Vt neque pes tectus sit, neque nudus ad terram:* & ideo sandalia non reputantur calceamentum, quia hoc solum constat ex pedum operimento de corio facto, vt vt communiter fatentur Authores.

Hic Christi erat habitus vilis, & pauper; hoc calceamenti genus, quo nunquam utebatur, dum apud nos vixit, & Terram illam suo sanctificauit incessu. Hic idem est colore etiam, & vtilitate; vt diximus cap. 7. §. 2. ad Christi imitationem, & similitudinem habitus Sancti Francisci, quem filijs gestandum præcepit, dicens: *Et fratres vestimentis vilibus induantur.* Et insuper calceamentorum vsus vetuit. *Non debeant portare calceamenta.* Quod fratres in Terra sancta existentes rigidissime obseruant. Vnde omnes vilem

habi-

Ioan. E. 27.
Bernard.

Marci. 6.

habitu deferunt, & plerumque obsoletum, scissilem, ac magna ex parte resarcitum: alij nudis omnino pedibus incedunt: alij verò sandalia portant Christi, & Apostolorum exemplar securi: Quemadmodum enim Dominus IESVS, ipsiusque discipuli nudis pedibus, vel adhibitis ad summum sandalijs, quæ pedes propè nudos relinquebant, Terram illam perambularunt, suoque incessu sanctificatam, & omni veneratione colendam reddiderunt. Sic nostrates Minoritæ nefas ducunt si alio in ea habitu incedant, & loca illa ore potius lambenda, milliesque exolculanda, non nisi pedibus omnino, vel ex parte nudis contingant.

Quid ni hoc facient? quibus satis exploratum est Deum Moyse, & Iosue calceamenta soluere de pedibus præcepisse. *Solve, inquit, calceamenta de pedibus tuis: locus enim, in quo stas, Terra sancta est.* Quia non decebat ut Terram sanctam aliter quàm nudis pedibus cōtingerent, & ea pedum nuditate venerantes sanctitatē ipsius profiterentur. Porro Terra illa tunc temporis sancta dicebatur: quia ut ibi adnotavit Lipoman. in catena, pro theatro admirandę rubi ardētis visiois deferuij. Vel forsā, quia postea Christi in ea ambulātis incessu erat sanctificanda, & amplissimū exercēdi Redemptionis nostræ mysterijs theatrum præbitura. Si ergo iam tunc ob futuram Terræ sanctitatem, tanta ei veneratio debebatur, sicut ex D. Hieronymo dicebamus. *Moyse, & IESVS Nudis in sanctam Terram pedibus iubentur incedere.* Laudatissimū est Minoritarum institutum, qui Terram sanctam inhabitantes vili habitu, & pedum nuditate Christum & eius discipulos Terræ illius sanctificatores repræsentant. Et saluberrimum quinimo necessarium erit Ecclesiæ decretū, quo neminem, nisi talis instituti sectatorem, ad sacrorum locorum custodiam admittat. Cū etiam Saraceni venerationis ergo nudis illuc pedibus ingradientur, ut Patres nostri, qui ibi resident testes oculati referunt. Et pudor esset, ut Christiani, & multò magis Religiosi talium locorum Ministri calceati, & ampliter vestiti incederent, ubi Christus vixit, discalceatusque, & viliter indutus ambulabat. Magna deinde foret dis-

Exod. 3.
n. 5. Iosue
5. n. 16.

Lipomanus
in Catena.

D. Hiero-
nym. epist.
22 ad Eu-
stachium

sonantia, quando Terræ sanctæ custodes, & Thesauri illius administratores cū primario dedicatore suo IESV Redēptore nostro corporis habitu, & nuditate pedū non cohæreant, & fors hanc rûpiharmoniam nō sustinebit, vt faciliē credet, qui quod cum Heraclio Imperatore factum fuerit animaduertet.

Ergo Heraclius postquā pacis fœdera cū Siroe Persarū Rege iniijt, & Christi crucem recepit, quā Chosroas Sirois Pater quatuordecim annos captiuā detinuerat, felices bellorum euentus ad Deum retulit gratulabundus, & Redemptionis tropheū Hierosolymis iterū reponere instituit. Atque adeo Atalico spectandus ornatu solemni pompa, & cōeufantis vndique populi multitudinē stipatus, inter festiuas plaudentiū acclamationes, faciā vrbem ingredi moliebatur. Sed ecce tibi portæ propinquus constitit, nec vltra pedem mouere potuit. Reinouitate, & admiratione perculsus hærebat Heraclius: Nec quod caperet cōsiliū deliberabat. Tūc Zacharias Patriarcha Hierosolymitanus, qui in eo triumpho Imperatorem à latere comitabatur, causam insolitæ nouitatis aperuit, dicens. Exploratum tibi sit ò Heracli, quod hac via, per quam nunc incedere tentas, Christus habitu longe diuerso Crucem humeris deportauit: Ille enim veste vili, spinea corona, nudis pedibus incedebat. Tu verò pretiosa veste indutus, regia corona redimitus, & calceatus incedis, talisque dissonantia Deo quam maximè displicet. Placuit Imperatori cōsiliū, & statim purpuram abiecit, & coronā, calceamenta deposuit, & vestem humilem resumpsit: Tunc incēptum iter moliri cepit, felicissimeque absoluit, & Crucem in eodem loco, vnde Chosroas abstulerat triumphabūndus collocauit. Hinc apertissimè deducitur quā aptè vilis Minoritarum habitus, & pedum nuditas sacrorum locorū seruitio, & ministerio conueniat: Et quantum Christo Redēptori nostro displicebit, si alios cultu, & habitu sibi dissimiles illic aspexerit introductos. Forsan ante portā, quod Heraclio accidit cōsistētes hærebūt, nunquā intraturi donec vel pedē referant, & regrediātur, vel Minoritarū de obseruātia habitum assumant, Apostolicæque ipsorū vitæ instituta fœdētur.

§. SEXTVM.

Finis sextus producitur, videlicet, Ecclesiæ, Sedisque Apostolicæ proprietates, & dominium nunquam amouendum.

Magna quoque in proposito sine conuenientia se se offert, trutina æquali ponderanda, videlicet, Ecclesiæ, & Sedis Apostolicæ proprietates, ac dominium, quæ dum loca sancta penes Minoritas de Observantia constiterint, ad ipsam pertinebunt. Nam rerum omnium dominium, & proprietatem, quibus Minores videntur Nicolaus tertius a. 2. *Ad hæc fratres* Sedi Apostolicæ applicauit, prædecessoris sui Innocentij IV. decreto assentitus, qui res omnes ad Minoritarum usum spectantes in proprietatem, ac dominium Sedis Apostolicæ, & Romanæ Ecclesiæ iam receperat. Aliter verò se res haberet, si alij præter Minores ad locorum Terre sanctæ possessionem admitterentur: Quippè cum dominij, & proprietatis capaces existant, ad eos spectabit, atque adeò sub tali possessione thesaurus ille priuati, & particularis esse dominij censeretur. Nec Ecclesiæ, aut Sedis Apostolicæ directè, vt ita dicam, quatenus sic esset, penes se dominium, proprietatemque haberet. Vnde loca illa potius talium dicenda forent, ad quos dominium, & proprietates temporaliter loquendo spectat, quàm Ecclesiæ, vt de alijs rebus temporalibus iudicatur, quæ à dominij capacibus obtinentur. Secus tamen accidit in Minoribus: quamdiu sanctorum locorum administratores, possessoresque extiterint, Sedes Apostolica, & Ecclesiæ illorum proprietates, & dominio potitur. Hinc est, vt Sacra Congregatio de propaganda fide, Sedis Apostolicæ, & Ecclesiæ nomine sacrosancta loca Redemptoris tropheæ, dulcemque sponsi memoriam, tanquam rem propriam teneat, gubernetque. Et Minores tanquam Administratores, & Theauri, cuius habet dominium, Custodes protegat, & omni studio tueatur.

Nec

Nec sola hic æstimanda est dominij prerogatiua, qua Minoribus loca sancta administrantibus Ecclesia perfruitur: sed aliud è tali dominio succrescens gloriæ præstatoris elogium: Nimirum ut loca illa sub Ecclesiæ dominio & proprietate consistentia omnium fidelium quodā modo sint, ad omnesq. spectent: Quod non esset si intra priuati cuiusdam dominij limites clauderentur. Et quidem necessarium est, ut loca, in quibus peracta sunt Redēptionis mysteria, & Hierusalem cælestis beatitudinis figura, Redemptionem, & beatitudinem, deriuata in omnes possessione representent.

Matth 17.

h. Petrum olim apud Thabor ignorantie teum, Euangelistæ redarguerunt, quia dixerat: *Faciamus hic tria tabernacula tibi, & Moysi, & Elie.* Et merito ait Dominus Bernardus serm. de vita solitaria redarguitur. *Nesciens quid diceret: quia visa Dei maiestate, comitūne horum intra priuatam suam visus est contulisse: & quo omnes frui debebant, ipse solus frui curabat.* Iniuria beatitudini fieri videbatur, si quod omnibus destinatum erat, tribus tantum concedi procuraret. Ausim dicere sacris Hierosolymæ locis iniurius esset, qui eos intra priuati dominij terminos concludere intentaret, ut qui sub Ecclesiæ dominio, ac proprietate ad omnes videntur fideles pertinere: cum inde transierint, paucorum esse reputabuntur. Et sub Fratrum Minorum administratione repositis, de terrena hac Hierusalē sub Ecclesiæ dominio constituta dici poterit, quod de cælesti dixit egregiè S. Augustinus in Psalm. 83. *Possident Hierusalem cælestem sine angustia, sine pressura, sine diuersitate & diuisione limitum: omnes habent eam, & singuli habent totam non angustat frater fratrem.*

Iam verò, qui sanctorum locorum dominium mediante Minoritarum possessione penès Ecclesiam positum contrahere niteretur illam Ruperti conquestionem non effugeret. qui lib. 11. in Ioan. iustissima indignatione in Judam proditorem inuehitur, eo quod Christum omnium Redemptorē quasi suum vendiderit, & sibi soli profuturum destinauerit. *O magnifica, inquit, supplantatoris perversitas, qui vniuersalem*

lem nostræ salutis hostiam, sic quasi suum peculium, possessionem Mundi venalem proposuit. Loca autem illa minime venalia sunt, quamquam pro eorum administratione ad redimendam Turcarum tyrannidem, magna pecuniarum quantitas expendatur. Si quis tamen inter fideles oblatiis nummis ad sanctorum locorum possessionem, dominiumque anhelat, & quod participatione communi ad omnes pertinet, intra priuati iuris limites circumscribere statueret. Is iure optimo proditoris Iudæ censura feriendus erit, & tanquam diuinæ bonitatis offensor ab Ecclesia propellendus.

His sex finibus hætenus recensitis, tanquam firmissimis totidem columnis sanctorum locorum possessio penes Minores sustentatur. Quos Sedes Apostolica respiciens, inconcussam omnino possessionem reddere procurat: Quamquam Græci, ut iam dicemus, solita fraudulentia tentarint euertere. Ad quod fomitem subministrat inuidia, cuius facibus incensi ægerrimè sustinent, ut Guardianus Hierosolymæ in publicis actionibus principem locum inter Prælatos Orientales tanquam Sedis Apostolicæ Commissarius sibi vendicet, cum pontificalibus indutus ornamentis sacros ritus, & cerimonias incredibili pompa, & apparatu Turcis admirantibus peragit. Ex quo Ecclesiæ Romanæ dignitas, & præcedentia stabilitur. Nam stantibus illic Minoritis, quibus ut antiquioribus Terræ sanctæ possessoribus præcedentia, & antiquitatis prærogatiua concessa est, ad Romanam Ecclesiam pertinēbit. Et forsan intrantibus alijs, periclitabitur: Si enim Græci possessores se videant, alios præcedere reposcent, & obtentam semel præcedentiam nunquam demittent.

CAPVT IX.

*Fallax Græcorum astutia, dolo, & pretio, quadam ex
Sanctis Locis à Minoribus terno iam auro possessa
pro aliquod tempus obtinuit.*

Dolis semper abundans Græcia, & fallacijs foecundissima exitit. Vnde Græca fides, & punica pari dolo & infidelitatis infamia laborant: & quod aperta veritate consequi desperant, coniecta fraudibus arte obtinere nituntur. Hac præmunitus dolositate Germanus Hierosolymæ Antistes, ingentique pecuniarum summa apud Moscouiam collecta onustus, urbem ingressus est anno 1634. & duas portas, quibus in Præsepe Bethlehem aditus patet, in die Natiuitatis Christi sibi referendas procurauit, vt per vnam cum peregrinis gentis suæ ingrederetur, & per aliam exiret. Parum namque honestum dicitabat, vt tantus Patriarcha eadem, per quam intrauerat, porta egrederetur. Hoc prætense authoritatis colore Græcus suam occultauit astutiam, & planè Constantinopoli cum esset negotium, illud tractauerat, & postmodum pacta pecunia absoluerat. Nam cum Nostrates Minoritæ ipsius conatui se opponerent, & eiusmodi portas nunquam aperiri solitas affirmarent: gnari prorsus, quod ijs semel apertis, de more gentis illius consuetudo enasceretur quæ amplius auferrinon posset. Magna vtrinq. certatum fuit contentione, & quamquam Græcus vehemèter institit: non tamen pepulit, nec obtinuit. Et ideo indignatione fremens, & pecunia fidens Constantinopolim regreditur, vbi rem felicissimè processuram confidebat. Quam benè ille alius alius apud Maronem dicebat. *Timeo Danaos & dona ferentes.* Formidabundus enim erat Patriarchæ aduentus quanquam non stipatus militibus veniebat, sed onustus auro, quod per medios ire satellites, & prærumpere amat saxa potentiùs ictu fulmineo. Primum ergo adoritur magnum Visier, & caput illo-

illorum quos dicunt Xerifes. Deinde alios Visieres, Agad Genisarorum, & alios præfectura, dignitateque insignes inuasit, quibus oloferica Damasceno opere contexta, vestes operosissimè elaboratas, & alia ad quadraginta scutorum millia donauit. Insuper Magno Soldano quadraginta mille aureos obrulit. Quo donatiuo, & oratoris Anglorum fauore tantum valuit, vt porticum Bethlehem, vbi est sanctuarium, cum omnibus capellis auferri à nostratibus impetrauerit, vno Conuentu excepto. Quin etiam in Ciuitate Sancta Hierusalem lapidem, in quo perunctum est Christi iam mortui corpus, & magnam habitationis partem, quam intra Sancti Sepulchri Ecclesiam Minores possidebant, ad Græcos transferri concessum est, & executioni demandatum in octaua Epiphaniæ anni supra indicati. Obtentâ à Græcis prædictorum locorum possessio duobus circiter annis durauit: donec detecta Græcorum falsitate ad primos redierunt possessores.

Igitur Minoritæ de locorum iacturâ merentes omnem adhibuerunt sollicitudinem, vt iterum recuperarent. Aduit votis Omnipotens, & certior factus Vrbanus VIII. Pontif. Optim. max. literas exhortatorias in forma Breuis ad Imperatorem, ad Catholicum Hispaniarum Regem, & alios Orbis Christiani Reges, ac Principes remisit, in quibus paterno affectu, vt verus Ecclesiæ Pater, ac Pontifex, addito verborum stimulo ad prædictorum locorum restaurationem incitauit. Tantum verò momenti habuit hæc Pontificis adhortatio, vt omnes auxilio esse sponderint. Anteuuit hac etiam re Philippi IV. Hispaniarum Regis Catholici pietas, cui, vt maximo Ecclesiæ propugnatori, & vel hoc solo titulo Hierosolymorum Regi clarissimo, summæ curæ est, vt loca illa, & Redemptionis nostræ trophæa promoueat, foueat, illæsaque conseruet: Et ideo hac occasione sexaginta aureorum millia spondit, & pro liberanda fide regia statim quadraginta rependit. Laudanda etiam est ingens

Hispanorū deuotio largissimis contributionibus attestata, ve in præsentī innotuit: quoniā Regiæ liberalitati nonnullis donariis accessio facta est. Neque hic sistet deuotionis, & largitatis flumen, sed quoties locorum sanctorum causa postulauerit vberimè decurret.

Pontificiæ pietatis æmulator Eminentissimus Dominus Cardinalis Barberinus S. R. E. Vicecancellarius, & totius Seraphicæ Religionis Protector vigilantissimus diuini honoris zelo efferuescens, & Christianæ dignitatis in talium locorum iactura periclitantis studio excitatus nihil intentatum reliquit, vt ablata à Minoribus Ecclesiæ Romanæ loca, iterum restituerentur. Et præterea largissimam concessit eleemosynam. quin etiam Eminentissimus Cardinalis Albornoꝝ Hispanus Terræ sanctæ Protector summo studio elaborabit, quantumque licuit in promouendo sacrorum locorum auxilio & conseruanda eorum possessione modis omnibus attendit, nihil quod prodesse potuisset ommissurus. Iam vero Sac. Congregatio de Propaganda fide mirum est quantum in hoc negotio laborauerit: Nihil ea tēpestāte ante oculos magis, quā talis iactura obseruabatur. idem omnium animus, idem studium, & ardor erat. Creberimæ fiebant consultationes: hoc vnum, & præcipuum in illis agebatur, vt locorum fieret restitutio. Deliberatum est mittendos ad Reges, & Christianos Principes Religiosos Minoritas, qui nomine Sedis Apostolicæ de restitutione agerent. Mittuntur plurimi, & omnes suo quisque loco legationem strenuè obierunt.

Dum hæc agebantur Nostrates, qui Hierosolymis aderant; apud vrbis Præfectos, & alios Sultani Ministros de Græcorum falsitate querebantur. Quippe qui productis instrumentis omnino falsis, & scripturis fraudulenter confectis possessionem obtinuerant. Et sanè Græcis familiare est, & iam olim fuit scripturas confingere. verè confectas abraderē, mendis aspergere, & falsitatibus deprauare. Quapropter Græcos scripturarum mures non iniurijs compellaue-
rim.

rim. Quemadmodū Marcionem eiusdem criminis reum non illepidē scripturarum murem dixit Tertullianus. Et D. Leo epist. 83. ad Palæstinos conqueritur de Græcis, quod epistolam suam ad Flavianum, se adhuc viuentē, corruerint. Sanctus Gregorius epistola 14. ad Narsē. Constantinopolitanos, & Synodi Chalcedonen. & Ephesinæ corruptores arguit, & eorum codices falsitatibus resperfos affirmat. Non est hoc Romanorum ingenium ait ibidem S. Pater, *Quia sicut non acumina, ita nec imposturas habent.* Postremò Nicolaus I. epistola ad Michaelē Imperatorem, de alia Adriani epistola locutus, quā à Græcis corruptam suspicatur, hæc ait, *Si tamen non falsata more Græcorum, sed sicut à Sede Apostolica missa est, penès Ecclesiam Constantinopolitanam hætenùs conseruatur.*

Plato.

Perbellè tamen Philosophorum Antistes veritatem Solem esse dixit fulgentissimum: quoniam elucet tandem, & falsitatum tenebras fugat, quinimo inter extraneos, ubi facilè est inimicos inuenire, de mendacijs triumphat, in ipsiusque inimicis suæ defensionis patrocinium reperit. Pro Minoritis stabat veritas, victoriaque stetit, quam Soldanus pronuntiata contra Græcos sententia confirmauit. Aliquas sententiæ clausulas latinè redditas genuinæ sinceritatis præconio laureatas hic infero. Sic etiam Græcus Patriarcha Hierosolymitanus, & ipse Religionis Christi constitutus intra Ecclesiam dictam Camame, hoc est sanctissimum Sepulchrum, & antrum Bethlehemicum, quod dicunt sanctissimum Præsepe, in quo natus est Redemptor vitæ Christus, & quidquid continetur intra magnam Ecclesiam tituli Sanctæ Mariæ in Bethlehem, & duæ clauēs portæ borealis, & portæ meridionalis. Item duo horti circumcirca. Quæ scripturas falsas producendo ad seipsos attinere prætendebant. Et fauore aliquorum ad interest priuatum attendentium, in formationibus contra veritatem productis, obtinuerunt mandatum Regium, cuius virtute prædictorum locorum possessionem per biennium habent. Nunc verò præsentatis per Fratres Francos instrumentis, & scri-

Zareth, & quemlibet locum ab ipsis possessum: Statuimus, ut in sua antiquitate conseruentur, quin amplius Græci, Armenij, aut alij Christiani illuc se intromittere audeant. Omnes verò lampades, & candelabra, que per Græcos, & alios in prædictis Ecclesijs collocata sunt, prorsus auferantur. Et si quid noui per eos factum, videlicet porticus, scalæ; inscriptiones extinguantur. Nec aliqua opponatur difficultas quominus Fratres Franci, ut solebant, lampades suas habeant, & ritus suos, ac cerimonias in quolibet loco exercent, præsertim in monte Caluarie, quemadmodum tempore præterito fecerunt. Item sicut antea Guardianus Fratrum Francorum in omnibus functionibus habebat præcedentiam: sic modo omnes præcedere debet absque ulla contradictione. Et quandiu prædicti Fratres Franci antiquis, & solitis contributionibus satisfecerint nulla eis molestia afferatur. Et quanquam Guardianus cum noua familia non veniat è terra Francorum, non exigetur contributio; Et licet aliqui menses decurrant ante aduentum nouæ familie: non proinde à Fratribus, qui ibi sunt contributiones exigentur. Quinimo tam ipsi, quam eorum Turcimani, & seruitores protegendi sunt, & defendendi. Quoties contra hoc signum meum Imperiale pro parte Græcorum ad alterandum aliquid, vel immutandum scripturæ fuerint præsentata statim de manibus portatorum auferantur, & ad meam felicem portam remittantur. Qui verò fuerit author, ut aliquid fiat contra hoc meum Imperiale signum in pœnam, & indignationem incurret. Datum Kalend. April. Anno 1636.

Publicata Sultani sententia Nostrates loca per biennium ipsis erepta receperunt, & per aliud biennium conseruabāt. Sed atrox Græcorum inuidia optata diu possessione frui nō permisit: Nam solitis fraudibus, & falsitatibus, quarum iniquo vtentes patrocinio omnia ita peragunt, ut ex animi sententia procedāt: Et quod apud Turcas plurimū valet, donatiuis Ministrorū animos commouerunt, quo Minores à locis
supra-

supradictis expellerent, & tandiu apud hos, & præcipuè apud Soldanum institerunt, vt duorum locorum possessio Græcis traderetur: Qui Minores in Terra sancta morari non sistent, ex quo Sacra Congregatio de Propaganda fide, quæ sedente Gregorio XV. incepit, & incredibili sollicitudine Infidelium conuersioni inuigilat, Missionarios ex Minoritis instituit, & Arabum linguam addiscere præcepit; vt in eas Regiones profecti Infideles ad fidem, & Schismaticos ad Romanæ Ecclesiæ obedientiam pertrahant. Et verò tam vberes ex hoc laudabili studio fructus percipiuntur, vt plurimæ, & magni momenti cōuersiones propè diem eueniant. In quibus Minoritæ qua prædicando, qua priuatis exhortationibus suadendo, in familiari, & quotidiano congressu gnauiter elaborant. Hæc Græcorum rabies, hæc noui furoris, & indignationis causa, & ingens contra Nostrates commotio: Saracenos ad fidem pertrahi, & suos ad Romanæ Ecclesiæ subiectionem transire impensius dolent. Antea Minores intra Conuentuum septa detenti orationi, sacrorum locorum cultui, & sibi attendebant. Nunc accedente Sacræ Congregationis imperio doctrinæ etiam attendunt, & animarum conuersioni student: vnde magnum apertum est fidei ostium, quod Græci ocludere omnibus modis nituntur, & ideo sanctorum locorum possessores fieri procurant, vt Minoribus inde eiectis, & in patriam reuertentibus, deficiente cultura crescant infidelitatis spinæ, & iactum fidei semen opprimant.

Quia tamen Græci probè agnoscunt sacrorum locorum possessionem apud ipsos non fore diuturnam, quia Turcarum insatiata cupiditas vsque ad sanguinem emungit, & exactiones multiplicat: quibus persoluendis Græcorum Religio impar est, nec ita facile apud eos pecuniarum collectæ fieri possunt. Vnde fors tam graui dispendio nollent pietati consulere, Religionis, & Dei parcissimi cultores, cum nostris, pietatis, & liberalitatis studio minimè conferendi. Quapropter Græcis licebit obijcere, quod olim Christianam laudans pietatem Gentilibus obiecit in Apologetico

Tertullianus, dicens: *Plus nostra misericordia insumit vicatim, quam Religio vestra templatim*. Deinde reueriti beneuolentiam, qua Minoritas à Saracenis completi intuentur, timent, vt obtentam possessionem amittant, & ad nostrates transferatur. Et ideo certas pactiones spondent, vt sub ijs mystica, & communis sit apud vtrosque prædictorum locorum possessio: Quod cum Sacræ Congregationi innotuisset: quamquam pactionibus assentiri minime placuit; attamen alia ratione Græcis satisfaciendum statuit. Ita quod ab intento desistant, & integra apud Minores prædictorum locorum possessio remaneat. Præclarum sanè decretum: nam sicut opprobrium esset, vt apud nos diuisus esset Christus, quod D. Paulus Corinthijs obiecit dicentibus: *Ego quidem sum Pauli: Ego autem Apollo: ego vero Cepha, ego autem Christi. Diuisus est Christus*. 1. Corint. 1. n. 12. sic etiam ignominiosum esset Christi loca, & Redemptionis nostræ monumenta inter Christianos Ecclesiæ Romanæ filios, & Græcos Christianorum contrarios, & eiusdem Ecclesiæ inimicos alterna quasi possessione diuidere: si vicissim in eo loco sua peragere officia traditis clauibus permetterentur. Porro quid aliud hoc esset? quam vt inter Græcos, & Minoritas diuisus esset Christus. Laudauit olim vniuersus Israel sapientiam Salomonis, eo quod litigantibus sæminis super infante, & vna vt diuideretur contendente, & altera vt integer remaneret postulante, Respondit Rex, & ait: *Date huic infantem viuum, & non occidatur: hæc enim est Mater eius*. Tertio Regum 3. num. 27. Pari ratione Græcis, & Minoritis super Sanctissimi Præsepis possessione contendentibus, Græci dicunt: Nec nobis, nec vobis integer maneat, sed diuidatur, & vtrisque alternis vicibus ritus suos, ac cerimonias de more peragere sit licitum: E contra Minoritæ ipsis solis tradendum proclamant, nec vllam cum Græcis commixtionem habere sustinent. Quid Sacra Congregatio? Tradite Religioni Seraphicæ integrum præsepe, in quo natus est Christus infans. *Hæc enim est Mater eius*. Hæc parentis sui Francisci meritis san-

Tertullianus.
in Apolo.

1. Cor. 1.
num. 12.

3. Reg. 3.
num. 27.

Æuarij illius possessionem obtinuit. Et sicuti filius nullibi
securius, & dulcius, quàm in matris pectore requiescit.

Ita sanctissimi præsepis, & aliorum locorum Terræ

sanctæ possessio nunquam ad cultum decentior,

nec ad securitatem firmior, quàm penes

Minoritas stabit, cum ipsis (nec va-

nus augur) ad Mundi finem

permansura.

Finis Primi Libri.



LIBER SECVNDVS

De his , quæ ad Guardianum Hierosolymitanum ; & Commissarios Terræ Sanctæ pro conquirendis inter fideles , & deportandis illuc eleemosynis deputatos spectant : Deque Minorum capacitate , quam ubique præsertim in locis sanctis habent , ut legatis sibi relictis potiantur .



IMMENSAS thesauri spiritualis opes , & cælestes supra Cræsi , Cræsi que opulentiam Terræ sanctæ diuitias : amabiles Christi ibi nascentis , viuentis , morientis delicias , Sancti Francisci cum Christo similitudinem , deliciarum fruitionem , primos ad loca sancta aditus , & quasi ius filijs inde conquæsitum , filiorum post parentem ingressum , possessionem , fundatos ibi Conuentus protulit liber primus . Noua ista dixerim an vetera ? Planè noua : & ideo de thesauro nostro vetera supersunt depromenda . Nam cælestis sponsa dilecto suo noua seruauit , & vetera ; vt à se inuitatum vtrisque delectabiliter reficiat : *Noua & vetera , dilecte mi seruauit tibi .* Canticor. 7. num. 13. Et in Matthæi Euangelio cap. 13. dicitur . *Omnis scriba doctus in Regno celorum similis est homini Patri familias , qui profert de thesauro suo noua , & vetera .* Eòdem profectò respiciunt

Canticor.

D. Matth.

Hh

sponsæ

sponsæ affectus, & scribæ studium: idem est veriusque thesaurus, ut apud D. Thomam in catena, censuit Diuus Hieronymus. Perbellè autem de thesauro proferre spondent, quia nihil prosunt Thesauri diuitiæ, quas arca infelix strangulat, nisi inde prudenter, liberaliterque despertiendæ proferantur. Ergo manifestata thesauri opulencia, Custodes ipsius, & opum dispensatores proferre necesse est, legesque & indulta, quibus in administrâdis opibus vtuntur aperire.

Primo Solymæ Guardianum legibus, & statutis instructum, immunitatibusque, & priuilegijs pro regimine adornatum depromam. Deinde Commissarios collectis destinatos, monitis, & documentis, eo muneri pernecessarijs insituum. Hæc sunt vetera, quæ nouis permixta de thesauro proferre ad sponsæ, & Patris familias æmulationem statuo. Hic planè est scribæ docti in Regno cælorum scopus, ut non solum poma noua, hoc est sponsi delicias, dulcedinem, amores nouitate commendabiles proponat: sed etiam Euangelij monita, & salubria ad instructionem suggerat documenta; Ut qui delicias amant, dulcedine capiuntur, amores sitiunt, documenta auscultent, monitionibusque erudiatur. In hoc (opere pretium, credo facturus) calamus, & stylum parumper defatigabo.

C A P V T I.

*Guardiani Montis Sion officium, dignitas, priuilegia;
& quanta sit ditionis amplitudo inculcatur.*

Primarius thesauri spiritualis Custos, & administrator est Hierosolymæ Guardianus, sacri Montis Sion Conuentus regimini prepositus: Quamquam ex hoc loco Aegyptum, totam Palæstinam, Syriam, & Soriā gubernet. Alij in diuersis Conuentibus Guardiani, præsidesque existunt: omnes tamen Hierosolymitano subsunt: Est enim eius familiæ Custos. Nec nostrates solum, sed etiam cuiuscunque status,

cus, & Ordinis Religiosi, & sæculares in omnibus illis partibus ei subijciuntur, & veluti superiorem, ac Prælatum recognoscunt: Quoniam Delegati Apostolici munus exercet: & multis præterea exemptionibus, & immunitatibus gaudet, quibus ampla ipsius iurisdictio, potestasque stabilitur. Quæ visa fuerint potiora ex suis authographis transumpta subijciemus; sed prius, quæ ad perficiendam Guardiani personam spectant, & primum de virtutibus quibus vitam suam distinguet, ornabitque tractabimus. Præbit maior omnium charitas, omnibus exhibenda.

§. PRIMVM.

Guardianus Hierosolymæ charitatem erga omnes, præsertim peregrinos illuc undiq. concurrentes exerceat.

MAgnum est charitatis artificium, & summa potentia: quoniam immensitatem æmulando cor hominis inflamat, nec tamen exedit, ipsiusque angustias ita dilatat: ut immensa terrarum spatia sua exæquet, vel superet latitudine. Cum ergo Solymæ Guardianus in Monte Sion, veluti quædam Ciuitas refugij positus existat, ut pauperes, & peregrinos diuersarum gentium, ac nationum ad ea loca concurrentes foueat, gratèque excipiat: necessum planè est, ut latissimos habeat cordis sinus, in quo omnes indiscriminatum hospitentur: & immensæ longitudinis brachia, quibus totum, si illuc eat, orbem complectatur. Hæc autem est charitatis prerogatiua, ut cor dilatet, brachiaque extendat: Idcirco Guardianum Hierosolymæ charitate feruentem opto: ita ut illud Apostoli ad Corinth. verè, & amanter dicat: *Os nostrum patet ad vos o Corinthij, cor nostrum dilatatum est.* Quasi diceret: cernitis quomodo patulo, & hianti ore apud vos incedam; ut suscepto aëre exæstuentes in corde flammam tēperem: & ardens amoris rogos cor ipsum ita dilatet, ut nō ampliora sint orbis latifundia. Omnes vos, nemine de-pto, intra cordis mei sinum recipiam, nec de loci angustia, &

intransiū, multitudine conquerar: *Non angustiamini in nobis.*

Hoc idem charitatis ingenium studiosè sibi comat Soly-
mæ Guardianus; hoc amoris incendio cor suum dilatat, vt
in illud omnes intrare possint peregrini, pauperes, infirmi,
nec loci angustiam sentiant. Præterea, quod excellentissime
charitatis est, plus ipsum pauperum nuditas, peregrinorum
inopia ægrotantiū infirmitas, quam ipsosmet patientes ex-
cruciet. Quod in D. Paulo mirificè extollit S. Chrysost. dū
ad Corinth. scriberet, dicens: *Quis infirmatur, & ego nō in-
firmor? Quis scandalizatur, & ego non vror?* Non parum certè
diceret, si dixisset: Quem veltrum inuasit infirmitas. cui non
compatiar, quem ægrotum nō doleam? Quem scandalū teti-
git, quo ego etiam tactus non fuerim? Plus tamen charitas
potuit, quæ non solum compassionem extudit, sed infirmita-
tem impressit: Et pro scādalo, quod alij sustinebant, adustio.
nem intulit. Ergo D. Chrysost. *Non dixit, & ego non molestia
afficior? sed ego non vror, vrendi verbo ostendere volens summū
dolorem. Et rursus scribens in alia Epistola, dicit: Sine nobis re-
gnauistis, & utinam regnauissetis. Et rursus: Nunc viuimus, sē
vos statis in Domino. Vide quantoperè studebat, vt res fratrum
se rectè haberent, qui nec viuere quidem se existimabat, si illi
non essent salui. Homo qui fuerat raptus ad tertium Cælum, &
delatus in Paradisum, & qui fuit particeps mysteriorum ineffa-
bilibium, & tantam apud Deum assecutus erat fiduciam: illorum
bonorum sensum non valde accipiebat, nisi etiam vidisset fra-
tres secum esse saluos. Sciebat enim aperte charitate nihil esse
maius, neque quod sit cum ea conferendum, nec ipsum quidem
martyrium, quod est summa bonorum. Nam charitas quidem
absque martyrio facit Christi discipulos: martyrium autem si-
ne charitate non potest hoc facere.* Hactenus ille.

Vt autem Guardianus huiusmodi charitatis officia exer-
ceat, multiplex apud Hierosolimam occasio sese offert: eo
maximè tempore cum plurimarum gentium, & nationum,
totiusque Ecclesiæ peregrini accedunt, quos mirum est,
quàm humaniter, & quali Christiani amoris demonstra-
tione nostri suscipiant, Igitur antequam Hierosolimam
accedant,

accedant, Guardianum sui aduentus admonent, qui illicò duos mittit Religiosos, vt ad Portam Damasci Peregrinos excepturi profiscantur (hac enim solummodo aditus ad Urbem licet) ne dum ibi se tenent, quousque *Baxa* intrandi licentiam remittat, fraudem aliquam, vel calumniam à Turcis sustineant.

Portata licentia ad Conuentum perducuntur; vbi in primo atrio consistentes à Turcis explorantur, an arma deferant. Guardianus, & alij in superiori atrij parte expectant, dum fit exploratio. Tunc temporis domus portæ Ecclesiæ vicina, vestitis serico parietibus iam ornata componitur, pauimentum stragulo opertum floribus aspergitur, in quo peluim odorata, & calida plenam constituunt. In Sacristia Cântores duo, totidem Cereoserarij, pro thuribulo, & Cruce alij duo, & Sacerdos alba, & stola indutus Guardianum procedentem comitaturi expectant. Ille amictum capiti imponit, superpellicum induit, & sericis funibus habitus manicas ad humeros retractim colligit; vt ablutionis officium facilius peragat. Mox peregrinus sursum adducitur, vbi omnes venientem salutant, incredibili amoris significatione amplectuntur, & ordine suo ad prædictam domum reportant, in qua è Græcis non pauci, & Maronitæ huius cerimonix spectatores adsunt, & omnibus cerei accensi porriguntur.

Domum ingressi, circumstantibus alijs, Peregrinus in cathedra sedet, ad cuius pedes Guardianus in genua prouolutus ablutionem incipit, cui præeunt duo cantores, Psalmum. *Latatus sum in his quæ dicta sunt mihi*, quarto quodam tono ita deuoto præcinentes, donec ablutio perficitur; vt penè omnes ex circumstantibus actionem illam Religiosæ humilitatis, & charitatis indicem lachrymis prosequantur.

Postquam lauit pedes Guardianus linteoque absterfit tenerrimo exosculatur affectu, sequuntur & alij fratres non impari deuotione oscula imprimentes; interim sacerdos, versus, & orationes eiusmodi ministerio cantu, & sensu accommodatas recitat. Peregrino dantur crepidæ, & cereus semilibris accensus, quem manu proferens ad latus

Guar-

Guardiani in processione per claustra deferunt, intonantibus interim Cantoribus *Te Deum laudamus*.

Cantum prosequentes in Ecclesiam ingrediuntur, ubi hymnodia cum versibus, & orationibus cantatur; Tria inuisunt altaria, Cœnæ videlicet, S. Thomæ, & Diuini Spiritus: Litanie B. Virginis dicuntur cum Antiphona. *Tota pulchra es*, & omnia ad gratiarum actionem pro felici in Terram sanctam aduentu referuntur. Tum Guardianus breuem habet concionem, in qua peregrinum admonet, qua deuotione conscientie puritate, & reuerentia loca illa sanctissima inuisere debeat, memor mysteriorum quæ ibi Redemptor noster exercuit.

Concione habita in triclinium cum fratribus pransurus adducitur. Podmodum in Hospitio collocant, ubi lectus, & cibus quandiu ibi manet abundanter ministratur: pro quo Religiosus quidam deputatur: & alter ut Sacramenta administret, sacras stationes percurrentem ducat, comite- turque. Illi autem qui pecuniarum vacui accedunt, nè infalutatis sanctuarijs mærentes decedant, pro eis tributa sol- uuntur, sine quibus nec loca inuisere, nec viuere sine fidei abiuratione Saraceni consentiunt. Si quos, dum illic de- morantur, egritudo corripit, sedulo curant, nudos vestimē- tis fouent, decessuris cibaria donant; ac ubi primum ad por- tum appellunt, ad Conuentum perducunt, cibo, lectoque reficiunt. Et quidem exercendis huiusmodi officijs ingens pecunie summa quotannis expenditur. Quodque amplius mirabere, non vni tantum, nec semel, sed innumeris pere- grinis propediem accedentibus idem, sicut diximus, obse- quium impeditur. Nec solis Ecclesiæ filijs, sed hæreticis, Theutonibus, & Anglis, qui illuc curiositate potius, quàm deuotione confluunt, æqua charitatis mensura prouidetur. Quo Romanæ Ecclesiæ benignitas mirificè extollitur, quæ non solum filios, & extraneos, sed etiam inimicos, sponsi sui Iesu amorem æmulando, amplexatur.

His ergo charitatis exercitijs intentus Solymæ Guardia- nus, qui fieri potest, ut ea qualiter decet ab eo exercentur: nisi

nisi totus sit Dei amore, & proximorum charitate succensus. Maximè cum hinc, cùm Turcarum insatiabili cupiditate, inde cum importuna pauperum peregrinorum necessitate sit colluctandum. Et vt, vtrisque satisfaciatur tributa soluendo, pauperibus opitulando, quadraginta circiter aureorum milia ex eleemosynis fidelium collecta singulis annis erogatur. Tales verò eleemosynę diuino conspectui gratissimę reputantur, vt postea dicemus.

Charitatis monitum prosequor, qua suadente non solum spiritualia peregrinis, sed etiam temporalia Guardianus procuret, D. Pauli secutus exemplum, qui ad foeminae vnius pauperulae subsidium sic attendebat, vt Tito scribens toti populo eam commendauerit, quod D. Chrysostomus maximi fecit, disertè que expendit in hunc modum. *Non in spiritualibus solum plurima sollicitudinis, ac prouidentiae suae documenta praestabat. Audi quomodo pro vna muliere ad vniuersum scribat populum: Commendo autem vobis Phæbem sororem meam quae est in ministerio Ecclesiae, quae est in Cenchris, vt eam suscipiatis in Domino dignam sanctis, & assistatis ei in negotio quocunque vestri indiguerit. Et iterum: Nostis ait domum Stephanae, vt & vos subditi sitis huiusmodi: & rursus, cognoscite quae huiusmodi sunt. Hæc ille. Nec alienum est à viris Religiosum statum profitentibus; vt se aliquando terrenis, & temporalibus, ac ad proximorum subuentionem immisceant: sicut egit pro Sunamitide Eliseus, cui non solum diuinum postulabat auxilium, sed etiam apud Regem gratiam promereri, & suum in Curia negotium gerere spondit: Ecce sedule, inquit, in omnibus ministrasti nobis. Quid vis faciam tibi? nunquid habes negotium? & vis vt loquar Regi, siue Principi militie? Quo exemplo D. Chrysost. stimulus addit ad sectanda huiusmodi charitatis officia, & vterius de D. Paulo locutus adiungit. Nec de viatico illorum quos euocabat curam gerere dedignatus est. Tito scribens, ait. Zenam legis peritum & Apollo sollicitè premitte, vt nihil illis desit &c. qui autem pro vno seruo fugituo Onesimo, & qui ex rebus Domini multa subtra-*

D. Chrysost.
Homil. 3.
de laudib.
Pauli.

3. Reg. 4.

D. Chrysost.
homilia 3.
de laudib.
Pauli.

herat

xerat integram omnique affectu plenam Epistolam ad Philemon. sine cunctatione composuit, qualis circa alios fuerit perpende. Vnum enim ille pudore dignum putauit aliquid scilicet pro cuiuslibet salute negligere. Propter hoc agebat omnia: Nec quidquam pro his, qui saluandi erant cunctabatur impendere: non verba, non pecunias, non corpus ipsum. Quoniam, inquit, libenter impendam, & super impendar ipse pro animabus vestris. Haftenus ille.

Satis superque exagerata Pauli charitas, memorata sollicitudine & studio videbatur. Quid amplius dicere poterat? Quam vt seipsum pro aliorum animabus impenderet. Anathema fieri cupiebat Roman. 9. Optabam anathema fieri à Christo; hoc est, ait eo loco Diuus Chrysostomus, carere aeterna remuneratione, & Christi priuari conspectu pro fratribus meis, qui sunt cognati mei secundum carnem, qui sunt Israelitæ. Optabat in Gehennam mitti & iudicium subire perpetuum pro eorum salute à quibus fuit sepe lapidatus, qui eum interficere contenderant, vt hi tantarum authores afflictionum per fidem corpori Christi iungerentur. Quis ita dilexit Christum? Si tamen hoc dilectione, & non amore maius est aliquid nuncupandum. Quæ tamen omnia anathemata optabat Apostolus, modo nulla sua culpa contigeret. En veræ & Christianæ charitatis speculum, ad quod intendens Guardianus ita se effingat, & componat, vt omnibus siue Christianis, siue Ethnicis, & Saracenis, siue Hæreticis, diuitibus, & egenis, Græcis, & Barbaris, prout suppetit facultas opituletur: omnia omnibus factus, non simulationis astu, sed compassionis affectu. Sic namque omnes lucrabitur Christo, maximè cum vitæ exemplo etiam Christi hostibus, aduersarijsq. præluxerit. De quo monitum aliud subiungo.

§. SECVNDVM.

*Solymæ Guardianus cunctis in Terra Sancta de-
gentibus forma factus prae luceat vita
exemplo.*

L Abitur abscedente forma in naturalibus composi-
tum: Et morum compositio in subditis deest, nisi
hæc in superioris vita tanquam doctrinæ, ac præceptorum
forma illucescat. Hinc est, vt Christus Dominus apud Mat-
thæum cap. 5. discipulos suos exhortatus, vt vitæ exemplo
clarescerent. pulcherrima lucis metaphora id expresse-
rit, dicens: *Sic luceat lux vestra coram hominibus vt videant ope-
ra vestra bona.* Itaque non tam voce, quàm visu Prælatos,
ac præceptores admonebat excellere, quibus subditi ad-
obedientiam, & doctrinam non tam aures, quàm oculos
accommodare consueuerunt, *vt videant*: Et planè lux ad vi-
sum ita conducit, vt si desit, oculi nihil videant. Cum igitur
Solymæ Guardianus in lucem illarum gentium datus, & ve-
luti forma fidelibus, qui ibi degunt ad imitandum constitu-
tus, sicuti D. Paulus ad Thessalon. 2. cap. 3. num. 9. dicebat:
Sed vt nosmetipsos formam daremus vobis ad imitandum nos.
Quam maximè decet, vt monitum illud Diui Bernardi. in
lib. de consideratione præ oculis habeat, adamussimque ob-
seruat. *Si totus, inquit, vis esse omnium, instar illius qui om-
nibus omnia factus est, laudo humanitatem, sed si plena sit.*
*Quomodo autem plena te excludit? Et tu homo es, ergo vt inte-
gra, & plena sit humanitas colligat & te intra se sinus*
*qui omnes recipit: alioquin quid tibi prodest iuxta ver-
bum Domini si vniuersos lucreris, te vnum perdas? Quare*
cum omnes te habeant, esto etiam tu ex habentibus vnus.
*Quid solus fraudaris munere tui? Vsquequo vadens spiri-
tus & non rediens? Vsquequo non recipis te, & ipse in-
ter alios voce tua? Sapientibus, & insipientibus debitores, &*

D. Math.

Bernard.

soli negas te tibi stultus, & sapiens, seruus, & liber, diues, & pauper, vir, & fœmina, senex, & iuuenis, clericus, & laicus, iustus, & impius omnes pariter participant te: omnes de fonte publico bibunt de pectore tuo, & tu seorsim sitiens stabis? Si maledictus, qui partem suam facit deteriorem, quid ille, qui se penitus fecit expertem. Hactenus ille in sui Pontificis adhortatione.

Pulcherrima sanè est hæc Diui Bernardi admonitio, & Guardianum Terræ sanctæ instruit (qui in illis partibus summi Pontificis, & Sedis Apostolicę nomine constitutus residet,) & veluti manu in viam dirigit, quam si teneat, & vitæ præsit exemplo muneris sui partes egregiè tueatur, à qua si deuiet monstrum formarum contrariarum diuersitate compactum euadet, quem tantum abest, vt fideles sequantur, vt potius & merito fugiant, abominenturque. *Nam cum forma gregis fieri debeat ex animo.* Sicut Apostolorum Princeps admonerat, in eo præsertim loco, vbi pro tota, vt ita dicam, Ecclesia positis talem se præbeat, qualem aspicientes ipsi conformes fieri studeant. Quis enim monstri formam induere non recusabit? Et ideo quantum voce formam impertiri fidelibus curet, tantum deformis sui ipsius conspectu auertet. Plus enim momenti habet adhortatio probis actionibus contestata, quam vocibus. Nouit hoc Seneca, & Epistola sexta disertè scripsit *Plus tibi, ait, viua vox, & conuictus, quam oratio proderit: primo quia homines plus oculis, quam auribus credunt: deinde quia longum est iter per præcepta, breue, & efficax per exempla: breue quia sine multa verborum circuitione, vt fit in concione, nec diffiniendo, aut diuidendo virtutis natura aperitur, sed potius eam exhibendo, & representando, vt exempli causa, si Casarem dicendo describere velis, longo sermone opus sit, neque eum tam perfecte pingere possis: sin verè ipsum sistas momento temporis ex ipso conspectu multò clarius & certius cognoscetur.* Præbeat ergo seipsum Guardianus optimarum actionum exemplum, vt quicumque ipsum incedentem viderint docentem, audiant. Planior enim via est qua operibus

ribus quisquam ad virtutem perducitur, quam exhortationibus: Et ideo prædicabat egregiè Sanctus Leo sermone de Sancto Laurentio, quòd quamquam *facilis ad exhortandum sit oratio, efficax ad suadendum: validiora tamen sunt exempla, quàm verba, & plenius est opere docere, quàm voce.*

Et quidem non solum nihil exhortando proficiet, sed nec ipse vitæ exemplo destitutus monita, & hortamenta suggerere audebit, erubescens, quod alijs suggestum eat vitæ integritatem, quam non exhibet. Atque adeo optima officij sui parte, nimirum exhortatione, destituetur, quam Diuus Paulus in superiore requirebat, Tito scribens, *ut potens sis exhortari in doctrina sana, & eos, qui contradicunt, arguere.* cap. i. nu. 9. At quo pudore dicitur ei:

Ad Tit.

hæc doce, & exhortare. 1. ad Timoth. 6. n. 2. vel. *Hæc loquere, & exhortare, & argue cum omni imperio.* Ad Titum 2. nu. 15. cum conscientia non exhibendi, quod admonet, mutum reddat & elinguem. Quinimo nec ipse admonere adorie-
tur. Nam ut lib. de patientia cap. i. docuit Tertullianus. *Oportet commendationem alicuius rei adorsos, ipsos prius in administratione eius rei deprehendi nè dicta factis deficientibus erubescant.* Porro hæc exemplo alijs prælucendi necessitas ex ipso Guardiani officio comprobatur. Quid agit Hierosolymis Guardianus? Ad quid ibi institutus, & Pontificis loco suffectus? Planè, ut fideles erudiat, erudiendo immutet in melius, infideles pertrahat ad fidem, & exuta perfidiæ vetustate in novas transferat creaturas. Quid? ut informes illie ad stantium mores, & deformatam sceleribus vitam exemplo vitæ suæ tanquam forma peruenisset. At quomodo hoc præstiterit nisi seipsum prius immutet, virtutibus exornet, & tanquam formam alijs imitandam proponat.

Ad Timot.

Magnum profectò Sacramentum in primo Christi miraculo absconditum est. Nam cum posset auspicanda suggestiæ magnitudini aliam eligere materiam: aquas tamen elegit, & in nuptijs Chana Galileæ mutavit in vinum. *Et hoc fecit initium signorum Iesus.* Ioannes 4. Sed cur aquis

hæc datur prærogatiua, vt ipsis primò ad suæ potentiaë ostensionem vtatur? Rem teneo Apostolorum isthæc erudio est, & omnium quotquot eorum loco postmodum suffiendi erant, qualem Hierosolymæ Guardianum, ibi tanquam formam fidelibus pariter, & infidelibus propositum recognosco. Qui ergo aquis paulò post daturus erat, vt homines per baptismum immutarent: Et qui in eas peccatores intrarent, iusti egrèderentur: Idcirco prius ipsæ mutantur, vt postea alios immutandi virtutem obtineant. Disertè dixit Hilarius Homilia 1. *Mutantur subito aqua homines postmodum mutatura*. Quod expendat seriò Guardianus quem admonitum velim operam perditurum, si fideles, & infideles, ad quorum institutionem, & curam Hierosolymis destinatus existit immutare obnitatur, nisi in seipso mutationem antea perfecerit. In illis locis sanctitatem spirantibus, vbi Christus nostræ Redemptionis mysteria, exercuit, vbi suo exemplo omnes, qui ibi postea victuri erant, constrinxit, vt alijs quorum instructioni perficiendi erant, vitæ puritate, modestia, integritateque præluceant suo muneri nequaquam satisfaciet Guardianus, nisi talium virtutum exemplo, quibus præest ad virtutum sequelam, præcurrat.

Breuem hanc de præstando alijs exemplo hortatiunculam memorabilis exempli narratione corroboro, & obfigno. Georgianos, vt refert Nicephorus lib. 8. cap. 34. vilis vna mulier & captiua, sed virtutum nobilitate clarissima moribus Christianis instruxit, & Ecclesiæ dedit. Hæc ante captiuitatem pudicè, castèque vixerat: in ipsa tamen captiuitate orationis studium auxit, & quanto amplius mentem rerum diuinarum contemplatione reficiebat, tanto asperius ieiunijs, vigilijs, assiduaque mortificatione corpus extenuabat. Admirabantur Barbari captiuaë modestiam, humilitatem, patientiam. Cumque insolitè asperitatis causas inquirerent: illa respondit, se eiusmodi afflictione corporis, & maceratione Christo Deo suo cultum exhibere. Stupent ad nominis nouitatem, non enim adhuc apud eos nominatus fuerat

fuerat Christus, foeminam tamen deinceps in honore habent. Interim mulier Regionis illius, infantem moriturum ad captiuam perduxit, vt ei mederetur. Illa paruulum suo tangens cilicio sanitati restituit: cuius rei fama, urbem impleuit, & palatij portas ingressa ægrotantem Reginam impulit, vt mendicando dolori, quo angebatur, captiuam ad se trahi præceperit. Adest, & Reginam sanitati priuam, & postea fidei Christianæ reddidit. Rex Reginæ suasionibus, diuinis miraculis, captivæ instructionibus fidem amplexus est: & conuocato populo fidei prædicatorem se præstitit. Ad Regis concionem incredibilis populi subsequitur acclamatio, & omnes vno ore Christianos fieri velle profitentur, sine mora Legati ad Constantinum Imperatorem mittuntur. Qui remgestam exponunt, Sacerdotesque, & Ministros exposcunt, vt inceptum à captiua opus perficiant. Mira sanè est exemplaris vitæ fortitudo: Siquidem vna sola foemina virtutum suarum forma Georgianos infidelitate deformes, Christiana fide efformauit: & immani quondam barbarie effertos salubri exhortatione demulsit, cælestique doctrina omnem antea cultum abhorrentes expoliuit. Quanto plura efficiet Guardianus Solymæ constitutus, si officij, & loci, in quo est

non immemor, Seipsum in omnibus præbeat exem-

plum bonorum operum, in doctrina, in integri-

tate, in grauitate verbum sanum irrope-

bensibile, vt is qui exaduerso est

verecatur, nihil habens malum

dicere de nobis. Quemad-

modum Apost. Titum

2. num. 7. adhor-

tabatur.

§. TERTIVM.

*Ad prudentia lumen actus omnes in custodiendo Terra
sancta thesauro, tractandaque animarum salu-
te Guardianus componat.*

Illam in Solymorum Guardiano prudentiam dirigendis actionibus non requiro, quam in rerum cognitione plurimi collocant: sed quæ à Sanctis Patribus discretio nuncupatur: estque, ut ipsi aiunt, lucidissima fulgoris lucerna, ad cuius splendorem homo actiones suas ita componit, ut intentum finem assequatur. Quinimò nulla virtus est, e qua humanarum actionum compositio magis quam e discretione dependeat: idcirco illam magnus Abbas Antonius apud

*Cassian.
collect. 2.*

Cassianum, virtutum matrem appellavit: & alij boni regiminis oculum dixerunt, sicut enim nihil est quod faciem, ita exornet, quam dispositio oculorum; ita nihil bonum regimen plusquam discretio illustrat, distinguitque. In caliginosa domo cuncta iacent inordinata, nec in quo loco quodlibet sit positum discernitur, donec lumen accedat, ad cuius splendorem componuntur, ornatumque accipiunt: Tenebricosum est, & obscurum sine discretione regimen, & magnis precipitijs obnoxium, utijs accidere solet, qui cæci sunt, vel in tenebris ambulant. Quapropter Christus Dominus apud Lucam cap. 11. Rectores admonebant, dicens; *Vide ergo ne lumen, quod in te est tenebrae sint.* Hoc est caue ne prudentia, vel discretionis lumen in te sit obscuratum. Tantundem enim in regimine discretio, quantum in corpore valet oculus, qui luderna corporis æstimamur. *Lucerna corporis tui est oculus tuus: si oculus tuus fuerit simplex, totum corpus tuum lucidum erit: si autem nequam fuerit, etiam corpus tuum tenebrosum erit.* Porro D. Gregorius apud D. Thom. in catena ad hunc locum corporis nomine humanas actiones interpretatur dicens. *Appellatione corporis unaqueque*

queque actio intelligitur, quæ ab intellectu per oculum ex Origenis, & D. Chrysostomi sententia significato illustratur, cum ipse prudentiæ, & discretionis lumine non destituitur, sed summa sagacitate latentes affectus penetrat, & actus omnes ad prudentiæ normam componit, ac moderatur.

Maximoperè ergo inuigilet Guardianus nè tenebrosus in eo sit prudentiæ oculus, & discretionis lumen extinguatur; alioquin totum regimen tenebrosum erit, & ipse millies in præcipitia relabatur, vt ijs vsuuenit qui erutis, vel obtectis oculis per abrupta deferuntur. Quapropter ante omnia vnus cuiusque gentis mores, ingenia, conditiones discernere studeat. Et ijs quantum fas est se attemperet, ad suique beneuolentiam alliciat. Quo fiet, vt thesaurum illum sacratissimum suæ custodiæ commissum conseruet, nec ex eo quidquam amittat, memor Dei ministrum fidelem, & prudentem esse debere: ideoque Salomonis sponsam imitetur, de qua ille in suo Epithalamio. *Nasus tuus sicut Turris libani, quæ respicit contra Damascum.* Quæ nasi metaphora vt censuit Theodoretus ipsius discretionem, ac in discernendis rebus singulis sagax iudicium commendauit. Et contra Damascum respicere affirmat, Ciuitatem Isaelitico populo contrariam, quia omnis inimicorum astutias, & insidias discutit, & rectissima discretionis trutina ponderat; vt quæ euitanda sunt effugiat, quæ amplectenda sequatur, quæque corrigenda discretionis sagacitate moderetur. In omnibus præcauens ne ab inopinata contrariorum uasricie capiatur. Nec modica est huiusmodi laus, nec paruifacienda, quoniam discretio principem, inter cæteras virtutes ad bonum regimen requisitas, locum sibi vendicat. Quinimò vt dicebat S. Bernardus serm. 49. in cantic. *Discretio non est tam virtus, quam quædam moderatrix, & auriga virtutum ordinatrixque affectum, & morum ductrix: Tolle hanc & virtus vitium erit, ipsaque affectio naturalis in perturbationem magis conuertetur, & exterminium natura.*

D. Bernard.

Meminerit igitur thesauri illius sanctissimi Custos, necessum sibi esse, vt nasum habeat similem turri, quæ respicit
contra

Contra Damascum: Hoc est, summa polleat sagacitate, & discretione, qua veluti naso omnes Turcarum dolos etiam abditissimos odoretur, omnes assultus prospiciat, quibus thesaurum depradari nituntur, & quasi in celsissima turri positus venturas Saracenorum fallacias, & perdendi artes detegat, calidissimèque anteuertat, quod monitum si quidam ex ipsius antecessoribus obseruaret, Porro Montis Sion irreparabilem iacturam nō pateremur: qui anno 1559. per vnus Guardiani imprudentiam nobis, & Ecclesiæ ereptus perhibetur, postquam per ducentos, & triginta circiter annos Minoritæ ipsius possessionem retinuerant. Et nisi magna discretio, peruigilque adhibeatur custodia, omnia per summam Turcarum dolositatem, & vafritiem à nobis eripientur.

a Magnus Vifer est primus post Imperatorem qui omnia Imperij negotia gubernet.

Assolent Turcarum primores nonnulli quoties negotiorum causa Constantinopolim eunt, vel illuc ob alios fines pergere constringuntur, ad resarciendos sumptus, quos in Curia detenti, cundoque, & redeundo fecerant, quædam à Magnò Vifer diplomata consequi, quorum vi pecuniæ summam suo arbitrio statutam à nostris exigunt, pœna imposita, vt nisi soluat, locus in diplomate assignatus eripietur: Certi quod nullis parceretur expensis, ne minimam scerrimi illius thesauri particulam amittamus. Veri in hac parte negotiatores euangelici, qui vt possessum, & intactum conferuamus thesaurum omnia perpeti, & agere licetque, non omnia, quibus iam renuntiauius, nosmet ipsos tamen vendere non dubitamus: Ergo Constantinopolim ibat Saracenus quidam: Iudæus itineris conscius, & promerendæ gratiæ cupidus iturum admonuit, vt in Soldani Curia mandatum obtineret, quo Montis Sion Conuentus à nostris auferretur. Cum enim ibi positum esset Dauidis sepulchrū, indecorum videbatur, vt tanti Regis, ac Prophetæ Mausolæum Francorum pedibus conculcicaretur. Itaque Religionis prætextu, & venerationis colore Iudæus suam inuidiam, Saraceno, hic suam Vifer cupiditatem occultare student. Pergit Iudæus, & iturientem alloquitur, si ita est, vt magnam optas

optas pecuniarum summam colligere, facilis ad quæstum via aperitur: mandatum consequere Regium, ut Franci à monte Sion expellantur: causa hoc prætextu exposita, quod ibi David sepulchrum existit, & habes tota quod mente petis: Quoniam Franci quidquid petieris dabunt, dummodo loci huius possessionem retineant. Annuit monenti, vadit, negotiatur: & Hierosolymam regressus, Guardianum montis Sion clanculum conuenit, mandatum exponit, duas sibi vestes sericas damasceno opere laboratas donari exposcit: quæ si dentur mandatum, ait, supprimam; si dare renuas, exequar, & vos hinc expellam. O quam vellem Guardianum hoc loco Turris instar nasutum contra Damascum respicietem, qui discretionis oculo Saraceni fallaciam discerneret, & deceptionem aspiceret: sed ille tenebrosus, quippe cui discretionis, & intelligentiæ lumen non affluserat, Turcam irrigit imprudens, irridendus ipse, & vituperandus, qui ne vestes daret, pretiosissimam thesauri sibi concediti suppellectilem amisit. Repulsus Turca spem vultu simulans recessit, iterum rediturus: nam post decem dies regreditur, causam exponit Guardiani, periculum amittendi loci manifestat, de vestibus paciscitur, & nisi donentur, mandati executionem minitatur. Cæcutit ad hæc Guardianus, & obsurdescit. Tantum imprudentia, & indiscretio nocet. Qua re indignatus Turca abiit, mandatum Regiis Ministris exponit: illi exequentur, nostros è monte Sion repellunt. Et Hierosolymitanum a Cadi illuc introducunt, utque eo in loco oraret exhortantur: quia cerimonia mesquita factus, & Mahumeto dicatus nusquam amplius ad Christianos poterat deuenire, & si multis aureorum millionibus redimi cõtenderetur. Mahumetica namque secta cautum est, ne locus in quo mesquita erat ad Christianorum Ecclesiam transferatur. Et ideo quavis postea Christiani Reges, ac Principes pro loci restitutione ad Soldanum literas demiserunt, sub Mesquitæ prætextu petitionem repulit, de quo in lib. 1. c. 8. §. 1. responsum Galliarum Regi datum inspicies. Ecce tibi mons Sion sanctuarium Urbis nobilissimum, vnius ob Guardiani imprudentiam

a Cadi Iudæus est
Provincia vel
ciuitatis.

Cassian.

à nostris ad Saracenos translatum, nec ultra restituendum. Inuigilet ergo Solymæ Guardianus Turcarum insidias ca-
beat, fraudulentiam formidet, intentoque discretionis oculo
recognoscat, & fugiat: illud quod minimum est amittere non
abnuens, he quod magnum habet momentum perdere con-
stringatur. Et quia discretio humilium est prærogatiua, sicut
dixit Cassianus: *Vera discretio non nisi vera humilitate con-*
quiritur, Deum suppliciter oret, ut discretionem ei largia-
tur, quatenus in eum iactari illud Euangelicum possit. *Fide-*
lis seruus, & prudens, quem constituit Dominus super familiam
suam.

Hæc ad tractandos Turcarum mores discretio requiri-
tur, sed quia præter hos cum hæbræis, hæreticis, & schisma-
ticis ibidem agitur in tractandis omnium moribus per no-
scendisque ingenijs, & naturæ propensionibus prudens sol-
licitudo adhibenda est, sollicitaque discretio. Atque adeo
molles animorum aditus exploret, & in eorum corda, quos
ad fidem pertrahere studet, paulatim se iusnuet, amore m-
vbique beneuolentiamque ostendens; ita quod non obstan-
te Religionis, morum, nationisque diuersitate amari se sen-
tiant. Quo fiet ut redament, amore namque prouocatur
amor. & nemo tam durus est, qui si amorem nolit impende-
re, abnuat rependere; Vnde doctrinam facile recipient, quæ
guttatim instillanda est, & non imbris more cæco impetu re-
fundenda.

Corinth. 1.
c. 9. nu. 20.
et 21.

Admonendus igitur Guardianus, ut in tractanda huius-
modi hominum conuersione illam Apostoli doctrinam ad
Corinthios 1. cap. 9. amplectatur. *Factus*, inquit, *sum Iudeis*
tanquam Iudeus, ut Iudeos lucrarer: ijs qui sub lege sunt, qua-
si sub lege essem, ut eos, qui sub lege sunt lucrifacerem: ijs, qui
sine lege erant, quasi sine lege essem; ut lucrifacerem eos qui si-
ne lege erant. Factus sum infirmis infirmus, ut infirmos luci-
facerem, omnibus omnia factus sum, ut omnes facerem sal-
uos. Non equidem in Iudæorum, ac gentilium mores abi-
bat Apostolus sed mirabili quadam discretionem simulando
se illis contemperabat, ut dum sibi similem intuebantur, di-
ligerent,

ligerent, & postea ad seipsum pertraheret. Non omnia statim abijcere contendebat, sed quosdam interim ritus, fidei substantiæ non repugnantes permittebat, per veniam supplicans disciplinam, vt postea Christianæ legis perfectissimos observatores redderet. Sic etiam Apostolos in ipso nascentis Ecclesiæ exordio fecisse compërimus.

Nouerit omnia, dissimulet multa non penitus fidei contraria, nonnulla etiam laudet, & quæ pro gentium moribus, naturaque ira sunt imbibita, & altè radicata, vt euelli non possint, dulcedine quadam, & dolo sancto vtens ad Apostoli imitationem dicentis: *Cum essem a stultus dolo vos cepi*; in alia quæ bona sunt, & fidei non contraria permittet. Quod iam olim D. Gregorius lib. 10. Regist. Epistol. 71. ad Melitum scribens, faciendum hortabatur. Rogatus enim ab Augustino Anglorum Archiepiscopo, an omnes Anglorum ritus amputandi essent cum primum ad fidem conuertebantur, vel aliqui dissimulandi, quos magna cum difficultate dimittebant; Et periculum aderat, vt fidem abijcerent, ita respondit: *Dicite Augustino Episcopo quod diu mecum de causa Anglorum cogitans tractavi, videlicet, quia sana idolorum destrui in eadem gente minime debeant, sed ipsa, quæ in eis sunt idola destruantur; vt dum gens ipsa eadem sana sua non videt destrui, de corde errorem deponat, & Deum verum cognoscens, & adorans, ad loca, quæ consuevit familiariter recurrat. Et qui boues solent multos sacrificio demonum occidere: debet his etiam de hac re aliqua solemnitas immutari, vt die dedicationis, vel natalitij Martyrum tabernacula sibi circa easdem Ecclesias, quæ ex sanis cõmutata sunt, de ramis arborum faciant, & Religionis conuiujs solemnitatem celebrent. Nec Diabolo iam animalia immolent, sed ad laudem Dei in esu suo animalia occidant, & donatori omnium de satietate sua gratias agant; vt dum ais aliqua exterius gaudia reseruantur, ad interiora gaudia consentire facilius valeant; Nam duris mentibus simul omnia abscindere impossibile esse non dubium est, quia is, qui locum summum ascendere nititur gradibus, vel passibus, non saltibus eleuatur; cuius etiam documentum exemplum*

2. Cor. 11.
an. 16.

D. Greg.

J. J. J.

profert in Israelitico populo Aegyptiorum sacrificiis assuetudo, quem Deus ab Idolorum cultu reuocans sacrificia uni Deo de pecudibus offerri imperauit. Haftenus Gregorius, cuius monitum salubre est, & tractandæ animarum conuersioni pernecessarium. Legat igitur ciebro, & obseruet Guardianus, cui de fortitudine, & patientia hortatiunculam adhibeo.

S. Q V A R T V M.

Ad laborum tolerantiam, & ipsum quoque martyrium sustinendum Montis Sion Guardianus fortitudine se communiat, & patientia obduret.

Nisquam magis fortitudine indigemus, quam dum in acie consistentes cum pugnacissimo hoste congregimur à quo si vincamur, & parcere nolit, sua utens victoria, multa necessum est tormenta, & opprobria pati, & ipsam quoque mortem sustinere. Benè igitur fortitudinis, & patientiæ Guardianum commonemus, quippe qui in acie constitutus cum Saracenis, & alijs fidei hostibus pugnam inuit assiduam, quos vincere non sperat, nec potest, nisi immo tus fortisque existat, & patienter toleret, illud Apostoli mente euoluens 1. ad Thessalon. 3. Nemo moueatur in tribulationibus istis: ipsi enim scitis quod in hoc positi sumus. Quid aliud est Guardianus Hierosolymæ, nisi persecutionum scopus, in quem Saraceni sagittas dirigunt, quem impetunt frangereque, & deijcere conantur. At ille immobilis, & infractus expectet. Nam si Crucem, & mortem oportuit pati Christum, & intrare in gloriam suam, quanto magis fideles, & seruos eius? Non enim est discipulus super magistrum, nec seruus super Dominum suum, & sic scriptum est per multas tribulationes oportet nos intrare in Regnum Dei: & Apostolus dicit: omnes qui pie volunt viuere in Christo IESV, persecutionem patient-

patientur. Et verò Guardianus montis Sion assiduè ibi persecutionibus concutitur. Etenim Saraceni nouas propè diem artes excogitant, quibus Nostrates opprimant, vt pecuniam quærant, vel locum, seu vitam adimant. Iam è Constantinopoli mandata reportant, nè nobis liceat transire per portam Betlehem, & cum illuceundum est, non nisi per hanc portam egredi possunt. Iam Cisterna Bethlehem auferri præcipitur, vt vel siti pereant, vel aquam pecuniarum summa redimant. Iterum hortulus domi contiguus, deinde fornax, tandem Crypta iuxta Sanctum Sepulchrum, in qua Nostrates dormiebant adimi contenditur. Eo solùm prætextu, vt numerata pecunia redimantur: vel si nolint redimere, prorsus amittant. Quinimo eò calamitatis deuenerunt, vt nec per vrbis vias ingredi permitterentur. Nec vnquam à nocendo cessant, sed innumeris quotidie vexationibus quæstus faciendi causa persequuntur. Inter hæc patientiæ exercitia, quid aget Guardianus patientia destitutus? Porro & seipsum, & commissum sibi thesaurum perderet. Tolerantia igitur se communiat, illud recolens: *In patientia vestra possidebitis animas vestras.*

Memorandum patientiæ reliquit exemplum P. Fr. Didacus à S. Seuerino montis Sion Guardianus. Nam cum anno 1628. die 30. Maij ad sanctam vrbem appulisset, & tributa Ministris de more solueret iuxtà quantitatem singulis præstitutam, qua non contentus Baxa^a trecentum insuper aureos sibi donandos contendebat. Guardianus inito cum discretis consilio obtulit, & ad prandium inuitauit, in quo hominem lautè, splendideque excepit, vt illius gratiam promereretur. Creuit tamen cum duplicata pecunia sitis, & quantitatem augeri desiderabat: quia tamen petere palàm timuit, vel erubuit, consilium suscepit, e quo Fratrum omnium interitus, & sanctorum locorum iactura sequeretur. Coactis namque nonnullis Magistratibus vrbis muros perlustrauit, & cum intra ruinosum fornicem muro contiguum propè montis Sion Conuentum quosdam lapides erutos inuenisset, Guardianum Conuentus, Procuratorem, &

a Baxa est
Gubern.
ciuit. vel
Regni.

Turci.

^a Baxa
Gubern.
ciuit. vel
Regni.

^b Turci-
man. est
linguæ In-
terpres.

Turcimanum accersiri iubet. Ad sunt illi, & coram populi, qui iam confluerat, multitudine prodicionis insimulantur: Eo quod murum paulatim subuertere intentabant, vt Christianorum exercitum introducerent, & urbem caperent; quo audito magnis clamoribus mortis supplicio afficiendos postulabat. Sed Baxa ^a qui cupiditatem satiare & aurum potius, quam Fratrum vitam inhiabat, ad filij sui petitionem, cum iam paratum esset suspendium, & Guardianus ad castraturam damnatus, Procuratorem, & Turcimanum ^b precepit catenis oneratos in carcerem obscurissimum detrudi, vbi per multos dies inedia & pædore penè consumpti iaceverunt: Quin è Nostratibus quisquam auxilio esset, aut saltem alloqui posset. Reseruatur Guardianus, vt coram patibulo positus, & vinctos data pecunia liberaret, & vitam suam redimeret. At ille patientia obduratus, & suspendium subire paratissimus sui oblitus de sociorum liberatione cogitabat, qui Superioris & Prælati exemplum sicuti ipsum admonuerunt, nè quidquam pro ijs è carcere eripiendis largiretur: quia martyrium, & atrocissima quæque tormenta perpeti cupiebant. Durauit per aliquot dies hæc tempestas, in qua Guardianus, & socij mortis sententiam executioni tradendam expectabant. Donec tranquillitas redijt & composito multis donatiuis negotio, quæ ad quinque aureorum millia excreuerunt: Vincti è carcere liberantur, & Guardianus vita donatur, quibus nihil iucundius, quam illius cursum martyrio consummare; vt repositam Martyribus in cælo coronam obtinerent.

Isai.

Cum igitur tot persecutionibus apud Hierosolymam Nostrates, & præcipue Guardianus opprimatur: cum flagris cædi, in carceres detrudi, iniurijs, & opprobrijs affici, & mortis supplicium minimo minus sustinere contingat, non importunè patientiæ monitum suggestimus. Talis quippe sit necessum est, vt cum Isaia dicat: *Dominus Deus auxiliator meus, ideo non sum confusus: ideo posui faciem meam vt petram durissimam* cap. 50. nu. 7. Non opto vt Guardianus, & alij Fratres temere & inconsulto martyrij occasionibus se obijciant.

obijciant. Hoc enim damnandum potius erit, quàm lau-
dandum: nam vt aſtruit Sanctus Thomas 2. 2. quaſtione
124. articulo 2. *Martyrium oblatum debet tolerari pa-*
tienter; ſed non debet quaeri, quia non debet dari occasio agen-
di iniuſte. Sat eſt Dei ſeruis, vt immobiles conſiſtant, in
ſignum poſiti cui contradicatur, quamquam aliquando pro-
ter animarum lucrum, vel fraternam charitatem martyrio
ſe prudenter ſubtrahere ſit laudabile, qua de re pulcherri-
ma eſt S. Iſidori excuſſio ad cap. 23. lib. ſententiarum. *Vir, s. 154.*
inquit, *Sanctus ultro ſe pro agone certaminis debet offerre,*
iuſtitia; ſed tamen agonis fructum videns vberriſimum, non
debet declinare laboris periculum. Quod ſi maior eſt labor,
quàm animarum lucrum, declinandus eſt labor, quem mini-
ſimum comitatur augmentum. Vtrumque enim ſecit Apoſto-
lus qui & periculis ſe ultro dedit, ubi maximum animarum
lucrum vidit, & ſapienter ſe periculo abſtulit, in quo potio-
rem laborem, quàm lucrum eſſe perſpexit: ultro ſe Paulus
apud Ephesum, periculis obtulit, quia potius periculum vi-
dit. Damasci autem ideo periculo ſubtraxit ſeipſum, quia,
nullum periculi ipſius arbitratus eſt fructum. Diſce quomodo
ad martyrium ſe offerat quiſque ultro, vel quomodo iuxta ſen-
tentiam Dei cingatur ab altero, & quo non vult ipſe ducatur.
Haſtenùs ille.

Tales itaque Dei Miniſtros, præſertim qui alijs præſunt
apud Hieroſolymam deſidero, vt patientiæ fortitudinem
addant: niſi enim patientia fortis infraſtaque extiterit, ita
quod nullis cedat aduerſitatibus, nullis frangatur tormen-
tis, & perſecutionibus ſuperetur, patientia dici nequit. Pro-
digioſum illud patientiæ, fortitudiniſque exemplum ſanctiſ-
ſimus Iob quaſi admirabundus, quod in carne fragili tot do-
lores, ac tormenta ſuſtinuiſſet. hunc in modum ſciſcitaba-
tur. *Nunquid caro mea ænea eſt?* Non ex carne ad dolores
& tormenta molli, ſed ex ære compoſitum vellem Montis
Sion Guardianum, & alios ibi commorantes, ita vt Chal-
cæterus, hoc eſt æneis præditus viſceribus dici poſſet, quem
admodum quidam olim ob fortitudinis prærogatiuam vo-
catus

D. August. catus est. Sed de calo fortitudo est, quam seruis suis Deus elargitur. Vnde est illud D. Augustini serm. de S. Laurentio. Dum fortis, & stabilis religiosi mentibus fundata mens, & aduersus omnes Zabuli terrores, & minas Mundi animus immobilis perstat, quem futurorum fides certa, & solida corroborat. Hac ergo solidatus, & roboratus ita se gerat, vt vel ibi moriens, vel alibi moriturus decedens, nobile hoc elogium in ære, cuius similitudinem patiando expressit, ad æternitatem sculptum mereatur. Et iste quidem hoc modo vita decessit non solum iuuenibus, sed & vniuersæ genti memoriam mortis suæ ad exemplum virtutis & fortitudinis relinquens.

*Gravin. l.
vox inter.
r. 1. c. 24. in
fine.*

Reliqui verò Religiosi Pastoris sui, & Prælati vestigijs insistentes ita se gerant, earundem virtutum exemplo clari, vt etiam ipsis conueniat illa minimè fuccata panegyris, qua doctus quidā ex Ordine Dominicano Fratres nostros Hierosolymæ degentes nobilitauit. *Vos certè Patres ministri verbi, adiutores Dei, oracula Spiritus sancti, qui tot in insulis editis mirabilibus Ecclesias fundastis, tot populos Apostolicis præditi virtutibus regitis, fidē Catholicam verbo exemplo, scripto, prædicationibus, disputationibus, & cum opus est membrorum vestrorum laceratione, & proprio cruore defenditis. Qui nihil possidentes omnia possidetis, Deum enim possidetis, facti & vos possessio Dei, quibus renunciantibus omnia, omnium rerum Conditor census, & hereditas fit. Quid ultra querere possunt, quibus omnia huius Conditor fit; aut quid ei sufficit, cui ipse non sufficit? Sed cum ipse solus ipsis sufficiat, omnibus renunciant, propter quæ diligitur Mundus; vt exclusa cupiditate Mundi diuina in eis charitas possit augeri, vel perfici, vnde tanquam leuis armatura milites ab omnibus implicamentis negotiorum secularium animos remouentes, caelestia sapiunt, terrena despiciunt, ijsque virtutibus, quibus in dies singulos, fiunt Deo propinquiore, incumbunt.*

§. Q V I N T V M.

Privilegia referuntur, quibus Montis Sion Guardianus summorum Pontificum concessione perfruitur.

Hierosolymitanorum Minoritarum persecutiones, & perpeſſas à Saracenis calamitates hæcenus inſpeximus: iam neceſſum eſt, ut in quo honoris, & dignitatis gradu à Sede Apoſtolica ſint conſtituti videamus. Præeminet omnium caput Montis Sion Guardianus, in quem primariò facultates, & priuilegia Pontifices contulerunt; Deinde in eos, qui inter Infideles degunt, & eorum cauſa ad Hieroſolymitanos ſpectant. Innumerum eſſet omnia ad longum recenſere: quapropter ſummatim ſolummodò referam, indicatis Pontificum nominibus, tempore conceſſionis, & ordine poſthabito, quoniam alieni laboris eſt, & parum noſtro inſtituto deſeruit.

1 Eugenius IV. conceſſit Fratribus, ut abſoluere poſſent à quibuſcunque caſibus, & excommunicationibus, ab Apoſtaſia, ab Infidelitate, à Schiſmate, & ab omnibus peccatis, præterquam à falſificatione Apoſtolicarum litterarum.

2 Clemens V. & Innocentius V. & Ioannes XII. Fratribus indulſerunt, ut in locis Infidelium baptizare poſſint, & diſpenſare.

3 Concedente Calixto III. licet Fratribus conſiteri Sacerdotibus ſæcularibus, ubi Fratrum copia non extiterit.

4 Poſſunt cum irregularibus diſpenſare; conceſſerunt hoc priuilegium Clemens V. Innocentius IV. Ioannes XXII & Gregorius XI.

5 Clemens V. Innocentius IV. Ioannes XXII. & Gregorius XI. facultatem conceſſerunt, ut Fratres diſpenſare poſſent in duodecim caſibus diſpenſatione indigentibus.

Poſſunt Chriſtianos malè viuentes expellere, ac per

Ecclesiasticam censuram cogere, vt egrediantur. Ita Clemens V. Innocentius IV. & Ioannes XX I.

7 Gregorius IX: Innocentius IV. Clemens V. & Ioannes XXII. concesserunt, vt Fratres in partibus Orientis possent noua loca recipere.

8 Iuxta concessionem Nicolai V. licet Fratribus extra statuta tempora à quocunque Episcopo Catholico Ordines suscipere.

9 Calixtus III. concessit, vt emere possent necessaria, pro necessitatibus occurrentibus, & quæ necessaria non essent vendere, aut commutare, & procuratores cogere ad computum.

10 Licet Fratribus vota commutare deßtis Hierosolymitano, visitationis liminum Apostolorum & Religionis: ita concesserunt Clemens V. Innocentius IV. & Ioannes XXII.

11 Possunt Fratres cum excommunicatis, hæreticis, schismaticis, & infidelibus communicare ex indulto Clemens V. Innocentij IV. Ioannis XXII.

12 Martinus V. & Calixtus III. concessit vt Fratres ante diem cum moderamine tamen celebrarent.

Hæc, & plura alia Fratribus qui inter infideles degunt communia priuilegia retulisse sit satis. Nunc quæ Guardiani specialia sunt apponam.

13 Guardianus montis Sion habet authoritatem Delegati in partibus Orientis ex Calixto III.

14 Guardianus potest dispensare in aliquibus super rigore Regulæ secundum loca, tempora, & necessitatem ex Calixto III.

15 Guardianus potest retinere apud se capsam eleemosynæ, concessit Calixtus III.

16 Guardianus Montis Sion potest ad se vocare Fratres voluntarios ex alijs Prouincijs absque consensu Ministrorum, ita concessit Calixtus III.

17 Guardianus ex eodem Calixto III. habet authoritatem super Sacerdotes sæculares, & laicos etiam.

Horum priuilegiorum tenores in Archiuio Hierosolymitano

tano asseruantur. Placuit tamen Breue Eugenij IV. hinc inferere, quia in eo quicquid dispersim alij Pontifices ipsius antecessores concesserant, ipse collegit, & nouo indulto plura addens priuilegia confirmauit.

*Sacra Religionis sub qua mundanis abie-
ctis illecebris, &c.*

ATtendentes igitur, quod vos qui in partibus præsertim Scythiæ regionalibus honorè, & propagationè Christiani nominis diligenter, & fideliter persecuti estis, & in dies proseguimini etiã in Scythia partibus, in quibus Paganorũ multitudo consistit. Ad quas partes suffulti auctoritate Apostolica pro lucrificandò Christiano animas, & innumerabiles populos Sanctæ matris Ecclesiæ gremio uniendo, dum tempus extiterit opportunum, sicut accepimus omni postposito timore libenter intenditis, seu aliqui vestrũ intendunt proficisci, & in Moldauia, in quibus tam a longis virus schismatis, quod adhuc nonnullos illarum partium populos, qui ad Ecclesiæ unitatem nuper redierunt, inficere non desinit, quam à paucis temporibus citra hæretica prauitatis, & potissimum Hystarum letifera pestis in maximum Christiana fidei detrimentum quàmplura germinarunt peruersa germina, quæ in dies nisi desuper abundè prouideatur abundantius succrescent. Ac in septem sedilibus Sicularum partibus, in quibus licet hæretica pestis huiusmodi notoriè non appareat: propter tamen Ecclesiasticarum personarum curæ animarum intendere debentium paucitatem, necnon Diæcesani nimiam distantiam ab iisdem populi quasi doctrinæ Christianæ fidei cum ibidem pauci, vel quasi nulli sint, qui in illis verbum Dei annuntient, in dies magis redduntur ignari. Pro fidei huiusmodi, necnon diuini cultus, & Religionis augmento plurimos labores, & studia fructuosa impendere poteritis, & libenti animo impenditis, ut eo seruentius ipsis laboribus & studijs insisteretis valeatis, quo vos Apostolicis fauoribus, & gratijs ampliori-

bus per Nos, & Sedem prædictam noueritis circumsultos, ac inherentes nullis gratijs & indultis per Nos quondam Dionysio de Wilat vestri Ordinis professori in dictis Scithia, & Moldauia, & septem sedilibus Siculorum inibi Commissario nostro, & ab eo tempore substitutis, dudum concessis motu proprio, non ad vestram vel alicuius pro vobis nobis super hoc oblata petitionis instantiam, sed nostram mera deliberatione ex certa scientia autoritate Apostolica tenore præsentium omnia, & singula in iisdem Scithia, Moldauia, & septem sedilibus Siculorum partibus existentia, & quæ in posterum erunt. Necnon Budæ, & post hæc Zegedini atque fori Siculorum, & vbilibet cōfessentia, quæ venerabilis frater noster Iulianus Episcopus Tusculanensis in certis partibus dictæ Sedis Legatus vobis iam assignauit, & in posterum forsan assignabit alia Conuentus domos & loca dicti Ordinis quacunque quotcunque, qualiacunque sint cum omnibus personis, Priuilegijs, & gratijs, indultis, iuribus, & pertinentijs suis prædictæ Vicariæ in perpetuum subijcimus, unimus, & incorporamus, ita quod sint subiecta, unita, & incorporata, ac in eis pro tempore degentes Fratres in omnibus, & singulis exemptionibus, immunitatibus, priuilegijs, indulgentijs, gratijs, indultis in specie, seu genere per Nos, vel Sedem prædictam alijs domibus, & locis dictæ Vicariæ ipsorumque Patribus hætenus quomodolibet concessis, seu in posterum concedendis vtantur & gaudeant, vti, & gaudere possint: Necnon dilectum filium Fabianum de Baulia, ac omnes alios, & singulos vicarios dictæ Vicariæ, qui pro tempore erunt, & ab eis pro tempore substitutos tam in subiectis, unitis, & incorporatis prædictis, quàm alijs Conuentibus, domibus, & locis prædictæ Vicariæ nostros, & successorum nostrorum Romanorum Pontificum canonicè intrantium, qui pro tempore erunt, ac Sedis Apostolicæ Commissarios, facimus, constituimus, & etiam deputamus, ipsisque Fabiano, Vicarijs, & Substitutis, quod nostro, ac successorum nostrorum, ac Sedis prædictæ nominibus, in omnibus & singulis subiectis, & incorporatis, ac alijs Conuentibus, domibus

mibus, & locis Vicariæ prædictis, eorumque personis illas prorsus & similes, ac easdem in omnibus tam gratiam, quam iustitiam concernentes, & alijs quibuscunque omnimodam iurisdictionem, potestatem, & facultatem habeant, exerceri possint, & quas Generalis Minister dicti Ordinis pro tempore existens in illis habet, etsi in dictis partibus præsens foret, habere, & exercere possit. Præterea quod Fabianus, seu Vicarius pro tempore, & substituti prædicti ac omnes, & singuli Fratres in ipsis Scithiæ, & Moldaviæ, septem sedilibus Sicularum partibus pro tempore commorantes omnium, & singulorum fidelium ad eos pro tempore undecunque confluentium confessiones audire, & pro commissis ab eis etiam quantumcunque grauib, & enormibus criminibus, & delictis etiam si simonia, vel alia talia fuerint, propter quæ Sedes Apostolica sit merito consulenda debitam absolutionem impendere, & pœnitentiam iniungere salutarem. Necnon illos à quibuscunque excommunicationis suspensionis, & interdicti, alijsque Ecclesiasticis sententijs, censuris, ac pœnis, tam à iure, quàm ab homine latis, & promulgatis etiam dictæ Sedi reseruatis casibus in forma Ecclesiæ consueta iniunctis sibi, &c. Pœnitentia salutari, & alijs quæ de Iure fuerint iniungenda, absolueri; & cum eis super quibuscunque irregularitatibus, homicidij voluntarij, bigamiæ, & mutilationis membrorum casibus dumtaxat exceptis, dispensare, omnemque ab ipsis inhabilitatis, & infamiæ maculam, &c. Penitus abolere, ac illis Eucharistiæ, Baptismatis, Chrismatis, ^a seu confirmationis, Extreme unctionis, aliaque Ecclesiastica Sacramenta ministrare. Apostatas à fide, seu Religione ad pœnitentiam salutarem, & habitum suæ Religionis, necnon omnia alia iura parrochialia eis ministrare, regere, & exercere capellas quoque & altaria, necnon calices, & paramenta Ecclesiastica, Oleum sanctum, & Chrisma ^b conficere; & benedicere, ac reconciliandas Ecclesias, & cæmeteria reconciliare; de matrimonialibus, & alijs spiritualibus causis cognoscere, illasque decidere, & in eis illam prorsus iurisdic-

a An simplices Sacerdotes hoc Sacramentum conferre possent etiā ex cōmissione Sed. Apostol. valde cōtrouersum fuit. Vide de his Doct. in 4. d. 7. & ad 3. p. D. Tho. q. 72. Vbi Suar. d. 36 sect. 1. & 2. & alij.

b Maior est difficultas posse tamen ita cōcedere Pontif. docet Suar. cit. d. 33. sect. 1. Caiet. Soto Vigloria & alij.

iurisdictionem habere, & exercere, quam Diacesanus Episcopus, si ibidem esset habere, & exercere posset. Cum schismaticis quoque hæreticis, & excommunicatis. seu interdictis quibuscunque quantumcunque notorijs, nisi Fabianus, & Vicarius pro tempore, aut substituti prædicti eos vitari mandauerint. in quibuscunque eorum negotijs, etiam in diuinis officijs, & extra dum tamen in crimine non participant, participare. Et insuper ut vestrorum honorum operum fructus valeant amplius propagari, quod Fabianus, & Vicarius pro tempore, & substituti prædicti non modo in dictis Scithia Moldauia, & septem sedilibus Sicularum partibus, quæ Vicaria prædicta subieciimus, & annexuimus, & in corporauimus, ut possint non modo iam constructa ad obseruantiam prædictam reducere, sed etiam alia, Conuentus, domos, & loca, unum, duo, tria, & plura, & tot, quot ipsi Vicario expediens videbitur pro vestris, vsu & habitatione de nouo acquirere, & in eis Ecclesias cum campanillis campanis, Cemiterijs, Dormitorijs, & alijs necessarijs officinis fundare, & construere. Præterea quod quotiescunque confessor, seu Confessores, quem, vel quos, & vestrum quilibet presentes, & futuri pro tempore dicti Vicarij, vel inferioris Superioris nostri, si eius copiam commodè haberi poterit, licentiam duxeritis, ac duxerit eligendum, seu eligendos vestros, & vestrum cuiuslibet confessiones audire, ac pro commissis criminibus, excessibus, & delictis, etiam in reseruatis prædictæ sedi casibus, vobis, & cuilibet vestrum debitam absolutionem impendere, ac iniungere penitentiam salutarem. Necnon vos, ac quemlibet vestrum à quibuscunque excommunicationis, suspensionis, & interditionis, &c. à iure siue ab homine promulgatis etiam in casibus prædictæ sedi reseruatis quoties similiter oportunum fuerit absolvere. Et cum vobis, & vestrum quolibet super irregularitatibus, si quas eiusmodi sententijs ligatis missas, & alia diuina officia, non tamen in contemptum clauium celebrastis; & voluntaria mutilationis membrorum, &c. dumtaxat exceptis dispensare, omnemque à vobis, & quolibet vestrum inhabilitatis, & infamia maculam, siue notum per vos, & quemlibet vestrum quomodolibet contractam abolere. Necnon vobis in
face.

sinceritate fidei unitate S. R. E. & deuotione nostra, ac successorum nostrorum. Romanorum Pontificum canonicè intrantium persistentibus plenariam remissionem in mortis articulo, quàm etiam quemlibet vestrum, quem in huiusmodi articulo confessoris copiam non habere continget dummodo in vera contritione decedat, consequi volumus, concedere valeant. Et insuper quod fratres Vicaria prædictæ qui sunt, & protempore erunt idonei ad annuntiandum verbum Dei cum licentia tamen Fabiani, aut Vicarij protempore huiusmodi. Quinetiam absque capitulari congregatione de consilio aliquorum fratrum discretorum, quoties opus fuerit eos instituere, & destituere possit, verbum Dei publicè tam in vestris, quàm in alijs Ecclesijs, & locis publicis terrarum, & locorum prædictæ Vicariæ Ordinariorum locorum Prælatorum Ecclesiarum, & aliorum quorumcunque licentia desuper requisita, publicè proponere. Ita tamen quod si in Metropolitanis, aut alijs Cathedralibus, seu Collegiatis, vel aliquorum Ordinum Ecclesijs prædicare voluerint, Prælatorum eorundem licentiam obtinere teneantur. Quodque vos, & quilibet vestrum ex transgressione quarumcunque constitutionum prædicti Ordinis præsentium, & futurorum, dummodo in quantum fragilitas humana patitur, Regulam dicti vestri ordinis studeatis obseruare, peccatum aliquod minimè incurratis.

Hic integer Breuis tenor, in quo veluti in speculo, qui in Terra sancta demorantur priuilegiarum ferè omnium concessiones poterit inspicere. Quin etiam ijs qui apud nos degunt non parum vtiliserit eiusmodi immunitatum cognitio; & fors ea lectione ad infidelium reductionem excitabuntur. Quapropter placuit etiam Nicolai V. Bullam multò breuiorem superaddere.

Nos licet immeriti super Apostolicæ sedis specula constituti, fideliter, ac prudenter dispensandis Dei ministris, & operibus coadiuuandis intendimus, & urgente plenitudine temporis piorum studia in vinea Domini Sabaoth nouos, & penè nouissimos, qui sapientiam longum didicere per otium operarios mittere procuramus. Nos igitur quos iuxta professionem, & Religionis

ligionis officium zelus comedit animarum, & cum quadriga quarta, quam varijs charismatum donis, & fidei fortitudine trahitis ubique discurrere, ac vexillum Regis gloriæ procul leuare gestitis ad gentes, quæ Iesum Christum Dominum nostrum non agnoscunt, & subtractionis filios, qui Sacrosanctæ Romanæ Ecclesiæ non obediunt destinamus, vobis in remissionem peccatorum omnium iniungentes, quatenus seminaturi super aquas multas: in illo tantum qui dixit se mundum vicisse confisi ad illuminationem cecæ multitudinis, & exterminium hereticæ falsitatis ad confirmandos nutantiam animos, & fidelium confirmandos in luce sermonis, & rectitudine operis, possumus vobis iter sine quorumlibet offensone curratis. Vt autem ministerium vestrum honoretur etiam plenius, honorabilibus impleatur præfentiũ tenore vobis auctoritatem concedimus, vt in terris, quæ adhuc Sedis Apostolicæ non intendunt magisterio proponere verbum Dei, & constitutis ibidem, non obstante si aliqui sunt excommunicatione ligati in verbis, officio, & cibo, ac in alijs securè communicare, & ipsos, seu alias conuerti ad unitatem Christianæ fidei cupientes accipere, baptizare, & aggregare filiis Ecclesiæ sanctæ possitis, ipsisque taliter aggregatis, ij ex vobis, qui fuerint sacerdotio constituti ubi Episcoporum Catholicorum copia non extiterit, Sacramentum^a confirmationis conferre, ac nihilominus vt oleo, & Chrismate antiquis cum in iisdem partibus nouum oleum sine difficultate magna haberi non possit, liberè valeant, constitutionibus super his in contrarium editis non obstantibus, &c.

a Idē cō-
cessit Io.
22. bulla
Auenio-
ne data
kalen. No-
uemb. Pō-
tif ann. 6.

Hanc bullam totidem penè verbis sub Innocentij IV. nomine repetitam in suo Archiuo seruant nostrates Hierosolymitani sub Datum Lugduni 12. Kalend. Aprilis Pontificatus sui anno secūdo: in qua multa etiam priuilegia Fratribus concessa inueniuntur. Sed quia in superiori bulla Eugenij IV. continentur, repetere superuacaneum existimaui. Ad alia stylum reduco.

§. S E X T V M.

Solymæ Guardianus Pontificalibus paramentis indutus sacros maioris hebdomadae ritus, ac ceremonias, inspectante omnium ferè gentium multitudine, peragit.

Priuilegia recensuimus, quæ Guardianus Hierosolymæ, & alij fratres in Terra sancta degentes potiuntur. Nunc aliqua enarranda sunt, quæ ipsi in septimana sancta pro locorum illorum ritu religiose, ac deuotè peragunt. Lubens hanc narrationem aggredior, quia Christi Redemptoris nostri passionem, & passionis præludia in memoriam reuocat, deuotionem excitat, internos animi affectus commouet, meditationem accendit, lachrymas ciet, quas hinc palmarij illius triumphij lætissima repræsentatio, iteratque concurrentium plausus educunt, inde tristitia ex rerum ibi gestarum recordatione proueniens exorat. Et anima inter hos duos affectus tanquam columba inter medios cleros felicius constituta, argenteis contemplationis, & meditationis pennis sursum euolat, suspensoque volatu quo se vertat nesciens eliquatur. Sic enim suavis, & grata est harum solemnitatum repetitio, ut omnes alios in se trahat, & conuertat affectus.

De Cerimonijs, quæ fiunt in Dominica Palmarum.

Igitur ubi primùm pro temporis occurſu sacra palmarum Dominica illucet (hinc necessario ordiendum fuit) Religiosi omnes, qui in Terra sancta, & antro Bethlehémico commorantur, incredibili gaudio, & deuotionis suauitate delibuti, ad Sanctissimi Sepulchri Ecclesiam se conferunt, in qua post mediam noctem, ex priuilegio illic degentibus concesso, missas priuatim celebrant. Quibus finitis ad pal-

marum benedictionem hunc in modum deuenitur :

Guardianus Pontificio ornatu vestitus , mytram gerens , & baculum. Quinquaginta circiter Religiosis, quā pluuialibus, quā dalmaticis, vel casulis è serico, & textili auro indutis stipatus incedit, ad barbarorū administrationem, quorum supra fidē est ea tēpestate concursatio. Etenim Mauri, qui in Mecam peregrinantur, nihil sibi pro futuram peregrinationē existimant, si prius sanctam Ciuitatē non inuiserint, ideoq; innumeri tunc accedunt. Et Christianis Occidentalibus, Hispani, Galli, Itali, Angli, Belgæ, Theutonici, Germani, Poloni conueniunt. Ex Oriētalibus, Indi, Armenij, Persæ Abyssini, Soriani, Græci, Gossiti, Africani, Aegyptij concurrunt, & videndæ solemnitatis studio mira tranquillitate assunt, dum palmæ benedicuntur. Peracta benedictione præcedentibus signis, ac vexillis crucibusque argēteis processio ordinatur, in qua palmas præ manibus ferentes Sanctissimum Sepulchrum ambiunt : indeque eodem ordine ad Caluariæ Montem procedunt: vbi in eodē loco, in quo Christus cruci confixus pependit, in Capella ibidem constructa sitiali submisso extensum est conopœum, & Guardianus Episcopali ritu, ac cultu serico nobilibus margaritis auro intermicatē depicto, missam celebrat, alternantibusque Diacono, & Subdiacono, prædiuiti etiam paratu indutis, passionem deuotissimè cantat.

Peractis Missarum solemnij Religiosi è Sanctissimo Sepulchro egrediuntur, & octo, qui ibi officiorum causa remanent exceptis, reliqui vnā cum Patre Guardiano in Conuētum Sancti Saluatoris se recipiunt : sumpta deinde refectio-
ne modica exeunt, vt ingressum Christi in Hierusalem representent quando. Vrbem illam asina incedens inter festiuos subsequētiū plausus, & clamātium *Hosanna* inaudito humilitatis triumpho statim moriturus intrauit. Per portam Sancti Stephani egredientes in Vallem Iosaphat descendunt, hinc ad Montem Oliuarum pergunt, & factō itineris milliario versus orientem molli descensu veniunt Bethphage, vnde latissimo prospectu Hierecuntinus ager, Arabia, quam

quam dicūt desertā, Iordanis illac interflūctis spatiosa planities detegitur. Hinc sistēs Guardianus super peliceū induit, & stola superimposita, palmam manu suscipit. Tūc Diaconus cantat Euangelium. *Cūm appropinquasset Iesus; Hierosolymam, & venisset Bethpage ad Montem Oliueti: Cūque verba Christi repetuntur, quibus, & Discipulos ad Castellum remisit, vt asinam soluerent, ac deferrent: Ite in Castellum, quod contra vos est, &c.* Guardianus duos item fratres iisdem verbis compellat, & iubet, vt asinam eo in loco paratam, adducant, dicto parentes eunt, & dū reuertuntur, totum Euangelium cantatur, quo finito vnus ē fratribus concionem habet; in qua de illius celebratis mysterio breuiter, & deuote differt.

Matth. 21.
nn. 7.

Interim duo veniunt, & asinam adducunt: Tunc alij palia detrahunt asinæ imponunt, & Guardianum desuper sedere faciunt. Ille nouus eques iter in Urbem molitur: & sicut olim Christo equitanti, *plurima turba strauerunt vestimenta sua in via: alij autem cedebant ramos de arboribus, & flectebant in via.* Ita in hac triumphi representatione accidit. Nam tota illa adstantium multitudo certatim vestimenta sua proijciunt, & viam ita cooperiunt, vt asinus incedens terram non contingat, quinimo beatum se quisque reputat, cū asini vngulis vestem suam teri, & conculcari videat. Interim dum ad Conuentum proceditur, vbi Guardianus ē iumento desilit: ad Turbarum imitationem, quæ olim Christum præcedebant, & sequebantur, dicentes: *Hos anna filio Dauid: Religiosi cantant: Pueri Hebræorum, &c. itemque. Hos anna, benedictus qui venit in nomine Domini.*

Matth. 23.
nn. 8.

Hos numerosę multitudinis exultantis comitatu, & fratrum cantu. Guardianus asino insidens in Montem iterum subit, & versus Urbem descendens ad Vallem Iosaphat, in medio, circiter itineris spatio consistit. Hic enim prominet locus, ex quo sancta Ciuitas melius, quàm aliunde prospicitur. In hoc constitit olim Christus eodem diē, quo memorabili triumpho Urbem fuit ingressus: Et videns illam, impendentemque ipsi desolationem præuidens, illachrymauit, vt refert

Luca 19. S. Luc. cap. 19. *Et ut appropinquauit uidens Ciuitatem fleuit*
 nu. 41. *super illam.* Huc (mirum dictu, & videndum potius quam
 scribendum) vbi primum tota illa multitudo accedit, occul-
 ta quadam vi impulsī omnes faciem ad Vrbem conuertunt,
 cuius miserando aspectu sibi temperare non possunt, quin
 effusis vbertim lachrymis conceptum de illius desolatione
 dolorem manifestent. Interim Diaconus flebili cantu Euan-
 gelium Lucæ intonat ab illis verbis *Cum appropinquasset Ie-
 sus Hierusalem, uidens Ciuitatem fleuit super illam; &c.* Si-
 lent omnes, & dum Christum super urbem illachrymassē
 audiunt; dum prædictionem illam de ipsius ruina impletam
 aspiciunt: *Quia venient dies in te, & circumdabunt te inimi-
 ci tui vallo, & circumdabunt te, & coangustabunt te undique,
 & ad terram prosternent te, & filios tuos, qui in te sunt, &
 non relinquent in te lapidem super lapidem: eo quod non cognau-
 eris tempus visitationis tue, & Ciuitatem mundi annulum,*
 Terræ sanctæ cor, urbium coronam, Urbem perfecti decoris,
 virtutum officinam, sanctificationis sedem, euersam, solo
 æquatam à barbaris, & Christi lachrymas memoria reco-
 lunt, affectu sociant urbem deplorant, & actionem illam
 singultibus, lachrymis, suspirijs prosequuntur.
 Post quam finitum est Euangelium, & mæstissimus la-
 chrymarum imber cessauit, iterum rediturus, processio
 continuatur, & facto itinere, eadem via, quam Chri-
 stus in noctis passione tenuit, in Montem Sion ascendi-
 tur. Attamen à profunditate Vallis Iosaphat Christi
 via deseritur, & per aliam sinistrorsum fit iter: non equi-
 dem vrbreuiori spatio talis via conficiatur; sed quoniam
 Christus per portam auream fuit ingressus, quam ho-
 die Saraceni clausam, & muro fortissimo obturatam
 habent, occulto augurio persuasi, quod per illam
 Ciuitas erit occupanda. Et ideo versus Torrentem
 Cedron descenditur, quousque ad Portam Montis
 Sion peruentum sit. Hanc semper clausam: hac die
 aperiunt, ut pro celsioni aditus pateat. Cum ad
 Montis Sion summitatem acceditur, tam incredibilis
 fit

fit hominum se inuicem prementium concursus, qui audissimè in Guardianum irruunt pedes reuerèter exosculaturi; vt nisi milites ex arce accurrerent, & concursantes arcerent, viamque aperirent: Guardianus multitudine oppressus è iumento concideret, & planè suffocaretur.

Quemadmodum in Christi triumpho, *Commota est ciuitas* Matth. 21.
num. 11. *uniuersa*, sic etiam in aniuersaria eiusdem triumphi representatione Hierosolyma sedibus quasi excita suis incredibili exultatione tripudiat: nam portis patentibus vtriusque sexus & ætatis magnis præ lætitia clamoribus, & effusis lachrymis egrediuntur, vt intrantem Guardianum excipiant. Ille vbi primùm ingreditur per vrbis vias affino vestus ad Conuentum pergit, vbi in pedes desiliens à Religiosis excipitur, qui superpelliceis induta elata Cruce, & aqua benedicta venientem expectabant, & sic cantantes hymnum *Te Deum laudamus* ad Ecclesiam procedunt, in qua post habitam de augustissimo Redemptoris triumpho concionem datur benedictio, & populus dimittitur. Est autem plurimi faciendum quò affectu palmas in ea solemnitate benedictas domum quisque suam reportare contendat, & ipsimet Turcæ, quando aliter non obinent, de manibus Fratrum, violenter eripiunt. Interim dum hæc peraguntur ad ostium, Conuentus Turcarum satellitium excubat, nè irruente multitudine detrimentum aliquod vel ruinam patiatur.

De Cerimonijs, quæ fiunt in feria quarta, & quinta

Feria quarta tota Fratrum communitas per portam sancti Stephani egrediens in Vallem Iosaphat descendit iuxta Sepulchrum Sanctissimæ Virginis, vbi est Crypta illa, in qua Christus Dominus in agonia positus, & prolixius orans sanguineo fuit sudore respersus. Magnam habet hic locus amplitudinem, & si aliquantum sit obscurus. Hic igitur vbi primùm dies illucet altaria componuntur, Religiosi priuatas Missas incredibili deuotionis affectu dicunt. Quibus finitis, statuto tempore Missa maior incipit,

incipit, & cantatur Passio. Mirum est quot affectus excitet cantus ille, totus ad mestam teneritudinem, & de Redemptoris morte dolorem compositus. Quidam enim è circumstantibus emissis altè suspirijs eiulant, alij in lachrymas dissoluuntur. Alij verò quibus dolor ingens sensum quasi eripuit stupentibus similes immoti consistunt. Quinimò ipsi Cantoribus fletus vocem sapiùs interdicat, ita vt progredi nequeant, & flere potius, quàm canere videantur. Quid ni fidelium corda præ dolore rumpantur, in fletum abeant, suspirijs, eiulatibusque fatiscant. Vbi Angelorum læticia, beatitudinis gaudium, Paradisi exultatio, Dominus Iesus immoderatæ læticiæ nostræ excessus damnando, pauere cepit, cadere, & mæstus esse, sanguineoque sudore perfundi, ob solam instantis passionis repræsentationem, & peccatorum nostrorum memoriam; quæ tunc ipsi ante oculos obuersabatur.

Cùm primùm verba illa; quibus Christus orauit ad Patrem dicens: *Pater si fieri potest transeat à me calix iste*, adeò magnus sit audientium fletus, vt tota illa crypta lachrymis inundare videatur. Quasi fideles animæ Redemptori suo cupiant reddere talionem. Et sicut ille passionem subiturus corpus suum, & terram ipsam sanguine guttatim effluente respersit, sic isti cordis sanguine per oculos erumpente madidi (sic enim lachrymas dicunt) cryptam fletibus inundantem, suspirijs mæstam, eiulatibus funestissimam reddere certatim ambiunt. Hinc dum canitur, *Factus est sudor eius, quasi gutta sanguinis decurrentis in terram* omnes humi procumbunt terram illam Christi sanguine sacratam, exosculantur. oculis fletu liquefcentibus; tangunt, amplexibus stringunt: & qua cuique licet, cultus demonstratione venerantur.

Dicto Officio Cryptæ ostium oppansis tapetibus occluditur: tunc omnes resumptis flagellis per aliquod temporis spatium vsque ad sanguinis effusionem se crudeliter verberant: Conquerebatur olim Deus per Oseam Prophetam; dicens, *Sanguis sanguinem tetigit*, hoc est peccata peccatis addide-

addiderunt. At nunc melior affectu, & euentu querelam Dei iustissimam auferre nituntur quia de peccatis dolentes, & Iesu patientis, & sanguineo ibi sudore terram aspergentis compassione commoti, sanctaque in seipso indignatione excandescentes illud inter eiulatus, & suspiria crepitantibus flagellis repetunt. Heu suauissime Iesu, heu dilectissimus animarum sponso effusi huiusmodi sanguinis tibi causa fuimus: culpa nostra cryptæ huius terra sanguine maduit, quia peccatorum nostrorum sanguis sanguinem tetigit. iam nunc Domine Iesu aufer querelam, quia non peccando, sed poenitendo sanguinem sanguine tangimus, dum terram istam, in qua tuus olim sanguis defluxit, nostro sanguine verborum acerbitate effuso inundantem reddimus, vt poenitentium sanguis quomodo Redemptoris sanguine commixtus adueniam proficiat, & sanctificationem nobis operetur. *Si enim sanguis Hircorum, & Taurorum, & cinis vitule aspersus inquinatos sanctificat ad emundationem carnis. Quanto magis sanguis tuus Domine Iesu hic effusus emundabit conscientiam nostram ad seruendum Deo viuenti super te cecidit disciplina pacis nostræ, vulneratus es pro peccatis nostris, attritus propter scelera nostra & liuore tuo sanati sumus. Congruum imo necessarium est, vt super nos cadat verberum & flagellorum tempestas, & carnis liuores animarum nostrarum maculas abstergant, & quod peccando meruimus, poenitendo deleamus. Inter hæc deuotissima colloquia disciplinam absoluunt, & clauso cryptæ ostio (quia solis Religiosis, & Sacerdotibus Latinis in ea celebrare fas est) domum reuertuntur.*

Eadem die post vesperum porta sanctissimi Sepulchri aperitur, omnes Religiosi intro se recipiunt & in sancto Caluarie monte horas matutinas deuotissime cantant. Per hosce dies in eodem loco diuina Officia peraguntur, incepto matutino, & finito primo nocturno incipiunt lamentationes Hieremie Prophetæ. Et dum canitur illud, *O vos omnes qui transitis per viam attendite, & videte, si est dolor, sicut dolor meus.* Item illa lamentationum clauula, *Hierusalem, Hieru-*

*Hierusalem conuertere ad Dominum Deum tuum: Lapidēs ipsi præ dolore scindi, fletibus eliquari, & quasi sensu, ac ratione polleant, gemere videntur, & suspirare: nedum Christiani, & Religiosi quorum, dum hæc audiunt, corda, tam acerbis dolor penetrat, vt quamdiu Officium durat à lachrymis minimè temperent: Nec mirum, quia sanguis Christi ibi effusus, & melius clamans sanguine Abel dolorem nostrum lachrymas, compassionem internis clamoribus exposcit. Quinimo ipsimet parietes funebri apparatu vestiti, locorum obscuritas, accensaque luminaria deuotionem excitant. Adde quod nullibi pes figitur, vbi ali- quod peculiare mysterium oculi non intueantur: Hic locus vbi Virgo Sanctissima plangebatur: illic vbi Christus Crucis fuit confixus; vbi Crux in altum erecta; vbi mater dolorosa iuxta Crucem stetit, & filium à Cruce depositum brachijs excepit, & aromatibus vnxit: hic sepulchrum, in quo conditus fuit. Quocumque illic se vertant mille doloris monumenta reperiunt, mille deuotionis in centiua se offerunt, mille doloris causas inueniunt. Hinc sibi videntur audire dulcissimam Christi conquestionem, qua cum Patre Aeterno exposculabat, dicens: *Deus Deus meus vt quid dereliquisti me.* Inde blasphemantium opprobria & irrisiones quæ omnia ac si tunc fierent ita animos ad compassionem commouent, vt sine lachrymis memorare nefas sit. Iam. Verò terræ hiatus, lapidum scissuras, ipsius montis apertiones quis ita ferreus, & marmoreus, vt siccis oculis aspi- ciat. Cum autem cordis aures vox illa Christi expirantis penetrat: *Pater in manus tuas commendo spiritum meum.* Propè miraculum est nè inter gemitus, & suspiria langue- scens anima è corpore discedat. Quis talia sando, videndo, meditando, licet rupibus fuerit innatus, & ferino lacte nutritus à lachrymis temperet: Terque quaterque Beatos dico, & plurimum inuidendos, quibus ante hæc Redemptoris nostri trophea contigit passionis ipsius memoriam recolere. Loca illa sanctissima intueri, milleque exoscu- lando venenari.*

Matth. 27.
nam. 46.

Luc. 23. n.
46.

Feria quinta, eodem, quo in Dominica Palmarum, apparatu Pontificijsque ornamentis Guardianus in sacro Monte Caluariæ Missam celebrat, qua finita solemnis admodum processio instituitur: Religiosi sacris induti paramentis incendunt, Sanctissimus sacro ritu ad Sepulchrum defertur, ibique reconditur. Interim Religiosi orationi instantes in excubijs se tenent vsque ad feriam sextam, in qua è Sepulchro extrahitur, præceptum illud à Moysè Leuitis datum melius obseruantes. *Die, ac nocte manebitis in tabernaculo* Leuit. 8. *obseruantes custodias Domini, ne moriamini.* Leuit. 8. nu. 35. num. 35. Non enim mortis metu ibi demorantur, sed Christi amore, cui commori vita est: Et à quo diuelli non possunt, nec volunt. Est enim Passionis Christi meditatio vitta illa, seu resticulus coccineus, cui similia erant sponsæ labia, & illo iuxta sepulchrum irretiti, iucundissimè quiescunt. Nè suscitemus dilectos, nec euigilare faciamus eos, donec ipsi velint: reliquas huius diei cerimonias prosequamur.

A prandio Guardianus solito ritu duodecim Religiosis pedes lauat magna circumstantium admiratione: quoniam tunc in Ecclesia S. Sepulchri ferè duodecim mille diuersarum nationum peregrini assistunt, qui illuc Pascha celebraturi aduenerant. Cùmque humilitatis Christianæ pretium Turcæ ignorent, nec quantam vim habeat Christi exemplum assequantur, qui post ablutionem pedum Apostolos commonefecit, dicens: *Exemplum enim dedi vobis, ut quemad-* Ioan. *modum Ego feci, ita & vos faciatis.* Ioannes 13. Mirum non est si eos teneat admiratio dum aliorum pedibus prouolutum, & seruire ablutionis ministerium tam studiosè exercentem intuentur, quem paulò ante Pontificio apparatu Tiara, & baculo venerandum conspexerant. Nobis, qui in summis Pontificibus, & Christianis Regibus hæc humilitatis exempla frequenter inspicimus, nullam in hoc inijcit admirationem. Illi tamen quibus hoc insolitum est, iure optimo expauescunt, & lingua sua Saraceni identidem repetunt. *Estasarla*, quod extremæ est admirationis indicium,

Genes. 24.
num. 19. &
20.

Cornel.

Cùm olim Elieser Abrahami seruus Rebeccam à puteo reuertentem aspiceret, & aquæ potum peteret ex hydria, quam virgo pulcherrima ad scapulam deferbat: illa citocius, *Deposuit hydriam super vlnam suam, & dedit ei potum. Cùmque ille bibisset, adiecit: Quin & camelis tuis hauriam aquam, donec cuncti bibant, Effundensque aquam in canalibus recurrit ad puteum, ut hauriret aquam, & hauriam omnibus Camelis dedit. Ipse autem contemplabatur eam tacitus.* Genes. 24. num. 19. & 20. Porro vbi vulgata habet, *Contemplabatur eam tacitus*, Septuaginta, & Hebræi transtulerunt, *Cosernatus admirabatur eam*, ut tenet Cornelius ad hunc locum: Quasi præ admiratione in stuporem iuerit Elieser, & in terram corruerit. Sed quid in tacita illa contemplatione, & stupore admirabatur? Respondet idem Author: *Humilitatem, officiositatem, sedulitatem*, quibus seruile illud adaquandi ministerium puella exequabatur. Et quanquam in domo Abraham multa humilitatis exercitia frequenter intuebatur: Ibi enim peregrinorum pedes lauare consueuerant: attamen alibi humilitatis obsequium tanti fieri minimè credebat: nec extra Domini sui domum aliquem esse arbitrabatur, qui tali humilitate, sedulitate, officiositamine ministerium illud exerceret. Gentilium fastus, superba, Saracenorum tumiditas, Iudæorum cæcitas humilitatem nescit, quin etiam ut detestandum quid abominatur. Et ideo cùm vident Guardianum, cuius dignitatem agnoscunt ad aliorum pedes abiectum. Quos sic humiliter officiosè seduliter abluunt, demirantur, & præ admiratione consternati obstupescunt.

Peracta ablutione pedum statutis horis in sancto Monte Caluarie dicitur Matutinum pari, ut dictum est, nostrorum deuotione, & exterorum concursu.

*De Cerimonijs, quæ sunt feria sexta, Sabbato sancto,
& Dominica Resurrectionis.*

Feria sexta in eodem monte, & solitis paramentis diuina Officia peraguntur: Guardianus celebrat Missam, S. Ioannis passio cantatur, ad quam augetur deuotio, inundant lachrymæ suspiria, gemitus, lamentaque duplicantur. Finita passione paululum à fletu temperant, & ad reliquas ceremonias vsque ad finem attendunt. Sub Vespere solemniter & deuota processio ordinatur; omnes Religiosi ad Ecclesiam, seu Capellam conueniunt, in qua per totum annum est sanctissimum Eucharistiæ Sacramentum. Ex hoc loco Guardianus nigro Pontificali vestitus, Diaconus, & Subdiaconus duo vasa argentea odoribus plene gerentes, & reliqui Religiosi nudis pedibus, cereisq; accensis præeunte nigri coloris signo, sub tristi, & submissa voce cantantes, *Miserere mei Deus* ad montem Caluariæ procedunt.

In medio processionis incedit Religiosus stola tantum insignitus. Christi imaginem in manibus deferens ex leui materia, & quibusdam tornaturis ita fabrefactam, vt membra flecti, reflecti, contrahi, facileque deduci queant, Hoc ordine, & cantu, seu potius planctu antequam ad Caluariæ locum accedant omnes stationes perlustrant. Et primò carcerem inuisunt, in quo Dominus stetit, interim dum mortis instrumenta parabantur: parua quædam est crypta in rupe excisa: hic quasdam orationes deuotè recitant. Alia deinde loca orationes ibidem recitando inuisunt, quousq; ad Caluariæ montem ascendunt. Hic in loco vbi Christus Cruci confixus dicitur imaginem in terra deponunt, & peracta ceremonia de passione paululum prædicatur: statim imago Cruci imponitur, clavis transfigitur, insonat malleus, auditur late sonitus, quem adstantiū lachrymæ, & singulus comitantur; ita enim ad viuū actio illa exprimitur, vt Christus videatur iterum crucifigi. Quod qui vident, lapidei planè essent nisi fletu, &

suspirijs soluerentur. Postquam Cruci confixa est imago ad locum deferitur, vbi quondam erecta est Christi Crux. Et in eadem fossa immittitur, quā vbi primum adstantes aspiciunt magnos eiulatus extollunt, & ingenti lachrymarum profluuiō inundantes magnum dolorem testantur. Quod subsequuta passionis concione mirum in modum augetur.

Post habitam concionē nonnullæ sunt ceremoniæ, quibus finitis quidam Iosephum ab Arimathia repræsentās accedit Christum è Cruce deponit, sindone mundissima inuoluit, ac ad locum vbi Christum olim vixerunt deportatur. Hic duo illi Religiosi, quos argentea vasa aromatibus plena gerere retulimus, vñctionem à Nicodemo, & Iosepho factā repræsentant. Alij circumcirca stantes magno doloris sensu plantum illum referunt, quem in Christi morte futurum prædixerat Zacharias cap. 12. *Et plangent eum planctu quasi super unigenitum, & dolebunt super eum ut doleri soles in morte primogeniti.* Peracta vñctione alia sindone inuoluitur, ac ad eundē locum deferitur, in quo Christi corpus fuit insepultū, & toto qui superest die ac nocte Religiosi sepulchrum custodiunt. Prædicens olim Zacharias planctum Christo moriente futurum similem ei fore affirmavit, quem in morte Iosæ ediderunt. *In die illa, inquit, magnus erit planctus in Hierusalem, sicut campus Adradremmon in campo Maggeddon, & plangent Terra: familia, & familia seorsum.* c. 12. n. 11. sic vt huius mentisissimæ repræsentationis planctum exponā parū est quidquid dixerim, dicā tamen lachrymas, suspiria, gemitus, lamenta, quæ per hosce dies audiūtur, dum hæc, quæ retulimus deuoto, & religioso cultu exercentur, illis esse similia, quibus olim Christum morientem prosequabantur. Processione finita, & sepulturæ officio, in eodem loco matutinum recitatur.

Sabbato statim sub lucis ortum incipiuntur officia, quæ Guardianus solito ritu, magnoq. apparatu, & Pontificalibus ceremonijs, ac ornamentis celebrat. Nihil hic monendum, se offert præterquam quod cū verba Angeli ad Marias referuntur, *Surrexit non est hic.* Guardianus ad populum conuer-

conuersus, & sepulchrum digito monstrans repetit: *surrexit non est hic*. Generatim verò vbicunque mysterium aliquod recolitur in loco, vbi peractum est, semper particula hic demonstratiua adhibetur. videlicet *hic natus est, hic reclinauit eum in Praesepio: hic adoratus à magis: hic Crucifixus est, &c.* quod magnam vim habet ad excitandum deuotionis affectum.

Dominica post mediam noctem dicitur matutinum, & Guardianus in Sancto Sepulchro missam celebrat. Lætissima, & sollemnis processio ordinatur, in qua Sacrosanctum, Eucharistiæ Sacramentum patenter à Guardiano defertur, Omnes Religiosi, & sæculares etiam pretiosis ornamentis induti, festiuis cantionibus alleluia milles repetentes sepulchrum ambiunt Christi Redemptoris nostri triumphum de morte, deque Inferno partum incredibili gaudio, & exultatione concelebrant: Sibi que inuicem de propria resurrectione gratulantur. Nàm quos ante Christi compassio, & conceptus de ipsius morte dolor in Crucem egerat, mori fecerat, & sepulchro condiderat: resurgentis lætitia rediuiui gloria, triumphantis festiuitas ad vitam, ad gaudium, ad hilaritatem creditur reuocasse. Quod sibi accidisse testatur S. Gregorius Nazianzenus orat. 41 dicens: *Heri cum Christo in crucem agebar, hodie simul glorificor: Heri commoriebar, hodie simul viuificor: Heri consepeliebar, hodie simul resurgo*. Intra sepulchrum visitur Christi resurgentis imago, sic egregiè depicta, vt viuere, & Resurrectionem ipsam referre videatur, atque adeo inspectantium animos ipsius Resurrectionis gaudium refundere. Nequeunt illuc intrantes ab illius conspectu oculos auertere. Sic omnium animos recreat, reficit, & exhilarat. Finitur tamen processio, & soli in Sancto Sepulchro sex remanent, qui diuina officia peragant, alij ad Conuentum Sancti Saluatoris, deposita, mæstitudine, & resumpta de eiusdem resurgentis triumpho lætitia reuertuntur. Sequentibus eiusdem festiuitatis diebus vsque ad Dominicam in albis lætissimas stationes percurrunt, & loca illa inuisunt, in quibus post Resurrectionem

Christus

Christus Dominus discipulis manifestus apparuit quousque
 ipsis cernentibus est eleuatus in Cœlum .

C A P V T II.

De Commissarijs Terræ sanctæ , qui ad colligendas eleemosynas , & illuc deferendas eliguntur .

Scripsimus quæ ad Guardianum, & reliquam Terræ sanctæ familiam communiter, priuatimque spectabant: iam de Commissarijs dicendum erit, qui in diuersis Europæ locis constituti conquirendis eleemosynarum subsidijs destinantur . Amplissimum est Commissariorum Terræ sanctæ munus, & magnam exigit charitatem, æqua fidelitate associatam . Et ideo in Ordine Seraphico non nisi vtraque probatissimi in Commissarios assumuntur . Quia tamen harum virtutum feracissima est nostra Religio nunquam defunt, quieo muneri obeundo præficiantur . Plurimi sunt in varijs locis , & Regionibus dispositi . Præcipui tamen ; Madriti in amplissima Philippi IV. Catholici Regis Curia, dum hæc scribimus, P. Fr. Ioseph. Maldonatus: Romæ P. Fr. Bernardus del Castillo Hispanus: Viennæ in Curia Imperiali Fr. Petrus de Oroasco Hispanus Reformatus; Parisijs P. Fr. Ioannes de Haye: Neapoli pro vtraque Sicilia Fr. Paulus de Madrid. Hispanus Reformatus, Conuentus S. Isidori de Vrbe fundator . Venetijs P. Fr. Ioannes Baptista de Venetia Reformatus . His sex veluti Cardinibus tota huiusmodi Commissariatus moles euoluitur: Hi primarij subsidiorum, & eleemosynarum Collectores habentur: alij temporatim eliguntur, vt collecta subsidia, & eleemosynas Hierosolymam deferant: omnium tamen officium, præterquam quod summæ charitatis sit, & pietatis, magnam continet dignitatem, siquidem Apostoli Ecclesiæ Principes Terræ sanctæ Commissarios se præstiterunt . In quo D. Paulus excelluit: Nàm post mirabilem ad Cælos raptum, post habitas illic visiones

siones in ipso prædicationis seruire inter gentes ad fidem conuersas, commendante Petro Apostolo, & suadente, Eleemosynas, & subsidia conquisiuit, vt Sanctorum Ecclesiæ Hierosolymitanæ sustentationi deseruirent. Nec collegisse subsidia contentus, voluit etiam portare, vtrumque Commissarij Terræ sanctæ munus Apostolico, & Euangelico spiritu mira sedulitate exercens, sicut multis in locis, præsertim Epistola ad Roman. cap. 15. num. 25. fatetur. *Nunc autem, inquit, proficiscor Hierosolymam ministrans Sanctis. Placuit enim Macedonia, & Achaia communicationem aliquam facere in pauperes Sanctorum, qui sunt in Hierusalem. Nam si spiritualium eorum participes facti sunt Gentiles, debent & in carnalibus ministrare illis.*

Audiendus est in hoc loco D. Chrysostomus homil. 30. Apostoli verba eleganter expendens. *Hoc sane, & hic circa eleemosynam facit: & vide quam magnificè dictionibus utatur. Non enim dicit Proficiscor eleemosynas deferens, sed ministrans. Si verò Paulus ministrat, cogita quantum sit quod fit, nimirum, quod Doctor Orbis deferendum recipit. Rursus non dicit eleemosynam sed communicationem: illud autem aliquam, aut quandam non simpliciter ponit, sed ne videatur illis impropere. Et non simpliciter dicit in pauperes, sed in pauperes Sanctorum, duplicem faciens commendationem, vnam à virtute, à paupertate alteram. Et neque isto contentus adiicit: Et debitores illorum sunt. Deinde ostendit quomodo sint debitores. Etenim, inquit, si spiritualia communicauerunt gentibus, debent & hæc in carnalibus ministrare illis. Hæc ille, ubi cernitur quam sit honorificum, vt quisquam Commissarij Terræ sanctæ munus exerceat, eleemosynas colligat, & Hierosolymam deferat, quandoquidem D. Paulus Orbis Doctor id egisse fatetur, & quasi tanto honori se impari iudicaret, seruum se, & ministrum appellat. Quinimo tanquam de re summæ dignitatis gloriabatur, quod eleemosynarum Collector, & Commissarius, & insuper delator extiterit. Vnde in actibus Apostolorum ad Felicem præsidem loquens, ita ait: Post annos autem plures eleemosynas*

facturus

Act. 24.
nn. 27.

Lorinus.

1. Cor. 16.
an 1. 7sq.
ad 5.

facturus ingentem meam veni, & oblationes & vota: Quibus verbis significat se eleemosynas, vel liberè oblatas à fidelibus, vel ex voto collegisse, & Hierosolymam detulisse: tam vt pauperibus distribuerentur, quàm vt offerrentur in templo. Ita ad eum locum interpretatur Lorinus. Denotat, inquit, eleemosynas ipsas collectas ex oblationibus fidelium, vel liberè, vel etiam ex votis factis, quas varijs ex locis Paulus detulit, partim in usum fratrum Hierosolymitanorum, partim vt offerrentur in ipso templo. Sed loculentius est hac de re ipsius Apostoli testimonium ex Epistol. 1. ad Corinth. c. 16. à nu. 1. vsque ad 5. De Collectis autem, ait, Eleemosynarum, quæ sunt in sanctos. sicut ordinavi Ecclesijs Galitiæ ita, & vos facite. Per unam Sabbati unusquisque vestrum apud se seponat, recondens quod ei bene placuerit; vt non cum venero, tunc collectæ fiant. Dùm autem præsens fuero, quos probaveritis per Epistolas, hos mittam perferre gratiam (idest eleemosynam) vestram Hierusalem. Quod si dignum fuerit, vt ego eam, mecum ibunt. Honorificum planè est hoc eleemosynarum inter fideles colligendarum minus, cui Paulus electionis vas, dignitatem non addere, sed honorem ab eo, & excellentiam mutuari arbitratur. Et ideo, ait: Si dignum fuerit, vt ego eam; hoc est, si me censuentis dignum, cui tantum ac tale officium committatur. Cumque tam præcellsum sit, ad illud exercendum non omnes, sed probatissimi requiruntur. Nec D. Paulus alijs, quam per Epistolas probatis, illud committendum iudicabat: Quos probaveritis per Epistolas, hos mittam.

Ex hoc Apostoli testimonio, & approbatione, quam in ijs prærequirit, qui ad deferendas Hierosolymam eleemosynas deputandi essent, conijciat nostri Ordinis Generalis Minister, quam maturo examine explorare debeat, quos instituit Terræ sanctæ Commissarios, ministerij huius amplissimi adiutores, vt colligant eleemosynas, vel collectas dispensent. Cui exercendo muneri magna prudentia, ingens charitas, & rara fidelitas necessaria est. Pro quorum instructione aliqua subijciemus documenta. Prius tamen dicendum

dam nobis erit quam gratum Deo sit, quantumque meriti contineat harum eleemosynarum subsidium, ut hac ratione fideles ad earum largitionem excitentur.

§. PRIMVM.

Acceptissima Deo est eleemosynarum largitio, quæ à fidelibus pro Sacrorum Locorum administratione tribuuntur.

Iesus filius Sirach in suo Ecclesiastico cap. 50. Simonis cognomine Gisti, & post Monarchiam Persarum octavi Hebræorum Pontificis clarissimum composuit elogium, in quo multis similitudinibus viri sanctitatem, & plura alia ipsius decora, & ornamenta deprædicat. Stellam vocat matutinam, Lunam in incrementi plenitudine collucentem, Solem radiorum splendore fulgurantem, arcum triplici colorum varietate Solis repercussu inter nebulas splendētem, rosam foliorum amœnitate purpurantem: & post hæc alijs titulis, & nomenclaturis illustrat; atque super alios gentis suæ Pontifices extollit. At qua prærogatiua meruit Simon super alios euehi? Qua arte Dei gratiam promeruit, & sic acceptus exstitit, ut ita largiter in sacris voluminibus commendaretur? Planè sacrorum locorum studio, quo ad eorum reparationem, & conseruationem animum adiecit, gentem suam eleemosynis fouit, & à perditione, liberauit. His artibus summa Dei potitus est beneuolentia, laudibusque eximijs ab Ecclesiastico extolli promeruit. *Simon, inquit, Onia filius, Sacerdos magnus, qui in vita sua suffulsi domum, & in diebus suis corroborauit templum. Qui curauit gentem suam, & liberauit eam à perditione.* Si igitur tantum apud Deum valuit, quod Pontifex templum illud nè laberetur, suffulsi, & corroborauit, templique ministris auxilio fuit, & alijs etiam eiusdem gentis hominibus, prout superijt facultas opitulatus est. Quāti meriti erit quamq. acceptum eleemosynæ subsidium, quod à fidelibus, & Christianis

Principibus confertur pro sacrorum locorum seruitio, & reparatione, quæ vt antiquissima sunt ruinam minitantur, & nisi eiusmodi eleemosynis fulcirentur, nullum iam illorum vestigium appareret.

Iam verò quæ Fratribus ad victum satis tenuem, pauperimumque vestitum necessaria sunt ministrantibus quantus diuinæ gratiæ cumulus accedat, nemo erit qui dubitet præsertim si videat Gregorij XV. Breue expeditum die 18. Nouembris ann. 1622. Pontificatus sui anno secundo ad fauorem huiusmodi eleemosynæ, in quo excommunicationis sententiæ ferit quotquot directè, vel indirectè illam occultant, vel impediunt. Idem etiam statuit S. D. Urbanus VIII. Breui edito Idus Martij Anno 1634. Pontificatus sui Anno XII. in quo censurarum poenis, & magni supplicij comminationibus ab occultatione, vel detentione, seu furti eleemosynarum, vel aliorum bonorum ad loca sancta pertinentium deterret. Et in alio expedito, die 3. Februarij eiusdem anni. Patriarchis, Archiepiscopis, & Episcopis præcipit, vt in suis Diæcesibus ad minus duabus vicibus quolibet anno Aduentus, & quadragesimæ temporibus per Predicatores in Concionibus, & alijs actionibus publicis sacrorum monumentorum necessitates populo proponi, & commendari curent subuentiones, quibus multiplici necessitate oppressis, fame, pesteque laborantibus opitulantur. Et tam lata sunt Christianæ charitatis viscera, vt à fide alienos, & Turcas pauperes complectantur: Quibus etiam eleemosynis fauent, ac de micis, quæ de magni Regis mensa cadunt assiduè sustentant. Sicque in illis impletum experimur, quod mulier illa Cananæa Christo Domino obiecit apud Matthæum cap. 15. *Nam, & Catelli edunt de micis, quæ cadunt de mensa Dominorum suorum.* Sentiunt charitatem hanc Saraceni canes, & accedentibus Fratrum Minorum exhortationibus rabiem deponunt, fidem amplectuntur, seque Romanæ Ecclesiæ subiiciunt.

Hæc autem, si intra humanæ prouidentię, ac potestatis limites sistendum sit, fieri nullatenus possunt, nisi subsidia-

riæ Christianorum eleemosynæ colligantur. Hæ in illis partibus Dei gloriam sustentant, fidem tumentur, totius Christianitatis peregrinos illuc concurrentes protegent, Saracenos ad Christi fidem, ipsiusque Vicarij Romani Pontificis obedientiam reducant: Sacrorum locorum cultum, & venerationem amplificant; & sanctuaria illa, in quibus humanæ salutis monumenta existunt, aduersus temporis edacitatem, & profanam Saracenorum insolentiam fulciunt, & corroborant. Quod quàm sit apud Deum meritorium, quotque laudum præconijs extollendum, cæcus est, qui non videat, & parum Religiosus, ac nimis durus nisi charitatis igne emollitus, ad huiusmodi eleemosynarum largitionem inflectatur. Pro quo audienda est illa D. Chrysostomi adhortatio homil. 33. de eleemosyna, cuius supra meminimus. *Quid itaque differs cum iam tanta receperis, & tot expectes, &c.* Porro multa sunt, & magna, quæ talium eleemosynarum largitores à Deo expectare debeant. In primis Dei gratiam, & beneuolentiam, atque vt in suis petitionibus exaudiantur. Misit olim Centurio Iudæorum seniores ad Iesum qui rogarent eum, vt veniret, & seruum extremè agrotantem redderet sanitati. *Et cum audisset de Iesu misit ad eum seniores Iudæorum; rogans eum vt veniret, & saluaret seruum eius.* Mirum est quo verborum blandimento suam obsecrationem temperauerint seniores: Nam venientes ad Iesum, vt salutem Centurionis seruo impetrarent, dicebant: *Quia dignus est, vt hoc illi præstes: diligit enim gentem nostram, & Synagogam ipse ædificauit nobis.* In eo itaque Centurionis meritum reponebant, quod Iudæos amore prosequeretur, opitulando, pro vt suppetebat facultas: & proprijs expensis Synagogam extruxerat. Quod igitur illorum meritum reputabimus, qui Religiosos Minoritas in Terra sancta degentes, charitate amplectuntur, & eleemosynis fouent, quibus sanctuaria illa debito cultu, & veneratione conferunt, & insuper enumeratis tot necessitatibus occurrant. Quantum apud Deum beneuolentia, & gratia valebunt, qui non vnam ædificant Synagogam; sed tot Ecclesias, tot Sacraria, tot

Luca 7.
nu. 3.

nu. 4. & 5.

Conuentus, & domos suis eleemofynis reparant; fulciunt corroborant, quæ omnia prorsus corruerent nisi piorum, eleemofynis, ac expensis fulcirentur. Meruit hisce obsequijs Centurio vt seruus longiori vita frueretur. Et eleemofynarum pro Terra sancta largitores vitam temporalem longiorem obtinebunt, & eternam post modum assequuntur.

Abrahamo quondam obuius Melchisedech, quem multi, vt refert Petrus Galatinus lib. 2. cap. 8. Sem Noe primogenitum fuisse arbitrantur, sollicitatem enarrauit, & longæuitatem, Sacerdotium, Regnum eleemofynæ beneficio obtinuisse fatebatur. *Propter Isedæ, idest eleemofynam, quam ibi faciebamus feris, & bestijs, atque volucribus, non enim tota nocte dormiebamus, sed modo huic, modo illi tribuebamus.* Si ergo tot bona à Deo consecutus est Melchisedech, propter eleemofynarum largitionem, quas feris in arca detentis contulerat (si tamen eleemofyna dicenda erat illa victus dispensatio) quid quæso non obtinebunt Christiani? Si non feris, sed mansuetis Christi ouibus, & Seraphici Ordinis Religiosis subsidia largiantur: si ad peregrinorum hospitium, ad ægrotantium medelam, ad captiuorum redemptionem, pecunias largiter effundant. Si ad sanctorum locorum cultum, ad Christi illic nascentis, viuientis, ac morientis obsequium, ad Thesauri illius sacerrimi custodiam, administrationemque Minoribus commendatam sumptibus minimè parcant: sed Christiana largitate suppellectilia, & pretiosa quæque impertiantur.

Illa Melchisedec enarratio Abrahamū impulit, vt deinceps domū suam verteret in peregrinorū hospitium (sicut refert Galatinus) quod officium tanto exercebat studio, vt in ipso Solis ardentis æstu è domo exiret, illos ad se pertracturus. Hinc vt ab eius Genealogia Christus descenderet, consecutus fuit. Hæc & multo plura ijs spondere non ambigo, qui pro sanctorum locorum subsidio liberales se præstiterint. Audeo dicere, plus hoc eis conferet fauoris, quam si ieiunijs, & orationibus indulgerent. Ieiunabant Christi Discipuli, cum ab Hierusalem in Castellum Emmaus proficiscer-

cisebantur : Magistri sui dilectissimi mortem deplorabant. Prophetias, quæ gloriosam ipsius resurrectionem prædicebant, intelligere conabantur : Et cum ipsis interficientibus, se socium adiungeret, atque ad confabulandum inuitaret, dicens : *Qui sunt hi sermones, quos confertis ad inuicem ambulantes, & estis tristes?* non tamen eum agnoscere potuerunt.

Luce 24.

nn. 17.

At verò postquam in peregrini forma in Castellum receperunt, ac Mensæ participem fieri constrinxerunt, dicentes : *Mane nobiscum Domine quoniam aduersperascit.* Tunc eum agnouerunt : tunc eis seipsum dignatus est manifestare.

nn. 29.

Quod perpendens D. Gregorius homil. 23. in Euangelia, ita fatur : *Ecce Dominus non est cognitus dum loqueretur, & dignatus est cognosci dum pascitur.* Itaque nec cum ipsis alloqueretur, & de passione sua cum eis sermones suauiter misceret, se illis manifestauit, sed cum illum mensæ suæ participem effecerunt.

S. Greg.

Et cognouerunt eum in fractione panis. Pascitur à fidelibus Christus, ac eorum mensæ particeps efficitur, cum ad locorum sanctorum subsidium eleemosynæ conferuntur, cum Fratrum Minorum ibi ministrantium necessitatibus occurritur. Illos igitur magnis fauoribus augebit, & peculiarem gratiam largietur, qui in conferendis huiusmodi eleemosynis liberales se præstiterint. Qui verò eleemosynarum Commissarij, & Collectores instituentur, rem esse magnæ dignitatis meminerint, quippequam

Apostoli Ecclesiæ Principes libentissimè exercuerunt. Iam quæ ad ipsius officij exercitium spe-

ctant, & qua ratione fieri possit citra vllam

regulæ nostræ transgressionem pro-

sequamur.

CAPVT III.

*Regia quadam via sternitur, ut per eam incedentes
Terra Sanctæ Commissarij, pecuniarias pro San-
ctis locis eleemosynas quærere, illucq. trans-
portare queant, & Regule transgresso-
res non inueniantur.*

Multiplex est eleemosynarum subsidium, & ex magna rerum varietate coaléscit. Quilibet enim pro ut vires, aut voluntas suppetunt multa largiuntur, pecuniam, odoramenta, stragulas vestes, thoremata, calices, candelabra ex argento fabrefacta, oloferica pro Altaribus, & Sacerdotum paratu ornamenta. Necnon ad domesticum Fratrum usum plura supellectilia, & alia, quæ ad Ecclesiæ cultum, & ad Fratrum victum, vestitumque deseruiunt. Ex his quædam in propria specie, alia in res alias commutata, Hierosolymam transferuntur. Quia tam accipere, quam accepta commutare, seu vendere, ut alia magis necessaria coemantur, statui nostro minimè repugnat. Sic enim concessit Leo X. cuius constitutionem, producit Rodriguez in suis quæstionibus Regularibus, & Corduba in annotationibus ad compendium. De pecunia verò cum illius usus, tractatio, & recursus Minoribus ex vi Regulæ interdicatur: Videri poterat non posse à Commissarijs Terræ sanctæ conquiri, & illuc personaliter transportari. Nihilominus citrà læsionem Euangelicæ paupertatis quam profitemur prædictis Commissarijs fas est, pro sacrorum locorum cultu, conseruationeq. eleemosynas quærere pecuniarias, & illuc modo inferiùs designando transferre, ut sequentibus §§. statuimus.

§. PRIMVM.

*Possunt Minores de Observantia ad Sanctorum locorum
conservationem pecuniarum eleemosynas, seu num-
mos colligere, quin Regula puritatem
aliquatenus lædant.*

N Vllam in huiusmodi eleemosynarum acquisitione, instituti nostri læsionem reperiet, qui commune illud Theologorum placitum apud D. Thom. 2. 2. quæst. 184. art. 1. & 4. diligenter expendet. Nimirum hominis perfectionem duplici ratione considerandam. Prima, vt essentialis, & absoluta est; secunda, quæ accidentalis, vel secundum quid nuncupatur. Perfectio essentialis in charitate consistit, qua quis Deo coniungitur iuxta Illud Ioannis 2. 1 Jo. 4. cap. 3. *Qui manet in charitate, in Deo, manet, & Deus in eo.* Et quanto maiorem charitatem quisquam habuerit, tanto perfectior erit existimandus. Est enim amor animæ quantitas, vt disertè dixit S. Augustinus, seu perfectionis mensura. Perfectio accidentalis illa est, quæ ex observatione legum, & statutorum in aliquo statu consurgit, atque ad perfectionem essentialis affectionem ordinatur. Et ideo perfectionem dicunt status, in quo sub certis legibus, & observationibus auxiliante Dei gratia vivitur, cuiusmodi censetur Religio, in qua Paupertatis, & obedientiæ, castitatis vota emittuntur; & alia pro cuiuslibet Religionis differentia observantur, quibus ad essentialem perfectionem ascenditur. Deinde considerandum est dupliciter se habere perfectionis statum. Nam vel dicitur perfectionis acquirendæ status; vel acquisitæ iam perfectionis exercendæ status nuncupatur: exemplum sit in Theologiæ magisterio; vbi quidam, tanquam discipuli addiscunt, alij, vt præceptores erudiunt: Quidam scientiam acquirunt, alij acquisitam docendo commu-

communicant. Exercendæ perfectionis statum obtinent Episcopi: quoniam perfectorum instar comparatas iam exercitio virtutes, alijs in Ecclesia docendo communicant. Hinc est ut eorum status, Religiosorum statu perfectior censeatur. Quoniam perfectione in actu supponit, quam Religiosi ad pisci obnitiuntur: atque adeo eorum status, *acquirende perfectionis status compellatur*. Vnde reliqua Religionis statuta in tantum observanda erunt, in quantum ad comparandam perfectionem conduxerint.

Cum autem noster Minorum Ordo in conseruatione sanctorum locorum potissimum respiciat animarum zelum, infidelium illic habitantium conuersionem, schismaticorum cum Ecclesia Catholica unionem, Turcarum reductionem ad Christum, Catholicorum in fide confirmationem: Qui Fratrum exhortationibus, & locorum conspectu, ubi Redemptionis nostræ sacra viuunt monumenta, charitate inflamantur, spe eriguntur, fide roborantur: Quarum virtutum Fratres magna quotidie incrementa suscipiunt, hausto proficiendi spiritu à Saluatoris nostri, & aliorum Sanctorum exemplo, quod ibi mille monumentis expressum intuentur. Nedum quod sicut scripsit egregie Tertullianus lib. de fuga in persecutione. *Nusquam melius proficitur, quam in castris rebellium: Nam & ipsum illic esse, proficere est*. Et quidem Minores nostri ibi stantes profecerunt, in diesq. proficiunt. Plurimi enim martyrij desiderio inflammati, sanguinem pro Christo effuderunt, & ipsius Ecclesiam fidelium multitudine fecundarunt: ut in Annalibus, & Chronicis Minoritarum passim inuenitur. In hoc autem charitatis perfectio, & Christianæ perfectionis summa consistit, iuxta illud Christi Domini apud Ioannem cap. 15. *Maiorem charitatem nemo habet, ut animam suam ponat quis, &c.* Reliqua omnia vel Christi consilijs tradita, vel Religionum statutis sancita, velut media ad huius charitatis assentionem ordinata reputantur. Et ideo prout consequendo fini magis idonea iudicantur, temperanda, remittenda, vel prorsus auferenda erunt.

Hic

Hinc est, vt stante præcepto nostræ Regulæ recursus ad pecuniam prohibente, si tamen necessum esset ad obtinendam charitatis perfectionem recurrere ad pecuniam, vel illam deportare: Quis ita amens, vt vtrumque licitum esse disiteatur? Maximè cum ob eundem finem ipse Religionis habitus à Missionarijs quotidie laudabiliter deferatur. Et meritò, quoniam habitus, paupertatis præceptum, & reliqua Religionis statuta ad consequendam perfectionem ordinantur, quæ in Dei amore sita est: quapropter si aliquando habitus desertio, pecuniæ recursus, & tractatio ad hunc finem commodius deseruiret: Dubium non est, quod absque vlla transgressione fieri possit: Quoniã hæc omnia propter charitatem, non autem propter hæc charitas commendatur.

At verò considerato rerum præsentium statu, sanctorum locorum cultus, manutententia, possessio per tot annos, à nostris Minoribus obtenta, sine recurso ad pecuniam seruari nequeunt: tot enim exactiones per summam Turcarum auaritiam lege, vel cõsuetudine stabilitæ sunt, vt necesse sit ad pecuniã recurrere, quò his, & alijs ad locorum conseruationem, & reparationem conducentibus satisfieri queat: & apud infideles mendicando colligi non possunt. Taceo de victu fratum, & vestitu vtroque tenui, & vili; item Cõuentuum vtẽsilibus, pro quibus pecuniariæ eleemosynæ, non colliguntur. Licet inde fratribus, vt Ecclesiæ famulis, ac Ministris, pro cuius vtilitate loca possidēt, quibusq. vt sacristæ deseruiunt, nonnunquam indirectè, ac in obliquo prædictarum eleemosynarum aliquid obueniat. Non tamen ad eorum fauorem, nec vsum, aut proprietatem, sed in fauorem Ecclesiæ, & potissimum Sedis Apostolicæ, quæ aliter prædictorum locorum conseruationem retinere non ita facile posset. Huic autem ministerio interueniunt Fratres nostri tanquam Procuratores Ecclesiæ, & potissimum sanctorum locorum destinati, quorumque aspectu pecuniariæ oblationes fiunt, & preterea tanquam Commissarij Sedis Apostolicæ in vtroque foro vt constat ex priuilegijs concessis Guardiano Hierosolymitano, ipsiusq. successoribus pro tempore existentibus. Quod verò fratres, qui ex autoritate Sedis Apost. & eius nomine

in locis sanctis degūt pro alimentorū prouisione necessaria recipiant iuris diuini est, nec eorum professioni aduersatur: quia inter infideles, aliud ad sustentandam vitam, & conseruanda Sacrorum locorum monumenta remedium non inuenitur. Atque in his circumstantijs licitus est ad pecuniam recursus: siquidem finis ob quem illum admittimus, uidelicet Sanctorum locorum conseruatio superioris est Ordinis. supposito vero fine, & ipsius præstantia, omnia media, quæ ad illius affecutionem necessaria iudicabuntur, licita erunt: Vnde cum pro tempore præsentis hinc vrgeat Sanctorum locorum indemnitas, conseruatio, cultus: illinc Regulæ nostre puritas, pecuniæ tractationē interdicens, planè standū est pro Sanctis Locis, & recursus ad pecuniam admittendus: Seclusa tamen finis superioritate, adhuc alia ratione licitum fore, ad pecuniam recursum demonstratur. Clementina *Exiui*. Et cap. *Exijt* de verbo signif. in 6. pro aliquibus Fratrum necessitatibus, & Conuentuum, adificatione recursus ad pecuniam approbatur, & Regulæ nostræ minimè contrarius deciditur, vt expositores communiter aduertunt & diuturna apud nos praxi, consuetudineque obseruatur. Si tamen quatuor modificationes Clementinæ. *Exiui* §. *porro* præstitutæ adhibeantur quas P. Franciscus de Yepes nostræ Almæ Angelorum Prouinciæ Lector emeritus ad cap. 4. Regulæ sequenti dysticho complectitur.

Chauiger, aut Dominus non sis, & consule dantem:

Si infidus portans: iudiciumque fuge.

His modificationibus ritè obseruatis pecuniæ tractatio licita redditur, quia omne dominium politicum à Fratribus excludunt, quibus non tam interdicitur pecuniarum conquisitio, ac recursus, quam modus, qui vt licitus sit, & permissus censeatur; his uestiri debet conditionibus, ab eodem auctore alio dysticho contentis.

Corde, potestatem, signis opere, ore negabis:

Conditiones hæcætera cuncta bibunt.

Cum igitur Minores nostri pro Terræ sanctæ conseruatione pecuniarias colligunt eltemosynas prædictis non vtantur cautelis, verbi gratia, potestatem earum politicam ore, opereq.

opereq. reiiciāt; nec nisi ad prædictorū locorū ministeriū tanquā serui, & ministratores adhibeant: nec tenuis apparet rimula per quā in taliū elemosynarum conquisitionē, & pecuniæ recursum Regulæ nostræ transgressio possit intrare. Præsertim cum quatuor Magistri, quos sequitur Corduba in minori necessitate recursum permittūt, videlicet ad parētes, & benefactores secundū suum statum hilariter, & laurē recipiēdos. Cur etiā pro redimēdis salutis humanę pignoribus, pro subleuandis Fratrum suorum calamitatibus nō permitteret? Nisi enim quæretur pecunia, contributiones soluantur: Thesaurus ille sanctissimus diripietur, & nostri flagellis fustibus, & scorpionibus verberati ad carceres raptabūt, vt Saracenorū mos est, sicut referunt Annal. Min. ad Christi annū 1342. nec eos inde extrahunt, donec vltimū numerent quadrantem. Ergo cū opus hoc maioris sit perfectionis; absq. dubio propter illud pecuniæ tractatio permittēda est. Nam vt optimē monuit S. Leo, *Quid tam aptum fidei? Quid tam congruum pietati? quā egentium iuuare paupertatem, infirmorū curam recipere fraternis necessitatibus subuenire, & conditionis propria in aliorum laboribus meminisse.* Quin etiam B. P. N. Franciscus, qui maius in Fratrum perfectione, & peccatorum ac infidelium conuersione studium, quā in pecuniarum interdīcto collocauit. Si ad illas recurrere necessarium foret ijs, quos prædicandi, & martyrij subeundi causa remittebat, planē recursum concederet & indubitanter concessit, ac in Regulā, vt ipsius expositores aduertunt concessum reliquit. Quapropter tantum abest, vt in conquisitione pecuniarum pro conseruandis Hierosolymæ locis Regulæ puritas violetur, vt potius iuxta ipsam secundū summorum Pontificum declarationes, Doctorumque interpretamenta, præfatus ad pecuniam recursus tanquam licitus, & pietati consentaneus (sicut hætenus factum est) continuari debeat.

Cordub. ad
3. Regul.

D. Leo ser.
mon 5.

Præiuerunt ad hanc rem suo exemplo Apostoli. Nam etsi vt tradidit S. Thomas paupertatis votum emiserint, & omnē pecunię tractationem repudiauerint, iuxta Christi præceptū

quo pecuniæ vsum ipsis interdixerat. Nihilominus, vt constat ex epistola ad Galatas cap. 2. num. 10. sicut supra retulimus, Petrus Apostolorum Princeps inter gentes ad fidem conuersas subsidia comparari, & collectas fieri commendauit, quibus Hierosolimitanæ Ecclesiæ & Sanctorum pauperibus auxilium coferretur. In quo D. Paulus mirificè excelluit, & sine Apostolicæ paupertatis læsione colligendarum eleemosynarum officium exercuit, vt cernere est in epistola I. ad Corinthios cap. 16. *Per vnā Sabbati vnusquisque vestrum apud se seponat, recondens quod ei bene placuerit, vt cum venero non tunc collecta fiant, cum autem præsens fuero quos probaueritis per epistolas, hos mittam perferre gratiam (hoc est eleemosynam) vestram in Hierusalem. Quod si dignum fuerit, vt ego eam, mecum ibunt.* Quid igitur formidabunt Minores exequi, quod Apostolus paupertatis amator exercuit? Aut quis tanquam Regulæ transgressores inculcabit Minoritas, eo quod videat pro Sanctorum Locorum conseruatione seruitioque ad pecuniam recurrentes? Siquidem in hoc Apostolorum vestigia premunt, qui nõ tanquam Tyrones, sed in perfectionis statu cõstituti pecuniarum collectas ad Sanctorum auxiliũ faciebant. Et sanè minoris meriti nõ est, quin etiam (audeo dicere) amplio-rem continet honestatem, vt pro Sanctorum Locorũ vñ vñ ad diuinum ibi cultũ amplificandum parãdam altarium suppellectilem, soluenda tributa à Saracenis imposita, Christianis pauperibus necessitate oppressis subueniendum pecuniarias fidelium oblationes quærant, & non tanquã Domini, sed Ecclesiæ, Sedisq. Apostolicę Ministri, fideliter dispensent. Et dum sic pecuniam tractant, & ad illam recurrunt Regulæ integritatem nõ infringunt, quia ex huiusmodi tractatione vel recursu nulla proprietas, aut possessio, vel vñ vñ politicus redundat; sed materialis quædam, & simplex acceptio, quæ ex vi Regulæ Fratibus minimè prohibetur.

Quod si aliqui nimia religione tacti, ac ex eorum grege, qui ad vñ vñ expauescunt etiam materialem & simplicem pecuniæ acceptionem Regulæ vetitam contendunt: aliter respondemus,

Spondemus, nimirum quod occurrēte loca illa seruandi necessitate (siue Fratrum propria sit, quia illa possidēt, siue totius Ecclesiæ cuius nomine, & autoritate administrant) iam tunc naturali iure cessat prohibitio, recursusq. ad pecuniā licitus euadit, vt constat ex declaratione Nicolai III. quam Hugo de Dina hunc in modum luculēter illustrat. *Cum duarum obligationum, quæ dispariter obligant emergēs occasio alterum alteri reddit impossibile: tunc id quod minūs obligat necesse est alteri cedere: verbi gratia minus obligat votum non recipiendū pecuniam, quam præceptum seruandi naturam: & ideo cum alio modo natura seruari non potest, pecunia & recipi, & contrēctari potest, Nec pecunia est illius, qui sic contrēctat & recipit, sed tantum usus: nec usus simpliciter, sed ex causa ad tempus. Porro soli Deo acquiritur cuius nomine offertur.* Hoc in terminis accidit Minoribus, qui dum necessitate premūtur, vt possessa per tot annos loca tueantur, & seruent: Deinde vt Saracenorum violentiam carceres, flagella, & sæpius mortem effugiant. Quidni ad pecuniam recurrent? cum vigente maiori obligatione, quæ minor est euauisse prorsus censeatur. Et planè maior obligatio est tuendi vitam loca illa conseruandi, quæ Religionis nostræ, & totius Ecclesiæ commune bonum respiciunt: Atque adeo ex ipso iure naturæ promanat, quàm obligatio abstinendi à recurſu ad pecuniam, quæ à solo iure positiuo originem trahit. Et hoc verum habet, etiam si simplex materialisque pecuniarum acceptio in Regula prohiberetur.

At opponi potest necessitatem, quam pro conseruatione Sanctorum Locorum supponimus non esse eius qualitatis vt propterea recursus ad pecuniā sit permittendus. Quoniam S. P. N. Franciscus cap. 4 Regul. vbi tales vetuit recursus, solos duarum necessitatum calus excepit, nimirum infirmorū medelam, & Fratrum vestimenta, in quibus ad pecuniam recurri posse permisit. *Præcipio firmiter Fratribus vniuersis, vt nullo modo denarios, vel pecuniam recipiant. Tamen pro necessitatibus infirmorum, & alijs Fratribus induendis per amicos spirituales Ministri tantum, & Custodes sollicitā curā gerāt.*

Respon-

Respondendum tamen est S. Franciscum solas duas necessitates numerasse: non quia alias excludere vellet, sed tanquam communiores, & frequentiores; quæque magis conspicuæ essent, & facilius apparerent: attamen sub earum nomine omnes alias similes, & pro tempore occurrentes comprehendisse, sicut interpretatus est S. Bonaventura, & declararunt summi Pontifices Nicolaus III. ar. 2. & Clemens V. ar. 6. Regulam exponentes, sicque eiusdem Regulæ expositores cum Corduba ad cap. 4. vnanimi consensu statuunt ad res omnes seu causas nobis, aut statui nostro pertinentes fas esse pecuniam comparare: Nec vero vt ita fiat necessum est, vt extremæ sint necessitates, & grauissimæ; sed opportunæ, & congruæ sufficiunt, atque ad earum rerum vsus accomodatæ, quæ fratribus iuxta regulam permittuntur: Dummodo propriæ veræque sint, præsentis, præteritæ, vel eminentis, nec rebus mendicatio conquisitis reparari queant. Quas condiciones, vt facilius memorie mandentur, ligata oratione redditas subscribo, ex Authore supracitato.

Vera necessiserit, præsens, tibi causa recursus

Et propria, & nequeat mendicitate peti.

Sed quid verius? quid præsentius, & magis proprium necessitate conseruandi sacra nostræ Redemptionis monumenta? Nec quælibet necessitas isthæc est, sed grauissima, cuique nisi hac ratione occurratur, in magnum, & Seraphici Ordinis, & totius Christianæ Reipublicæ detrimentum redundabit. Iam verò exactiones propediem soluendas quis non videt absque recursum ad pecuniam, fieri non posse; Cum inter fideles, pro recuperandis domibus, ac Conuentibus, & alijs necessitatibus, ad pecuniam licitè recurratur, & maior ibi quam inter Saracenos charitas vigeat: & multa in propria specie donari soleant.

Sed adhuc instabit quisquam recursum ad pecuniam fratribus non permitti nisi vt propriam subleuent necessitatem: hæc vero quam supponimus conseruandi sacra Terræ sanctæ monumenta propria non est, sed communis, & Ecclesiæ,

clesiæ, atque adeo ad eius subleuationem illicitus erit ad pecuniam recursus, & minime sustinendus. Respondeo tamen necessitatem hanc communem esse totius Ecclesiæ, & propriam fratrum, totiusque Religionis, quæ iam per tot annos, vt in superioribus ostendimus, loca illa legitimè possidet. Et ideo pro illorum manutenzione, & conseruatione licitè ad pecuniam recurrit: quemadmodum fit ad conseruanda loca, quæ inter fideles possidentur, vbi modo ad hanc, rursus ad aliam necessitatem reparandam propediem recurrit: quemadmodum fit ad conseruanda loca, quæ inter fideles possidentur, vbi modo ad hanc, rursus ad aliam necessitatem reparandam propediem recurritur ad pecuniam: & qui hac tempestate sine his recursibus viuere in Conuentibus sperant egregie decipiuntur: Vnde vel cum rectè sentientibus, & securè quoad recursum operantibus se conforment, vel curram Helix postulent, & zelatores rigidissimi ex hoc mundo transferantur, tempus illud præuenientes, in quo omnes cum Christo in aëra rapiemur.

Astruimus ergo præfatam necessitatem Fratrum Minorum propriam tantum non esse, sed communem Sedis Apostolicæ, & totius Ecclesiæ, vt re vera est, ad cuius honorem, & vtilitatem magni interest, vt talia monumenta retineat, cuique in dedecus, & ignominiam cedat, si amittantur, vt apertè censuit Clemens VI. in Bulla, cuius iam meminimus, his verbis: *Qui sepulchrum Dominum, & alia sacra loca ultra marina proprio ipsius Redemptoris sanguine dedicata, non absque Christianorum graui opprobrio detinet occupata.* Ex hoc tamen magis licitus est ad pecuniam recursus, propter communis boni excellentiam, quod in omni euentu priuato semper bono antefertur, vt ipsummet naturale ius manifestat. Cum ergo prohibitio recursus ad pecuniam in Regula Minorum contenta priuatum bonum respiciat, & in conseruatione sanctorum locorum commune totus Christianitatis bonum contineatur, vt necessario fatendum est, plane non attentata prohibitione, quæ urgente communi bono cessat, ad pecuniam recurri potest, & conquisitis apud fideles

fideles pecuniarum eleemosynis factorum locorum conseruationem retinere.

Nec verò nouum est; aut insolitum, sed communi Theologorum, & Iuristarum placito receptissimum quascunque priuati boni rationes, & causas communi bono, cum illud se offerat, postponendas. Hinc est vt Frater Minor in Episcopum, vel Cardinalem; aut Pontificem assumi possit, & non obstante regula, quæ pecuniarum vsum interdicat, pecunias tractare; & alia quæ ad Episcopale munus attinent exercere, quantumuis regulari instituto contraria sint, & Religionis regula prohibeantur: non aliunde nisi quia communis boni ratio hoc exigit, quæ cuilibet alteri debet anteponi. Adde quod prædictus pecuniarum quæstus fit à Minoribus; prout Sedis Apostolicæ ministri sunt, ad thesaurum sanctorum locorum, custodiam administrationemque destinati: Et vt rem seruent tueanturque, cuius dominium, ac proprietas penes Sedem Apostolicam residet, sicut omnium aliarum rerum, quarum Fratres Minores vsum vendicant, vt nemo est, qui ignoret: Et quæstum pecuniarum sub hac ratione factum nemo nisi per summam iniuriam condemnabit. Hæc de eleemosynarum conquisitione dicta sint satis: Nunc expendendum est, an ita conquisitas personaliter in Hierosolymam transferre possint.

§. S E C V N D V M.

Minoribus fas est conquisitas pro Terra sancta eleemosynas illuc personaliter transferre, vel transferentes comitari quousque Guardiano Hierosolymitano consignentur.

DVplex consideranda est pecuniæ tractatio, quæ in prædictarum eleemosynarum deportatione contingere potest. Prima materialis tantum, seu naturalis. Secunda, moralis,

moralis, & politica, quando nimirum pecunia pro usu, ac expensis, ut cunque faciendis tangitur, & contrectatur. Hæc in Regula nostra prohibetur, & à Minoribus fieri nequit. Si autem in eleemosynis deportadis sola materialis, seu naturalis tractatio interueniat, dubium non est Minoribus fas esse tales eleemosynas transportare: non aliter quam si vas aureum tangerent: atque propter proximi charitatem, ad euitandum direptionis periculum aliò transportarent. Quod Regulæ S. Francisci expositores vnanimi consensu affirmant. Cum igitur in delatione huiusmodi pecuniæ magna & moraliter pene certa interueniant pericula, ut ab inuasoribus diripiatur (habet enim multos insidiatores pecunia) & sanctorum locorum charitas urgeat, possunt Minores illam personaliter deferre. Neque in hoc aliqua proprietatis actio interuenit. Quis enim agazones pecuniarum proprietarios dicit: eo quod illam ex pacto conducti quocunque transportant, ac si pondus aliud detulissent. Pari ratione de Minoritis philosophandum est, qui attento periculo, & exigente charitate absque vlla regulæ transgressione pecuniarum eleemosynas in Hierosolymam personaliter deferre possunt, quousque Guardiano Hierosolymitano consignent; quia materialiter solummodo, & naturaliter tractant. Guardianus verò ad euadendum direptionis periculum prædictas eleemosynas sub clauis magnoque secreto absconditas in Conuentu seruat: quoniam alias si Saraceni hoc scirent, omnia diriperent, ut non semel facere intentarunt, secreta tamen, & incognita nummorum occultatione delusi: Et non propterea Guardianus proprietatis damnandus erit, quia occultatio illa pecuniarum politica non est, & moralis, sed materialis solummodo, & naturalis, quæ Regulæ nostræ non repugnat, & Ecclesiæ nomine pro veris necessitatibus tales nummos reseruat. Et idè ad hoc peragendum nulla opus est dispensatione, quia Regulæ integritas minimè læditur.

Quæ de pecuniæ transportatione diximus viam aperuerunt, ut quid de comitatu dicendum sit statuamus. Nam si

fratres, dum eos, qui pecuniam deferunt, comitantur, nullam proprietatis actionem exercent; sed naturaliter tantum, & materialiter agazones comitando se habeant, licet illos pro maiori securitate pecuniam deferentes comitantur. Ad quod summopere fauet D. Pauli exemplum, qui ut iam diximus collectas personaliter faciebat, sed etiam ad comitandum collectarum portatores se offerebat, ut patet ex Epist. 1. ad Corinth. cap. 6. ubi ita: *Quod si dignum fuerit ut ego eam, mecum ibunt.* Quo loco audiendus est Cornelij à lapide commentarius. *His verbis, inquit, Paulus Corinthios stimulat ad largiorem collectam, ut scilicet tantam faciant, quam dignum sit, ut ipsemet perferat.* Quemadmodum vero ut Regulæ nostræ expositores docent, fas est Minoribus interueniente necessitate pecuniam alienam in Conuentu custodiendam retinere, & insuper ab Inuasoribus defendere, quin aliqua ipsis proprietatis nota inuratur: ita etiam licebit pecuniam deferentes comitari: quia non minus est à proprietate alienus eiusmodi comitatus. Quapropter Corduba, & alij admittunt, posse fratres pecuniam de loco ad locum extrahere, personaliterque deferre, non alienam solum, ut à prædonibus, & soluendo pedagio liberent, sed Conuentuum vsui applicatam, ut per Syndicum, postea expendatur, quod à fortiori de comitatu statuerent. Si quidem à proprietate, & dominio, illiusque specie longius abest, quam cæteræ actiones, quas hactenus recensuimus. Et ubicunque politica, & moralis pecuniæ tractatio non interuenit, nulla Regulæ prohibitio inducenda est: Quamquam ob alios fines monuerim cautelam, & circumspectionem hac in re adhibendam. Hæc de eleemosynis temporatim conquisitis suggerere placuit. De perpetuis, seu legatis annuatim soluendis, quæ ad plenam Commissariorum instructionem visa fuerint necessaria, stilo non scholastico proponam.

1. Cor. 6.

Cornel.

CAPUT IV.

Minores Hierosolyma degentes, annua legata sibi perpetuò reddenda pro sanctorum locorum administratione capere possunt; citra strictissimam suam paupertatis offensam.

Alissima Fratrum Minorum de Obseruantia paupertas, Apostolicæ quam simillima strictam adeo rerum omnium abdicationem suis professoribus indicit; vt hereditariæ successionis penitus incapaces efficiat. Non tamen impedit quominus tam in communi, quàm in particulari legatum quodlibet obtinere possint; sic enim diffinitum est, *cap. exijt §. ad hæc quia fratribus de verborum significatione in 6. vbi communiter Iuristæ, & Regulæ nostræ expositores.* Ratio verò est, quia vt ipsi diffiniunt *§. legatum institutus delegat.* Legatum donatio quædam est à defuncto relicta per ipsius heredem legatario tradenda. Cum autem Minores incapaces non sint, vt quidquam donatione accipiant, sicut statuitur *Extrauag. 1. §. Porro vt circa sepulturam de priuilegijs.* Et cum Bart. ad L. *seruos* 17. nu. 2. ff. *de aliment. legat. sustinent plurimi*, sic etiam rem legato sibi relictam consequi fas erit. Neque in hoc vlla vnquam extitit controuersia. Quando autem legata fuerint perpetua, & annuatim soluenda relinquantur; grauior est concertatio, quam pro parte nostri Ordinis à me latissimè discussam, & Sacre Congregationi Eminentissimorum Cardinalium Concilij Tridentini pro fundatione Conuentus Victorie Reformatorum, seu Discalciatiatorum præsentatam An. 1635. & nunc per sequentes *§§.* diuissimam inculcabo.

§. PRIMVM.

Exponitur modus, quo Minores legata perpetua obtinendi capaces habeantur.

VT Fratrum Minorum capacitas ad legata sibi perpetuò relicta consequendum percipiatur, inspicienda est forma, seu modus, sub quo res ipsa materialis fratribus legato tradenda perhibetur. Is enim aliquando illicitus esse poterit, Minoritarumque instituto repugnans: Qualis foret si testator rem immobilem, videlicet agrum, aut vineam à Fratribus excolendam, vel possidendam relinqueret: & tunc reiiciendum erit legatum, quia Minores illius obtinendi incapaces existunt, ut sancitum est cap. *exijt* §. *ad hæc de verborum significat.* ibi *Decernimus quod si testator modum secundum quod fratribus (eorum conditione inspecta recipere non liceret) exprimat in legando, ut si legaret fratribus vineam, vel agrum ad excolendum domum adlocandum, vel similia verba in similibus proferret: aut modos similes in relinquendo seruaret a tali legato, & eius receptione per omnem modum fratres abstineant.*

Quamquam in eo casu hæredes ab implenda testatoris voluntate non eximuntur, sed tale legatum, quia pium est, secundum æstimationem largiri tenentur, ne vita functi dispositio corruat, iuxta decretum l. *legatum ff. de usufruct. legat.* & docet Menoch. *Præsumpt.* 1294. c. 24. & sequentibus vol. 2. Cordub. in *Regul.* c. 6. q. 11. §. *Tertio dubitatur.* Rodriguez to. 2. q. 26. a. 4. cum Barthol. & Ancharano: ideoq. modus ille impossibilis legato adiectus ab eo reiiciendus erit, ut iubet l. *Obtinuit ff. de conditione, & demonstratione* l. *repræbenda C. de insti. & substi.* atq. in æstimatione, cuius fratres sunt capaces cōuertendus. Nā Martinus V. Minoribus cōcessit, ut legata omnia ad pecuniā reducibilia consequi possent.

Hæc autem assertio fundatur in doctrina plurimorum Iuris vtriusque Doctorum apud Couar. c. *Cum esset de testam.* qui asserunt heredem obligari in conscientia ad soluendum legatum

in

Menoch.
Cordub.
Rodrig.
Barthol.
Anchar.

Couar.

in testamento minus solemniter relictum, quia certo eam fuisse testatoris voluntatem agnoscit: Cum tamen in foro externo illud reddere non teneatur. Cui Doctorum placito, & iuris dispositioni assentiens Capitulum quoddam Generale ut refert Corduba, & tenet *Firmamentum trium Ordinum* 3. *Cordub.* part. fol. 10. in statutis ibi conditis decreuit, ut Legati æstimatio sub hac ratione à nostratibus perciperetur. Ideoque Nicolai Bulla non obstante, quæ Legatum sub illiciti modi expressione relictum recipere Minoribus interdicunt: in modum possibilem qualis est æstimatio conuertere debet, & recipi nē testatoris dispositio euaneſcat. Et quamuis ibi Pontifex dicat: *Atali legato, & eius receptione per omnem modum Fratres abstineant*: particula *per omnem modum*, ita debet exponi, hoc est illicitum, & Fratrum paupertati repugnantem, si tamen in modum possibilem, verbi gratia, æstimationem transferatur, illud assequi fas erit. Quia rei æstimatio solummodo prohibetur, quando res ipsa interdicuntur: non autem quando modus tantum est prohibitus, ut in casu præſenti. Quapropter ablato illicito modo, & alio qui licitus sit adhibito, Minores legatum obtinebunt. Quod Sixti IV. & Leonis X. concessionibus maximè cohæret. Hi enim Pontifices Religioni nostræ indulserunt, & legatum ad unum usum à testatore relictum, per superiores in alium transferri posset: Si igitur legatum, de quo agitur in æstimationem seu eleemosynam commutent, quorum capaces sunt, illo frui poterunt. Siquidem non res ipsa, sed modus, quo legata est prohibetur.

Deinde modus in legato adhibitus indifferens esse poterit, ut cum res absolutè absque aliqua modi expressione legatur. Tunc res sub modo Fratribus licito relicta censi debet; ipsisque tradenda nē testatoris voluntas fraudetur, sicut citato cap. *Exijt* decernitur. Si verò *Fratribus ipsis aliquid absque modi expressione legetur; volumus, ut sub modo licito Fratribus intelligatur relictum*: ita quod nec legans merito, nec Fratres ipsi effectu relictii fraudentur. Unde Sanctus Bonaventura in cap. 4. Regule prudenter intulit præſu-

præsumendum non esse quidquam Fratribus legari, nisi sub modo quo illud obtinendi capaces iudicantur. *Cùm enim legantes, inquit, intendant Fratres pro se habere intercessores, non intendunt eos Regula sua constituere prauaricatores. Quapropter iuxta præfatum Pontificis decretum. Et Diui Bonauenturæ auctoritatem prædicta legata qualibet ratione valere possunt, valida cenferi debent. Dispositio enim absolute facta respectu personæ ad quam dirigitur mensuranda est, & pro validitate actus interpretanda l. plenū §. equitis ff. de usu & habit. Quod adeo verum est, vt quamuis verba dispositionis, relicta significatione propria, ad impropriam distrahere oporteat, id fieri debet nè actus valore suo destituatur. Iason l. Quoties in stipulationibus num. 2. ff. de verborum obligatione, Decius in l. contrahenda num. 5. ff. de Regul. Iuris. Cùm autem dispositio ad Minores dirigatur, iuxta præsumptam disponentis voluntatem interpretanda est per l. qui quadraginta in principio ff. ad l. falcidiam: & consequenter vt modo licito Fratribus obueniat iudicandum. Ita sustinent Bartol. Tract. Minor. dist. 4. cap. 1. nu. 19. Abbas cap. in presentia num. 36. de probationibus. Florianus l. cetera §. si duobus ff. de legat. 1. & plures alij.*

Postremò fieri potest dispositio modo Fratribus licito quique eorum statui non repugnet. Hoc autem dupliciter eueniet. Primò cùm quis testamentaria, vel qualibet vltimæ voluntatis dispositione, rem aliquam Fratribus relinquit, vt si immobilis sit vendatur, & pretium subleuandis eorum necessitatibus deferuiat, sub quo modo dubium non est; quod Minores ab obtinendum huiusmodi legatum capaces existant, iuxta diffinitionem cap. Exijt §. ad hæc quia vcrs. si verò de verborum significat. in 6. ibi. Si verò modum licitum Fratribus in legando testator expresserit, vt si diceret: *lego pecuniam, vel domum, agrum, vineam, & similia ad hoc, quod per certam personam, vel personas idoneas distrahatur, & pecunia de rebus ipsis accepta in adificia, vel alia Fratrum necessaria conuertatur.* Secundo accidere potest, cùm res legata elemosynę titulo Fratribus largienda à testatore iniungitur,

Iason.

Decius.

Bartol.
Abbas
Florian.

iniungitur, citra omnem obligationem ciuilem. Ita quod legantis hæredes ad rei legatæ traditionem ciuilitè compelli nequeant: Et Fratres nonnisi eleemosynæ titulo reposcant. Hic autem legandi modus, vel merè gratuitus poterit esse, vel etiam onerosus. Quando nimirum pro re, quæ eleemosynæ titulo donatur Missarum solemniam, conaciones, officia & alia spiritualia exercitia Fratribus imponuntur: ad quorum exhibitionem ipsi solo fidelitatis titulo constricti remanent: nec ciuili actione poterunt compelli, vt soluant quæ pro legati receptione agenda sponderant. Nec vicissim legantis hæredes in iudicio conuenient; quoniam ciuilis cuiuslibet actionis incapaces existunt: obligatione tamen naturali, & fidelitatis debent conditiones in legati institutione positas adimplere. His de modo quo fieri potest legatum adnotatis, de ipsiusmet legati substantia tractandum erit, & primum de gratuito quod nullo imposito onere relinquitur.

§. S E C V N D V M.

Regula puritati non obstat, quòd Minores de Obseruantia sub prædictis modis legata sibi gratuito relicta, siue temporaria sint, siue perpetua nanciscantur.

DVplex est legatorum differentia, quædam enim temporaria sunt, quædam perpetua. Ex temporarijs nonnulla ad modicum, alia ad longum tempus relinquuntur: Et vel vna tantum, vel repetitis largitionibus complentur: nonnunquam moderatæ, aliquando excessiuæ poterunt esse quantitatis. Si legatum fuerit temporarium quale censetur quod decennium non excedit, vt docuit Lappus Alleg. 30. Cardinal. Clement. Exiui. Matth. de Afflict. tract. de Iure Prothonotarij, vel quod ad Fratris vitæ Cõuentui relinquitur, quia

Lappus
Cardinal.
Afflict.

quia legati perpetuitas, vt patet ex l. fin. C. de Sacrosanctis Ecclesijs, & notat Sanchez lib. 7. decalog cap. 6. attendenda est respectu Religionis, cui legatum immediate acquiritur. Vnde nisi centum annos attingat, nec perpetuum, nec etiam longi temporis dicendum erit. Atque adeo capacitas in Fratribus Minoribus reperitur, vt illud obtineant. Fattetur Bartol. l. Seruos ad custodiam ff. de aliment. & cibis leg. cui plures alij ad stipulantur. Ratio est, quia legatum sub hac consideratione inter immobilia non computatur, quæ Minoribus Clementina Exiui §. cumque annui redditus prohibetur.

Quando autem legatum vel vna tantum vel pluribus confertur largitionibus; seu numerata pecunia, seu speciebus alijs constiterit, dummodo quantitas excessiua non sit, à Fratribus obtineri poterit: quia tunc nõ aufertur mendicitas statui Minorum conueniens prout decernitur c. 2. de Religiosis domibus in 6. Et Clement. Exiui §. cupientes nec liceat eis de verborum significatione vetuit, nè sub legati nomine hæreditas caperetur. Assertionem hanc sustinent Bartolus Tract. Minoricarum lib. 2. dist. 1. num. 1. Et alij, quia in Minoribus nullius rei accipiendæ capacitas inuenitur: nisi quam Sedes Apostolica sub suum dominium recipit. At verò in prædicta Clementina tantum abest, vt immoderate quantitatis legata acceptentur; vt potius ibi eorum acceptio Fratribus interdicatur. Non liceat eis valorem hæreditatum talium vel tantum dimitti sibi facere, vel sic dimissa recipere: quin potius ista sic fieri ab ipsis simpliciter prohibemus. Igitur quoties legata ad immoderatam excreuerint quantitatem à Minoribus accipi nequeunt. Quæ autem existimanda sit quantitas moderata Ministri, & Custodes pro locorū, ac temporum diuersitate, & necessitatum magnitudine arbitrabuntur. Si verò contingat legatum vnum magnæ quantitatis relinqui, vel duo, quorum quantitas seorsim moderata, & simul excessiua reputatur. Tunc vt docet Bartolus Tract. Minoricarum lib. 2. dist. 1. num. 45. Tanta legati pars desumenda erit, quanta subleuandis Fratrum necessitati-
bus

bus deseruiat residuum verò ad hæredes transmittendum.

Quod si legatum fuerit perpetuum, & sub quantitatis moderamine, quam præscripsimus relinquatur: Quod etiam dupliciter fieri potest: primò, cum per se & immediatè Fratribus largiendum à testatore ordinatur: Secundò, cum Fratrum Ecclesiæ, seu Conuentui primo destinatur. De quolibet euentu seorsim claritatis gratia differemus.

Et quidem de primo sic statuo. Fratrum Minorum statui non repugnat, vt legata perpetua recipiant, quæ ipsis gratuito, & per modum eleemosynæ conferuntur: Dummodo ciuili actione illud ab hæredibus in iudicio non repetant. In primis non repugnat propter ipsammet legati substantiam, quia legatum nihil aliud est quàm donatio quædã, seu eleemosyna per testatorem hæredibus imposita, vt ipso vita functo cuidam loco, aut personæ largiantur. *Insit. de legat. §. i.* Sed Minoribus fas est eleemosynas, siue pecuniariæ sint, siue non recipere, quandocunque à viuentibus modo aliàs non illicito, conferuntur. Ergo fortiori ratione à testatoribus relictas accipient. Nam testamento relinqui, vel à viuente donari nullum discrimen importat. Et ex legatis eleemosynæ titulo receptis nullum ius, aut ciuilis actio in Fratres deriuatur, cuius incapaces existunt.

Deinde non repugnat propter perpetuitatem: quoniam annum legatum, per l. *cum in singulos annos ff. de annuis legat.* nihil aliud est, quàm plurium legatorum multiplicatio: Vnde si in legatario sit capacitas, vt pro singulis annis legatum consequi valeat, eandem etiam habebit, vt legatum perpetuò recipiat. Quis enim vetat testatori, vt viuens particularem eleemosynam Fratribus donet, & postmodum testamento iubeat, vt eadem eleemosyna alio atque alio anno, & sic de singulis perpetuo donetur. Maximè quia sic fieri solitum quotidiana probat experientia, sicut deducitur ex l. *Scio §. Medico & §. final. de annuis legatis*, & l. *si cui annua §. qui Marco* eodem titulo.

Præterea nulla ex Fratrum incapacitate contradicção prouenit, siquidem hæc non reperitur ad obtinenda legata, quæ

Rr

ipsis

Cordub.
Rodrig.

ipsis eleemosynæ titulo relinquuntur, dummodo tanquam iure debita ciuili actione non repetant, vt nemo est qui diffiteatur. Minus etiam obstat mendicitas eiusmodi legatorum receptioni: Licet enim moraliter certa sint, & certò Fratribus reddenda. Nihilominus ciuilitè incerta sunt: quia ciuili actione repeti non possunt. Et hoc fat est, vt veræ mendicitatis obseruantia consistat, sicut statuitur c. *Religios. de Religios. domib. lib. 6.* Et insinuat Corduba super Regul. cap. 6. quæst. 10. punct. 4. Rodrig. tom. 2. q. Regul. quæst. 126. art. 4. Alioquin negandum foret, quod cõmuni totius Ordinis consuetudine recipitur, nimirum, licitum esse Fratribus Minoribus vt eleemosynas petant, vel oblatas ab eo recipiãt, quem ob promissionis, vel alterius iustæ causæ obligationem certò redditurum agnoscunt: Ea tamen lege, vt ex promissione nulla ciuilis actio consurgat, ob quam promittens ad erogandam eleemosynam ciuilitè compellatur. Et hinc est, vt Hispaniarum Discalceati nullas Conuentuum fundaciones accipiant, quin prius à Ciuitatibus, vel Oppidis pro determinatis necessitatibus certa eleemosynæ quantitas perpetuò eroganda consigneretur.

Bartol.
Sorbus.
Rodrig.
Sanchez.

Iam verò altissimæ paupertatis perfectio, quam Minores obseruant non impedit quominus legatis prædicto modo relictis perfruantur: siquidem sub ea ratione quinque politicorum actuum dominij, scilicet, possessionis, proprietatis vsusfructus, & vsus Iuris Ciuilis abdicationem minimè lædunt, vt planum est, si modus legato adhibitus communi Fratrum statui nõ sit contrarius: Nam si particulari alicuius conditioni repugnet, verbi gratia, si layco libri Theologiæ reliquantur, non caducum erit legatum, sed iuxta dispositionem Iuris l. *Obtinuit de condit. & demonstrat. l. Reprehendenda C. de instit. & sub. sst.* in modum congruentem inutari debet, & libri aliorum Fratrum vsui accomodandi erunt. Hinc etiam deducit Bartol. l. 2. dist. 3. c. 2. Rodrig. in q. Regular. tom. 2. q. 126. Sorb. in compendio priuilegiorum Mendicant. verbo *legata in suis annot. vers. sed si aliquod legatum*, quos refert & sequitur Sanchez lib. 7. Decalog. c. 26. n. 24. legatum pro certæ necessi-

necessitatis subleuatione relictum, quæ tamen non subsistit, accipi posse ad aliam necessitatem subleuandam. Atque adeo hæredem, cui testatoris voluntatem inuertere non licet, vt iura statuunt l. 4. ff. de seruo expost. ad legati traditionē constringendum iri: nè illi accrescat, sed totum in testatoris utilitatem conuertatur; cuius animæ providendum decernitur l. Legatum ff. de usufructu legati, & sæpe alibi. Quod à fortiori verum habet attenta Martini V. & Pauli IV. determinatione qui pecuniam Fratribus Minoribus oblatam in dominium Sedis Apostolicę transire statuerunt. Et ideo pro hac parte stat Baldus in prædicta decretali §. in eo vero casu Ancharan. Clement. Exiui Serena conscientia quæst. 18.

Baldus:
Anchar.

Facta hucusque enumeratione patefit nihil Fratribus Minoritis de Obseruantia obesse ad legatorū quæ prædiximus acquisitionem. Quia si legati substantia non obstat, vt diximus, & fatetur Bartol. Tract. Minoritarum l. 2. dist. 6. cap. 1. num. 33. Et ideo res eadem quæ tanquam legatum annuum relinquebatur, si sub alio nomine Fratribus legetur, videlicet eleemosynæ titulo annuatim reddēda Fratres licite illā obtinebunt, vt egregie adnotauit Abbas cap. in Prasentia n. 63. de probat. Sorbus in compendio verbo legata. Nec etiam obstat perpetuitas, quia eleemosynis gaudere perpetuis Minores possunt. Tandem nec eorum incapacitas, extrema paupertas, & professa mēdicitas talium legatorum assecutionem impediunt. Nihil ergo superest nisi modus, quem iam licitum statuimus, vbi primū legata, non quatenus talia, sed tanquam eleemosynę sunt dominio proprietate, ciuiliq. actione exclusis recipienda fore declarauimus. Firmum igitur & statutum manet, nullam in hac parte Regulę transgressionem admitti: atque adeo quotiescunq. modo & forma præscriptis legata relinqui Minoribus contingat, illa valide, liciteque acceptabunt. Vt autem omnis mali species auferatur, & Regulę nostrę sinceritatem ignorantibus scandali occasionem præscindamus: quæ ante legatorum acceptationem peragenda sunt, sequenti §. inculcabitur.

Bartol.

Abbas

§. TERTIVM.

Quid Fratres Minores agere debeant antequam legata perpetua sibi gratuito relicta acceptent.

Corduba ad cap. 6. Regulæ quæst. 10. docet ante legatorum receptionem necessum esse, vt Fratres Minores non aliter, quàm elemosynæ titulo absque vlllo iure, & ciuili actione recepturos protestentur: non quia huiusmodi protestatio ad validitatem receptionis, & indemnitatem necessaria sit, sed nè scādali occasio ignorātibz præbeatur. Quē admodū Christus Dominus apud Matthæum c. 17. se tributū minimē debitorē ostendit: nihilominus vt auferret scandalū, Petro præcepit vt hamū in mare mitteret, captum piscē extera-
Politiu. *teraret, & inuētum in eo staterem solueret. Vt autem, inquit, non scandalizemus eos, vade ad mare, & mitte hamum, & eum piscem qui primus ascenderit tolle, & aperto ore eius inuenies staterem, illū sumens da eis pro me, & te.* Protestatio ista, quā fieri monet Corduba nō ex debito, sed ex quadam congruitate atq; ad omnem scandalī speciem auferendam prænitenda est. Quo, reor, aspectu in capitulo Burgēsi anno 1523. celebrato conditum fuit huiusmodi statutū. *Declaratur quod a.l. perpetua legata petenda non possunt Fratres recurrere, nisi per modum elemosynæ, absque alicuius debiti allegatione, imò cum declaratione scripta, & sigillata heredibus, vel Commissarijs facienda, quod nimirum Fratribz non licet talia petere, nisi per modum elemosynæ.*

D. Matth.

Hoc Generalis Capituli decretum approbat Politiu. c. 6. n. 45. & vltra protestationem ibi fieri præceptam, consulit, vt actus renūtiationis interueniat à Notario publico confectus, in quo Fratres omni iuri ad prædicta legata renuntient, eo quod ex regulari professione, constitutionibusque Apostolicis eorum incapaces existant. Quod licet necessarium non sit:

fit: congruum tamen est, & alijs capitulorum Generalium decretis consentaneum, ne stante testatoris dispositione, hæredes dominium aliquod, seu ius ad rem legatam apud fratres residere falso arbitrentur. Quamquam ipsimet hæredes à naturali debito non eximantur quo ad implendam testatoris voluntatem constringuntur.

Nec fratrum statui repugnat eleemosynæ titulo accipere quod quisquam ex debito naturali ad alterum, seu quod perinde est ex voto ad Deum quotannis perpetuo soluere teneretur Et ita censuit Angelus *verbo legatum* 1. nu. 5. Syluester *verb. legatum* l. 2. quest. 3. dicto 3. Tabien. *verbo legatum* 1. quest. 4. nu. 5. Rodrig. tom. 2. quest. Regular. quest. 126. a. 4. quorum sententiæ patrocinator Lara in l. *si quis à liberis* §. *utrum* nu. 14. ff. *de liberis agnoscend.*

Angel.
Syluest.
Tabien.
Rodrig.
Lara.

Quod autem hæredes etiam post factam à Minoribus protestationem defuncti voluntatem implere iuris naturalis debito, & rem per ipsum legatam modo fratribus licito reddere teneantur, planum fit. Nam ut habetur §. *per traditionem*. *Instit. de rerum diuision.* Nihil Iuri naturali, & æquitati tam congruum est, quam ut vltima decedentis voluntas, qua rem suam in alium transferre statuit, rata inuiolabilisque perseueret. Et ideo hæres, seu testamenti executor legata omnia à testatore relicta persolvere tenetur, maxime pia cum fuerint ad quorum validitatem sat est, ut iuris gentium solemnitas adsit, duorum videlicet testium præsentia, quamquam aliæ Iuris Civilis solemnitates desiderentur, ut optimè censuit Couar. *Rubric. de Testament. cap. relatum* 1. nu. 4. Iulius Clarus §. *Testament.* quest. 6. Quinimò sicut à Iure Canonico disponitur pro conscientie foro, nec duo testes requiruntur, quia illos solummodo necessarios iudicat, ut in foro extreno Iudex requisitus pro validitate legati sententiam pronunciet, & ita sancitum autumat Leonardus in citato cap. *relatum* lib. 7. *de Instit.* cap. 19. dub. 2. nu. 4. Atque adeo nihil ultra ad prædictorum legatorum validitatem exigitur, quàm ut in disponente potestas, in dispositione libertas, in recipiente capacitas inueniatur.

Couar.
Iulius Cla.

Leonard.

Cum

Cum igitur Minores legata perpetua eleemosynæ titulo sub appofitis conditionibus recipiendi capaces existant, vt nemo sanæ mentis inficiabitur, quoniam vt sic ab eleemosyna nihil differunt, quæ tantum abest, vt ipsorum statui repugnet, quod iuxta regulam quando laboris pretium illis non daretur, de eleemosynis viuere teneantur. Vnde si reliqua adsint hæredes iuxta Testatoris voluntatem in vtroque etiam foro rem legatam Fratribus tradere debent, vel in eorum necessitatibus expendere. Et propter hoc omnes ferè Regulæ nostræ expositores partem hanc amplectuntur. Politius loco citato Rodrig. tom. 2. *question. regular.* q. 126. ar. 4. Angel. verbo legatū 1. §. 5. Fr. Antonius à Patti c. 6. a. 5. n. 32. & alij qui iure optimo in prædictorū receptione altissimam paupertatem, quam Fratres in regula profitentur minime lædi, & mendicitatem, de qua viuere constringuntur non auferri viriliter propugnant, sub S. Bonauenturæ patrocínio, qui, 6. quæst. ex 27. quas aduersus regulæ vituperatores agitauit, rem hanc dilucidè exposuit. Quinimò totius Ordinis Minorum Generalem Ministrum cum ageret in Capitulo Generali apud Narbonam celebrato anno 1206 sequens Decretum stabiliiuit, vt prima parte supplementi fol. 30. habetur. *Inhibemus, vt nullus frater inducat aliquam personam ad ordinandam eleemosynam perpetuam annuatim, vel certis temporibus exhibendam, si aliqua tamen legata fuerit, nullo modo à fratribus in iudicio exigatur.*

Ex hoc Seraphici Doctoris statuto manifestè colligitur, quo pacto in ipso statim Religionis exordio sancitum fuerit, eleemosynas etiam perpetuas Minorum statui non repugnare: dummodo per ciuilem actionem in iudicio non peterentur. Et si res aliter se haberet, Sanctus Pater quemadmodum petere interdixit, ita etiam spontè oblaras recipere prohiberet, sicut ibidem in alia materia fecisse deprehenditur. *Fratres non morentur in Conuentibus habentibus Parochialem, Camiterium, vel Baptisterium: quia hoc contra regulam est, & minime licet, nisi interueniente iussa dispensatione Pontificia.* Nec quidquam obest quod Fratribus iussit,

Politius.
Rodrig.
Angelus.
Anton. Patti.
ti.

D. Bonan.

iussit, ne qui eorum illud eleemosynarum genus procurarent; quoniam id prudenter fecit, ut omnem auaritiæ occasionem absunderet: non tamen prohibuit, ne quæ liberaliter offerrentur acciperent: aut iam acceptatas retinere possent. Quoniam optimè nouerat id Seraphicæ Religionis statui nullatenus repugnare. Sicut etiam cernere est in ijs, quæ in Apologetico tom. 2. quæst. 9. luculenter scripsit: *Si aliquis disponderet per se, vel per alium, quod de prædio, vel prouentibus illis, vel illis darentur fratribus quotidie tot panes, vel tantum eleemosynæ singulis septimanis, vel annis, non essemus propter hoc prædij, vel reddituum possessores. Nam si me petente eleemosynam aliquis diues promittat quod singulis annis uellet dare fratribus duas tunicas, vel unam tantum, vel singulis hebdomadis tot panes: & hoc committat officialibus suis, ut sicut sui illa dent, & absente eo, hoc pro fratribus recipiam, vel exigam: & si post obitum illius uxor illius, vel alij amici pro anima illius adhuc uelint pro aliquo tempore talem nobis eleemosynam per se, vel ex dispositione illius elargiri, possemus similiter accipere ex eadem gratia.* Hæc Seraphicus Doctor.

Est autem eius iudicium hac in re plurimi faciendum; quippe qui Minorum Ordinem per octodecim annos Generalis Ministri officio functus administrauit. Et cum inter annuos redditus non computandum censeat legatum, vel quamlibet dispositionem spontè, liberaliterque fratribus oblatam, dummodo nec ipsi ius acquirant, ut ciuili actione possint repetere: nec legans, aut disponens, eorumque hæredes ullam præter naturalem fidelitatis, & cōscientiæ obligationem contrahant. Et ideò Sac. Cōgregatio Concil. Tridentini auctoritate S. Bonauenturæ innitens proponentibus Eminentissimis, & Reuerendissimis Dominis Cardinalibus Pamphilio, & Saccheto, quibus commissa fuerat causæ discussio, statuit, dispositionem factam per Tribianæ Comites ad fundandum Victorix Cōuentum pro nostris Hispaniæ discalceatis, validam extitisse, & à fratribus obtineri posse, qui quid in contrarium

rium à Carmelitanis Discalceatis opponeretur, non ob-
stante. Quoniam legata quantitas quæ singulis annis pro
fratrum sustentatione reddenda disponebatur, omni actio-
ne, & obligatione ciuili denudata erat: Ita quod fratres solo
eleemosynæ titulo acciperent, & Comites gratuito, & libe-
raliter per se, suosque hæredes donandam sponderent, Quā
dispositionem ita vicissim ordinatam confirmauit Sanctis-
simus Dominus Noster Urbanus VIII. vt postea referemus,
diuersa exemplaria recensentes, quæ ad nostræ resolutionis
confirmationem summopere conducunt.

Vt autem dispositiones ita factæ suo effectū minime frau-
dentur, quia hæredes grauati ad legati solutionem ciuilit̃er
constringi non possunt, siquidem fratres ciuili carent actio-
ne ad repetendum, Episcopus ex officio compellet, vt quæ
fidelitatis titulo debent, fratribus exoluant; vt deduci vi-
detur ex cap. *Tria*, & cap. *Ioan.* eodem titulo, & prædicta
decret. §. *ad hæc* Bart. in l. *ne quidquam* §. *fin.* ff. de officio
prætoris Ioan. Andreas in cap. *si hæredes* Extrauag. de Te-
stament. Bald. in l. *nulli* C. de Episcopis, & Clericis. Ancharan.
Clement. Exiui, & Couar. in cap. *si hæredes* Rubric. de testa-
men. nu. 1. Quinimo iudex ciuilis quamuis legata sint pia,
pro eorum executione compellere valebit hæredes: quo-
niam res hæc mixti fori iudicatur in *Authent. de Eccles. tit.*
§. *si quis autem column.* 9. & clarius in l. *hereditas* ff. de peti-
tione hereditatis. Et docet Roman. in *Authent. similiter* C.
ad leg. *falcid. speciali* 20. *ultim. volunt.* Couar. loco cita-
to, & cap. *relatum de Testament.* notat egregiè, quod sæ-
cularis iudex, cum apud ipsum de legatis pijs agitata fuerit
controuersia, secundum canonici iuris leges, & seruato ip-
sius ordine sententiam pronuntiare teneatur, quamuis in
temporalibus Romanæ Ecclesiæ non subiaceat.

Præter Episcopum, & Iudicem sæcularem, Ciuitati etiam
fas erit pro eiusmodi legatorum executione contendere,
non aliter quam si eidem relinquerentur, vt censuit Bartol.
lib. 2. distinct. 7. cap. 3. nu. 41. Ratio est, quoniam quicquid
pro pauperum alimentis relinquitur, Ciuitati, cuius interest
ne

Bartol.

Io. Andr.

Bald.

Anchar.

Couar.

Roman.

Couar.

ne pauperibus alimenta deficiant, legatum existimatur l. *si cui* l. *ciuitatibus* 125. in princip. nu. 5. ff. *delegat.* 1. C. de *Sacro sanct. Eccles.* l. *privilegia*. Quis verò Minores. Apostolica paupertatis professores e mendicatis propediem visitantes inter pauperes fore connumerandos inficiabitur. Nec verò absolum est, vt numeratis personis competat talium rerum executio, quoniam vt habetur in *compendio privilegiorum verbo heredit* nu. 6. eorum interest, ne quispiam re sua abutatur, sicut tenet *§. sed hoc tempore Instit. de his qui sunt sui, vel alieni Iuris*. Et vita functorum causa omnes communiter tangit, vt optimè aduertit Andreas Barba. . Rubric. de *Testament.* col. 25. & tenet gloss. in l. *Julianus ff. de action. competent*. Atque adeo si ad rei priuatæ commodum attenditur l. *si quis C. de bon. proscript.* multò melius quod omnibus commune est, nimirum, defunctorum voluntas executioni tradenda procurabitur. Alioquin, nisi ita fieret propter improbam hæredum calliditatem pium defunctorum propositum calaretur, vt notatur in text. l. *nulli C. de Episcop. & Cleric.* & docet Bart. citata l. *ciuitati* in princip. num. 7. Abbas cap. *nos quidem num. 5. de testamentis*. Anchar. Clemen. *exiui* nu. 16. Et pauperes qui in iudicio agere nequeunt quales sunt Fratres Minores, legatis sibi rebus fraudarentur: & ideo hac ratione vtrisque prouidendum fuit. Quod adeò verum est, vt Bartol. in l. *ne quidquam* cum alijs iuribus. Roman. in *Authent. scilicet C. ad legem falsiciam*. Cordub. cap. 6. q. 11. punct. 4. Redoan. de *spolijs Ecclesiast. quest. 8. in princ. nu. 35.* cuilibet de populo, vt legata ad pias causas relicta impleantur in iudicio contendere fas esse constanter sustineant: Pro quo text. est optimus in *Authen. de Eccles. tit. §. si autem colum. 9. l. in Provinciali §. fratrum, & l. sequent. ff. de oper. nou. nunt.*

Poterunt etiam Minores iudicum fauorem, modèstè tamen, humiliterque extra iudicium implorare, vt hæredes vel alios ex testatoris dispositione grauatos adimplendam ipsius voluntatem ex officio constringant: Quinimo ipsosmet hæredes adhortari licebit, vt suæ obligationi satisfac-

Sf

ciat:

Andr. Bar.

Abbas.
Anchar.Bartol.
Roman.
Cordub.
Redoan.

D. Bonau.
Cordub.
Rodrig.
Bartol.
Angel.
Reduan.
Syluest.
Abbas.
Horatius
Sanchez.

ciant. Neque enim dum hæc peragunt aliquid Iuris obtinere in eiusmodi legata prætendunt, vt. expressè docuit S. Bonauentura in Regul. cap. 4. post solutionem ad 4. quem sequuntur Cordub. ibidem cap. 6. q. 11. punct. 4. Rodriguez tom. 2. quæst. Regul. q. 126. a. 4. Et externorum quamplurimi, Bart. l. Ciuitat. in princ. nu. 5. Reduan. de spolijs Ecclesiast. q. 8. in princ. nu. 47. Angel. verbo Hæreditas nu. 17. Syluester ibid. quæst. 7. dicto 1. nu. 10. Abbas cap. in præsentia nu. 63. de probat. Horatius Lucius l. 1. nu. 18. ff. de Iurisdiction. omn. Iudic. & alij quibus assentitur Sanchez lib. 7. Decalog. cap. 26. nu. 62. quamquam hodie superflua censetur talis imploratio, quoniam ex concessione Sedis Apostolicæ Fratrum Minorum Syndicus, nomine Romanæ Ecclesiæ, vt citati Doctores admonent pro legatorum executione, si debitæ aliàs circumstantiæ interueniant apud vtriusque fori Iudices contendere valebit. Nec obstat, quod Fratres iudicialiter petendi incapaces habeantur, quominus Iudex ex officio grauatum ad legati solutionem compellat: quoniam vt habetur l. seruos ff. de aliment. & cib. legat. Quæ relinquuntur seruis templi seruitio dicatis ante ipsius templi constructionem, valida sunt, & Iudicis officio tradenda, quamquam serui actione careant ad repetendum. Quod æqua ratione in Minoribus obseruandum erit.

In eorum namque fauorem ædita est à Clemente VII. constitutio, quæ incipit. *Nuper pro parte vestra*, die 27. Nouembris Anno 1527. vbi nostris Superioribus conceditur, vt Apostolicis procuratoribus locorum interuenientibus circa legata perpetua iam relicta, vel in posterum relinquenda compositio cum hæredibus, vel testamētorum executoribus fieri possit, ita quod ad certam pecuniæ summam pro Fratrum subuentione, vel locorum instauracione expendendam reducantur. Quam constitutionem visitationis Apostolicæ Reformatores per Clementem VIII. pro causis Regularium deputati, sicut refert Antonius à Patti in expositione Regul. cap. 6. a. 5. nu. 24. delegatis absque onere relictiis interpretati sunt. Et merito, quoniam compositio

Anton.
Patti.

de illis, quæ sub Missarum, & officiorum onere relinquuntur in Tertij præiudicium resuleret. Hinc est ut Sacra Eminentissimorum Cardinalium Congregatio negotijs Episcoporum, & Regularium præposita, Memoriali à præfatis Visitatoribus porrecto responderit, compositionem in legatis absque onere relictis tantummodo fieri posse, ex quo eiusmodi legata valida esse, legitimèque à Fratribus obtineri posse convincitur: Alioquin si valida non essent: Cur permetteret Sacra Congregatio, & Fratribus concederet ut super eiusmodi legata compositionem inire potuissent. Cui resolutioni patrocinator Sacræ Congregationis Eminentissimorum Cardinalium Concilij Tridentini declaratio ædita tertio Aprilis die Anno 1602. ubi legatum annui redditus Religioni factum, quæ etiam in communi bonorum immobilium incapax existit minime caducum esse quoad substantiam decrevit: Quapropter obtineri poterat dummodo quantocius distraheretur: Vnde cum supra statuerimus legatis annui redditus, quæ Fratribus relinquuntur, addendum esse modum seu titulum elemosynæ, ut illis licitè, ac iuxta paupertatis nostræ professionem perfruamur: planum fit, & indubitatum licite valideque à Fratribus citra Regulæ transgressionem obtinenda, quoties elemosynæ titulo relinquuntur. Iam de onerosis tractandum erit.

§. Q V V R T V M.

Fratrum Minorum Regulæ contrarium non est, ut annui redditus legata sub Missarum, & Officiorum onere relictæ, comparare possint.

QUæ ante de legatis gratuito relictis præmissimus, hic etiam aduertenda sunt, non tamen repetenda. Illis igitur suppositis, statuendum est legata sub onere Minoribus relictæ validitatem habere, licitèque ab iisdem acceptari posse: dummodo limitationes statim adhibendæ observentur. Hanc resolutionem amplectuntur omnes quos supra

Syluest.
Angelus.
Palud.

retulimus. Syluester verbo legatum 2. §. 4. Angelus ibidem legatum 1. n. 15. Paludan. in Epistola ad Magistrum Ordinis qui locutus de anniuersarijs, quæ Minorum Ordini relinquuntur, hæc ait: *Sicut non est contra ordinem, imo de ordine recipere quotidianas elemosynas; ita etiam anniuersaria perpetua. Neque hoc est habere redditus recipiendo gratis, & petendo extra iudicium. Nec est in hoc necessaria dispensatio, sicut nec quotidie mendicando: sed petere illa in iudicio tanquam redditus sibi debitos, non licet absque dispensatione quæ fieri non debet; neque illud dissimulari, nisi ex causa necessitatis, puta in locis ubi ita refrigit charitas, quod fratres seminantes spiritualia non possunt aliter metere carnalia.* Hæc ille prout refert Syluester loco citato ubi Archidiaconum, & alios pro eadem sententia producit, quam mihi sequentes rationes indubitatam efficiunt.

Antonius
Cucus.
Rodriguez
Ribaden-
eira.

Huiusmodi anniuersariorum acceptatio Fratrum Minorum pauperum, & mendicitati non repugnat. Quapropter si hæres à testatore iubeatur, ut certam quantitatem Minoribus quotannis elargiatur sub onere ut pro ipso testatore Missarum solemnia, vel alia diuina officia peragantur, licite illam acceptabunt, quia nulla ad hoc in eis incapacitas reperitur: Siquidem ut optime aduertit Antonius Cucus lib. 3. *instit. maiorum* tit. 1. nu. 36. & triplici sequenti Rodriguez tom. 2. quæst. Regul. tom. 2. quæst. 126. a. 4. Ribaden-eira Societatis Iesu de ipsius instituto cap. 23. nihil aliud hoc est quam hæredi imponere, ut ea sacrificia peragi à Fratribus procuret, & debitum pro eis soluat stipendium, & sic quantitas illa existimanda non est legatum Fratribus relictum, sed laboris stipendium: Quod tantum abest, ut Fratrum statui repugnet, ut potius iuxta regulam, priusquam ad mendicantem recurrant, de laboribus viuere debeant. Quatuor enim viuendi rationes à summis Pontificibus approbatae, & declaratae Fratribus assignantur, scilicet, *de laboribus, de oblationibus, de mendicationibus, & recursu ad pecuniã*, quibus vicissim, vel simul cogente necessitate fas est uti, quemadmodum à Seraphico Patre nostro Francisco cap. 5. Regula

præ-

præcipitur. *Fratres laborent fideliter & deuotè, de mercede
verò laboris, pro se, & suis Fratribus corporis necessaria
recipiant.*

Quia verò Sanctissimus Pater in testamento suo addidit
verba illa. *De laborio; quod pertinet ad honestatem;* Dubi-
tatum fuit de quo labore loqueretur. Cum autem Magistri
quatuor, & Regulæ expositores super hoc consulti essent,
vniuersim responderrunt: laboris nomine intelligendum
esse, vt *Missas celebrent. Defunctorum officia peragant, proces-
sionibus interfant, mortuos sepeliant, alijsque spiritualibus exer-
citijs incumbant.* Quo loci aduertendum est quod cum Fra-
tribus permiserit, vt de mercede laboris viuerent, conscius,
quod ea non semper ad alimentum sufficiens haberetur, iure
optimo adiecit: *Et quando non daretur nobis pretium laboris
recurramus ad mensam Domini petendo eleemosynam.*

Primus itaque viuendi modus Minorum statui congrue-
tior est, vt de laboris proprii mercede viuunt: aque adeo
citra omnem Regulæ transgressionem pro celebrandis Missa-
rum solemnibus, alijsque Officijs de more peragendis legata,
tanquam mercedem accipere possunt. *Dignus est enim opo-
rarius mercede sua:* Luc. 10. Et ita censuit S. Bonauentura su-
per Regulam cap. 4. Quod euidenti planè ratione demon-
stratur: Omnes ferè citati auctores indubitanter affirmant,
Minoribus fas esse oblatam pro mercede eleemosynam reci-
pere, quamuis perpetua sit: Ergo legata perpetua, & anni-
uersaria licitè recipient, cum pro laboris mercede, tituloq.
eleemosynæ ultro & liberaliter offerentur; ne vlla inde ciui-
lis actio resultet, ob quam hæredes, seu grauatos in iudicio
constringant. Illatio optima est, quoniam tam legata anni-
uersaria, quàm aliæ dispositiones testamentariæ Fratribus
relictis, ciuili obligatione sublata, qualiter sit per protesta-
tionem, qua nisi liberè, ac eleemosynæ titulo ipsis donentur,
non accepturos profitentur, annualium reddituum naturam
exuunt, & eleemosynæ reputantur, vt per se patet. Ergo eo-
dem modo poterunt à Minoribus acceptari. Nulla enim dif-
paritatis ratio producet. Et ubi ratio eadem est, ius idem
statui

Luc. 10.

D. Bonau.

Menoch.

statui debet, iuxta l. *Illud in principio ff. ad l. Aquil. & docet Menoch. conf. 113. num. 4. lib. 5.*

Tiraquel.
Grauet.
Suarez.

Nec obijci potest extensionē fieri non posse ab eleemosynis ad legata, quoniam hæc civili obligatione denudata eleemosynæ rationem sortiuntur. Vnde perperam vocatur extensio. Cum enim eadem ratio interuenit, ut docet Tiraquell. l. *Si unquam verbo litteris num. 45.* Grauet. *Consil. 183. nu. 3.* & alij communiter, nulla sit extensio. Quando enim utraque res propter identitatem rationis sub eadem dispositione continetur comprehensio quædam necessitatis reperitur, ut tenet Suarius de legibus libro 6. capite 3 & 4. Sigismundus argument. cap. *Cupientes* de elect. in 6. Ne contra rationem vel prudentiam seu iustitiam factum videatur, ut in vno casu taliter fuerit dispositum, & non in alio, cum uterque eandem participet rationem. Cum igitur omnes ferè Iuris vtriusque DD. statuunt, fas esse Minoribus perpetuas eleemosynas accipere, cur id de legatis civili actione denudatis inficiabuntur? Cum ut sic nihil aliud, quàm eleemosynæ sint. Et Fratres non aliter, quam sub ratione eleemosynæ gratuito, & liberaliter oblatæ recepturos profiteantur: quemadmodum in Capitulis Generalibus multoties fuit statutum.

In primis Capitulum Generale Assisij celebratum anno 1526. ut refert Corduba in Regula capite 6. quæst. 11. puncto 4. notab. 2. sequens decretum sanciuit. *Decernitur ac præcipitur, quòd Fratres nullo modo recipiant aliqua legata perpetuò relicta aliquibus personis, vel hospitalibus, vel alijs domibus, ut dent Fratribus certam eleemosynam simpliciter, ut ipsi dicant certa Officia vel Missas, imò quòd Guardianus, vel præses faciat protestationem iuridicam, & authenticam ei, qui implere tenetur testatoris voluntatem, quòd nolunt eas eleemosynas ex vi illius legati, nec volunt obligari ad illa officia, vel Missas, & quòd si volunt legatarij transferant ad alium locum; si tamen facta ista protestatione legatarius præfatus voluerit ex sua mera voluntate dare eleemosynas illas, & committere Fratribus*

Fratribus dicta officia, & Missas possunt Fratres cum bona conscientia recipere Clarius tamen, & opportunius ad præsens institutum declaravit Capitulum Burgenſe anno 1523. celebratum. Declaratur, quod ad perpetua legata petenda non possunt Fratres recurrere, nisi per modum eleemosynæ absque alicuius debiti allegatione, imò cum declaratione scripta & sigillata heredibus, vel Commissarijs facienda, quod scilicet Fratribus non liceat talia petere, nisi humiliter per modum eleemosynæ.

Et iam antea Capitulum Generale Toletanum anno 1504. cap. 3. tit. de pijs legatis statuerat, ut Monasteria, quibus annuum legatum, aliave institutio annuatim perpetuò adimplenda relinqueretur protestationem antea præmitterent: quod nullum ius compararent, aut ciuilis inde actio nasceretur, ob quam in iudicio talia repetere possent, quoniam solo eleemosynæ titulo recipiendi capacitatem obtinebant. Et ita Salmanticæ statuta anno 1553. edita cap. 6. confirmarunt, ubi insuper additur: *legantes, & instituentes ius ali-quod, vel actionem Fratribus conferre non intendere, sed eo tantum modo legata ipsis relinquere, quò licitè citrà Regulæ transgressionem illam consequi valeant.* Postea verò in Segobiensi Capitulo anno 1621. præfatæ declarationes in compendium redactæ fuerunt, communiq. Patrum assensu comprobatæ. Ibi. *Decernitur præterea & præcipitur, quod quovis scunq. relinqui contingat aliqua legata perpetua aliquibus personis, seu hospitalibus, vel alicui Reipublicæ, & alijs domibus ea lege quòd teneatur Fratribus præstare singulis annis certam eleemosynam siue omninò gratis, siue ut ipsi Fratres dicant certa Officia, & Missas Guardianus faciat protestationem ei, qui testatoris voluntatem implere tenetur, quod ad illas eleemosynas nullum ius habent Fratres ex vi legati, nec possunt obligari ad illa Officia, vel Missas, si tamen facta ista protestatione hæres ex sua libera voluntate voluerit dare eleemosynas illas, & committere Fratribus dicta Officia, & Missas; Tunc Fratres tuta conscientia possunt eleemosynas huiusmodi*

huiusmodi recipere. Est autem hac protestatio necessaria iuxta S. Bonaventuræ sententiam, ne ab ignorantibus nostrum Institutum Regula nostræ transgressores iudicemur. Hic constitutionis tenor; in qua iure optimo aduertitur, protestationem non esse necessariò faciendam, quia cum Fratres omnis dominij, proprietatis, iuris, & ciuilis actionis incapaces existant, non oportet ut talium rerum renuntiationem faciant, dum similes dispositiones acceptant: maximè quia Salmanticense Capitulum declarauit: *Legantes, & instituentes ius aliquod vel actionem conferre Fratribus non intendere sed eo tantum modo legata ipsis relinquere, quo licitè citrà Regula transgressionem illa consequi valeant.* Et quæ suapte natura vel ex iuris dispositione adui infunt, opus non est; ut in eo exprimentur, sicut tenet communis iuristarum sententia. Cum autem Minores sint incapaces ex iuris statuto, ut vidimus, ut dominio, proprietate, ciuiliq; actione perfruantur, & legantes talia ipsis conferre non intentant, superflua censetur super huiusmodi renuntiationem protestatio. Congruum tamen est, ut fiat pro vberiori cautela, & ut omnis scandali species rescindatur. Quod autem legantes non intendunt ius aliquod vel actionem Fratribus largiri; inde constat, quoniam ut Sanctus Bonaventura in capite 4. Regulæ prudenter aduertit præsumendum non est legantes qui apud Deum Fratres pro se intercessores habere intendunt dominium conferendo Regulæ suæ prauaricatores fieri voluisse.

Juxta citatas tot Capitulorum constitutiones, Regulæ nostræ expositores vnanimi consensu statuunt nullam in Fratribus incapacitatem inueniri, quominus legata præfato modo relicta consequantur. Rodrig. tom. 2. q. Regular. q. 1. 27. art. 4. per tot. & in sum. tom. cap. 29. verbo Eleemolynarum. 8. Miranda in expositione Regul. cap. 63. Difficult. 2. Villalob. in summa 2. p. tract. 35. de voto paupertatis Difficult. 33. Hieronym. Rodrig in Compendio quæst. Regul. resolut. 83. num. 19. vbi ita. *Licet annui redditus Fratribus Minoribus omnino sint prohiberi, nullumque Ius aut ciuilem*

actionem

actionem habeant ad petendum aliquid annuum quacumq. causa relictum, cum sint incapaces cuiuscunque iuris, aut proprietatis ex dicto cap. Exijt, adhuc tamen legata annualia in stipendium Missarum, & Officiorum Diuinorum apud Monasteria eorundem Fratrum celebrandorum valida sunt, & ad illa soluenda tenentur heredes in conscientia, & testamentorum executores. Quamuis enim dicti Fratres incapaces sint ad petendum in iudicio per civilem actionem: non sunt tamen incapaces ad recipiendum annuatim quod ipsis debetur in conscientia. Quoniam quæ ita debentur, inter immobilia, & annuos redditus computari nequeunt: Hinc est ut Fratres eleemosynam perpetuò largiendam accipere valeant, ad quam voto quilibet se obstrinxit, quia nulla ibi civilis obligatio reperitur, quæ eorum statui repugnat. Nemo tamen inficiabitur, quod habeant capacitatem passiuam, ut accipiant, quod hæredes, & testamentorum executores in conscientia reddere tenentur, & ideo hanc partem sustinent Angelus verbo Legatum 1. num. 5. Syluest. legatum 2. quæstione 3. dicto 3. Tabien. legatum 1. quæst. 4. n. 5. Rodrig. tom. 2. quæst. Regul. quæst. 126. art. 4.

Syluest.
Tabien.
Rodriguez

Fauet huic resolutioni Decretum Societatis Iesu 6. part. constit. cap. 2. §. ibi. *Præcipitur, ut nullus procuret eleemosynam perpetuam pro domibus professis, & hoc propter edificationem. Si tamen aliqua tales eleemosynæ eis relinquatur ligant in conscientia, & si non competat ipsis actio ad exigendas.* Iulius III. Bulla. 1. Societatem confirmando decretum hoc approbavit. Et tamen Societas in domibus tantum professis annualium reddituum incapax est sicut in ipsius constitutionibus habetur. Sic voueant singuli, & uniuersi perpetuam paupertatem, & non solum priuatim, sed etiam communiter professi, aut vlla eorum domus ad aliquos proventus, redditus, possessiones, sed nec ad vlla bona stabilia retinenda ius aliquod civile acquirere rebus sibi ex charitate donatis ad necessarium usum contenti. Parte 6. cap. 2. §. 5. Hac tamen incapacitate non obstante, Societas Iesu eleemosynis perpetuis frui potest, ad quarum largitionem hære-

des & testamentorum executores ex consciētia, & fidelitātē astringuntur: quamquam Iesuitæ eiusmodi eleemosynas ciuili actione in iudicio repetere prohibeantur, vt citata Iulij III. Bulla manifestat. Igitur idem iudicium de Minoribus ferendum est. Atque adeò licet annuos redditus obtinendi incapaces habeantur; eleemosynas tamen perpetuas, & legata seu anniuersaria sub Missarum, & Officiorum onere tanquam eleemosynas pro labore ipsis relictas consequi fas erit. Absurdum enim esset, vt stante eadem ratione, Iesuitæ, & Minores sub eadem dispositione non comprehenderentur. Et si alicubi maxime in hoc casu admittenda est duplex extensio comprehensiuane necessitatis vel congruitatis, de quibus præter iam citatos agit Puteus decis. 15. n. 3. Calder. consil. 1. in principio & cum multis Rotta per Martin. And. decis. 28. num. 12. & 13.

Puteus.
Calder.
Rotta.

Iam verò legata, & anniuersaria præfato modo Minoribus relictæ, ciuilique obligatione denudata, annui redditus, & bonorum immobilium rationem amittunt, ad quæ obtinenda Fratres solummodo incapaces per decretalem efficiuntur: & vel eleemosynæ sunt, vel pro mercede laboris redduntur, quod tantum abest, vt Fratribus sit prohibitum, quod de mercede laboris primo, & deinde ex eleemosynis viuere per Regulam iubeatur. Hoc assumptum probat egregiè Bartolus: quoniam ea tantummodo immobiliter, perpetuoque habere existimamur, quæ vel iam habemus, vel ciuili actione fruimur ad habendum argumento l. 1. ff. de *acquirendo rerum dominio*: sed legata, quæ eleemosynæ titulo sub Missarum, & Officiorum onere Fratribus relinquuntur, nec ab ipsis habentur, nec vt habeant ciuili actione perfruuntur, vt per se patet: Igitur cum ipsis fuerint oblata, licitè recipientur. Quod autem legata ciuili obligatione viduata, redditus annui per *Clement. Exiui* & *cumque annui redditus de verborum significat.* Fratribus prohibiti dicenda non sint, ostenditur doctrina Bartoli lib. 2. Minoricarum distinct. 7. cap. 2. num. 38. Quoniam duplex est obligatio, prima propriæ, & strictæ sumpta pro Iuris vinculo, quo

Bartol.

Bartol.

quo quis ex necessitate constringitur *Instit. de obligat. in principio*. Hæc obligatio duo requirit extrema, alterum in quo illa sit, alterum quod ad illius executionem ius sibi vendicet. Et hac ratione tam instituentes, quam legatarij, & hæredes Fratribus non obligantur, eo quod propter altissimam paupertatem, quam profitentur, eiusmodi obligationis incapaces existant. Secunda obligatio largior, & minus propria est, quam dicunt fidelitatis: Cum nimirum, quispiam in seipso ad præstandum aliquid alteri costringitur, licet is cui obligatur nullum habeat ius, vt illum in iudicio conueniat. Exemplo sit: Vouet quispiam certam eleemosynam quotannis loco pio erogare, antequam acceptatio accedat, iam vouens ad exhibitionem eleemosynæ propter promissionem Deo factam constringitur, quamuis in loco nulla sit actio, qua vouentem constringere possit. Eadem ratione si quis votum Deo emitteret, quo ad dandum Minoribus certam eleemosynam quotannis se obligaret, vel testamentum condens hæredem graueret, vt eandem eleemosynam largiretur. Nemo dubitat vouentem in conscientia obligatum esse ad eleemosynam largiendam, & grauatum fidelitatis pariter & conscientie obligatione ad voluntatem testatoris adimplendam teneri. Quamuis in Minoribus nullum ius, aut actio reperiatur, vt vtrumque circumueniant, & promissam, vel legatam eleemosynam erogare compellant: quia tamen capacitatem passiuam habent, vt oblatas sibi eleemosynas, quamuis perpetuæ sint, recipiant, quod eorum statui, & mendicitati non repugnat: ideo quando legata tanquã eleemosynæ citra ciuilem obligationem, & actionem eis relinquuntur, licite obtinebunt.

Propter hanc rationem Discalceati, & Recollecti, qui paupertatis Seraphicę obseruatores rigidissimi vulgo existimantur in Hispaniæ Conuentibus perpetuas eleemosynas annuatim accipiunt, vel triennales pro Capitulorum celebratione. Quinimo Conuentuum fundaciones minime acceptant, nisi prius fundatores, vel Respub. certam eleemosynam olei, piscium, & similium singulis annis

perpetuò largiendam consignet. Neque in hoc Regulæ nostræ transgressio reperitur. Ergo à fortiori cùm tales eleemosynæ mercedis vice pro Missarum, & Officiorum labore nobis relinquentur, licitè recipiemus. Nec oberit quod talis eleemosyna dicatur legata, quoniam dum ciuili obligatione exuitur legati naturam amittit, & eleemosyna pro Officiorum onere reddenda existimatur, quod Minorum Regulæ magis consentaneum est: siquidem S. Franciscus pro prædijs, annuisque redditibus laborem filiis suis testamento legauit. Ego, inquit, *manibus meis laborabam, & alij Fratres volo firmiter quòd laborent de laboritio quod pertinet ad honestatem*. Quod adhibita proportionem mensurandum est, atque adeo laici corporeo labori indulgeant: Clerici choro destinati officijs diuinis intendant, prout munus illud exigit: vtrumq. enim Sanctus Franciscus exercebat, tanquam Diaconus officia diuina peragebat, & veluti laicus corporeo labori se dabat, omnibus exemplo futurus, vt quisque suum tenens ordinem, victum labore proprio sibi compararet, vt quatuor expositores adnotarunt: idcirco non, nisi laboris deficiente mercede ad mendicandum remisit. Quando, ait, *non daretur nobis pretium laboris recurramus ad mensam Domini petendo eleemosynam*; quæ viuendi ratio perfectior est, & Apostolicæ paupertati congruentior, quam D. Paulus sectabatur. Vnde Ephesijs dicebat: *Nemini fui onerosus, quoniam ad ea, quæ mihi opus erant laborauerunt manus istæ*. Prius itaque labor Fratribus indicitur pro victu & postea ad eleemosynam remittuntur. Vnde postquam Põtifex citata decretali dixerat. *Quod semper in eis, & eorum assibus paupertas sancta reluceat*. Statim subiunxit: *Prout ipsis ex eorum Regula inuenitur indicta*. Sed paupertas, quæ Minoribus indicitur, est vt primo de labore viuant, & quando laboris merces defuerit ad mendicandum recurrant. Ergo si pro Officiorum, & Missarum onere legata perpetua & annuaria sine ciuili obligatione, sed eleemosynæ titulo relinquuntur absque vlla Regulæ transgressione acceptabuntur. Quoniam hoc nihil aliud est, quam de laboris mercede, & ele-

& eleemosynis viuere, sicut in Regula præscribitur.

Vt autem Fratrum mendicitas exactè seruetur, opus non est vt quotidie mendicent, & omnia ad victum, & vestitum necessaria ex mendicitate proueniant, & ideo vt notat Rodrig. tom. 1. quæst. Reg. quæst. 26. a. 4. fas est Minoribus triticum, & alia vltra necessitatem superabundanter accipere, vt pro alijs quibus indigent commutentur, vel ad ea coemenda vendantur: sic enim concessit Leo X. vt refert Sanchez lib. 7. Decalog. cap. 26. nu. 14. oportet vero vt talis superabundantia non accipiatur, nisi ad ea obtinenda, quæ absque pecunia comparari non possunt, & commutatio, seu venditio per Syndicum Apostolicum exerceri debet. Quapropter sola quantitas iudicanda est excessiua, & Fratrum Minorum mendicanti repugnans, quæ mendicitatem è Cõuentu prorsus eliminaret vt censet Miranda cap. 63. diff. cult. 13. vel vt tenet Sorbus in compendio verbo *legat. in* annot. Bart. tractat. *Minoricarum* lib. 2. distinct. 1. nu. 4. Sanchez supra nu. 13. non subleuandæ necessitatis, sed auaritiæ, & Thesaurizationis opus crederetur.

Hinc est, vt ab ipso nascentis Religionis exordio vsque in hæc tempora Minores legata receperint perpetua, quæ sub Missarum, & sacrificorum onere ipsis relinquebantur. Quæ consuetudo longa trecentum annorum serie propagata ius humanum valet interpretari sicut habetur in l. *si de interpretatione ff. de legibus*, & tenent Doctores ad cap. *cum dilectus de consuetudine*. Nec solius humani iuris sed etiam diuini, in sensu dubio, interpret est consuetudo Couar. in. 4. p. 2. cap. 6. §. 5. nu. 1. Vasq. 1. 2. tom. 3. disput. 62. Tantum vero consuetudinis interpretatio valet, vt contra legis obligationem præscribat, Suar. de legib. lib. 7. cap. 16. nu. 4.

Hinc est vt quæ consuetudine recipiuntur, communi iure approbata censeantur. Bart. in l. *si pign. §. ultimo ff. de pignor.* Iason. in l. *certi iuris*. Valascus tom. 1. consult. 8. nu. 7. præsertim si rationabilis existat, Doctores ad cap. vltimum de consuetudine vt autem rationabilis dicatur sat est, vt à viris grauitate præstantibus introducta fuerit. Quod autem

in

in Religione Minorum consuetudo vigeat, vt legata prædicto modo recipiantur, indubitata probatur inductione: quoniam tum in Hispania, tum in alijs Europæ locis siue Fratrum de Obseruantia, siue Discalceatorum, & Reformatorum. Conuentus plurimi existunt, in quibus tam in ipsa statim erectione perpetua, annualesque eleemosynæ, nec non legata eleemosynæ titulo relicta, Patronatus, & aliæ institutiones sub certis Missarum officiorumque oneribus admissa cōspiciuntur. Quam quæ tēporis decursu ex pietate, fideliumque liberalitate obuenerunt. Exemplo sit Alma Angelorum Prouincia quæ Bessarij Duces Patronos colit, & eorum beneficentia pro Capitulorum Prouincialium expensis trecētum aureos singulis triennijs recipit: Quinimō plurimis eiusdem Prouinciæ Conuentibus videlicet Belarcensi, Inogeni, Pueblæ ab Alcózer, & Herreræ annuales eleemosynæ de ipsorum Ducum institutione conferuntur. Albani Duces Conuentum Albę construxerunt, & collatis annuatim eleemosynis perpetuo sustentant. Xenodochium. Beneuētanum grauatum est, vt singulis annis pro illius Prouinciæ Conuentuum expensis, & Capitulorum celebratione certam pecuniæ summam largiatur. In Cantabria Conuentus Pueblæ Arganzonis, & alij similibus legatis eleemosynę titulo donandis perfruuntur. Mirro alios in rota Religione frequentissimo vsu, & consuetudine per ipsam approbatos. Quod satis esset, vt indubitatum maneret legatorum receptionem, quæ mercedis vice, vel eleemosynæ titulo sub Missarum, & Officiorum onere Fratribus relinquuntur, licitam esse, eorumque statui minimè repugnantem.

Accedit tamen Sacrarum Congregationū Concilij Tridentini, & Regularium declaratio, qua statutum est Fratres Minores sub modo licito, qualem hactenus exposuimus, institui posse, iuxta constitutionem Nicolai III. *Id. si uero modum licitum.* Et quamuis modus licitus non fuisset adiectus, semper tamen legatum, seu institutionem modo Fratribus congruè factam interpretari fas est, nisi contrarium exprimeretur. Ita censuit Cardinal. Carrafa in declaratione

tionē Concil. Anno 1590. Hæ verò declarationes summorum Pontificum autoritate, & constitutionibus stabiliuntur: Nam Pius V. bona Conuentualium, quæ ab ipsis in Hispania possidebantur ad Moniales S. Francisci destinauit, sub conditione, vt ipsæ legata quædā, & anniuersaria, ad quæ antea Conuenticuales tenebātur implerent per nostros. Paulus IV. in Bulla. *Ex Clement. §. suppletes*, prædictarum dispositionum, eleemosynarumque acceptationem Minorum statui non esse repugnantem stabiliuit. Idem censuisse videtur Clemens VIII. vt apparet ex Bullar. fol. 155. Bull. 101. §. 4. vbi ita, *Reliquas verò Missas quomodolibet incumbenribus in Ecclesijs Fratrum perpetuis futuris temporibus assignata, & tradita eleemosyna per ipsos celebrari volumus*. Sanctiss. D. N. Urbanus VIII. in decreto ultimo de celebratione Missarum Minoribus fore licitum statuit, vt pro Missarum sacrificijs peragendis annuales eleemosynas accipere valeant. Quinimo decimaquarta Februarij die Anno 1633. decreuit fas esse hæredibus, & debitoribus annua legata si vellent Minoribus elargiri. Quod decreto Nicolai III. mirificè congruit. Nam citato cap. *Exijt §. Ad hæc*, ita habet. *Si verò modum licitum Fratribus in legando testator expresserit, vt: si diceret: lego pecuniam pro Fratrum necessitatibus, vel domum, agrum, vineam, & similia, ad hoc quod per certam personam, vel personas idoneas distrabatur, & pecunia de rebus ipsis accepta in ædificia, vel alia Fratrum necessaria conuertatur, aut in legando similibus modis vel verbis utatur. In hoc casu illud in omnibus, & per omnia consideratis eorum necessitatibus, & moderationibus supradictis quantum ad Fratres seruari decernimus, quod per nos est inferius in concessis pecuniarijs eleemosynis declaratum.*

Ex hac Nicolai III. constitutione, & alijs aliorum Pontificum Decretis, & Sacrarum Cōgregationum præcatis declarationibus arctissimæ Fratrum Minorum paupertati nullatenus repugnare conuincitur, quod annuales eleemosynas recipiant, siuè liberaliter, siuè in mercedem laboris erogandæ

erogandæ conferantur. Ergò idem erit de legatis, & alijs dispositionibus statuendum, dummodo licitus adsit modus, idest nulla apud instituentes, seu legatarios, vel hæredes, aut testamentorum executores ciuilib obligatio permaneat nec fratres ius aliquod, vel actionem talia repetendi nanciscantur, sed totum merè gratuitum, & liberale sit in exteriori foro, & sola in vtraque parte fidelitatis obligatio resideat, quod facta protestatione superius insinuata constabit. His autem exhibitis nihil obstat quo minus fratres legata, præfato modo recipiendi capaces habeantur. In primis non nocet perpetuitas: quoniam vt hætenus monstratum est Minores perpetuis eleemosynis frui possunt. Quod Sixtus IV. Seraphici Instituti clarissimus interpret decreto suo, & exemplo stabiliiuit. Certam enim frumenti quantitatem Conuentui Aracælitano quotannis largiendam assignauit onere Fratribus imposito, vt in Rogationibus apud S. Petrum responsorium. *Libera me Domine* perpetuò recitarent. Deinde non obstat quantitas nisi talis sit, quæ mendicitatem auferat: Vt autem mendicitas ablata non iudicetur necesse non est, vt quotidie exerceatur, nec omnia, quibus Fratrum necessitatibus occurritur mendicitate proueniant. Vnde, vt monet Rodriguez tom. 2. quæst. Regul. q. 26. a. 4. & alij possunt Minores triticum, & alia vltra necessitatem superabundanter recipere, vt pro alijs necessarijs commutentur, vel ad eorum emprionem distrahantur: sic enim, vt refert Sanchez lib. 7. cap. 26. nu. 14. Leo X. concessit dummodo quæ sic accipiuntur ad ea obtinenda conferant, quæ absque pecunia haberi non possunt, & talium rerum commutationes, aut venditiones non nisi per Syndicum Apostolicum exerceantur. Sola igitur legati quantitas nocebit ne accipiatur, quæ vt aduertit Miranda cap. 63. difficult. 13. mendicitatem è Conuentu prorsus excluderet, vel non subleuandæ necessitatis, sed auaritiæ opus crederetur, & ideo hanc partem sustinet Sanchez. lib. 7. Decalog cap. 27. nu. 13. Bartol. tract. Minoric. lib. 2. distinct. 1. nu. 4. & seq. Sorbus in *Compendio verbo leg. in annotat.*

Quam-

Quamquam verò hæc satis sint vt omnem in hac materia difficultatem euellant, pro vberiori tamen probatione, adiungo. Propterea Minores legata, & Annuaria perpetua sub Missarum, & Diuinorum officiorum onere relicta recipere non possent, quia annui redditus essent, ac inter bona immobilia reputarentur, quorum acceptatio Fratribus interdicitur. Sed hoc est aperte falsum: Nam annui redditus quandiu non sunt in possessione, nec datur actio ad exigendum immobilibus non adnumerantur vt docuit Iason in *l. sciendum ff. de his qui satis dare cogantur* nu. 23. Et Minores in legata perpetua, quæ ipsis, conditionibus supra positis relinquuntur: Nec dominium, nec vsum fructum, nec possessionem, nec vsum iuris qualem habet Vsuarius *Instit. de usu, & habitat. l. Plenum* in fin. ff. *de usu, & habitat.* sed simplicem vsum duntaxat, & hunc non iuris sed facti, nec vllam actionem sibi vendicant. Igitur quoties illis relinquuntur absque regulæ transgressione acceptabunt. Quoniam tunc immobilia seu annuos redditus non accipiunt, sed solam eleemosynam, cuius perpetuitas, & naturale ius, quod Fratres habent, vt legata recipiant, ac extra iudicium, non aliter quàm reliquas eleemosynas exigant, nec inter immobilia computandum est, nec ad tertiam bonorum speciem reducendum. Congruit hoc prædictorum Pontificum prohibitionibus, qui solam legatorum receptionem Minoribus interdixerunt, quæ modo incongruo ipsis relinquerentur. Ea vero, quæ eleemosynæ titulo absque actione aliqua, & civili iure, vel tanquam laboris stipendium relinquuntur, congruum habent modum, nec vlla in Minoribus ad eorum receptionem incapacitas reperitur.

S. Q V I N T V M.

*Loca Terra sancta, & alia Ecclesia in quibus Fratres
Minores tanquam Ministri existunt legata acci-
pere, & heredes institui possunt.*

Non agimus hoc loco de persona Fratrum, seu priuatim, seu communiter accipiantur; quatenus cum loco, ubi degunt personam moraliter, vel ciuilitur vnā constituunt. Quoniam tunc, sicut iam statuimus, legata perpetua, quae talia obtinere non possunt, & multo minus heredes, & fideicommissarii vniuersaliter testamento designari, vt tenet communis doctrina ex Concilio Tridentino deducta sess. 25. de Regulis. c. 3. & sequitur Bart. Tract. Minoritar. lib. 1. dist. 2. cap. 1. Bald. *authent. ingressi* n. 49. C. de Sacrosancta Ecclesia. Ancharan. Clementina *exiui* n. 8. *de verborum significatione*. Iason. l. 1. n. 99. ff. de legat. 1. Cordub. in Regul. D. Francisci c. 6. q. 1. puncto 1. Rodrig. tom. 2. q. regul. q. 78. a. 2. Duennas Reg. 381. *ampliat.* 1. n. 1. plurimos referens. Ratio huius assertionis in Fratrum incapacitate fundatur: Nam vniuersale hereditatis ius in herede semel fundatum, & radicum ab eo separari non potest, aut in aliquem vsum materiale mutari. Licet enim heres distrahat hereditatem aut dissipet, semper manet heres. Vt habetur in l. *Imperator* ff. ad Trebell. & l. *& si lege* §. *Quod autem* ff. de petitione hereditatis: Sed Fratres Minores propter suam incapacitatem tale ius retinere non possunt: Ergo neque heredes institui. Quod adeo verum est, vt astruat Felin. cap. in *praesentia* n. 50. de probationibus. Barbatius cap. *Tua nos* nu. 10. de testamentis tantumdem valere quod Minores instituatur heredes, ac si mortuus fuisset institutus. Quod autem de testamento asserunt praefati Doctores, & Antonius Gabriel tom. 3. *commun. opinion.* conclus. 1. nu. 1. & 3. Gualdens. de arte testandi tit. 1. cautel. 10. nu. 1. & alij de fideicommissis vniuersali pariter intelligendum est. Nam per l. *Quiquadragesima*, & l. *si filios*, §. *quod cum eo* ff. ad Tre-

Bartol.

Bald.

Ancharan.

Iason.

Cordub.

Rodrig.

Duennas.

Gabriel.

Gualdens.

Trebellian. fideicommissarius vniuersalis hæres reputatur.

Quando autem Minores instituerentur hæredes, appositâ clausula, vt vendatur hæreditas, & illius pretium in res Fratribus necessarias conuertatur, dubium est, an tunc valeat institutio. *Rodriguez tom. 2. q. Regul. q. 78. a. 4. Imola l. Lucius ult. n. 4. ff. de hæred. instit. Bart. tract. Minoricarum lib. 1. dist. 5. cap. 2. nu. 30. Sorbus in compend. priuileg. Mendicant. verb. hæreditas in suis annotat. queritur, & alij pro institutionis validitate probabiliter decertant. Nam si testator hæreditatem vendi, & in Fratrum necessitatibus expendi præciperet nec quidquam de ipsorum in hæredes institutione meminisset, valeret, vtique institutio vt docet Cardinalis Clementina exiui nu. 11. quest. 2. Antonius Gabriel & Sorbus supracitati Cordub. in Regul. cap. 6. quest. 11. puncto 1. Less. lib. 2. de iustit. cap. 19. dub. 5. nu. 34. ergo etiam si Fratres instituantur hæredes valida existet, & clausula institutionis pro non adiecta reputabitur, quia vbicunque duo præcepta concurrunt, quorum prius inutile, & posterius vtile est, possuntque ad inuicem separari, reiecto inutili, quod vtile est valebit argumento l. hæc scriptura ff. de condition. & demonstration. & l. quæ sub condition. quæ extrinsecus ff. de condition. instit. Et ideo quamuis propter Fratrum incapacitatem illa dispositio quoad hæredis institutionem non valeat, sed pro non appositâ reputetur, nihilominus quoad piam causam ibi adiectam, nimirum, vt vendatur hæreditas, & in Fratrum necessaria conuertatur, valida existet. Nec obest quod tunc non subsistat persona, in quam nomen hæredis cadere possit. Quia in causis pijs sat est ad institutionis validitatem, quod ad causam piam, videlicet redemptionem captiuorum, Ecclesiæ constitutionem, & pauperum alimoniam relinquatur hæreditas C. de Episcop. & Cleric. l. si quis ad declinandum. Quamuis igitur persona Fratrum (quos pauperes esse constat) subducatur, illam tamen repræsentabit Episcopus, vel Respub. vt statuitur l. si quis ad declinandum,*

*Rodrig.
Emola.
Sorbus.*

*Gabriel.
Corrub.
Lessius.*

non proinde cāduca erit institutio, sed hereditas sicut à testatore iubetur vendita Fratribus obueniet, atque ad subleuandas eorum necessitates accommodabitur.

Opposita tamen sententia verior est Clementina *ex iui §. cum eo de verborum significat.* Conformior, & ideo eam sustinet Bald. Authent. ingressi à nu. 50. vsque ad 53. C. de Sacrosanct. Eccles. Cardinal. conf. 102. nu. 2. dub. 2. Anchar. Clementina *ex iui* num. 11. *quest. 2. de verbor. signific.* Felin. cap. in *presentia* nu. 52. vers. 2. *de probat.* Gualdens. de arte testandi tit. 1. cautela 11. nu. 1. Antonius Gabriel tom. 3. commun. opinion. conclus. 1. nu. 1. & 3. Montalbus l. 10. tit. 5. lib. 3. fori. Probat. quia licet in tali institutione duplex sit præceptum, vnum tamen velut accessorium alteri adijcitur: atque adeo priori destructo quod principale est, Secundum quod est accessorium destruetur argumeto l. *alimenta §. scia ff. de aliment. legat.* & propterea ius hæredis quocunque modo consideretur vniuersale est, & dominium saltem breui tempore ad heredem transmittit, ac ipsum ad onera hereditati annexa constringit, quod optimè aduertit Pontifex Clementina citata, & ideo Fratribus præcepit, vt ab huiusmodi institutionibus abstinerent, quia in his, & dominium, & obligatio ad onera reperiuntur, vt patet siquidem præter Fratres nullus ibi hæres institutus inuenitur, quod eorum in capacitati repugnant.

Quod si testatoris mens esset, vt quando testamentum suum directo iure testamenti validum non existeret, saltè iure codicilli, vel omni meliori modo quo posset validitatem haberet, idque apertè constaret, vel in dubio præsumeretur, quia nemo est, qui testamentum suum omni meliori modo quo valere potest, non velit, Tunc quia Fratribus hereditatis additio prohibetur, illius æstimatio ab hæredibus ab intestato vel substitutis, seu cohæredibus ex conscientie obligatione reddenda est iuxta l. *apud Iulianum §. final. & l. sequenti ff. de legat. 1. l. fidei commissum §. si seruo* vb i statuitur quòd quando non ob delictum, sed propter personam conditionem aliquis relictæ sibi rei capiendæ incapax reperitur, hæres ad red-

reddendam æstimationem obligatur. Et ita sentiunt Bartolus Tract. Minoricarum lib. 1. dist. 1. cap. 3. nu. 7. & 8. Ancharan. *Regula possessor malæ fidei num. 19. de Regul. Iuris* in 6. Rosell. verbo legare nu. 13. Syluester verbo testamentum 1. quæst. 6. Rodriguez tom. 3. quæst. Regul. q. 69. art. 10. Et speciatim de hæredibus ab intestato locutus docuit Alciat. lib. 9. consil. 53. num. 9. Et probari potest argumento cap. *Ex parte de censibus*, quo in loco tenet Abbas in spiritibus, & Ecclesijs, quando constat de animo volentis se obligare, dispositionem caducam non euadere, propter incertitudinem: Ergo quoties constiterit testatorem voluisse testamentum suum validum esse meliori modo quo posset, dispositio non corruet; sed quia Frattes obtinendæ hæreditatis sunt incapaces, illius æstimatio reddenda erit.

Bartol.
Ancharan.

Rosell.
Syluest.
Rodrig.
Alciat.

Abbas.

Quoniam hoc probabile sit, certius tamen est, considerata Fratrum Minorum puritate hæredes ad reddendam æstimationem non obligari, nec Fratres illam, ut sibi debitam posse percipere: sicque deducitur Clement *Exiui de verborum significat* ibi. *Quia igitur in successionebus transit non solum usus rei, sed etiam dominium suo tempore in hæredes. Fratres autem prædicti nihil sibi in speciali acquirere, vel eorū Ordini possunt etiam in communi, declarando dicimus quod successione huiusmodi quæ etiam ex sui natura indifferenter ad pecuniam, & etiam ad alia mobilia, & immobilia se extendunt, considerata sui puritate voti nullatenus sunt capaces.* Vbi notanda sunt verba *Nullatenus sunt capaces*, quæ omnem modum percipiendæ hæreditatis excludunt. Nam si *Nullatenus*, sunt capaces, neque æstimationis percipiendæ capaces erunt. Si quidem æstimatio inter modos quibus percipitur successio à Iuristis recensetur per l. si domus §. confiteretur ff. de legat. 3. Et confirmari potest ex notione verbi *Nullatenus*. Quod ut egregie per multa iura DD. probat Sanchez lib. 6. de Matrimon. Disput. 32. nu. 7. efficit, ut actus ipso iure nullus euadat, proindeque omnem modum interdicat, quando rei prohibitæ assecutionem perueniri possit. Optimè Gloss. Clement. 2. verbo *Nulla modo de etate, & qualitate*, & ibi

Imola

Imola num. 19. & 33. Abbas cap. *Non magnopere* num. 5. *Nē Cletici, vel Monachi*. Ergo cū in citata Clementina Fratres per omnem modum successionis obtinendæ incapaces iudicentur, neque æstimationem percipere fas erit. Et ita censuit Ancharan. Clementina *Exiui de verborum significat.* num. 8. Spino Specul. Testamentorum Gloss. 12. principal. num. 15. & 16. Gualdensis de *Arte testandi titulo 1. Cautel.* 11. num. 1. Sorbus in Compend. verbo *Hæredit.* in suis annot. Cardinalis. consil. 102. num. 2. dub. 1. Duennas Reg. 381. *Ampliat.* 5. num. 5. Baldus *Authentic. Ingressi. C. de Sacrosanct. Eccles.* Quæfada quæstionibus varijs luris c. 22. nu. 16. Quod autem dicitur de lege disponente vt hæredi non ex proprio debito incapaci reddatur hæreditatis æstimatio, Minoribus adaptari non potest: quoniam tunc ei reddenda, est æstimatio quando non est omnino incapax. At Fratres Min. in dicta Clement. incapaces omnino efficiuntur.

Hæc de persona Fratrum: de eorum tamen Ecclesijs adhuc controuerti potest, an hæredes institui possint? Bartol. tract. Minoric. lib. 1. distinct. 4. cap. 1. ait, Ecclesiam Minorum dupliciter considerari posse. Primò quatenus est Fratrum Collegium, vt C. de *Sacrosanct. Eccles. accipitur*. Secundò prout est locus sacer muris circumdatus. Sub prima consideratione satis probabile sentit Sorbus in *compendio priuileg. Mendicant. verbo hæredit.* in suis annot. vers. *sed cum Fratres*, quod hæredes institui nō repugnat: idem sustinet Abbas consil. 63. num. 4. lib. 2. Bartol. l. *Ciuitatibus* 125. in principio nu. 1. & 3. ff. de *legat.* 1. Anton. Cucus lib. 3. *instit. maiorum tit. 1. nu. 37.* Ratio est quia Ecclesia hæreditariæ successionis verè capax existit. At qui Fratrum Minorum Ecclesia ad ius & proprietatem Romanæ Ecclesiæ pertinet: Ergo si instituat hæres, talis institutio tanquā subiecto capaci facta prorsus valebit.

Contrariam tamen sententiam; vt veriore sustinendam esse defendit Angelus *Authent. de Ecclesiastic. titul. 5. Si quis autem* 2. nu. 8. & *authent. vt determinatus sit numerus* in principio nu. 1. Rebuff. l. *Vnica* in fin. C. de *Conductoribus lib. 11.* num. 4. & Platea *ibi in fin.* Anton. Gabriel. to. 3. comm. tit. de *hæredi-*

Bald.
Cardinal.
Spin.
Duennas.

Angel.
Rebuff.
Platea.
Gabriel.
Cordub.

heredibus instituend. concl. 1. num. 2. Azor tom. 1. *instit. moral.* lib. 1. 2. cap. 23. quæst. 15. Cordub. in *Regula* D. Francisci cap. 6. quæst. 11. punct. 6. *Serena conscientia* q. 17 Ancharan. Clement. *Exiit* num. 6. & 7 de *verborum significat.* Quesada cum alijs in quæst. *iuris* cap. 22. num. 19. Baldus *Authentic. ingressi* C. de *Sacro sanct. Eccles.* Vbi priorem sententiam, vt omnino falsam explodit. Ostenditur, quia nec Fratrum Minor. Ecclesia, nec etiam Romana succedit in eorum bona, qui in tali Religione profitentur, sed omnia hæredibus ab intestato obueniunt, vt per se patet. Ergo neutra Ecclesia per institutionem ex testamento succedere poterit: quia par utrobique ratio apparet: ideo enim in profitentis bona non succedit Ecclesia, quia medium succedendi est incapax, videlicet in Minorum Ordine professus, qui respectu vtriusque Ecclesie se per incapax habetur, & suaderi potest, quia tunc Romana Ecclesia legatum acquirit Fratribus relicto, cum ipsis modo licito relinquatur, hac enim tantummodo ratione legatum consequi valent. Cum ergo successionis hereditarie sint incapaces, illam Romanæ Ecclesie nullatenus acquirunt, quia successio non nisi capaci medio, & organo comparatur.

Si autem Eccles. Fratrum Minor. pro loco sacro muris circumdato accipiat, vt Barrol. supracit. distinguit. Sub hac consideratione talis Ecclesia Minorum non est, quippe qui nihil habent proprium vt c. *Exijt* & extrauag. *Ad conditorē* decernitur, sed ad Sedem Apost. pertinet; ac proinde sub dispositione Iuris communis constituitur: sed quælibet Ecclesia de lure communi hæres institui potest: C. de *Sacro sanct. Eccles.* Ergo etiam Minor. Ecclesia: Nec propterea ipsi dicuntur instituti: Quia licet instituta ciuitate, ciues etiam institui iudicentur l. *Ciuius de condit. & demonstrat.* hoc Minoribus adaptari non potest, quia ipsi in Ecclesia vel domo sua ius non habent, sicut ciuis in sua ciuitate, & alij Religiosi in proprijs Ecclesijs, & domibus: Et ideo cum in institutione dicitur, Ecclesia Fratrum Minorum, vox hæc demonstratiua apponitur, vt quamam sit Ecclesia dignoscatur, & institutio velut incerta non corruat. Neque enim, vt

Rodri.

Rodriguez loco supra citato adnotauit, præsumendum nō est testatorē hæredes velle incapaces instituire. Vnde cū Minorum Ecclesiam instituit perinde est, ac si diceret: instituo talem Ecclesiam, prout est Fratrum Minorum vsui per Summum Pontificem comodata, & à fundatore destinata. In quo nulla apparet repugnantia: quia Fratres non immediate, nec mediatē instituntur, & Ecclesia vt sic institutionis incapax non est; vt tenet Sorbus *in compend. in annot. vers. sed cum Fratres*: Et Politius vbi supra num. 45. & 51. Bartol. doctrinam amplectentes.

Ex hoc discursu indubitanter colligi videtur sacra loca, & Ecclesias in Terra sancta existentes, non obstante quod sub Fratrum Minorum administratione, & seruitio contineantur, hæredes institui, & legata perpetua consequi posse, quin talibus locis institutis, vel legata obtinentibus, Fratres nec institui, nec legata consequi iudicentur, solūmodo enim ibi permittentibus Turcis, se tenent, vt talia loca custodiāt, & quæ pro eorum cultu, & seruitio à fidelibus donantur, religiosè administrent. Nec aliter in hac materia statuendum est, quam in Ecclesijs vbi Fratres Minores apud vtrosque indos Parochi existunt. Nam ibi tales Ecclesiæ hæredes institui, & legata perpetua consequi possunt, vt nemo inficietur, quamuis sub Fratrum administratione sint constitutæ, & Parochiale munus ibi exerceant: quia primo, & per se Fratrum vsui non sunt destinatæ, nec eorum Ecclesiæ absolute dicuntur, etiam quoad simplicem vsum facti, quem tantum Fratres habent, vt in rebus quæ ipsis à Sede Apostolica permittuntur. Et sanè Fratres Minores sacrorum locorū Ministri, Custodesque destinati quandiu ibi sunt capacitatē. à prædictis locis auferre nequeunt, vt legata, & hæreditates obtineant, vt planum est, quia ad Fratrum dominium non transeunt. Nec per deputationem quæ ipsi eorum ministerio ad dicuntur immutari videntur. Quandiu autem res immutata perseverat capacitatem, quam primò habebat non amittit, stante verò capacitatē hæredes institui, & legata consequi perpetua non repugnat.

§. S E X T V M.

*Productis exemplaribus, & Summorum Pontificum
constitutionibus tradita de legatis perpetuis
resolutiones stabiliuntur.*

QUamquam iacta hucusque pro legatorum substructione fundamenta meo iudicio ita firma sint, vt nulla oppositione possint eueri: Nihilominus, vt omne dubitationis speciem auferam opere pretium facturus existimaui si aliqua ex toto penè Ordine exemplaria referrem, vbi manifestè proditur legatorum assecutionem, adhibitis, quas præmisimus, conditionibus, nullā contra status nostri paupertatem inuoluere repugnantiam. Quod eò libentius præstiterim, quo me Commissarium Generalem in Curia Romana, agente nonnulli prætenſa Fratrum Minorum incapacitate ad legata perpetua obtinenda fundationē Conuentus victoriæ per Tribianę Comites institutam diruere intentarint: eorum tamen conatus elisi, causam euici penes Eminētissimos Cardinales Congregationis S. Concilij Tridentini. Quorum decretum, vt mox referam Sanctissimus Dominus noster Urbanus VIII. confirmauit.

Igitur Comites de Chinchon hæredes suos grauauerunt, vt in capitulis Generalibus, quæ in Hispania celebrantur, in perpetuum de alimentis prouiderent; quam dispositionem, sub certis conditionibus, & oneribus per Religionem adimplēdis, in Generali Capitulo acceptatam, in sua viridi obseruantia conseruant. Parisijs in Gallia Fratres de Aue Maria, perpetuam à Monialibus eleemosynam pro alimentis accipiunt. In Germania Conuentus Spruch ab Austriacis annua eleemosynæ perpetuæ largitione sustentatur. Romæ apud S. Joannem Lateranum Patribus Reformatis assignata est certa eleemosynæ quantitas, qua ibi citra Regulę transgressionem aluntur. Neapoli in Conuentu Sanctæ Claræ, & S. Ma-

riæ Madgdalenæ Moniales perpetuis eleemosynis Fratres subſtentant. Sixtus IV. Regulę noſtrę certiffimus interpres Fratribus Conuentus de Aracæli perpetuam legauit tritici eleemoſynam, dummodo in die Rogationum in Eccleſia, S. Petri pro anima ſua Reſponſorium *Libera me Domine* recitarent. Paulus III. Breui expedito Romæ die 17. Aprilis anno 1540 Pontific. ſui ſexto confirmauit Salmaticenſe Collegium, quod Duciffa Beſarienſis pro quinquaginta Fratribus Ordinis Minorum de Obſeruantia inſtituere decreuerat, legata teſtamento eleemoſynę quantitate pro Collegialium alimentis per executores teſtamentarios perpetuo largiēda ſub modo, & conditionibus ibidē expreſſis, vt cernere eſt in ipſo Breuis tenore apud Ordinis Regiſtrū volum. I. fol. 112.

Nuperrimē Marchiones de Cannete Capitulo Generali Romano anno 1635. celebrato pro obtinendo totius Seraphicę Religionis patronatu ſupplicem libellum obtulerunt certam, & ſtabilem quantitatem ſub ratione eleemoſynę deſignantes. Ex qua ſingulis annis collecta pro Capitulo Generali in Italia celebrando pararentur expenſę, cui eleemoſynę ex pia munificentia tempore ſtatuto ſoluendę certas addidit conditiones, quas Generale Capitulum libenter, & gratioſe acceptauit, facta proteſtatione, quod nullum in prædictam eleemoſynam ius acquireret, aut ciuilem ad illam in iudicio repetendam haberet actionem. Vnde ſi Illuſtriſſimi Marchiones, quibus hæc nota eſſe Capitulum obteſtabatur ſponte, & liberaliter prædictam quantitatem, ſub mera ratione eleemoſynę ſecluſa quacunque obligatione ciuili, proprietate, & dominio elargiri velint à Religione acceptum iri, & inſuper quantum in ipſa ſitum fuerit curaturam, vt ſuffragijs, alijsque ſpiritualibus exercitijs, pię Illuſtriſſimorum Parronorum voluntati grate, fideliterque ſatisfaciat. Hic appono decretum, vt de veritate plenius conſtet.

Patronatus perpetuus totius Seraphicę Religionis S. Patris noſtri. Franciſci pro vtraque familia in præcedenti authentico ſyngrapho contentuſcum omnibus ſuis clauſulis, ac circumſtantijs, quę Illuſtriſſimus D. Dominus Andreas Hurtado de Mendoza
Marchio

Marchio de Canete, &c. Et Illustrissima D. miſa D. Maria de Cardenes eius dilectiſſima coniux ob ſingularem pietatis affectū & deuotionis erga noſtrā prædictam Religionē Seraphicam continuò exhibitū dignati ſunt eleemoſyna neceſſaria modo tamē cito, ac noſtrę paupertati minimè diſſētaneo ſūdare, pariterq; dotare Patrum omniū Generalis diſſinitoy, ac Diſcretory in Vrbe, hoc anno pro Generalibus Comitjſ habēdis congregatorū, vna nemi conſenſu, ac debita cum gratiarū actiōe recipitur, & approbatur, & quoniā approbatum, & acceptatū fuerat à ſamilia Vltramōtana in proxima Generali Cōgregatione Segobiæ celebrata die 3. Iunij 1621. tam pro expēſis pro futuris Congregationibus Generalibus in Hiſpania, quā pro prædictis Capitulis Generalibus in Italia celebrādis cū omnibus clauſulis, & ſuffragijs à dicta Religione obſeruādis quæ in hoc Decreto habētur pro expreſſis ab vtraq; familia, nunc capitulariter cōgregatis acceptatur, & confirmatur, hac verò proteſtatione, quod non ex iure, ſue iudicialiter, quod noſtro ſtatui, & profeſſioni cōtradicit, ſed eleemoſynas, ſue quātitates pro ſingulis Capitulis, ac Congregationibus Generalibus à prædictis Patronis oblatas tantū eleemoſynaliter, & ex gratia poſſumus, & debemus, & intēdimus in futurū petere. Si verò Illuſtriſſimus D. Patronus de Religione noſtra optime meritis hæredes, ſeu adminiſtratores ab ipſdē inſtituti, & nominati dictā eleemoſynā per viam ſimplicis eleemoſynæ quacunque obligatione, & dominio, ſeu proprietate omnino ſublatis prædictæ noſtræ Seraphicę Religioni liberè conferre, & elargiri voluerint, illam ſimpliciter media Apoſtolici Syndici opera accipiet, & ſpirituālibus ſuffragijs, & piæ Illuſtriſſimorum Patronorū prædictorum voluntati quantum in ipſa Religione fuerit, plene, & fideliter, ſemperque ſatisfacere curabit. In quorum fidem, &c. Romæ in Conuentu Aracelitano 23. Maij 1625.

Hoc Generalis Capituli decretum à Sac. Congregatione Regulariū diligēter examinatum, & cōplanatis, quæ ſe obtulerūt, difficultatibus, approbatū, vtpote quod D. Bonauēturā ſētētię coherēs Seraphicęq; Religionis inſtituto minime cōtrariū videretur S. D. N. Vrbaniſſimus Papa VIII. die 25. Maij 1625 Pontificatus ſui anno 2. firmitate authoritatis Apoſtolice

roborant prædictis Marchionibus indulgens, vt assignatam pro Congregationum, Capitulorumq. expensis, pecuniæ sūmam assignari, & elargiri posse, suosq. hæredes etiam in perpetuum sub panis etiam ipsas arbitrio imponendis ad redditū præfatę quantitatıs obligare, necnon quacunque Instrumenta seu scripturas, licita tamen, seu licitas celebrare, ac stipulare, Fratribus vero prædictis, vt redditū huiusmodi elemosynæ tantū nominatim petere, ac percipere, exigere, & leuare, ac in dictarum Congregationum, & non alios vsus conuertere, liberè, & licitè respectiue possint, & valeant. Deinde Bulla edita Kalend. Ianuarij anno 1626. Pontificatus sui anno 3. expressis ibidem omnibus & singulis conditionibus & clausulis, quibus prædicta ducatorū sūma Fratribus largiēda per prædictos Marchiones, eorūq. hæredes statuebatur concessit, vt elemosynæ tantū nomine recipere valerent, Patronatus item dominationē, & oblationē, quatenus in Seraphici Ordinis vtilitatē cederet Apostolica autoritate firmavit in hunc modum. Huiusmodi supplicationibus ex voto venerabiliū fratrum nostrorū S. R. E. Cardinaliū negocijs Regularium præpositorū inclinati donationē, & oblationē, ac concessionē, necnon & scripturas, omniaq. & singula pacta, & cōditiones in eis contentas quacunque, licita tamen, & honesta cū omnibus & singulis inde secutis, & sequēdis quoad decretū probationis, & cōfirmationis per Capitulū Generale huiusmodi vt præfertur factarū, iuxta doctrinā S. Bonauenturę quo verò ad concessionē Patronatus huiusmodi, si & postquā donatio, & assignatio prædicta sūt plenariū fortitè fuerint effectum, & non alias perpetua auctoritate Apostolica tenore præsentii. sine tamē alicuius præiudicio approbamus, & confirmamus, illisque perpetua, & inuiolabilis Apostolicæ firmitatis robur adiungimus, ac omnes, & singulos, tam Iuris, quā facti, & solemnitatū quarūcunque de iure, vel consuetudine, vt alias quomodolibet requisitarum vel necessarium, & quos vis alios etiam substantiales defectus, si qui desuper quomodolibet interuenerint in ipsidem supplemus. Decernentes, donationem, oblationem, concessionem, ac scripturas, omniaque & singula in eis contenta prædicta semper, & perpetuū validasse, & fore suosque

& ple.

et plenarios effectus sortiri, et tam a dictis coniugibus eorum, que successoribus predictis, quam à Fratribus dicti Ordinis pro tempore existentibus, perpetuò et inuolabiliter obseruari debere.

Postremò exorta controuersia super fundatione Conuentus Victorix, quem Comites de Tribiana instituerant, & Religiosi Carmelitæ prætenso Minorum incapacitate euertere conabantur, allegationem iuridicam exhibui Eminentissimis Card. Sac. Congreg. Concil. Trid. quæ inspecta matureque examinata per Eminentissimos Cardinales Sacchetum, & Pamphilium octaua die à festiuitate Sancti Antonij de Padua censuerunt Victorix fundationem, & legata perpetua quæ in ea elemosynæ titulo relinquebantur nihil continere, quod Regulæ nostræ aduersaretur. Postea verò per eosdem Eminentissimos Dominos Cardinales causa iterum Sacræ Congregationi proposita, relatisque fundamentis, & solida nostræ allegationis doctrina, totius Sacræ Congregationis decreto sancitum est inperuigilio S. Bonauenturæ, cuius autoritate potissimum fulcitur, Minorum statui, & eorum Regulæ puritati nullatenus obstare, quod tales fundationes legataque obtineant; & die 13. Iulij Anno 1635. edito ea super re decreto litem omnem extinxerunt. Deinde Sanctiss. D.N. Vrbanus VIII. in octaua die à festiuitate S. Bonauenturæ Bullam expedit, in qua Sacræ Congregationis decretum, fundationem, & conditiones ibidem positas Apostolicæ autoritatis firmitate roborauit. Prout in lib. Regist. ordinis tomo 4. in officio Commissariatus Generalis pro Ultramontana familia continetur.

Deinde cum ex officio Commissarij Generalis ad instantiam P. Fr. Eliæ Petrot Doctoris Theologi Parisiensis Minoris Obseruantix, de ordine Eminentissimi Cardinalis Barberini totius nostri Ordinis Protectoris litteras quasdam expediuerim, in quibus, prout inspecto eorum tenore statim apponendo constabit, de hac legatorum asssecutione tractabam, S. D. N. Vrbanus VIII. præinfertis in breui de verbo ad verbum litteris nostris statuit; Nullatenus Regulæ nostræ

stræ puritati repugnare, vt legata perpetua modo, & conditionibus hæcenus explicatis assequamur.

VRBANVS PAPA VIII.

Ad futuram rei memoriam.

EXponi nobis nuper fecit dilectus filius Elias Petiot Doctor Theolog. Parisiensis Fratrum Ordinis Minorum Sancti Francisci Regularis obseruantie, Prouincia Turonia Minister Prouincialis cum omnibus superioribus, & subditis eiusdem Prouinciæ quod ipsi à dilecto etiam filio Didaco de Cea Ordinis eorundem Minorum, Lectore iubilato, almæ Angelorum Prouinciæ, & Ordinis Patre, ac in Romana Curia pro Vlttramontana familia Commissario Generali, & de mādato & autoritate dilecti filij nostri Francisci S. Laurentij in Damaso Diaconi Cardinalis Barberinini nuncupati, S.R.E. Vicecancellarij, nostri secundum carnem ex fratre germano nepotis, dictique Ordinis apud nos, & Sedem Apostolicam Protectoris; in præfata Prouinciæ specialem Commissariū pro alienandis bonis immobilibus, si quæ fuerint extra Conuentum dictæ Prouinciæ sumpta, ac alias sub certis modo, & forma, ibi expressis constitutus, & deputatus fuit, prout in dicti Didaci Commissarij Generalis huiusmodi desuper cōfectis patētibus litteris tenoris subsequētis videlicet. Frater Didacus de Cea Ord. Min. Regularis Obseruantie Lector Iubilatus, almæ Angelorū Prouinciæ, & Ordinis Pater, ac in Rom. Curia pro vniuersa familia Vlttramontana Cōmissarius Generalis, & seruus; Dilecto nobis in Christo R.P. Fr. Eliæ Petiot eiusdē Ord. & instituti, Prouinciæ verò Turonia Prouinciali Ministro ac Doctori Theologo Parisiensis salutem, & pacē in Domino sempiternam. Cum Eminentiss. D. Card. Frācisco Barberino S.R.E. Vicecancellario, necnon totius nostræ Seraphicæ Religionis vigilantissimo Protectori, Correctori, & Gubernatori, exponi feceris unā cū omnibus, & singulis eiusdē Prouinciæ Fratribus superioribus, & subditis, quod dicta Prouincia quondam Cōuentualium zelo suæ professionis ducta, & deuotis accēsa desiderijs olim quidē Regula suæ Obseruantiam amplexa fueris, & formā vici-

di, & disciplina Patrum Obseruantia acceptauerit, nuper verò à Sanctiss. D.N. Urbano VIII. in litteris suis Apostolicis sub datis hic Romæ 18. Iunii præsentis anni declarata fuerit, & de nouo incorporata Regulari Obseruantia cū omnibus priuilegijs, Iuribus exceptionibus, & immunitatibus, quibus dicta Prouincia cū Prouincijs Francia, S. Bonauentura, & Conuentus Parisiensis ab antiquo gaudere consueuerunt. Propterea ad felicius regimen dictæ Prouinciæ, & Fratrum conscientias seruandas, & Sanctæ Regule nostræ Seraphicæ nitorem, & obseruantiam restituendâ, supplicaueris, quatenus concedamus tibi licentiam, ut cum consilio Syndicorum Conuentuum respectiue possessiones, prata, & alia immobilia (si qua fuerint extra Conuentus septa) sic vel alienes, vel disponas, prout melius regimen dictæ Prouinciæ, & Conuentuum utilitas postulauerint; quia autem dicta alienatio, & dispositio non potest executioni mandari, absq; singulari eiusdem Eminentissimi Protectoris mandato, & modo ab illo assignando quod debet, & congruè omnia, si qua interuenerint impedimenta tollantur, & quatenus dicta huiusmodi alienatio, vel dispositio suum tandem integrum, & plenarium sortiatur effectum. Hinc est, quod autoritate eiusdem Eminentissimi Protectoris nobis in hac parte specialiter commissa, præsentium tenore, & vigore, te, qui de Religionis zelo, morum integritate, & prudentia claritate plurimum in Domino commendaris eiusdem dictæ tue Prouinciæ specialem Commissarium nominamus, & instituimus omni meliori modo, quo possumus, & opus fuerit, etiam cum plenitudine potestatis agendi, sollicitandi, & procurandi per te, vel per alium, seu alios dictæ Prouinciæ benemeritos Patres, à te deputandum, vel deputandos, ad cuius, vel quorum nominationem, & ad facultatem eligendi, specialem licentiam, & auctoritatem, concedimus, quatenus dictæ possessiones, prata, & alia immobilia, si qua fuerint extra Conuentus septa intra unum annum, vel ad summum duos à debita præsentium notitia computandum, sic vel alienentur, vel disponantur, ut dictæ Prouinciæ felicius regimen, & Religionis decor postulauerint; Et propterea eadem auctoritate Eminentissimi Protectoris, &

carum-

earumdem serie nostrarum predictos Syndicos Conuentum respectiue, tanquam Generales per sanctiones Pontificias Procuratores, & Aeconomos Apostolicos hortamur in Domino, & quantum in nobis est iniungimus, & mandamus, quatenus dictam alienationem, seu dispositionem, consilio, & auxilio suo promoueant, ut scilicet fiat secundum requisitas Iuris solemnitates, & debitum Seraphica nostre institutionis modum, scilicet dictorum bonorum dominium, possessionem, & proprietatem puritati nostre Regule obseruantie repugnantem in perpetuum abdicando, & ad quos de consilio Fratrum cuiusque Conuentus melius secundum Deum, & fructuosius secundum licitam utilitatem Conuentuum videbitur expedire, transmittendo, & alienando insuper ad seruandas Fratrum conscientias, eadem autoritate Eminentissimi facultatem tibi concedimus; quatenus Fratribus, & Conuentibus dicte Prouintie vice nostra declares; imo nos nomine, & autoritate dicti Eminentissimi Protectoris declaramus, dictos Conuentus, Fratresque Minorum respectiue licite, valide, tuta, & salua conscientia tenere posse annua, & perpetua legata, vel certos aliquos redditus, aut prouentus annuos, & perpetuos prefata puritati nostre Regule consentaneos, per modum elemosynæ, aut iuxta primam, & precipuam Sancti Patris nostri Francisci viuendi rationem eius consilio, & exemplo firmatam, & roboratam, pretij, seu mercedis vice pro spirituali dictorum Fratrum nostrorum labore recipiendos, nempe pro missarum solemnium, priuatorumque sacrificijs, alijsque diuinorum officiorum oneribus, secundum pias benefactorum, seu viuorum, aut defunctorum intentiones institutis, siue pro fabricis, & reparationibus Ecclesiarum nostrarum, siue pro studijs Sacre Theologie, & bonarum disciplinarum, necnon, & alijs Conuentuum utilitatibus, siue pro predictis omnibus causis, aut aliqua illarum diuisim, vel coniunctim iam diu predictos redditus, aut prouentus fundatos, & constitutos, vel fundandos, & constitutos super huiusmodi bonis cuiuscunque sint nature, nunc, & in perpetuum abdicandis, transmittendis, & alienandis iuxta predictos modos licitos, & puritati Regule nostre congruos seruando,

seruando, & retinendo, facta prius ex animo, & optimo corde dictorum reddituum aut prouentuum, simili, uel efficaciori protestatione, & renuntiatione à Doctore nostro Seraphico P. Bonauentura prescripta, atque obseruata, & quod dicti redditus, aut prouentus in unoquoque conuentu non sint in tanta copia, & excessiua quantitate, ut mendicitatem excludant, alijsque seruatis seruandis clausulis, & circumstantijs; necnon gratijs, & Iuribus contentis, & expressis in allegatione pro sustinenda validitate foundationis, & perpetuorum legatorum, Conuentus Victoriae, Sancti Patris nostri Francisci Recollectorum in Hispania, alias per nos presentata Eminentissimis Dominis Cardinalibus Sacrae Congregationis Concilij Tridentini, & ab eis approbata, & confirmata per eos decreta edita sub datis hic Romae vigesima Iunij, & tertia decima Iulij, Anno Domini 1635. ut autem facilius, opportunius, & exactius iniunctum tibi munus absolueres possis eiusdem Eminentissimi Protectoris autoritate precipimus omnibus, & singulis dictae Prouinciae Fratribus Superioribus; & subditis in uirtute Sanctae obedientiae, & sub poena priuationis propriorum officiorum, necnon excommunicationis latae sententiae, & etiam praedictis Conuentuum Syndicis Apostolicis, ut te, vel alium seu alios intra praedictum, & praefixum tempus, uelut legitimum, seu legitimos dictae Prouinciae Commissarium, aut Commissarios ad praedicta (ut fertur) specialiter, & expresse deputatum, uel deputandum, aut deputandos cum omnibus gratijs, ac Iuribus alijs Commissarijs concedi solitis recipere, recognoscere, & reuereri uelint, & debeant tibi, aut illi, uel illis, quae nec cultui diuino, aut animae suae, nec euidenti, & spiritali Conuentuum utilitati contraria sunt, promptè, & hilariter obtemperaturi. Monentes domum praefata autoritate, & in Domino exhortantes, ut in huiusmodi muneris executione, nihil aliud penitus, nisi praedictorum cultus diuini augmentum, domorum Domini decorem, studiorum necessitatem, & demum cuiusunque Conuentus utilitatem spirituales nostro Minorum statui, & Regularibus institutis, dictaque Prouinciae priuilegijs nuper confirmatis (ut praefertur) congruentem praecipulis habeas.


Vale Deumq; pro nobis exora. Datum Romæ in Conuentu Ara-
celitano die decimo Iulij Anno 1637. In quorum fidem manua-
limostro Syngrapho, & maiori officij nostri sigillo præsentēs mu-
nuimus. Cum autem sicut eadem expositio subiungebat præ-
fati exponentes præmissa illorum firmiori subsistentia, & va-
lidity Apostolica nostra confirmationis robore communiri
summo opere desiderent. Nos dictum Eliam, aliosque præfatos spe-
cialibus fauoribus, & gratijs prosequi volentes, & eorum sin-
gulares personas à quibusuis excommunicationis, suspensionis,
& interdicti, alijsque Ecclesiasticis sententijs, censuris, & pœ-
nis à iure, vel ab homine, quauis occasione, vel causa latis, si
quibus quomodolibet immodati existunt, ad effectum præsen-
tium duntaxat consequendum harum serie absoluentes, & ab-
solutos fore censentes, supplicationibus illorum nomine nobis
super hoc humiliter porrectis inclinati, deputationem de perso-
na dicti Eliæ in specialem Commissarium Generalem (ut præ-
fertur) factam, ac desuper confectas præinsertas litteras cum
omnibus, & singulis in ea contentis, expressisque Apostolica,
authoritate tenore præsentium confirmamus, & approbamus,
illisque inuiolabilis Apostolica firmitatis robur adijcimus, ac
omnes, & singulos, tam Iuris, quam facti, quantumuis substan-
tiales defectus, si qui desuper quomodolibet interuenerint sup-
plemus. Mandantes propterea omnibus, & singulis ad quos
expectat, & pro tempore quomodolibet spectabit, ut dictum
Eliam, aliosque præfatos præinsertarum, præsentiumque lit-
terarum nostrarum commodo, & effectui pacifice frui, & gau-
dere sinant, & faciant, nec illos desuper à quoque quomodoli-
bet molestari, perturbari, vel inquietari permittant, ac decer-
nentes, easdem præinsertas, patentesque litteras validas, fir-
mas, & efficaces existere, & fore, suisque plenarios, & inte-
gros effectus sortiri, & obtinere ab omnibus, & singulis ad quos
spectat, & pro tempore quomodolibet infuturum spectabit in-
uiolabiliter obseruari, dictisque exponentibus plenissime in om-
nibus, & per omnia suffragari debere, ac irritum, & inane si
secus super his à quoquam quauis auctoritate scienter, vel
ignoranter contigerit attentari, non obstantibus constitutioni-
bus

bus, & ordinationibus Apostolicis, ac prædictorum Ordinis, & Prouincia, etiam iuramento, confirmatione Apostolica, vel alia quauis firmitate roboratis, statutis, & consuetudinibus, priuilegijs quoque, indultis, & litteris Apostolicis in contrarium præmissorum quomodolibet confirmatis, & innouatis. Quibus omnibus, & singulis illorum omnium tenore præsentibus pro plenè, & sufficienter expressis habentes, illis alias in suo robore permansuris hac vice duntaxat specialiter, & expressè derogamus, ceterisque contrarijs quibuscunque. Datum Romæ apud S. Mariam Maiorem sub Annulo Piscatoris die vigesima septima Iulij 1637. Pontificatus nostri Anno decimo-quarto.

M. A. Maraldus.

L A V S D E O .





I N D E X

R E R V M N O T A B I L I V M,

quæ in hoc Opere continentur.

A

Abstinentia D. Francisci admirabilis extitit. **99.** ubi de ipsius quadagesimis agitur. Apostolos miraculorum gratia clarificauit. pag. **141.**
 Amor oculatus est, & mystica vinea custodem fecit sponsam. **I**
 Amicitia pauperum firmiores sūt. pag. **221.**
 Amoris perseuerantiam plagarum retētio **demonstrat. 189. & 190.**
 Abnegatio S. Francisci in contumelijs tolerandis eluxit. **93. 94. & 95.** Vnde inter contumelias sicut Angelus Dei **inconcussus** permansit. **96.**
 Aues ad Frācisçi imperium siluerunt, & mansueta reddite sunt. pag. **154.**
 Animalia etiam ut rana, formica, lupi sicures reddebantur. **155.**
 Aluerna mons tempestatibus liberatus. **154.**

C

Catena Petri Apostoli virtutem spirabant. **31.**

Charitas pauperum ardentior est. pag. **222.**

Conuentus Minorū in Bethlehem.

25. Conuentus Nazareth ubi verbum carosactum. **25**

Conuentus in loco, ubi domus Zacharia fuerat. **26.** Item Baruthi, & in valle Iosaphat ubi B. Virgo sepulta. **26.**

Christus plagarum foramina in suo corpore mirabiliter retinuit.

181. 182. & 183. Quas ob causas. **183.** usque ad **192.**

Christus plagas suas **Francisco** comunicauit cui suam imitationē integram ante concesserat. **183.**

Christus vulnera retinuit, ut inde sue pietatis viscera panderetur. pag. **186.**

Vt in calis eternum passionis memoriale maneret. **187.**

Conseruauit in corpore plagas, ut in die iudicij, hostes cōfundat. **191. & 192.**

Christus in S. Francisci manibus se descripsit. **190. & 191.**

Christus, quia in lateris fossione dolorem non senserat, vult post resurrectionē **Thomam** in aper-

tum

INDEX

tum latus manum immittere,
ac si nona apertione delectare-
tur. 188

D Ominium rerum Fratribus
Minoribus relictarum pe-
nes Sedem Apostolicam residet.
pag. 239.

Didacus à S. Severino Guardianus
Montis Sion laudatus. 261.

Discretio humilitate conquiritur.
pag. 258

Discretio virtutū moderatio. 255.

Discretio in virtutibus maxime in
Prelato necessaria. 254. &
255.

Doctrina Francisci admirabilis:
non tantum hominibus, sed fe-
ris predicauit. 106. 107. &
108.

Ad doctrinam sacrarum litterarū
intelligentia instructus fuit. 109
& 110.

Pro doctrina spargenda indefessa
operatione laborauit, per totam
Italiam, *Palestinam*, Castel-
lam, Lusitaniam, aliasque Or-
bis regiones discurrendo. à pag.
100. ad 106.

Eleemosyna quā Deo accepta. 289

Eleemosyna terra sancta, quam fi-
deliter contrectande. 290. etiā
infidelibus à Guardiano Hieru-
salem erogatur. ibid. Nedum
omnibus Christiani Orbis pere-
grinis ad terram sanctam con-
fluentibus. 291.

Large eleemosyna eroganda Fra-
tribus Minoribus in terra san-
cta degentibus. 291. & 292
Propter eleemosynā Melchisedech
& Abraham maxima bona
adepti sunt. 293.

Eleemosyna plus confert, quā
ieiunium. 292. & 293.

Ad colligendas eleemosynas in sub-
sidium Ecclesie destinati sunt
Minores ab Innocentio IV. Gre-
gorio IX. Clemente VII. & Ju-
lio II. 223. & 224.

Exempla magis mouent, quā
verba. 250. & 251.

Exempla verbis respondeant. 251.
Ecclesia reparanda S. Franciscus,
& S. Dominicus suscitantur si-
cut ad conuersionem gentium
Petrus & Paulus destinati sunt.
pag. 73.

Enoc & Elias Francisci aduentum
praestolabantur. 86.

E

S Acta Eucharistia ad victo-
riam nos armat. 149

F

S Franciscus Christi transfigu-
rationem fuit emulatus. 133
134. & 135

S. Fran-

RERVM NOTABILIVM.

S. Franciscus quid in terra sancta operatus fuerit. 2. Et quomodo eandem heredibus destinavit.

Franciscus, quia Seraphicus, quia vigil Orientalis vinea custos divina ordinatione. 1. & 2.

Franciscus quid in terra sancta operatus fuerit & quomodo eandem suis heredibus destinavit. pag. 2.

Franciscus nascitur quando à terra sancta Christi fides expulsi. pag. 24.

Francisci ad Sultannum Aegypti intrepidus accessus & sermo. 37 & 39.

In ignem si conuerſi voluiſſent ſe ingreſſurum & illeſum abiturũ promittit. ibid. Sultani feritas ad eius aſpectũ miteſcit & Chriſtianis beniuolentia ſigna demonſtrat. ibid. & 40. ac tandem fidem Chriſtianam ſuſcepit. ibid.

De Aegyptiaca muliercula eũdem ad carnis illecebram prouocantem ſparſis in pauimento viuis carbonibus & deſuper nudus & illaſus cubans victoriã & quoad illius conuerſionem reportaruit. 41.

In Oriente prædicans, in ſuiſque filiis Mabumeticam ſuperbiam & libidinem ſuperaturus annos tranſegit. ibid.

S. Franciſci filiorum prædicatione

conuertẽdos Mabumeticanaſ Ioachim Propheta. 44.

Franciſcus ſigmatibus inſignitus in die iudicii ad confundendos impios apparebit. 192.

Franciſci per terram ſanctã peregrinatio & ſancti Sepulchri duplicata viſitatio. ibid.

Quomodo elegit Fratres, qui eum ad terram ſanctã comitarentur. 44. & 45.

A Monachis S. Benedicti prope Antiochiã Deo reuelante recipitur & Monasterium in ſuũ ordinem adſcripſit 45. 46.

S. Franciſcus & S. Benedictus in carnis victoria æquales. ibid.

Quinque annos eo tempore natus quo Hieroſolymam Salbathnus occupauit, & quale in hac quinquennio quinque plagarum myſterium. 46. & 47.

Franciſcus, eiſque filij illudentes carni per ignem. 48. 99.

Franciſcus in Oriente Mabumeticanam perfidiam infeſtat, & illius filij in Occidente Marrochium deſtinantur martyrium ex prædicatione ſubituri. 49. Quibus verbis hos martyres abeuntẽs benedixit. ibid.

S. Franciſci natiuitatem, Ordiniſque institutionem ſacri Vates cecinerũt. 51. vt Ioannes Euangelista ſub alterius Angeli ab ortu Solis aſcendentis figura. 52

I N D E X

53. 54. & Aggeus in persona
Zorobabel ubi arctissime Tri-
nitatis mysterium hic sanctus
affectauerit, & quam mira in
huiusmodi mysterij nomine ope-
ratus fuerit fusissime ostenditur
à pag. 54. ad 64.

S. Franciscus qua ratione fuerit
Zorobabel. 65. Assumptus in
locum supremi luciferi. ibid. &
66. Totus humilitate formatus,
& seipsum in humilitate præ-
cessit ut Ioannes Baptista. 66.
& 67.

Clangor, signaculum, & triumphus
victoris Christi in Francisco.
67. & 67.

Francisco & vulnera, & vulnerū
dolorem Christus donauit quod
sue matri non concessit. 70.

Franciscus à Zacharia sub duarum
virgarū & funiculi assumptio-
ne præsignatus. 72.

S. Franciscus funiculo amoris mū-
dum cinxit. 72. 73.

S. Franciscus conseruatoris nostri
per omnia typum gessit. 77.

Natus in stabulo ut Christus. 78.
& 79.

Dum baptismo abluitur qui eum
è sacro fonte Angelus suscepit
in Altaris gradu marmoreo ve-
stigia impressa reliquit. 79.

Recens è fonte leuati humero crucis
signum peregrinus impressit 80.
& qua nutrici satus fuerit. ibid.

Francisco nascente latantur calites
marent inferi unde demones in
valle Spoletana Concilium con-
uocarunt. 81. 82. 83.

S. Franciscus ab aliquibus credi-
tur in matris utero sanctifica-
tus. 83.

S. Franciscus similis Christo in
paupertate, eius paupertatis con-
sideratio. 89. 90. 91.

S. Franciscus spiritus oris Christi
cum Antechristo pugnabit. 201
Et coniunctissimus Christi fra-
ter. 202. 203.

S. Franciscus nudis pedibus terrā
promissionis calcans illam suo
contactu sanctificat. 9.

S. Franciscus propter stigmata qui-
libet debet esse deuotus. 218. &
219.

Francisco iure fraternitatis Chri-
sti terra sancta commissa est. 203

Christi Benjamin super omnes de-
lectissimus. 204.

Franciscus Christum cenantem
expressit 193. 194. & 195.

Franciscus moriens Christum ma-
rientem imitatur. 196. & 197

Mortuus nudus manens à qui-
buscunq. cum stigmatibus cer-
nitur. 198

Francisci epitaphium, ac Marci
Maruli elogium. 200

S. Franciscus Princeps inclitus re-
gale signū deserebat. 156. Vbi,
& c. magno applausu excipieba-
tur.

RERVM NOTABILIVM.

tur. **156. 157. & 158.** Nec
proinde gloriabatur, quia to-
tum ad Deum referebat. **158**
& 159
S. Francisco mare obediuit. **130**
& 131.
Aquam in vinum pluries cōuertit.
tit. **136.** panes multiplicauit à
pag. **136.** ad **140.**
Christi trāsfigurationem aliquali-
ter amulatus. **133. 134. 135**
Franciscus virtute ex Christi si-
militudine defluente cacos illu-
minauit, & leprosos mundauit.
142. & 143
Triginta mortuos vitæ reddidit.
143. in quibus mira est cuius-
dam Episcopi fuscitatio. **144.**
Et femina à damnatione libe-
rata **146. & 147**
Prophetiæ donum habuit corda
penetrabat. **148. 149. 150. &**
151

G

Guardianus mōtis Sion Palē-
stinam Syriam, & Soriā
gubernat in omnes Christi fide-
les iurisdictionem exercēs. **243**
& 244
Peregrinos undique aduenientes,
etiam hereticos charitatiue
recipit, receptionis modus expo-
nitur. **245. 46. & 47**
Sit forma gregis, & exemplis di-
cta cōfirmet. à pag. **248.** ad **251**

Discretionem teneat. **254** Guar-
diani vnius imprudentia mon-
tem Sion nobis eripuit. **255. 256**
& 257
Giardianus omnibus se accomodet
ut omnes lucrifaciat. **258. &**
259.
Patiens sit etiam ad martyrium.
160. 261. 262. 263
Guardiani montis Sion priuilegia
à pag. **265.** vsque ad **272.**
Guardanus montis Sion quas ceri-
monias faciat in Dominica Pal-
marum. **273.** ad **277**
Quas faciat feria **4. & 5.** Maioris
Hebdomadæ à pag. **777.** ad **280**
Quid faciat Guardianus Hierusa-
lem in Parasceue, Sabbato San-
cto, & Dominica Resurrectio-
nis à pag. **283.** ad **286.**
Græci fallacijs, & ingenti pecunia
apud Turcam agunt pro occu-
patione sanctorum locorum.
pag. **232**

Græcorum fallacias Minorita de-
tegunt, & coacta à Regibus, &
Principibus Catholicis eleemo-
syna loca sancta recuperant.
233. ad **238.**

Exemplar sententiæ contra Græ-
cos à Sultano pronūciata refer-
tur. **232. 236. & 237**

H

Hierusalem orbis copiosa de-
scriptio, nominis Etymon,
captiuitates, restaurationes,
quando

INDEX

quando Christo nomen dederit .
Quomodo à Saracenis possessa ,
 liberata , in seruitute redacta
 à pag. 10. ad 15.

Hieremias in quo loco Terra san-
 cta plorauerit . 3

Humilitas S. Francisci extrema
 fuit propter quam supremam
 Luciferi sedem in celo obtinuit
 & stupenda operatus fuit **III**
 & **112**

Heraclius Imperator vili tectus
 amictu , nudisque pedibus Cru-
 cem gestans Hierusalem ingre-
 ditur **228**

Hierosolyma vinea est , quam hu-
 ius temporis vulpes feræq. Sa-
 raceni deuastant . **I**

Henrici VIII. Angliæ Regis de
 Fratribus Minoribus in Terra
 sancta existentibus elogium. **35**
 Eorundem Cardinalis de Vi-
 triaco sententia. **36**

Helena Constantini Imperatoris
 mater in monte Sion templum
 extruxit . **17**

I

Iudæis ut pueris paruum terræ
 promissionis partem Deus im-
 pertiuit . **6**

Iudæi à promissa sibi terra ob Chri-
 sti occisionem eiectioni . **6**

Iuuenes duo simillimi . **216**

Iude proditoris socius esset , qui

sancta loca ad priuatum domi-
 nium traheret . **231**

Ioannes à Capistrano Commissa-
 rius ad colligendas eleemosynas
 tempore cruciata instituitur .
 pag. **223**

Infidelium corda suauiter traben-
 da sunt , Gregorij monitum . **259**
Iacoba de septem solijs , & B. Clara
 Franciscum mortuum contre-
 ctarunt . **199**

Ioachim Abbas de S. Francisco ,
 & S. Dominico prædixit futu-
 ros , & imagines eorum ad vi-
 uum expressas muscus opere
 Venetijs reliquit . à **73.** ad **76**

Ignem concupiscentiæ alio igne
 Franciscus extinxit . **153**

L

Legata Minores acceptare
 possunt . 307. Non tamen
 de re immobilibz , nisi venderetur .
 pag. **308.**

Et ad quid teneatur in hoc casu he-
 res . **308.** & **309.**

Legatum sub modo indifferentire-
 licitum ad modum licitum tra-
 hendum est . 309. & **311**

Ad exigenda legata actione ciuili
 Fratres agere non possunt . **311**

Legatum temporarium decennium
 non excedit . ibid.

Nisi centum attingat , nec perpe-
 tuum , nec longi temporis lega-
 tum

RERVM NOTABILIVM.

tum non dicitur. 312.

Legatum quod mendicitatem non tollit acceptari licitè poterit. pag. 312.

Legata gratuita perpetua quæ Fratribus per modum elemosynæ conferuntur acceptari possunt. pag. 312. ad 315

Protestari debent Fratres ante legatorum receptionem se elemosynæ titulo illa recipere. 316

Hæredes tamen illa soluere tenentur. 317. Nec annui redditus dicenda sunt. 319. Nec paupertati Minorum repugnant. 318

Episcopi, & Iudices alij ex officio compellere possunt hæredes ad soluenda legata perpetua Fratribus relicta. 320. 321

Quod humiliter implorare possunt Fratres, vel Syndici Apostolici. pag. 322.

Legata relicta perpetua cum onere Missarum retineri possunt à Minoribus. 323. 324.

Sunt enim hæc laborum, & laborum mercedes 325

Legata perpetua, & perpetua elemosynæ idem sunt pro Minoribus. 326. 327. 328.

De legatis differitur latè usque ad finem libri. ibid.

Loca sancta sub dominio Sedis Apostolicæ à Minoribus custodita ad omnes fideles spectant 230.

Si Loca sancta à Minoribus ad alios

transfrent. graue scandalum gentilibus daretur 239. 240.

Latitia Fratris Minoritæ in quo constituenda sit. 88

M

Artynes à Beato Francisco Marrochium missi, ibi, & qualiter prædicauerint, quibus tormentis vitam finierint, quæ miracula post mortem fecerint, ubi requiescant. 50. & 51

Minorum in Terra sancta gentium laus. 264

Minorum hereditas est paupertas. pag. 222

Minores quo tempore in monte Sion habitare ceperunt. 19.

Quibus instructi armis in parta possessione conseruantur 20

Quomodo Christi Domini Sepulchri custodes effecti 21. Sicilie Regum munificentia & Clementis VI. auctoritate in Sanctorum locorum possessione firmanantur. ibid. Apostolici diplomatis exemplar. 22. 23

Minores post 230. circiter annos Turcarum auaritia à S. Saluatoris templo expulsi sunt. 25

Minores merenti Hierosolymitanæ Ecclesie ex sanctorum locorum possessione succurrunt. 27

Minores quanta patiuntur à Barbaris pro sanctorum locorum manu-

INDEX

manutentione . 34. quam alacriter ad Loca sancta conuolēt, & agrē reuertantur . *ibid.*
 Minoribus omni iure Terra sancta debetur . 104. sex fines propter quos Minoribus Terra sancta ad custodiam tradita est . 206
 à Saracenis plus alijs Religiosis Minores amantur . 207
 Minores loca sancta ab impijs polluta purgarunt . 209. per trecentos, & amplius annos eadem possederunt . 210
 Minores ob paupertatem Turcis notam minora prouident stipendia . 212. triginta aureorum millia tamen pendunt . *ibid.*
 Minores in tractandis eleemosynis fideiiores, quia pauperiores sunt . 221.
 Minores, quia pauperes in colligendis eleemosynis aptiores . 216
 Maioratum amplissimum in paupertate fundatum à S. Francisco, recipiunt . *ibid.*
 Minorita paupertatis, & mortificationis Christi emulatores iure optimo Terram Promissionis obtinent . 10
 Minores ob altissimam paupertatem Terræ promissionis heredes . 7.
 Miserius est amisisse, quam non recepisse . 6
 Minores in suauissimo sponsi oleo pedes religiose intingunt . 7.

Mons Sion quis . 15. In illo cernaculum fuit, in quo maiora Christiana Religionis mysteria celebrata fuisse . 16. 17.
 Insigni templo à S. Helena *robilitatus*, Sanctissima Virginis habitatione sanctificatus . 17.
 In monte Sion sepulchrū Davidis . 17. Ibi domus Caiphæ . 18
 Moyses nudare pedes iubetur, ut terram sanctificaret . 9
 Propè montem Sion est sepulchrum S. Stephani Gamalælis, & Nicodemi . 18.
 Martyrium tolerandum, non querendum . 263.
 Mahumetus bestia ascendens de terra . 214.
 Mahumetani in armorum potentia, & carnis libidine gloriantur . 41. 42
 Mahumetus aliquando victus, cū victoriam sibi falso promiserat . 42. latrocinium exercuit, ob quod Meca proscriptus perhibetur, *ibid.*
 Demonis filius creditur sicut Merlinus, & Lutherus. Carnis luxuria deditissimus . 43. eius sectatores, & qui Religiosissimi putantur supra modum turpes, & nefandi 43.

N

INter necessitates valetudinis, & indumentorum, alia etiam similes continentur . 302
 Neceffi-

RERVM NOTABILIVM.

*Necessitas conseruandi loca sancta
& communis est, & propria
Fratrum. 303. 304.*

*Numerus duodenarius frequens, &
mysticus in sacra pagina. 122
123.*

*Numerus sociorum S. Francisci eo-
rum merita, & qualitates ad
Christi exemplū referūtur. 123
124 125.*

*Nox sicut dies illuminatur obten-
ta Francisci oratione claritate.
154.*

P

*Palestina abitus, & partitio. 3
Peccata diuinas promissiones
impediunt. 4. 5.*

*Predicatores non debent predicā-
di officium assumere, nisi mit-
tantur. 2.*

*Plaga Christi in carne retenta, fi-
dem, & resurrectionem ad-
struunt. 182. 183.*

*Porphyrius hereticus Christi plagas
criminetur. 181*

*Plaga Christi sunt victoria insi-
gnia, ac trophæa. 184.*

*Plaga Christi in corpore retenta
resurrectionis sue testimonium
afferunt. 189*

*Patientia S. Francisci admirabi-
lis extitit in cuius obsequium
stultus reputari gaudebat. 100*

*Paulus Apostolus officiū Commissa-
rij Terræ sanctæ exercuit. 287.
& 288.*

*Perfectio essentialis in charitate
consistit accidentalis verò in
Observantia statutorum 295.*

*Perfectionis statum Episcopi, viā
Religiosi assumunt. 195 296*

*Perfectio essentialis reperitur in
martyrio quod multi Minorita
perpeffi sunt. 296.*

*Possessionem sanctorum locorū ha-
bere multi Religiosi inaniter ta-
men contenderunt. 24.*

*Pecunie cōtrectatio moralis inter-
dicta Minoribus, non autē ma-
terialis seu naturalis. 305.*

*Pecuniam, quæ ad loca Terræ san-
ctæ desertur comitari possunt
Minores, & probatur S. Pauli
exemplo. 306*

*Priuilegia à Christo concessa Mi-
noribus & deuotis Ordinis Mi-
norum. 219*

Preglatus sit forma gregis. 249. 250

*Prelatus se prius immutet, alios
postmodū mutaturus. 251. 252*

*Patientia Mulieris captivæ Geor-
gianos ad fidem attraxit. 252
& 253*

*Priuilegia concessa peregrinātibus
ad Mecam. 213 superstitiones.
214.*

*Anthiteses contra Christianorum
teporem 214. 215.*

*Plagarum aspectu, & contrecta-
tione Francisci miles incredu-
lus velut alter Thomas fidelis
efficitur. 199*

b

R esur-

R

- R**ecursum ad pecuniam Minores habere possunt pro charitatis cōseruatione, vel augmento. **97.**
 Item pro sanctorum locorum mantenentia. **298**
 Quas conditiones habere debet, qui ad pecuniam recarrit ibid. & **299.**
 Ad pecuniam recurverunt Apostoli, ut fidelibus Terrę sanctę subuenirent. **300.**
 Regula S. Francisci de substantia Euangelij *expressa* & à Christo dictata. **126. 127.**
 Cardinalis Sabinensis apud Innocentium III. pro confirmanda perorauit. **127**
 Raptus mirabiles, & extases Sancti Francisci in oratione recensentur à pag. **114** ad **120**

S

- S**ancti maiora miracula, quã Christus diuina ope effecerunt. pag. **129.**
 Stigmatizatio S. Francisci admirabilis extitit. **160.** Singularis. **161.** Modus quo *peracta* fuit recensetur. **162. 163. 164.**
 Nisi Stigmatizatio Christi manibus *facta* fuisset benignitas Dei veluti vacuisset. **165.**

- Stigmatizatio à Christi artificio magnam dignitatē obtinuit. **166**
 Sacrorum Stigmatum impressio, cara. B. Francisci Deificata. **171. & 172.**
 Sacra Stigmata biennio viuens detulit Franciscus, & perpetuo retinebit ad Dominica, nostręque resurrectionis argumentum. **173.**
 Stigmatibus velut Apostolica bulla sigillatus. **147.** Isdem superna Hierusalem illustrabit. ibidem & **175.**
 Sacra Stigmata naturaliter imprimi, & sine corruptione biennio durare non potuerunt. **176. 177**
 Quinque corporis vperitur, ut ardens amoris exhalaret incendium. **177. & quinque talenta.** ibid.
 Stigmatum testes oculati, tam in morte, quàm in vita. **277. & 178. 179. 180.**
 Sibylla Erythraea quę de S. Francisco, & Dominico sub tempore Romuli mira prędixit. **73.**
 Duodecim miracula Stigmatũ. **69** & **70.**
 Stigmatum dolorem, & Stigmata Francisco donauit Christus, quod Matri suę non concessit. **70. & 71.**
 Sultani Sach ad Regem Francię superba responsio. **211**
 Sultanus *Turcarum* duos aureorũ millio

RERVM NOTABILIVM.

milliones quotannis elargitur, ut
Meca deuotionem sustentet.

pag. 213.

T

Terra promissionis quam sa-
lubris, quam diues, quam
omnibus bonis referta, etiã post

Iudeorum expulsionem. 7. 8. 9

Terra promissionis spiritualiter est
intelligenda. 6.

Terra promissionis latitudo, &
longitudo 3. & 4.

Teram promissam cur totam stly
Israel non possederint. 4.

Terra sancta nudis pedibus cal-
canda. 227.

In diuisione Terræ promissionis

que pars cuilibet Tribui Israe-
litica contigerit. 3.

Terra sancte captiuitas ab Vrba-
no II. Pontifice deplorata. 28.

Terra sancta Sacraia, quando
à Turcis polluta fuerint. 209.

Turca Christum non verè passum
fabulantur. 208.

Turca leui de causa templa nostra
in meschitas conuertunt. 210

Tabernaculum Sion, ubi David
pœnitens Psalmos cecinit. 18.

Nunc ab Indis Christianis reli-
giosè asseruatur. ibid.

In Terra sancta nulli alij Religiosi
Ecclesie subditi, præter Mino-
res inhabitant 26.

Turcarum artes, ut nobis pecunias,
vel sancta Loca eripiant. 261.

F I N I S.



